



RB135, 840




*Presented to the*  
LIBRARY *of the*  
UNIVERSITY OF TORONTO  
*by*

Dr. Antonio Gomes

Da Rocha Madahil








ANT. VASCONCELLII

ANACEPHALAEOSSES,

ET

REGNI LVSITANI

DESCRIPTIO.



Digitized by the Internet Archive  
in 2012 with funding from  
University of Toronto

# ANACEPHALAEOSIS

ID EST

SVMMA CAPITA ACTORVM

REGVM LVSITANIAE

*AVCTORE*

P. ANTONIO VASCONCELLIO

SOC. IESV SACERD. THEOL. OLISIP.

QVIBVS ACCESSERVNT EPIGRAMMATA  
in singulos Reges ab insigni Poeta EMMA-  
NVELE PIMENTA ejusdem Societatis; & il-  
lorum Effigies ad vivum expressae: itemque  
Regni Lusitani descriptio.

---

*TOMVS PRIMVS.*

---



CONIMBRICAE,  
TYPIS ACADEMICIS.

---

A. D. CIO. IOCC. LXXXXIII.

*Cum facultate Regiae Curiae Commissionis Genera-  
lis pro Examine & Censura Librorum.*

---

Taxatum hujus Voluminis pretium est 900. r.



ANALYTICAL REPORT

OF THE

ANALYTICAL REPORT

OF THE

ANALYTICAL REPORT

OF THE

ANALYTICAL REPORT

OF THE

ANALYTICAL REPORT

OF THE

ANALYTICAL REPORT

OF THE

ANALYTICAL REPORT

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

# PHILIPPO IV.

HISPANIARVM

ET

INDIARVM

REGI.

*R*EGVM Lusitaniæ effigies mea cura  
æri insculptas Augusto Tuo Nomini, Ma-  
gne Rex, visum est inscribere, & , quæ pri-  
sca est votorum formula, lubens merito De-  
dico, Consecroque. Lubens quidem, ut hac  
occasione cultus mei studium aliquod Majestati  
Vestræ offerrem, donec Flandriæ historiam au-  
spi-

*spiciis Sanctissimi Parentis Vestri Philippi III. inchoatam ad umbilicum perduxero. Merito vero, quia Maiores Vestros, quos rerum gestarum gloria cælo consecravit, nemo Majestate Vestra lubentius excipiet; rapitur enim ad similitudinem suorum excellens quæque natura, & cælestium animorum simulachrum refert decerpta ab iis aura. Iuvabit illorum ora, vultusque contemplari, quorum divinas virtutes assiduo æmularis, & felicissimo orbi reddis. Eo vero gratius Majestati Vestræ hoc opus fore confido, quod brevibus elegantissimisque elogiis exornatum sit a P. Antonio de Vasconcellos e Societate IESV, ob insignem doctrinam, religionem, & generis claritatem in Lusitania notissimo; nuper etiam in celebri Eborensi Academia ab Henrico Rege excitata, non sine magna laude, Rectorem gessit, qui etiam alia opera molitur propediem in lucem proditura, quæ ingenii felicitatem, & in Deum pietatem facile indicabunt. Suscipe itaque, Magne Rex, qualecumque hoc observan-*

*vantiæ in Te meæ testimonium sereno vultu, non  
quidem pretio operis, sed Maiorum Tuorum  
causa, quos sub nominis tui splendore prodeun-  
tes omnis posteritas grato animo complectetur.  
Antuerpiæ Kalendis Septembris. MDCXXI*

*Emmanuel Sueyro.*





---

A V C T O R  
A D L E C T O R E M.

**N**EC pauci, nec ignobiles in Lusitania scriptores varia nostrorum Regum elogia typis excudenda curaverunt, adjecta cujusque effigie tam perfecte expressa, quantum propria, & meliorum sculptorum industria assequi potuerunt. Sed cum vulgari idioma-  
te vti sint, quod Lusitanicæ ditionis limites vix excedit, neque nostrates scriptores manu adeo elimata, & cœlo essent expolito, ut adamussim confectarentur omnia lineamenta, quæ in cujusque historia describuntur, & antiquiores picturæ referunt; animum indui elucubrandi Latinas gestorum Lusitanicæ Regum Anacephalæoses, in quibus, si brevitatis metas aliquando transiliero, veniam ab illis impetrabo, qui earum rerum cognitionem aliis ex fontibus non hauserunt.

ferunt. Quod opus externis æque , ac domesticis gratiosum fore judicavi ; his enim perjucundum erit , majorum suorum facinora Regni claustra perrumpere , & in externos communicari ; illis non ingratum , illustrium factorum participes fieri , quorum antea ignoratione laborabant ; & titillante forsan voluptate impellentur ad ea lentius in propriis cujusque Regnis annalibus indaganda : vnde quæ hic subjiciemus , accurato studio , & censorio examine sunt excerpta.

VR effigies suis essent lineamentis absolutæ , lectissimus conquisitus est in Belgio incisor , cui pro Dædalo & Polycleto adfuit Emmanuel Sueyro Antuerpiæ incola , Lusitanis editus parentibus , equestris in Lusitanæ aulæ familia dignitatis assignato in menses singulos nobili congiario , & illustrissimæ inter nostros Christi militiæ insignibus exornatus , vir & multarum linguarum , & optimarum scientiarum laude clarus , & ubique

que summo loco habitus , tam propter eximias animi & corporis dotes , quam ob luculentos libros , quos edidit , & alios , quos in lucem foetura proxima emittet. Qui cum in promptu haberet optimas Regum effigies ex tota Lusitania diligenter comparatas , & singularum notas ex historiis attente collectas , curavit ne quid in archetypis industriæ & elegantiae desideraretur. Regibus omnibus coronas apposuimus , quamvis iis aliqui in antiquis exemplaribus carerent , nequis nodum in scirpo inesse putet , ex discrimine aliquid a veritate absonum conjectans.

NVLLI antiqua armorum insignia, quorum suo cujusque tempore usus erat , apponimus , quia nodosæ illæ clavæ , rubiginæ secures , informesque thoraces plus habent vastitatis , quam majestatis , nec ad vivida cujusque lineamenta spectantibus offerenda quidquam conferunt. Ideo singulos recentibus ,

bus , & ideo gratioribus insignibus exornamus.

SERENISSIMORVM Lusitanix Regum facta toto orbe publicandi negotium est a quovis nostræ Societatis IESV religioso minime alienum , cum præter communes naturæ leges , peculiaribus Constitutionum nostrarum edictis ad gratiam bene de nostro nomine merentibus referendam adigamur. Iam præcipua quadam ratione necessitatem incurrimus gratos nos exhibendi iis Regibus , qui Romæ vix nascentem & in cunis reptantem Societatem suis brachiis excepere , paterno affectu in Lusitaniam advocarunt , eamque late toto regno disseminantes , ingentia Collegia regiis sumptibus extruxere ; deinde in totum Orientem amandarunt , ut fides Orthodoxa iisdem , quibus mare & cœlum limitibus clauderetur , in quem semper scopum optimorum Regum studia collimarunt. His compendiariis Regum actis , tres  
alias

alias Anacephalæoses inferuimus , Reginae Sanctissimæ Elisabethæ , quæ virum habuit Dionysium ; Principis Ferdinandi Ioanne primo nati , in Mauritania insigni innocentiae opinione extincti ; Virginis Ioannæ ab Alphonso quinto editæ , cœli muneribus ditissimæ . Cum enim vitæ sanctitate præ cæteris illustres fuerint , visum est illorum virtutibus , & orbi me fore injurium , si vel illas luce , vel istum tam spectatorum operum exemplis privarem .

UT varietas suam etiam gratiam operi conciliaret , Epigrammata in singulos Reges adjecimus selecta ex multis operibus , quæ metro scripta reliquit insignis ætate nostra Poeta Emmanuel Pimenta , Societatis nostræ Sacerdos , quorum editionem ab iis , quibus commissa est , extorquebit auide has primitias devorantium alacritas . Tanta est enim Pimentæ facundia , verborum concinnitas , & sententiarum gravitas , ut jure possis principem



cipem Poetarum nostræ ætatis nuncupare. Quia tamen Regum & illustrium factorum notitia connexa est cum Regni, & ditioris, in qua florere, agnitione; placuit, vel ad finem, vel propediem, Geographicam Lusitanæ descriptionem transmittere, qua præcipue ostendam, quam celeriter fidem Christianam arripuerit, quam sincere & constanter eandem fuso sæpius sanguine consignaverit, sanctitate munierit, armis propugnauerit, & sacri Evangelii prædicationem in varias orbis partes dijecerit.

CIVITATVM & oppidorum nomina aliquando Latine, aliquando Lusitane scribimus, quia & doctis & indoctis, quibus vulgaria magis placent, scribimus. Regum filios, quos vulgus Infantes dicit, Principes semper nominamus. Aureos hic sæpe invenies pro iis, quos dicimus cruzados, sive ducados, non quod ignoremus antiqui aurei pretium, sed ut cum multis loquamur.

AD LVSITANIAM.

**F** Inibus Oceanum , postremaque littora tangis ,  
 Vltima terrarum , Lysia , prima bonis ,  
 Europæ postrema , animis non vltima , quales  
 Dicuntur magni quondam habuisse duces.  
 Mars tibi bellipstens generoso in milite pugnat ,  
 Et præstat famulas in tua bella manus.  
 Flora solum pingit , Pallas jura dicat , & hortos  
 Pomona , & Bacchus massica , rura Ceres.  
 Vitrea Nais humo rorat manante , ruuntque  
 Flumina muscosis invidiosa jugis :  
 Pascua felici Tagus aurea proluit auro :  
 Hic tibi de Zephyris parturiuntur equi.  
 Regni nomen abest , cum cætera dona supersint.  
 Qui famosa dabit nomina qualis erit ?  
 Cujus Alexander nosset si corda , animosque ,  
 Dixisset : Nostros nolo ergo , malo tuos.

## A D E A M D E M.

**L**ysia , principibus famosa heroibus , ætas  
Nulla tibi similem , non dabit ulla parem.  
Ingenue populi famulantur , amabile Regis  
Imperium est illis , stant procul inde metus.  
Multum Regali de Majestate remittit ,  
Deque supercilio gratia blanda suis.  
Detrahe Principibus regalia nomina , fasces  
Tolle , indulgentis cætera patris habent.  
Deliciæ Regum populi censentur , & illos  
Plebs ut delicias spectat amica suas.  
Liberius tali sub Principe vivitur , omni  
Quam si libertas libera Rege foret.  
Hoc genus imperii solum est super æthera , solum  
Illius in nostris fulget imago plagis.

## AD E A M D E M.

**R** Egnorum Regina ingens, Roma, aurea mun-  
dum

De septem geminis quæ regis alta jugis ,  
Inclita Cæsaribus Germania , Gallia florens ,

Et plusquam muris Sparta superba viris,  
Discite Lyfiadum de Regibus arma ciere ,

Discite Romanam cum pietate fidem.

Discite regnando priscum decus addere regnis ;

Gentibus edomitis discite jura dare.

Quilibet exemplar Regum est , & quilibet orbis ,

Et renovat fastis secla priora suis.

Quilibet instar habet præstantum , & quilibet  
addit ,

Quod summum in summis Regibus esse solet.



# INDEX ANACEPHALÆOSEON.

---

## I.

HENRICVS Comes, Regum Lusitaniæ  
*Parens.* - - - - - pag. 1

## II.

ALPHONSVS I. Lusitaniæ Rex I. - - - - 21

## III.

SANCIVS I. Lusitaniæ Rex II. - - - - 53

## IV.

ALPHONSVS II. Lusitaniæ Rex III. - - - 83

## V.

SANCIVS II. Lusitaniæ Rex IV. - - - - 99

## VI.

ALPHONSVS III. Lusitaniæ Rex V. - - - 115

## VII.

DIONYSIVS I. Lusitaniæ Rex VI. - - - 127

## VIII.

ELISABETHA Lusitaniæ Regina - - - 149

## IX.

ALPHONSVS IV. Lusitaniæ Rex VII. - - - 185

## X.

PETRVS I. Lusitaniæ Rex VIII. - - - 205

## XI.



XI.

FERNANDVS I. *Lusitaniæ Rex IX.* - - - 219

XII.

IOANNES I. *Lusitaniæ Rex X.* - - - 239

XIII.

EDVARDVS I. *Lusitaniæ Rex XI.* - - - 267

XIV.

FERDINANDVS *Princeps Ioannis I. filius* - 285

XV.

ALPHONSVS V. *Lusitaniæ Rex XII.* - - - 327

XVI.

IOANNES II. *Lusitaniæ Rex XIII.* - - - 355

XVII.

IOANNA *Lusitaniæ Princeps* - - - 393

XVIII.

EMMANVEL I. *Lusitaniæ Rex XVI.* - - - 437

XIX.

IOANNES III. *Lusitaniæ Rex XV.* - - - 467

XX.

SEBASTIANVS I. *Lusitaniæ Rex XVI.* - - 511

XXI.

HENRICVS I. *Lusitaniæ Rex XVII.* - - 545

XXII.

PHILIPPVS I. *Lusitaniæ Rex XVIII.* - - 575

XXIII.

PHILIPPVS II. *Lusitaniæ Rex XIX.* - - 597

XXIV.

## XXIV.

PHILIPPVS III. *Lusitaniæ Rex* XX. - - 619

*Duces , Comites , & Marchiones , quos sin-*  
*guli Reges creaverint* - - - - 621


*Quot nunc , & quorum oppidorum Tituli*  
*extent.* - - - - - 635



THE HISTORY OF THE REFORMATION  
IN THE NINETEENTH CENTURY



HENRICVS COMES PORTVGALLIAE  
VIXIT A. LXXVII. OBIT ANNO MCXII.



H E N R I C V S  
C O M E S,  
REGVM LVSITANIAE  
P A R E N S.

---

*ANACEPHALÆOSIS I.*

✠✠✠ LARIORA Lusitanorum Regum  
✠✠ C ✠✠ belli, domique, facinora compen-  
✠✠✠ diario stylo in acta relaturus, ope-  
ræ pretium duxi a Comite Henriquo, cla-  
rissimo hujus sanguinis, ac nominis aucto-  
re, anacephalæoses exordiri. Cæterum cali-  
ginosa est eorum temporum historia, cum  
maioribus nostris, Maurorum bello intentis,  
impensior fuerit cura gladii, quam calami;  
& illustria gerere, quam scribere, malue-  
rint, illaudata quadam inertia vulgandi po-  
steris facta tanti Principis, ex æquo cer-  
tantes cum ea insomnia, & solitudine,  
qua ipse prioribus sæculis invidenda, & po-  
sterioribus admiranda magis, quam imitan-

*Henricus  
Gallus fuit  
ex Aeduis.*

da edere curavit. Certi enim tantum habemus Gallum fuisse, non tamen e Lotharingia, (quæ opinio multos transversos egit) sed ex antiquis Aeduis, qui nomine Burgundiorum sunt hodie notiores: natum Vefontione in vrbe maxima Sequanorum, quæ cum a Marcellino, & aliis dicta sit Pifontium, fucus iis factus, qui Henricum, affinitate vocabuli, Bizantinum, ex nobili Constantini domicilio, credidere. Quibus tamen parentibus sit editus, incertum.

*Varie de  
ejus patria  
opinionēs.*

OMISSIS iis, qui, Andabatarum more cæcutientes, sicubi in clarum aliquem illius ævi Henricum impegissent, nostrum affirmarunt, aliis ex Pannonia Hungarum, aliis ex Germania Rhigium, sive Limburgensem somniantibus: qui ex nostris diligentiori indagine antiquitatum lustra sunt rimati, Henrico avum tribuunt Reginaldum Comitem Burgundiorum; parentes Guidonem, Comitem Varnonensem & Brionensem, ac Ioannam Geroldi Ducis itidem Burgundii filiam. Vtrumque vero ostendunt ad Carolum Magnum, magnosque Galliæ, atque Angliæ Reges suæ originis gloriam, & stemmata referre. Sic opinandi



ansam obtulit Rotericus Antistes Toletanus, qui in Hispaniæ annalibus Henricum scribit patruelem Comitis Raymundi, quo parente gloriatur Alphonfus VII, Hispaniæ Rex, ob gestorum claritatem dictus Imperator; Reginaldo enim duo tantum liberi traduntur, Guilielmus Raymundi, & Guido Henrici, juxta illos Auctores, parens.

QVIA tamen nullus scriptorum Gallicanorum, ad quorum fidem jure in re sua provocandum, cum e vicino Burgundiorum Comitum historias persequantur, & Reginaldi, atque filiorum singulatim meminerint, ullam Guidoni prolem assignat, fuisse explicatis illius in Northmannia gestis, vero non absimile videtur, Henricum Henrici filium fuisse, primo loco geniti a Roberto Duce Burgundiorum, qui patrem habuit Robertum Galliæ Regem, natum Rege Hugone Capeto, quem ad invadendum regnum audentem fecit conjugium cum Adeleida inter Italos nobilissima: & acceptus sanguis a parentibus Hugone Magno, Parisiensi Comite, & Aygunde, (quam alii Havidam, alii Adhaleidam vocant) Henrici I. Imperatoris (qui dictus est Auceps) & Mathildis sancti-

*Henricus  
Roberti  
Ducis  
Burgundii  
nepos, Re-  
gis Galli-  
arum Ro-  
berti pro-  
nepos.*

*Probat<sup>ur</sup>  
ex quo-  
dam Flo-  
riacensi  
exemplari.*

tatis nobilitatæ filia: atque Odonis Andega-  
vensis patruī cognatio, quem Gallica nobili-  
tas, ob immaturam Caroli simplicis ætatem,  
regno suffecit. Recens enim excussus est liber  
inventus in Pithœi nobili bibliotheca, cujus  
scriptor, etsi nomen supresserit, Monachus  
Floriacensis fuit, vir, & omnia congruunt,  
non fluxæ auctoritatis, qui Robertum Re-  
gem duobus liberis generosum facit, Hen-  
rico Regni hærede, & Roberto Duce Bur-  
gundiorum. Deinceps inter Roberti Ducis  
filios Constantiam enumerat, (cujus hæte-  
nus genus in ignoratione versabatur) Al-  
fonso VI, Hispaniæ Regi, collocatam: &  
Henricum, qui vivo patre obiit, hæredes  
relinquens Hugonem, & Odonem, quorum  
prior posteriorem sibi substituit, cœnobio  
mutans hæreditarium Burgundiæ principa-  
tum. Ad extremum subdit, ab Alphonso  
Rege filiam, ex Constantia eductam, nu-  
ptui datam Raimundo Comiti, qui, (ut  
deinceps Auctoris verbis utar) *Comitatum  
trans Ararim habebat; alteram filiam, sed  
non ex conjugali thoro natam Henrico, uni  
filiorum filii ejusdem Ducis Roberti dedit Al-  
phonfus: hosque ambos in finibus Hispaniæ con-*



*tra Agarenorum collocavit Imperium.*

NON sum infcius , aliquos auctores reperiri , qui Henrico & Constantiæ , Roberti Ducis liberis , tertium ætate juniorem , Hugonem nomine , annumerent ; vt videret est in Claudio Paradino , Francisco Rosieres , Elia Reusnero , Francisco Bellaforestensi , Hieronymo Henningues , & aliis Gallicarum , & Burgundiarum rerum scriptoribus. Sed eorum nullus adstruit , Henricum nostrum , aut quemvis alium Hugone generatum. Unde non video , cur hoc , si non suppositio , saltem ad rem præsentem minime neccessario , Roberti Ducis filio implicemur ; cum maior fides debeatur exemplari Floriacensi , cujus auctor eorum temporum vicinus Duci Roberto solos liberos adscribit , Constantiam , & Henricum. Hujus enim filius indubitanter fuit noster Henricus , si , vt omnes annuunt , Constantiam , Alphonfi VI uxorem , amitam habebat. Nec quemquam gradu dimoveat , quod auctor ille solos Hugonem & Odonem in Henrici filiorum albo collocet , & nostrum omiserit. Ille enim ex instituto Gallicam tantum , & Burgundicam Historiam ordinabat , res externas

*Henricus  
patrem  
non habuit  
Hugonem.*

carptim, & in transcurso attingens.

*Henricus  
noster Hen-  
rici filius:  
Roberti  
Ducis Bur-  
gundii ne-  
pos: Ro-  
berti Re-  
gis Gallie  
pronepos.*

ESTO igitur extra controversiam, Hen-  
rico avum fuisse Ducem Robertum ex Ro-  
berto Rege natum; patrem Henricum in  
Ducis aula natu maximum, sed immatu-  
ra morte præreptum, antequam principa-  
tus successor renunciaretur. In quam sen-  
tentiam adeo proclinat animus, quia Henri-  
cus noster, & Auctor ille Floriacensis syn-  
chroni fuerunt. Hunc enim (colligitur ex  
ipsius verbis) vixisse ad annum MCX, in  
quem & Philippi I Galliarum Regis ne-  
cem, ab anno DCCCC Gallicanam ducit hi-  
storiam, Hispanam ita scite attexens, ut  
inter Nostrates scripsisse videatur. Quod jam,  
paulo ante nos, ex eodem Auctore prodi-  
dit, in vita Alphonfi VI, Prudentius San-  
dovalensis Pompeiopolis antistes, quamvis  
nævus aliquos historiæ insperferit. Nam &  
Glabrum illius libri auctorem facit, ideo  
deceptus, quod primus eorum, quos illud  
volumen complectitur, Glaber inscribatur;  
& Henricum Raimundi Comitum consanguineum  
dicit, quod constare nulla ratione po-  
test, si, ut ipse annuit, Roberti sanguis,  
& nepos fuit. In meam vero sententiam ple-  
nis

nis eunt calamis accuratissimi nostræ ætatis tam in Lusitania, quam in exteris nationibus scriptores.

HENRICO quæ causa fuerit in Hispaniam demigrandi, hætenus fuit in ambiguo: sed cum Constantiam amitam Regi Alphonso nuptam haberet, vel primo advenientem in honoris speciem deduxit, vel postea gratulabundus invisit. Quod libentius fecisset, quod ea tempestate Burgundia diversis tumultibus æstualet. Nam Henrico Roberti Ducis fratre regnante, Burgundii, cum annos centum & triginta Galliæ Regibus paruisent, ad Conradum Imperatorem defecerunt; vnde factum, ut quæ vna erat Burgundia, in duas divisa sit, quarum alteram Gallorum Reges, alteram Germani Imperatores obtinuerint. Facile igitur credi potest, Henricum excusso a Burgundiis, vel saltem detrectato maiorum suorum imperio, in Hispania clementiorem fortunam sperasse, eo potissimum articulo, quo Hispani scriptores referunt Alphonsum ab exteris Nationibus, & Floriacensis ille expresse subjungit, a Gallis auxilia excivisse adversus Mauros licentius in Hispania

*Causa cur  
venerit in  
Hispaniam  
Henricus.*

exultantes , & Iulephum quendam Chaldæum ducem Almoravidum , qui freto transmissio Bæticam insolenter proterebat , & totius Hispaniæ imperium animo devoraverat. Quis ergo ocyus ad ferendas Alphonso rebus accisis suppetias , quam vxoris nepos Henricus , advolaret ? Illi se adiungere duo Raimundi, alter Comes Tolosæ, & Sancti Aegidii, ( a pago , in quo clarum illius sanum visitur ) alter Burgundius, Comitis Stephani, Clementiæ in Belgio Comitissæ , & Guidonis primum Viennensis antistitis, postea Summi Pontificis sub Calixti II nomenclatura, frater ; quem Scriptor ille dixit Comitem trans Ararim , quod ea pars Burgundiæ Floriaco collata , trans Ararim sita sit.

ERGO Alphonfus Hispano milite , & advena constipatus Mahometanum in turpem fugam compulit anno MLXXXIX , & vt externos homines , quorum solertem , ac valentem operam in eo bello probaverat , apud se demoraretur , singulos filiarum nuptiis impedit , quarum numero ex quinque vxoribus , & duabus concubinis , abundabat. Raimundo Burgundio despondit genitam ex Constantia Vrracam , eandemque Henrici

*Alphonso  
VI. filia  
quibus nup-  
tius data.*

patrualem. Cujus matrimonii causa Rotericus Toletanus Henricum, & Raimundum patruales dicit: quoto enim cognationis vinculo alteri conjugum adstringimur, eodem censemur alteri alligari; nisi malis Henrici & Raimundi patribus junctum par sororum: ipsos enim fratres esse non potuisse, in confesso est; cum Raimundus, & Comes, & Comitatus filius, Henricus Ducis filius, vel nepos extiterit, ut intelliget qui auctoris illius verba pensculatius trutinabitur, vel re-colet, illam partem Burgundiæ, cujus patrocinium erat penes Imperatorem, Comitibus: illam cujus penes Gallorum Reges, Ducibus obtemperasse.

RAIMUNDO Tolosano Elviram, Henrico Therasiam pater in manum dedit, utramque ex Semena, sive Ximena Gusmania primariæ nobilitatis foemina, primum pellice, deinde in thorum stabilem rite assumpta. Priori Raimundo dotalem Callecix Comitatum: alteri magnam vim pecuniæ: Henrico, ut præter cæteros strenuo Lusitaniam, in qua frequentiores erant Maurorum excursions, nec obolo quidem vectigalem, sed plane liberam, sub Comitatus nomine

*Henrico  
jungitur  
Therasia  
Alphonse  
VI filia.*

*In dotem  
Henrico  
datur Lu-  
sitania.*

addi-

addixit. Nullam enim patiebantur beneficii deductionem, vel Henrici merita, vel Alphonfi munificentia, quem, ob effusam largitatem, Hispani pertusa manu Regem dicebant.

*Epitome  
genealogiæ  
Henrici.*

HÆC vera videntur Lusitaniæ aulæ incunabula, Caroli Magni, Imperatorum, Saxonum, Francorum, & Britannorum Regum, Burgundiorum Ducum, ac proinde Northmannorum, & Lotharingorum (quorum confusæ nuptiis domus) ac tandem Hispanorum Regum imaginibus illustria. Exquisitior harum rerum probatio, pensum est scribentium annales, e quibus scio amicum, qui Belgicos meditatur, hæc prope diem limatiora editurum. Mihi satis sit rivum digito designare, & ad fontes vberiores lectorem transmittere.

*Lusitani-  
am ut or-  
dinaverit  
Henricus.*

NIHIL Henrico fuit antiquius, quam commissam sibi provinciam, qua pietatis monumentis excolere, qua armis amplificare. Conimbricam civilium conventuum caput, Braccaram Augustam rerum divinarum præsidem constituit, cui erat pro Antistite Gyraldus Cadurci natus in Gallia, ex familia Divi Benedicti, ob intaminatam vitæ seriem in  
San-



Sanctorum curiam relatus. Cui & Conimbricensi Præfuli reditus ampliores addidit, templa augustiora suo sumptu exædificans. Visco & Lameca Mauros Reges acie victos exigens, Beiræ Montes Mahometanæ perfidiæ sentibus expurgavit. Duplicem obsidionem viriliter Conimbrica propulsavit. Portum urbem ad Durii fauces refarsit, & munivit, e qua & adverso oppido Cale aliqui Portugaliam dictam putant; vel quod æquius existimo, quia cæteris urbibus maritimis Mauro adhuc occupatis, Durius Gallicis navibus maxime frequentabatur. Vnde tota deinceps Lusitania dicta est Portus Galliæ, cum qua nostræ genti tanta fuit necessitudo, ut jure possis Lusitaniam Galliæ coloniam appellare. In ea urbe Pontificiam sedem Henricus excitavit, quam eo extincto vxor Therasia re-ditibus locupletem Hugoni Episcopo, & Canonicis commendavit. Fama quoque est anno MXCIII, Henricum junctis cum socero Alphonso armis, Olyssipone Mauros exturbasse, quam postea conglobatis suorum ex Hispania & Africa copiis recuperarunt.

Ne gentis adeo masculæ diuturniora semina deessent, Deo piis cœptis adspirante  
anno

*Portugal-  
lia unde  
dicta.*

*Alphonfi  
Henrici  
ortus.*

anno MXCIV Araducæ, ( quæ nunc dicitur Guimaranium ) Puerum edidit fronte venustissimum Therasia, quem antiquo ritu ex avi patrisque nomine Alphonsum Henricium dixere. Sed conceptum gaudium ( quæ est humanarum rerum labe ) repentina contaminavit ægritudo: cum Infantis pedes alter alteri ad calces indiscrete cohærerent. Id tantum dolorem Henrico incussit, vt quod antea sponderat, optimis disciplinis imbuendum tradere recusaret Egæ Monisio Lusitano Equiti, a Gothis oriundo, cuius antiqua nobilitas, ac domus supra Durium celebratur. Monisius tamen acerrime adnixus, obstinatum Henrici animum inflexit. Preces deinde ac solemnia supplicia tota ditione indicens, potissimum Beatissimam Virginem, singulare innocentis infantiaæ asylum, arctius interpellans, in somnis vidit, se ab ea admoneri, vt puerum ad montem duceret, cui nomen Carquere, Durio imminentem, Lamecæque vicinum; fore, vt egestis rudibus in templum incurreretur, sibi quondam dicatum, & in signum suo nomini sacrum. Proinde omnia religioso cultu apparet, vigiliisque rite obitis, puerum aris imponat. Ad-

dunt

*Egæ  
Monisius  
Alphonji  
pædago-  
gus.*

*B. Virgi-  
nis benefi-  
cio pedum  
integritate  
Al-  
phonsum  
recipit.*



dunt annales diligentem pueri institutionem a Virgine Monifio mandatam, quem, & posteros, Christus ad magnum sui nominis decus, & perfidiæ vastitatem destinasset. Ad vnguem omnia exequutus Monifius, puerum in ara solutis pedibus gesticulantem reperit; vnde hausit Alphonsus sibi, suisque semper fore pro aris depugnandum, & Henricus pietatem erga Virginem Matrem alte medullis impressit; eoque loco sub Virginis tutela, & nomenclatione Regularibus Canonicis cœnobium extruxit, quod temporis flexu Conimbricensi Societatis Iesu collegio accessit.

Svb idem tempus vniversum orbem Gothofredi Bullonii I. Ierosolymorum Regis oppleverat fama, quæ Comitem Henricum ita permovit, vt coegerit laudabiliori pietate, quam consilio inducias cum hostibus pacisci, & propriis in apertum discrimen obiectatis, in Syria expugnanda alienis commodis inservire. Cum Hugone Lusignano, Principibusque aliis Borealibus in eandem expeditionem accinctis, Portu solvit. Byzantium appulso in publicum mira amoris simulatione excepit Imperator Alexius

*Henrici ad  
Sacrum  
bellum  
profectio.*

Comenus, sed clanculum Turcis prodidit; eos Græca fide, & odio in Latinum nomen submōnens, quo tempore possent, & artibus incautos, diversosque (sic enim gradi persuaferat) intercipere; sed Henricus tutior arma inter Turcica, quam in aula perfidi Imperatoris, cujus astum sero agnovit, post ancipitem fortunam delatus Anthiochiam, se adjunxit Raimundo Tolosano, qui inter primos sacro bello se auctoraverat. Militari vtriusque, & aliquorum Ducum peritia expugnata est Antaradus maritima civitas; qua Tolosano in ditionem adscripta, quippe qui eo bello omnes suæ fortitudinis miraculo stupefecit, Henricus ad pie deosculanda Christi vestigia, in Palæstinam progressus, tanta animi constantia Barbaros lacepsivit, quanto fidei ardore Lusitania excesserat; quam tandem repetere statuit, non ut segne otium sibi pararet, sed ut veluti reintegratis navigatione viribus, Mauros funditus exterminaret. Acceptas injurias capaci pectore excoquens, ex itinere Byzantium Imperatorem iterum convenit, a quo plures Divorum reliquias accepit, in iis summi pretii brachium S. Lucæ, quod non

*Henrici  
gesta in  
Syria, &  
reditus in  
Lusitania.*

minore religione in hujus expeditionis testem Braccaræ in Sacrario asservatur, quam aliud ejusdem Evangelistæ in templo maximo Valentiaë in Hispania Tarraconensi.

HENRICVM septem supra septuaginta annos numerantem, infracta tamen senectâ Asturicam Augustam obsidione prementem mediis in conatibus extrema ægritudo occupavit, anno MCXII. Defuncti cadaver quanta potuit pompa Alphonfus Braccaram extulit in facellum, in quo ipse sibi conditorium paraverat. Ibi jacuit ad annum MCXIII, quo Archipræsul Didacus Sosa ab eo originem trahens maximum templi facellum magnifice molitus, Henrici, Therasiæ, & aliquot liberorum ossa ad dextrum altaris cornu nobili Mausolæo collocavit.

*Henrici  
obitus, &  
sepultura*

PRÆTER Alphonsum, Henrico peperit Therasia Vrracam, & Therasiam: Illa nuptias contraxit cum Vermoino Paësio de Trava, Comite Traстамarenfi: Hæc cum Ferdinando Mendefio Callæciæ dynasta. Ex stupro genuit Petrum Alphonfi, qui fratri Alphonso in rebus dubiis strenue affuit, ut in expugnatione Scabalitana. Idem manu validus, Galliam, in qua diu militavit, sui

*Henrici  
proles*

nominiis celebritate implevit; vbi Divo Bernardo Clarevallensi affluet, fratri Alphonso impulsor fuit, vt Alcobaciam, opulentum cœnobium, sub illius auspiciis exigeret; in quod se postea recipiens, nulla vi adigi potuit, vt sacris initiaretur; sed humili cultu vitam transfigens, in præcipuo templi sacello conquiescit.

*Statura,  
& linea-  
mentu.*

PROCERO corpore, augusta facie, læto, vegetoque adspectu, flavo, crispantique capillo, & glaucis oculis fuit Henricus; tot animi & corporis ornamentis condecoratus, vt ubicumque natus esset, fortunam suo arbitrio fingere potuisset. Mauros continenti bello septemdecim præliis infregit. Lusitania, quam tunc domitam filio moriens reliquit, versus Austrum Monda fluvio terminata, Maurorum armis perstrepebat. Ad Eurum pacatior, Beiram & Transmontanam regionem complectebatur; ad Aquilonem, Interamnensem tractum, ita dictum, quod Durio ac Minio fluviis contineatur; inde Loberiæ Castrum attingens, juxta Pontem veterem in Callectia, ad Austures porrigebatur, vectigalesque censebat Mauritanos Coliponis, & Nouarum Turrium præfectos, quos

*Lusitaniæ  
fines sub  
Henrico.*

quos post parentis obitum deficientes Alphonsus non citra pulverem profligavit.

---

FIDES AD HENRICVM COMITEM  
LVSITANI IMPERII  
FVNDATOREM.

**H**VC ades, ô Henrice ingens: hîc Regna  
parantur

*Apta tibi: natis hîc nova Regna tuis.*

*Te Tagus invitat fulvo pulcherrimus auro,*

*Et qui stellato vertice Monda fluit.*

*En tibi Regales Minius de flore coronas*

*Intexit: natis debita ferta tuis.*

*Durius Hesperidum fluvijs regnator aquarum,*

*Cornibus auratis in sua Regna vocat.*

*Terra aperit venas argenti dives & auri,*

*Oceanus liquidas pandit in alta vias.*

*Te Pomona vocat, te Flora, insignis oliva*

*Te Pallas, Bacchus neâtare, melle Ceres.*

*Cornipedes tibi dantur equi, quos lenibus auris*

*Parturiunt gravidæ, qua nitet vnda Tagi.*

*Huc ades, ut bona sint, quot habet bona Lysia,*

*Princeps,*

*Et mala conspectu sint bona summa tuo.*

Respondet Henricus.

**D** Egeneres animi damnosa per otia languent,  
 Et de desidia crimina fœda trahunt:  
 Carolus, augusto cujus de sanguine nascor,  
 Quæ non Europæ grandia regna videt?  
 Geryonas sævos, monstrosa cadavera, Mundo  
 Funere tergemino conspicienda dedit.  
 Non magis armatæ flamma stridente procellæ  
 Stravissent Maurum, quam ruit ille manu.  
 Imperiis Roma imposuit sacra jura; triumphat  
 Latiis Imperiis imperiosa fides.  
 Æmulus Herois, cujus de sanguine credor  
 Natus ego, patriæ tecta relinquo meæ.  
 Nec vero imperiis, regnique cupidine tangor;  
 Sed sacra me tantum ducit in arma fides.  
 Illi ego vel Mauris reddam sua regna fugatis,  
 Aut etiam opposito corpore murus ero.  
 Vtraque conditio decus immortale parabit,  
 Qua victor, pulchra qua nece victus ero.  
 De Expeditione Hierosolymitana

**E** Vropa in media duro in certamine Mau-  
 rum

Sæpius expugnans tinxerat arva nece.  
 Pergama fulmineo subverterat ardua ferro;



Diruerat multa regia læta face.  
 Imperio reges spoliarat, civibus vrbes;  
 Vix tot funeribus mors erat una salis.  
 Debellare Asiam rapit impetus igneus; Oras  
 Ille Palæstinas milite cinctus adit.  
 Bellum invadentem tremefacto pectore Mavors  
 Horruit, & trepido sic ait ille sono.  
 Huc Lusi de gente venit fortissimus Heros;  
 Haud alio, credo, est vis ea nata solo.  
 Perfida terribili qui subruit agmina ferro,  
 Querceta ut fulmen diruere alta solet.  
 Brachia si mecum, si dextram, & pectora mutet,  
 Qui Mars unus eram, Mars geminatus ero.  
 Moriturus ad Natum.

**I**mperium fide proferre potentibus armis  
 Gloria Principibus maxima, summus honor.  
 Ipse ego dum vixi, dum rexit spiritus artus:  
 Fulmineo texi Marte, opibusque meis.  
 Emorior, noster pugnando Vicarius esto;  
 Agmina terribili perfida perde manu:  
 Nate fidem donis, fidoque tuebere ferro,  
 Prima sit hæc studiis cura, laborque tui.  
 Illi divitias, ipsumque impende cruorem;  
 Sic fecere atavi gentis origo tuæ.  
 Addat ad antiquos, quod regna recentia fines,

*Et ferro & meritis debeat illa tuis.  
Accrescunt, crescente fide, super æthera pal-  
mæ;*

*Incrementa fides quæ capit, æthra capit.*

Tumulus Henrici.

**N**E super hunc tumulum teneros superaddito  
flores;

*Parcite vernantes spargere veris opes.  
Sit rosa sanguineos procul hinc imitata rubo-  
res,*

*Liliaque intactas vincere iussa nives.  
Non Arabum gratos sitiens bibat urna liquo-  
res;*

*Durior hic umbra est condita; blanda fugit.  
Henrici Herois tumulum tegat æreus umbo,*

*Enses fulminei, Pelias hasta, Chalybs.  
Addite loricas tumulo, cristasque comantes,  
Argolicos clypeos, spicula, signa, tubas.  
Pro lachrymis roret marmor regale cruores;*

*Ossibus his dulcis nectaris instar erunt.  
Nam prope de tumulo pugnis exercita pugnas,  
Et bella, & Martem Principis ossa fre-  
munt.*





ALFREDUS REX ANGLIE ET  
 DUX NORWICIE ET  
 DUX GIBRALTARIS



ALFONSVS PORTVGALLIAE REX I.  
VIXIT ANN. XCI. OBIT ANNO MCLXXXV.

# ALPHONSVS I.

## LVSITANIÆ

### REX I.

#### ANACEPHALÆOSIS II.

**T**AM nobili ab stirpe, Comite Herico, proles æque generosa Alphonsus Rex nascitur Araducæ, mense Iulio, anni millesimi nonagesimi quarti, Prima ab infantia non vulgaria Dei ac Deiparæ in se beneficia expertus; optimo præfagio, fore, ut tota ejus posteritas Divino, ac Virgineo honori, in totum orbem propagando militaret. Nam cum infans oblæsis cruribus, fœdeque distortis in lucem prodiret, ita, ut de ejus vita, aut certe de ejus ad res bellicas virtute actum ab omnibus putaretur: ejus pædagogus Egas Monisius, in antiqua Lusitania primariæ vir nobilitatis, strænitatis, ac pietatis, tam multis suppliciis cumulavit ædem Magnæ Matris ad *Carquere*, ut appellant, (forte non sine ipsius Numine Deiparæ ad

has

*Alphonse  
ortus, &  
infantia.*

has supplicationes impulsus ) vt tandem exoraret, & alumno suo sanitatem, Regnoque vniverſo lætitiā ſingularem aſſequeretur.

*Adoleſcens  
militiam  
aggreditur*

Ad annum circiter duodecimum ſub pædagogia Moniſii altoris ſui non vulgariter profecit. Hinc ad arma ſtimulante ingenio, militarem artem excoluit, nemini ſecundus, ne dicam, facile primus. Sed cum decedente Henrico Comite, variis hinc inde bellis, & cum Mauris & cum Legionenſibus adoleſcens filius ageretur, fuit, qui putaret, vnus animum Principis imparem fore tam multis bellorum molibus ſuſtinendis. Vnde hauſta fiducia Comiti Traſtamarenſi ad ducendam Theraſiam Reginam, Alphonſi Matrem, eoque nomine ipſum Alphonſum bello laceſſendum. Sed adfuit in tempore Alphonſus manu impiger, & quamvis primo congrefſu ad Araduſcam parum feliciter dimicavit; tamen Moniſio in præſidium ſuccedente, inſtauravit pugnam, & hoſtem proſligavit; victo, & vincto Comite, qui, vt ferunt, pactus cum Alphonſo, ſuam ei ſororem Vrracam vxorem collocavit. Quamvis aliter alii evolvant huius hiftoriæ ambages: cujus telæ certo filo texendæ, aut retexendæ munus penes Hiftoricos reponatur. GLO.

GLORIOSAS Rex Alphonfus sub nascentis Regni exordia victorias reportavit. Qualis illa de Castellæ Rege patruuele suo ad Arcobrigam, quod oppidum appellant patrio vocabulo, *Arcos de Val de Vez*, vbi cepit & Reginam Castellani Regis conjugem, & totum florem nobilitatis, inter quos septem Comites, Rege ipso non semel exhaustis viribus fangiato. Cujus duces sæpius profligavit. Obsidioni, qua ad Araducam ab ipso Castellæ Rege premebatur, nunquam cessit.

*Castellanus  
a Lusitano  
superatus.*

Vbi Monisius, bellum vt exstingueret, aut sopiret, sui Regis nomine plane inficii, cum hoste pactus est: sed cum Alphonfus pactiorem, cui nunquam annuerat, irritam haberet; Monisius, vt fidem solveret, quam vita habebat cariorem, Toletum profectus, se, suamque conjugem, ac liberos Regi dedit, lugubri omnes habitu indutos; non vt mortem, sed vt fraudis suspicionem deprecarentur; parati omnes vel proprio eam sanguine expiare. Et quamvis Regem Castellæ non parum initio offenderit rescissum fœdus, tamen tanta fide a Monisio refarcitum, maxime postea delinivit, imo ad beneficia Monisio conferenda, quæ tantum facinus requirebat, excitavit.

*Ege Monisii fides.*

AL-



*Pax Au-  
gusta ca-  
piu: Co-  
nimbrica  
propugna-  
ta.*

ALBVCARANVM Pacis Augustæ, sive *Badajolii* Regem superavit Alphonsus, commisso prælio ad Trancosum, patrocicante suis ad Deum precibus fratre Alberto, qui præerat Monasterio Divi Ioannis Taroquensis. Strenue sustinuit, ac repulit obsidionem, qua Rex Eujunius anno millesimo centesimo decimo septimo Conimbricam oppressit, & non paucioribus copiis, quam trecentis hominum millibus diu oppugnavit: donec oppidanorum animos maiores, quam vires admiratus, & fame, ac peste, quæ toto exercitu grassabantur, perculsus, spe abjecta rei bene gerendæ, urbem obsidione liberavit, magna suorum clade, & sui ignominia, nec minori Alphonsi gloria, qui sub id temporis annum vigesimum tertium agebat, minorem tam claris facinoribus ætatem. Colliponem quæ & *Leiria* dicitur, cepit ab hostibus, & amissam aliquando postea recepit. Turres novas, pluraque alia oppida suæ ditioni adjecit. Cæterum anno centesimo trigesimo nono supra millesimum cum selecta militum manu in Transtaganam excurrit, agros incendit, pagos subegit, ferro ac face omnia vastavit.

QVÆ omnia cum Rex Isinarius certis nunciis comperisset, quidquid ubique hominum erat, Mahometano nomine interposito, adjuravit, ut quam primum ad pestem e suis terris propulsandam convolarent. Iussum, ac factum. Ecce tibi e Provinciis cis, & trans mare positis, tanta Maurorum nubes cogitur, ut indubitata fides fuerit, singulis Christianis centenos Mauros congressuros. Tantum Maurorum exercitum ducebant quatuor Reges, excepto Ismaro, qui his copiis stipatus, Alphonsum in agro Oriquiensi ad prælium requisivit, sacro D. Iacobi pervigilio, anni centesimi trigesimi noni supra millesimum. Collocatæ vtrinque acies; Mauritana visu horribilis præ multitudine militum, quibus agros occupabat; Lusitana ad millenos tantum equites, & pedites decies millenos contracta, magna in Deum fiducia, cujus causam agebat, implebatur. Sub noctem hujus diei Alphonsum adiit e proximo sacello Eremita, spectatæ vir probitatis, qui præfago spiritu bene sperare jubens, prædixit in crastinam lucem victoriam de Ismaro reportandam, præmonuitque, ut cælo primum albescente, cum ad unius pulsum

*Ismarus,  
& quatuor  
alii Reges  
Lusitaniam  
invadunt.*

*Alphonſus  
Chriſtus  
apparens  
Luſitana  
ſtemata  
eſtendit.*

ſum cymbali exciretur , de tentorio exiret , quidquid cælum in theatrum daret , ſpectaturus. Alphonſus Deo rite gratulatus , antelucano cymbali ſonitu , vt præmonitus fuerat , excitus , foras e tentorio erumpit. Ecce tibi o prodigium ! adſpicit e cælo Chriſtum Optimum Maximum ea ſpecie , qua olim fuerat in crucem aëſus , qui eum benevole aſſatus , ac ſingulari munere proſequutus , ſcuto quinis vulneribus interpuncto , quale poſtea Luſitaniæ reges in Regium ſtema cooptarunt , monuit vt deinceps Regis titulo , ita petentibus , ac bene ſaventibus civibus , vteretur. Hinc illam pietatem ac religionem , qua ſacroſanctam Chriſti Domini Crucem ſemper coluerat , deinceps non mediocriter auxit ; in cujus honorem , tantique beneficii perpetuam recordationem , dicitur auguſtiſſimum illud Sanctæ Crucis cœnobium Conimbricæ erexiſſe , & locupletariſſe.

*Oriquienſi  
victoria  
paria Al-  
phonſus  
Rex con-  
ſalutatur.*

Hoc cæleſti ſpectaculo bene animatus Alphonſus , ſuos milites ſacris myſteriis rite expiandos , obarmandosque curavit , quibus ipſe præluxit primus omnium ſacra exomologeſi perfunctus , & Euchariſtico convivio reſectus. Igitur compoſito agmine prælium



lium aggreditur , augustiori præditus animo , quam humano , quippe quem a Deo hauserat , cuius partes tuebatur. Pugna a prima luce usque ad meridianam nunquam intermissa stetit cælo maxime æstuante : donec favente Numine victi hostes , & multo plures , quam numerari possent , interfecti. Haud dubium , quin hæc Victoria omnibus quarumcumque gentium celebratissimis comparanda , & nulli secunda videatur. Victor Alphonfus , exactis tribus in acie diebus , Conimbricam repetiit , faustis suorum acclamationibus inauguratus Rex , & amplissimis tam multorum hostium spoliis locupletatus , gestiente vrbe , & pari victoriæ gaudio triumphante.

Hinc , cum jam annus centesimus quadragesimus septimus supra millesimum ageretur , Scalabim ex hostibus cepit , magnum precum præsidium afferente Divo Bernardo ; qui sub id temporis totam Galliam vita ac doctrina illustrabat ; cuius famam exemplis ac miraculis inclytam acceperat Rex Alphonfus a Domino Petro fratre suo , recens e Gallia huc appulso. Quare cum Scalabim oppugnaturus structo milite incederet , votum

*Scalabis  
expugnatur.*

tum Deo nuncupavit , se , si Bernardi præci-  
bus adjutus oppidum caperet , totum ter-  
rarum tractum , qui a Collipone in mare  
porrigitur , ad cœnobium ejus ordinis ex-  
struendum , libentissime dedicaturum , vt post-  
ea voti reus dedicavit. Nam parta victoria  
Nonis Maii , quæ sacrum Divi Michaelis  
diem antecedunt , quinto ab egressu e Co-  
conimbrica die sine ulla suorum jactura , &  
cum ingenti hostium strage , augustissimum  
illud cœnobium Alcobaciæ regia plane mu-  
nificentia extruxit , adjecto agro , quem spo-  
ponderat , multis pagis atque oppidis fre-  
quenti.

*Aliæ arces  
Mauris  
capiuntur.*

SED , quia vnus decus victoriæ ad plu-  
res alias auspicias ducem pariter , ac mi-  
litem accendit ; Rex Alphonsus maturan-  
dum ratus , militem collegit , vt quidquid  
oppidorum inter Scalabim & mare interjace-  
ret , præsertimque Olyfiponem , occuparet.  
Orsus igitur à vicinioribus , vt sibi sensim  
præsidia acquireret , hostibus intercluderet ,  
arces Masfensem & Cintrensem in lunæ pro-  
montorio sitam expugnavit. Ex hac , quæ  
longè lateque prospectus habet in mare , in-  
cidit oculis in classem centenis quinquagenis  
navi-

navigiis conflata , in ipsum , in quo erat , promontorium adnavigantem. Præmissis exploratoribus accepit , classem esse ex Germaniæ , Galliæ , Angliæ , ac Flandriæ populis collectam ; in qua multi erant proceres & summates sub vno Principe Guilielmo *De longa Espada* ; omnes vno studio incitati , vt Deo militarent , & in ejus obsequium Mauros ultra mare insequerentur : quo facilibus auspiciis ferebantur. Alphonfus optimam capiendæ vrbs opportunitatem nactus , eam & Deo gratulatus est , & Guilielmo indicavit , esse in proximo , quod in longinquum requirebant ; Mauros Christiano nomini infensiores nullos esse , quàm quos Olyspo nutriebat ; in hos irruerent , si pro Deo militabant.

TANDEM , consiliis ultro citroque habitis , decretum , vt vrbs quam primum terra marique obsidione cingeretur. Acta res est. Totos quinque menses duravit obsidio , magnis vtrimque incurfibus , impressionibus , stratagematis , & alternantis aleæ successibus memoranda : vt in re tam difficili de tantis ducibus ac militibus , aliis pro tuenda vita , aliis pro adipiscenda gloria præliantibus dubita-

*Alphonfus  
auxilio  
Ducum  
Borealiū  
Olyfiponem  
capit.*

bitare fas non est. Quamvis earum rerum certio- rem notitiam nobis annorum injuria abstulerit, nec scriptorum diligentia resarci- verit, vitione dicam illius aureæ Lusita- niæ, an studio pronioris facere scribenda, quam scribere legenda? Denique cum an- nus illius Chiliados centesimus quadragesi- mus septimus ageretur, decimo tertio Ka- lendas Novembris, is erat sextus hebdoma- dæ dies, Crispino, & Crispiano facer, vlti- ma fit in urbem impressio, & irruptio, pa- tefacta ea porta, quam vocant *D' Alfama*, quæ ad Lusitanos spectabat. Sed oppidanis in extremam aleam convolantibus, & spem ex desperatione nutrientibus, recrudescbat prælium. Numerum occisorum nostrates Hi- storici tacuerunt, sed nonnulli externorum ad ducenta millia numerarunt, propter vim præsidiariorum militum, qui subinde ad- erant, & integri, ac recentes, fessis ac lan- guentibus Mauris succedebant. Sub ipsum obsidionis tempus, impiger advolavit Alphonsus, ut averteret ingens Maurorum agmen ob- fessis præsidium affuturum, nisi prope Scala- bim in tempore everteretur. In cujus me- moriam stragis tunc sacellum Magnæ Ma- tris,

tris , nunc Virginum cœnobium, sub primo Divi Francisci instituto excalceatis pedibus militantium ædificatum.

INTER accolas , qui expugnandæ vrbi interfuerunt , fuit Henricus natione Germanus, patria Hiponensis prope Coloniam , morum probitate spectabilis. Is in expugnatione occisus , & in templo Divi Vincentii sepultus (erat tunc is locus commune Lusitanorum in prælio cadentium sepulchrum) magnis miraculis illuxit , vno de plurimis memorando. Fuērunt in ea externorum hominum classe duo a primo statu , loquendi , audiendique facultate destituti , Henrico non ignoti. Vterque ejus sepulchrum adeuntes , & patrocinium implorantes , quo suarum remedium ægritudinum invenirent , sensim obdormiscunt , cum subito objicitur Henricus peregrino habitu , & palmari baculo insignis , in morem eorum , qui Hierosolymitam peregrinationem feliciter absolverant , & paucis alloquutus : In vobis , inquit , martyrum , qui hac humo tegimur , meritis , divinitus indulta salus. Nec plura. Hic evanuit , illi suis redditi sensibus evigilarunt , mirantibus cæteris , qui experimento ipso didi-

*Henrici  
ex ipsam  
Germani  
Sanctitas ,  
& miracula.*

didicerunt , mutos , ac furdos divinas audire , ac reddere laudes.

*Aliud  
Henrici  
miraculum.*

PAUCIS post diebus mortuo Henrici famulo , ex plagis , quas in prælio acceperat , & sepulto in eodem Divi Vincentii templo , procul ab Henrici sepulchro : ecce tibi sub noctem Henricus in somnis visitur homini longævo illius sacræ ædis curatori , paucisque affatus : Evigila , inquit , ac meum famulum e suo tumulo erue , & conde meo ; ut qui mihi vivus ac mortuus adhæsit , adhæreat & sepultus. Senex parendi negligens iterum admonetur , ac tertio , sed jam durius , ac minacius ; nisi jussa exequatur. Quare territus expergiscitur , & imperium maturat magno cum labore : suo functus munere somnos repetit , & matutinus evigilat , virium tam integer , quam si nihil laborasset.

*Salutaris  
palma in  
Henrici  
tumulo  
nata.*

SED cum Deus clarioribus adhuc argumentis hujus Sanctitatem equitis manifestare vellet ; ad caput sepulchri , in quo situs erat , visa est palma , illis non absimilis , quas ex Hierosolymitana peregrinatione referre solent peregrini : quæ germinare primum cœpit , & frondere ; ac tandem ad justam



nam altitudinem perducta, ægris omnibus salutaris evasit. Nam sive carptum ex ea furculum e collo appenderent, sive reliquum ex ea cinerem poculo haurirent, quocumque morbi genere laborarent, sanabantur: donec vsque ad ultimas fibras, ac radículas in ægrotantium medicinam jugiter ex ea legendum extirpata est. His miraculis Alphonsus singulariter animatus erga illos Martyres (sic enim appellabant) qui eo prælii occubuerant, & eo loci dormiebant, quoties aliqua valetudine tentabatur, illuc oraturus convolabat, nec longa mora convalebat.

CEPIT deinde ex hostibus Alphonsus Turres Veteres, Obidos, Ierabricam, quam *Alemquer* vocant, & reliqua oppida Cistagana. Anno vero sexagesimo secundo supra millesimum, cum sacer Divi Andreæ illuxit dies, Trans Tagum Iuliam Pacem duce Ferdinando Gonçalo expugnavit. Quarto post anno, cum jam illius sæculi sexagesimus sextus intercurreret, capta Ebora, equite in primis nobili, ac strenuo, cui nomen Giraldo sine pavore, urbis ingressum moliente. Paulo post ipso Rege Alphonso auspice capti Serpenses, Maurenenses, & Alcochen-

*Cis & vl-  
tra tagum  
multa op-  
pida  
Mauris  
eripiun-  
tur.*

ses , nunc in Lusitaniæ , & Castellæ confinio siti. Erepta quoque Mauris armorum vi Salacia ; Helvii , Coruche , vbi Rex dirutam arcem refarcivit ; sed anno ejusdem sæculi sexagesimo quinto , cum Rex jam ageret septuagesimum secundum , arcem Cifimbram victor invasit , & imposito præsidio communivit. Cogitavit de Palmellensi arce occupanda , quam natura loci situ reddiderat pæne inexpugnabilem. Quare cum sexagenis equitibus bello impigris , paucisque sagitariis illuc advolat , circumspecturus propugnaculum , & , qua in illud pateret aditus , exploraturus. Quod cum ageret , repentinus adest Rex Pacis Augustæ cum comitatu equestri ad quatuor millia , pedestri ad sexaginta , qui omnes magnis itineribus , & agminibus parum compositis , vt Cifimbricæ arci præsidio forent , festinabant. Alphonsus vbi se Maurus dedit obvium , irruit tam strenue , vt primo incurfu plures occubuerint , cæteri terga verterint , inopinata vi exterriti , & Alphonsi nomine tunc omnibus terribili perculsi ; & plures Lusitanos , quam re ipsa adessent , suspicati , metu semper , vt solet , majora veris pericula fingente : & vt

errorem ex errore neciterent , qui vltimi fugiebant , quocumque vertebant oculos , non suos sibi adesse Mauros , sed Lusitanos existimabant : hac eos suspicione præcípites agente , & in ipsum exitium innodante. Alphonſus pone ſequens gnaviter vellicabat fugientes : plures in mortem egit , in ſervitutum non pauciores : omnium impedimenta cepit , & ampliſſima ſpolia reportavit. Recognita Palmellenſes Mauri exanimati , pacem orant , & oppidum pro vita paciſcuntur.

PAVCIS poſt annis quædam inter duos Reges Alphonſum Luſitaniæ , & Ferdinandum Caſtellæ , hunc generum , illum ſocerum , turbellæ inciderunt. Quo tempore (is erat annus ejus ſæculi ſeptuageſimus nonus ) cepit Alphonſus Pacem Auguſtam , quod oppidum , quamvis re ipſa Maurorum eſſet , jure tamen acquisitionis ad Regem Legionenſium ſpectabat , qui ſuum jus repoſcens , & ab Alphonſo repulſus , magna militum vi aggreditur Pacem Auguſtam , vbi tunc erat Alphonſus. Is promptus accurrit , vt ſuos cum Legionenſibus jam congreſſos tueretur ; ſed cum vrbis limine eques exiret , forte in oſtii peſſulum , quod paululum emi-

*Alphonſus  
cum Legionenſi  
Rege diſſi-  
dium.*

nebat , tanta cum violentia crus impegit , ut illud inde non modo graviter sauciaturum , sed fere comminutum referret ; quin tamen ab incepto desisteret , ut suis auxiliaturus advolaret. Sed cum equus graviter vulneratus inter fata rueret , & toto corporis pondere in crus læsum incumberet , illud foedius attrivit , & penitus laceravit. Quare morantem ex vulnere Alphonsum cœpit Rex Ferdinandus , belli jure hostis , affinitate gener , charitate , & benevolentia erga victum Regem plane filius. Initæ statim pactiones ; ut Rex Lusitanæ remitteret Legionensi Regi partem Galleciæ , Minio , & Castello , quod vocant *de Lobeira* , interjectam. Additum ut cum primum Alphonfus sanitati restitutus equo vteretur ; Ferdinandi vocatui promptus accederet , debitam victori Regi obedientiam delaturus. Sic e custodia dimissus Alphonfus , in Lusitaniam rediit : ubi e vulnere convalescens , nunquam amplius adduci potuit , ut equum conscenderet , ne pacti reus , obnoxii Regis imperio subderetur ; sed deinceps quandiu vixit , curru ferebatur.

*Pactiones  
inter  
utrumque  
Regem.*

*Rex Hispaniæ  
a quo  
Alphonso  
vincitur.*

ANNO illius Chiliados centesimo octogesimo primo , cum Alphonfus octogesium

num sextum ageret : Albojachius Hispan-  
 lensis Rex ex Alphonfi infortunio optimam  
 rei bene gerendæ occasionem arbitratus , col-  
 lecto ex tota provincia Bætica exercitu , Sca-  
 labim invasit. Quod cum rescisset Ferdinan-  
 dus Rex , quamvis adhuc subacerbo animo  
 esset in Alphonsum ; tamen publicæ utilita-  
 tis studio incensus , & strictæ affinitatis offi-  
 cio inductus , armato milite in præsidium  
 accurrit : sed currenti Regi cæleste auxilium  
 prævolavit. Nam Alphonfus ea nocte , quæ  
 prælium antecessit , precibus transacta , &  
 tutelari Angelo , Archangeloque Michaelē in  
 patrocinium enixe implorato , bonam in  
 spem erectus composito agmine processit in  
 certamen suo invehens curru. Ex quo tam  
 feliciter dimicavit , ut cæsis pluribus , non  
 paucioribus occisis , cæteris omnibus fuis  
 fugatisque , amplissima de omnibus spolia  
 reportaret. Ferunt , in ipso præliandi ardo-  
 re , visum fuisse circa Regem Brachium ala-  
 tum , quod Regem in quamcumque partem  
 se committeret , sequeretur ; tantamque in  
 hostibus ederet stragem , ut facile esset colli-  
 gere , illam vim fuisse humana augustiorem.  
 In cujus celestis prodigii recordationem au-  
 spica-

*Angelo-  
 rum Au-  
 xilium  
 Alphonse  
 adest.*

spicatus fuit Rex illum ordinem equestris militiæ, Abala nuncupatum, cujus insigne est Ala purpurea in orbem aureum inclusa. Rex Ferdinandus cum non procul abesset a Castris, certior de Maurorum strage, misit, qui socero suo Alphonso de parta victoria gratularetur, diceretque, se quoque in auxilium venisse; sed, quia sua opera necessaria jam non esset, in patriam redire. Pares gratiæ ab Alphonso genero referuntur.

*Alphonfus  
regni mo-  
lem in San-  
cium ex-  
nerat.*

HÆC, cum ita essent, vidit Alphonfus qua ætate, qua indole, quibus optimæ naturæ dotibus filius Sancius effloresceret; & in quantam gloriam optimis patriæ, & avi-  
tæ fortitudinis exemplis animaretur. Quare in Regni Principem, & hæredem inaugu-  
randum curavit, & cum magna militum vi in Translaganam regionem transmisit, Mau-  
ros ex Bætica provincia exacturus. Quam il-  
le rem felicissime confecit. Nam anno cen-  
tesimo octogesimo tertio supra millesimum  
eo pervenit, ut ipsius muros Hispalis quate-  
ret. Cum enim Mauros aperto Marte fun-  
deret, & Regio vexillo spoliaret, tandem  
ad vrbis muros coegit fugientes, tam multis  
in fuga interemptis, ut Bætis non aquas  
age-

*Sancius  
Hispalis  
muros qua-  
tit.*



agere , sed sanguinem videretur. Sancius fu-  
 sis hostibus , se in locum , vbi illi castra fi-  
 xerant , recepit : ex quo magnas prædas au-  
 ri , argenti , equorum , & plurimæ id genus  
 suppellectilis corrasit. Sed cum sub id tempo-  
 ris comperisset , Pacem Iuliam ab hostibus  
 circumdatam , promptus accurrit tanto suc-  
 cessu , vt non solum urbem obsidione solve-  
 ret , sed etiam hostilem exercitum profliga-  
 ret , duobus ejus Principibus Alboazile , &  
 Halicanze interfectis , plurimis in servitu-  
 tem missis , amplissimis spoliis relatis.

Cum jam Rex Alphonsus nimio senio  
 confectus esset , vtpote annum nonagesimum  
 ingressus ; ecce tibi Miramolinus Marrochi-  
 ensis Abenzacobus cum aliis Regibus fo-  
 ciis , qui omnes terni deni numerabantur ,  
 exercitu e regionibus citra & vltra mare po-  
 sitis collecto , quo majorem antiquissima ho-  
 minum memoria etiam a primis sæculis re-  
 petita nullum vidit , Lusitaniam invadit , &  
 Principem Sancium Scalabi commorantem  
 obsidione premit : cui ille quinque dies stre-  
 nue reluctatus , nullis potuit , aut machinis ,  
 aut incurfibus , quamvis dies , noctesque con-  
 tinuo ingeminarentur , expugnari. Quod  
 cum

*Miramoli-  
 nus &  
 multi alii  
 Reges ab  
 Alphonso,  
 & Sancio  
 caduntur.*

cum resciret Alphonsus, quantum potuit, militem raptim coegit, & Sancio festinus adfuit in auxilium. Quare vterque simul in hostem irruunt tanto impetu, vt maiorem nobilium partem interfecerint, nonnullos e foederatis Regibus occiderint: ipsum Miramolinum tam graviter vulnerarint, vt paucis post diebus è vivis tolleretur. Hoc fuit Alphonsi Regis extremum facinus: vbi non minus virtutis specimen senex edidit, quam ediderat adolescens.

*A Fuazio  
Ropino  
Rex Gami  
cum fra-  
tre captus.*

ADHVC tamen vltcrius suorum opera ducum gloriosas de hostibus victorias reportavit. Qualis illa fuit quam Fuazius Ropinus consequutus est de Rege Gami, qui simul cum fratre, ac numerofo exercitu, interea dum Sancius in regionem Transtaganam excurrerat, ipse Cistaganam vellicabat. Quare oppidum non procul a Tago, *Portum De Moz* appellant, vnde paulo ante exierat Ropinus auxilium quæsiturus, dura impressione invasit, sed cum pari oppidanorum vi repelleretur, nox diremit præliantes, hinc obseffos, illinc obsidentes, quos bello fatigatos, & de quolibet infortunio securos, cum ætior, quam solebat, sopor oppressisset, ad-

adfuit in tempore Ropinus cum præsidio , & antelucanus aggreditur incautos. Et quo angustioribus locis Mauri claudebantur , hinc fluvio , illinc castello intersepti , eo facilius a Ropino præcipites in exitium agebantur. Parta demum victoria Ropinus Regem Gami , & ejus fratrem , aliosque quinquaginta de primaria nobilitate viros bello captos , muneris loco Regi offert; qui munus , & humaniter excepit, & liberaliter rependit. Idem Fuazius Ropinus novem Maurorum triremes , quæ maritimam oram infestabant , ad Barbaricum promontorium navali prælio aggressus, feliciter expugnavit, caesis Mauris, & captis triremibus; quæ fuit prima victoria navalis, quam Lusitani reportarunt.

*Prima navalis Lusitanorum victoria*

FLORUIT sub id temporis Gonçalus Mendius a Maia, quem vulgo appellabant patrio, & Lusitano vocabulo *Lidador* , & quem sibi Egas Monisius generum adsciverat. Is fuit adeo virtute clarus , vt cum strenuissimis quibusque, qui toto orbe floruerunt, comparandus videatur: viribus sic excelluit, vt quamlibet munitissimam armaturam aut ictu rumperet, aut certe ita funderet, & molli-  
ret, vt introrsum ageret, & in corpus ge-  
stan-

*Gonçali Mendii a Maia vires, & a-*  
*lia.*

stantis conderet : atque utrovis modo eum , qui armatus concurrebat , graviter fauciaret . Quas vires ad nonagesimum quintum ætatis annum , quo vitam extraxit , conservavit . Eadem dexteritate senex , qua juvenis , præliatus . Sed cum a Rege Alphonso præficere-  
tur belli dux , iis locis , quæ mauris sunt e regione , & quæ primos eorum impetus excipiunt , ac refundunt ; clarissimas victorias reportavit : vno aliquando die , duplici e certamine triumphator .

*Molei-  
marus & Rex  
Tingitanus  
a Mendio  
victi.*

SEMEL quidem congressus cum Molei-  
maro , strenuo duce , eo successu , ut cum  
intentis uterque hastis in se invicem incurre-  
rent , uterque ictus impatiens , & retrorsum  
actus , ac lethaliter fauciatus ad terram affli-  
geretur ; Mauris tamen omnibus , aut in ne-  
cem , aut in fugam , aut in servitutem datis .  
Iterum , cum se ex hoc prælio victor recipe-  
ret , incidit in regem Tingitanum Aliboace-  
mum , mille equitum globo stipatum , & cer-  
tus præliandi suos monet , ut se in pugna ca-  
dente (neque enim longiorem vitam sperare  
sinebant lethalia vulnera , quæ gestabat , &  
quæ multo sanguine defluebant) suos gener-  
Egas a Soufa dux belli admitteretur . Sic  
Mau-

Mauros firmiori animo , quam valetudine adorsus , in primo statim congressu cecidit , toto cruore exhaustus : sed milites prout eum quisque nobilitate propior attingebat , ex ducis interitu acriores effecti , ne illius cruorem inultum abire paterentur , majora , quam dici potest , facinora ediderunt ; & vnus mortem ducis omnium strage hostium compensarunt : cadaveri autem tanti viri maioribus confosso plagis , quam humana vis ferendo esset , solemni ritu ab omnibus parentatum. Huic non absimiles duces , dubium non est , illa tempestate plurimos floruisse ; quorum nobis memoriam temporum invidia , & scriptorum penuria abstulerunt.

Et quidem , cum Alphonfus rebus bellicis tam diligenter incumberet : tamen piis ac religiosis nihilo segnior vacabat : quidquid enim temporis à bellorum tumultibus reliquum habebat , totum id in monasteriis templisque ædificandis collocabat : quorum numerus ad centum quinquaginta fertur pervenisse. In quibus recensetur angustissimum illud cœnobium Conimbricense , a Sancta Cruce nuncupatum , quod tam amplis censibus locupletavit , vt ex iis postea Conim-

bri-

*Ad centum  
& quin-  
quaginta  
templa , &  
cœnobio ab  
Alphonso  
erecta.*



bricensis Academia, nulli ex iis, quæ in Hispania sunt, opibus secunda, dotaretur. Par Alcobaciæ monasterium exstruxit; cui tantas contulit opes, quantas, ut supra diximus, sponderat, cum Scalabim expugnaturus accessit, si voti compos evasisset. In quo ferunt tam multos monachos vixisse, ut nullo, neque diurno, neque nocturno tempore à Canonicis precibus recitandis otium daretur, aliis atque aliis sibi invicem in orbem succedentibus. Monasterium quoque Sancti Vincentii Olyssipone, pluraque alia, & a primis fundamentis crexit, & amplis facultatibus cumulavit.

ANNO ætatis quinquagesimo secundo, Regni initi septimo, salutis humanæ centesimo quadragesimo sexto supra millesimum, uxorem duxit Maphaldam filiam Amadei Comitis, & ejus conjugis Madamæ Guigonis. Ex hac suscepit plures filios; primum omnium Henricum, sed teneris annis sublatum; Sancium qui patri in Regnum successit; Reginam Vrracam, quæ Ferdinando Legionensi Regi nupsit, quorum postea conjugium, Pontifice minime dispensante, diremptum est; Therasiam, Philippo I. Flan-

driæ

*Alphonse  
uxor, &  
liberi.*



driæ Comiti nuptam, quam Flandriæ scriptores Mathildem vocant. Præterea filium nothum Alphonsum, Rhodiensis militiæ magistrum, excelso virum animo, & arduis rebus agitandis promptum, qui certis de causis se a Magistratu abdicavit, & in Lusitaniam restitutus obiit anno millesimo ducentesimo septimo, in templo Divi Ioannis Scalabi sepultus. Quem aliqui Petrum Alphonfi, sed immerito, appellant. Habuit tandem & notham filiam nomine Therasiam Alphonfi, quæ Sancio Monio, avo Comitis Mendi, cognomine *Sousam*, in matrimonium data est.

EVIR Alphonfus eleganti forma vir, qui totius oris gravitate militarem severitatem præferebat; capillo flavo, & promisso; labris turgidis, ac rotundis; vultu, naribusque oblongis; prægrandibus oculis, & flavis; a fronte in senio recalvus; nihilque in eo visebatur, quod non majestatem, & celsitatem animi spiraret. Ob eximias virtutes, liberalitatem, æquitatem, pluresque id genus, quibus eminebat, amor erat civibus, terrori hostibus. Fidens animi in rebus arduis: & tamquam alter Scipio, quidquid  
ani-

*Alphonfi  
corporatura,  
& a-  
nimi dotes.*

animo decteverat , factum putabat , ut sæpe rerum exitus probavit. Animi & corporis viribus cum optimis quibusque ducibus comparandus. Gladio tam feliciter utebatur , ut quocumque præliando se converteret , obvios quosque longe lateque demeteret. Studia pietatis non minus coluit , quam armorum. Quare magnis perfunctus honoribus , clarus triumphis , dierum plenus , & cum eximiæ opinione sanctitatis obiit Conimbricæ anno millesimo centesimo octogesimo quinto, cum ipse annum ageret nonagesimum primum. Elatus ad cœnobium Sanctæ Crucis , & in privato sacello tumulatus : vnde postea procurante Rege felicitis recordationis Emmauele , translatus est ad insigne mausolæum , in quo hætenus asservatur : ubi ob eximia visa , oracula , & prodigia , quæ aliis atque aliis temporibus contigerunt , magna sanctitatis opinione celebratur.

*Sanctitas,  
& miracula Al-  
phonji.*

VNUM non omitam præ cæteris memorandum. Nam , cum aliquando religiosi omnes illius cœnobii cultores matutini præcibus vacarent ; ecce tibi medio in odeo visitur Alphonsus , in morem militis armatus , & clara voce eos , qui aderant , alloquutus ,  
monet ,

monet sub id temporis Septam a nostris captam esse, se cum filio Sancio ex divino nutu illuc advolasse, & Ioanni Regi, ac cæteris Lusitanis id præsidium attulisse, quo urbem facile expugnarent. Quibus dictis maiorem ante aram profunde se inclinat; mox ad latus Euangelii recedens, subito ex oculis evanescit, cunctis, qui aderant, stupentibus; & postea temporum rationes supputantibus, facta dictis conformia deprehenduntur. Erat in eodem cœnobio tunica quædam linea, qua Rex, abjecto prius gladio, indutus, se in Canonicorum societatem, divinis officiis affuturus, ingerebat. Hanc quisquis æger attingeret, sanabatur. Tandem ad Alphonfi, tanquam ad sanctissimi hominis sepulchrum ingens concursus fieri solebat, illis forte miraculis excitus, quæ ibi patrari dicebantur: & quæ à curiosis rerum observatoribus notata, facile movere possent Lusitaniæ Reges, ut cum Summo Pontifice agerent de Alphonso Rege in Divorum ordinem referendo.

AD ALPHONSVM HENRICVM  
PRIMVM LVSITANIAE REGEM.

**E** Gregio felix nato pater ; ille parente ,  
 Alter ab alterius nomine nomen habet.  
 Pectore in alterutro pietas viget æmula ; factis  
 Grandibus amborum regnat, ouatque Fides.  
 Præterit Heroas genitor virtute superbos ;  
 Præterit Heroas moribus iste suis.  
 Imperium profert genitor Mavortius ense ;  
 Imperium profert filius ense suum.  
 Proluit ille manus Maurorum sanguine ; Natus  
 Sanguineo Mauri proluit imbre manus.  
 It comes ingenti genitori Astræa , comesque  
 It nato , lances cui dat habere suas.  
 Solus habere potes talem natum optime Prin-  
 ceps ;  
 Ille potest talem solus habere patrem.  
 In celeberrima Alphonfi facta.

**Q** Vicumque admirans Alphonfi antiqua tro-  
 phæa ,  
 Sparsaque per geminos fortia facta polos :  
 Vis atavos similes , vis fortiter esse nepotes ,  
 Accipe quæ forti gesserit ille manu.

*Vidit in Europam, Libyam transisse, trifulci  
More per Hesperias fulminis ire plagas.*

*Pectore fulmineo Libycis ruit obuius armis,  
Magnanimo Libycas pectore fregit opes.*

*Colla manu Regum fracta cervice recidit,  
Tergeminas memorant obstupuisse plagas.*

*Sanguine quos tinxit, fecit pinguescere campos:  
De nece punicea discolor herba venit.*

*Hinc titulos capit, & spoliis exultat opimis;  
Nomine campus adhuc parta trophæa refert.*

*Præfuit Imperio, & validis pugnabat in armis:  
Consilio ductor, robore miles erat.*

*Post bella & palmas discernere, nescio, partes  
Egerit an melius militis, anne Ducis.*

Christus sua Alphonso offert vulnera  
in insigne Regni Lusitaniæ.

**I**N Cruce Christus adest, Regique apparet:  
in hostem

*Dum tendit, visus taliter ore loqui:*

*Vulnera nostra tibi Rex, sint insignia; vici*

*His quondam: vinctes: clara trophæa feres.*

*His duro e ligno mutare coegimus orbem,*

*Cum ferrugineos sol niger egit equos;*

*His, duce cum stygio, stygias tremefecimus  
umbras,*

*Et dedit exuvias Styx tremefacta suas;  
Imperium mortis fractum est, mors vincula ca-  
tenis*

*Torva triumphales ducitur ante rotas:  
Tartara cesserunt, cessit mihi Mundus, &  
Æther,*

*Visa ubi sunt membris vulnera facta meis.  
Glorior his signis, teque his insignio, Princeps,  
Sit tuus æternum, me duce, noster honor.*

*Alphonfus ad Christum.*

**H***esperia & Libyæ coire in fœdera; Mauri  
Arma ferunt, siccant flumina: nutat  
humus*

*Tota mihi de te pendet victoria; Gentes  
Contra tam validas non satis ista manus.*

*Debeo cui multas vitam unam consecro, gratam  
Plus mihi; multarum quo magis instar erit.  
Quo magis ante oculos mors obversatur, & hæret,  
Hoc magis horrendos detrahit illa metus.*

*Pareo, seu victor, seu victus, & alea Martis;  
Quo magis incerta est, spes mihi maior adest.  
Vtraque sors titulos feret, aut quia vicimus  
hostem,*

*Aut neco quod mortem mortuus ipse meam.*



LVSITANIÆ REX I.

De victoria Orichienſi.

**V**Idit ut undantem vindex Bellona cruorem,  
Et ſuper Orichium corpora fuſa ſolum.  
Flumina purpureoſ transcendere ſanguine ripas,  
Caſaque Maurorum corpora, caſa Ducum,  
Trunca peremptorum ſquallere cadauera Regum,  
Signaque per noſtras plurima capta manus.  
Hic jacet Heſperiis, inquit, caſa Africa campis,  
Lyſiaque extinctis cæde parentat avis.  
Aut cædem hanc tantam gravis haſta peregit  
Achillis

Aut Lacedæmoniæ dura per arma manus.  
Fulmina Scipiadum, Marcellorumque lacerti,  
Coclitis, aut Fabii dirus in arma furor.  
Nutrit Heroum quidquid, vel priſca vetuſtias,  
Hanc tantam effudit per rubra ſola necem;  
Vel qui ſolus agit tantum Regumque, Ducumque  
Cunctorum Heroum viribus inſtar erat.

Gratulatio ad Oliſiponem liberatam.

**V**Rbs tibi, quam fulvo dives Tagus alluit auro,  
Vix ſimilem Europa vix dabit ampla parem.  
Regia magnanimum famoſa vocabere Regum,  
Peſtora qui ſervant Lyſia more patrum:  
Hinc ſceptra accipere, & primos attollere faſces  
Lyſiadum magnis Regibus omen erit.

*Hic prima assurgent Regnorum exordia ; Reges  
 Hinc claro solio regia jura dabunt.  
 Clara bonis , solio plus clara videre Regum ,  
 Augebunt vultu qui tua dona suo.  
 Hectoreos animos alieno in pectore cernes ,  
 Pelidasque alio nomine , Marte pares.  
 Martia quot Martes sine nomine Martis habebis ,  
 Quorum Mars armis præferat arma suis.  
 Græcia posthabitis sua sceptrâ offerret Atridis ,  
 Regibus his fasces Gallia læta daret.  
 Inclyta Scipiadis , Deciis , & Cæsare Roma.  
 Hos plusquam Reges vellet habere suos.*

Alphonfi tumulus.


*Q Vis jacet hic ? Mavors. Quis Martem ex-  
 stinguit ? Ab armis  
 Non perit ; exstinxit Martia corda pudor.  
 Dum videt Alphonsum se plus potuisse , pudore  
 Concidit ; exequias mors inopina parat.  
 Ne foret in toto vulgata infamia Mundo ,  
 In tumulo nullas finxit iniqua notas.  
 Quas male præteriit, tumulo super addere fas est:  
 Namque sub Alphonso est grande perire decus.  
 Mars minor hic situs est , hunc Mavors sustulit  
 ingens ,  
 Si, quibus interiit, quæritis arma ? Pudor.*  
 SAN-



THE LIFE OF  
JAMES OGLETHORPE  
BY  
JAMES OGLETHORPE



SANCIUS PORTVGALLIAE REX II.  
VIXIT A. LVII. OBIIT ANNO MCCXII.



# SANCIVS I.

## LVSITANIÆ

## REX II.

---

### ANACEPHALÆOSIS III.

**O**BIIT in terris tandem, atque in cæ-  
 los abiit Alphonsus Henricius, Lusita-  
 norum Regum vti primus, sic sane maxi-  
 mus: quem belli gloria, triumphorumque  
 magnitudo pariter, ac multitudo non vnum  
 inter heroas modo gentium, sed etiam Her-  
 culi Martique fabulosis parem & sua illa ætas  
 suspexit, & in omnem æternitatem conse-  
 quentes deinde admirabuntur. Doluit ergo  
 Lusitania, quantum, exstincto sole, mœret  
 orbis noctis caligine conssepultus. Recens  
 enim erat Regnum, paulo ante in terris na-  
 tum, & adhuc tenebatur in cunis, velut or-  
 bus parente infantulus. Cæterum vti multis  
 aliis, ita hoc nomine felicissimus Regum  
 atque Imperatorum Alphonsus exstitit, quod  
 in superos abiens, sui quam sumillimum re-  
 liquit

*Obitus Al-  
 phonfi  
 Henricii.*



liquit filium, qui dolorem Lusitaniæ de parentis sui obitu, si non omnino abstulit, certe magna ex parte lenivit, in virtutum Regnique insignia succedens: dignus ille paterno, & quocumque alio terrarum Imperio florentissimo.

*Sancii ortus.*

NATVS est Sancius Conimbricæ die II Novembris anno MCLIII, vbi etiam educatus vsque ad decimum quartum ætatis, atque omnibus, quæ decent Principem, egregiis disciplinis, bellica maxime, instructus, magistros habuit viros, qui in quaque laude præstantissimi toto in Regno florebant: omnium tamen potissimum Regem ipsum Alphonsum, ex quo patre didicit puer virtutem, verumque laborem. Tantumque profecit, vt optimos quosque mundi Principes, seu pietatem erga Deum, seu dexteritatem in moderando subditos, seu militarem peritiam, invictumque in bellis animum confideres, aut adæquasse, aut forte superasse crederetur. Etenim vivo adhuc patre, tam sub illo militans, quam solus exercitum ductans, aliquot in præliis cum insigni laurea victor exstitit: quale fuit illud toto orbe celeberrimum juxta Hispalim in Bætica, cujus Regem

*Sancii prælia vivo parente.*

*Ad Hispalim.*



gem aperto Marte vicit tam numerosa Mahometanorum cæsa multitudine , vt Bætis fluminis aquæ Saraceno sanguine rubefactæ permagno continenter spatio devoluerentur. Opportunam vero nacti occasionem Barbari, (quibus tunc Hispania scatebat) quod abscedente Principe Sancio cum flore roboreque Regni ad bellum Hispalense, Lusitania omni præsidio destituta, & cuilibet injuriæ videretur exposita ; duo Mahometanæ gentis duces Halicarnasi, & Alboazil ingentibus copiis instructi advolarunt, primoque Pacem Iuliam obsederunt. Rem ubi rescivit Sancius, triumphato jam Hispalensi Rege ac Regno, in Lusitaniam quam ocysime signa retulit ad vrbis suæ obsidionem depellendam; quod & præstitit felicissime. Hostes quippe aggressus, memorabilem comparavit victoriam, Saracenis pæne omnibus partim cæsis, partim captis, atque illorum castris cum ingenti thesaurorum affluentia direptis.

*Ad Pacem  
Iuliam.*

DEIN congressus cum Legionensium exercitu, atrox prælium commisit. Vbi quidem vtrinque ingenti mole concursum, & ambiguo eventu discessum. Sed illud portentosi simile, quod Scalabi Sancius edidit. Inundave-

*Ad Scalabi.*

daverat tota pæne Africa in Lusitaniam, ferro, flammaque omnia Marrochiorum Imperator Miramolinus, cum tredecim simul Regibus in auxilium adscitis, tamque infinito bellatorum numero, quantus ad eam usque diem ex Mauritania in Lusitaniam nunquam affluxerat. Diceres locustarum campis examina subsultare, aut ad solis lucem atomos, aut ad venti flatum in littore arenosum pulverem volitare. At Sancius incredibili felicitate molem obsidionis sustinuit, infatigabilem atque importunum Barbarorum impetum sæpius illudit: demumque, accurrente in auxilium patre Alphonso, in apertum Martem erumpens, Saracenos fudit fugavitque: Miramolinum ipsemet hasta transfixit, transfixumque peremit. Reges aliquot in prælio trucidati: pauci ductorum ac militum è tam numerofo exercitu effugerunt: castra direpta, immensa auri argentique copia, tentoria, arma, equi, captivique in prædam Lusitano cesserunt.

*Rex inau-  
guratur.*

DIEM obiit Alphonfus Rex die ix Decembris anno MCLXXXV, ac triduo post Conimbricæ Sancius Rex salutatus, cum tricimum secundum ætatis annum ageret.

Ac

Ac primum quidem omnium , cum jam tota Lusitania Mahometanæ gentis sordibus expurgata paululum ab armis quiesceret , animum Rex applicuit ad pacis munia , Regnique emolumenta. Horrentes enim saltus , condensasque sylvas aratro proscindi iussit : fataque fieri , quæ prius invia homini , & solis habitata feris , qua per montes , qua per valles , qua per agros , & compita sylvescebant. Distribuit igitur ad culturam prædia , & latifundia cultoribus , in singulos annos aliquali tributo imposito. Tam strenue intentus agriculturæ , ac si vnam hanc artem (vir alioqui in armis , & ad arma natus) a parentibus didicisset : tantisque Regiæ munificentix favoribus cumulavit agrorum cultores , ut vulgo Regem agricolam appellarint. Eadem subinde regalis providentiæ sedulitate Regni architecturam aggressus , Barbarorum oppida bello capta , & semirutata in meliorem statum reduxit : multa , quæ ferrum & flammam Mahometanam passa in solitudinem abierant : complures vrbes , oppida , castella partim restituit , partim denuo ædificavit , & egregie communivit , atque habitatoribus adornavit. Militares Ordines locupletavit magni-

*Rei agrariae munus bit.*

*Regnum ædificiis nobilitat.*

gnificentissime, maxime Ordinem Equitum. S. Iacobi recens in Hispania institutum; cui locupletando & nobilitando pinguissimos redditus, prædia, oppida ad alendos ac decorandos equites assignavit. Quod Regis beneficium ad Equites Sancti Benedicti, & Sancti Ioannis pariter extensum est.

*Classis Belgica  
et Apullona-  
ris Regem  
adiuvat.*

AGEBATVR annus a Christo nato millesimus centessimus octogessimus octavus: quo tempore cum ex omnibus Christianæ gentis provinciis ad expeditionem terræ sanctæ fidelium bellatorum innumerabilis certatim conflueret multitudo, Principes aliquot ex Dania, Frizia, Belgioque, trium & quinquaginta navium classem armis & bellatoribus insigniter adornatam conscenderunt in Christianam illam expeditionem. Cæterum vi tempestatis, aut verius Dei beneficio, acta classis in Olyssipponis portum subintravit. Aderat ibidem Rex Sancius, qui tam generosos piosque hospites Regali commeatu excepit ac recreavit. Dein clasnarios affatus, pium istum & virilem animum laudavit: sed tamen, inquit,, O' egregii Duces ac milites Christi, quid in Palæstinam ad sacrum bellum contenditis, quod hic ante oculos habetis?

En

En vndique Mahometanis cingimur & oppugnamur. Hos mecum impetite, hos invicti animis expugnate: his debellandis pulchram & piam cum sanguine vitam pariter effundamus. ,,

ACCLAMATVM subito est in Regis confilium, atque ab omnibus ad expugnationem destinata est vrbs Sylvensis in Algarbiorum Regno, (Turdetanos ibi Romani constituerant) illo quidem tempore florentissima & munitissima: pactumque est constitutum inter Lusitanum Regem & classiarios; vt si feliciter succederet expugnatio, vrbs quidem ditio Lusitanus, spoliis autem bello captis Aquilonaris miles potiretur. His ita constitutis extera illa classis in Algarbia enavigat. Comes Mendus a Sousa cum valido Lusitanorum militum apparatu ad destinatum locum terra iter capeffit: dein Rex ipse Sancius pone sequitur cum reliquis legionibus. Classem præterea quadraginta navigiorum, in quibus erant triremes, biremes, ac mioparones, armis & milite instructam simul eodem remittit. Tantæ molis erat ea tempestate Sylvensem urbem Algarbiorum Metropolim expugnare. Cœpta est oppugnatio  
vrbs

*Vrbs Syl-  
vensis in  
Turdetania  
Mauris  
erigitur.*

urbis terra marique , incredibili tam oppugnantium quam propugnantium virtute ac pertinacia : demumque Mauri deditioe facta urbem (vt erat) opulentissimam ac munificentissimam Regi tradiderunt ; pacti vitam ac vestitum , quem quisque mallet , ditio- rem. Classiariis hospitibus maximarum opum tota cessit & integra præda : qui salutato Rege classem Saracenis onustam divitiis , Regis- que Lusitani muneribus decoratam , ad in- ceptam navigationem converterunt. Lusita- nus vrbe contentus , & amicis gratanter per- amanterque dimissis , Olyssiponem se se rece- pit. Anno id factum juxta nostros annales MCLXXXIX, juxta Gallicos anno præcedente.

*Multis in-  
fortuniis  
Sancius  
vexatur.*

AT neminem patitur vno , præsertim fe- licitatis statu , fortuna diu consistere : nec alium Lusitanorum Regum , alternantibus sese humanarum rerum eventibus , vtramvis in partem aut magis exercitum , aut validi- us constantem Lusitania conspexit. Enim- vero , anno nono supra millesimum centesi- mum octogesimum , Marochiorum alter Im- perator etiam Miramolinus Sobamhecef ad vlciscendos prædecessoris a Sancio perem- pti manes , & prioris ignominie labem abo- len-



Iendā, Lusitaniā simul cum Regibus Cordubensi & Hispalensi armis & milite instructissimus invadit. Tripartito Barbari Lusitanos aggressi: Hispalensis Algarbia suscepit expugnanda, & post fœdam, qua incedebat, editam stragem, obsedit Sylvensem urbem. Miramolinus per Anam ingressus, transitoque Tago, populabundus ad Castellum Turrium novarum accedit, quod ægre munitum pacto vitæ fecit deditionem. Cordubensis Transtaganam regionem (quam proprie ac peculiari nomine Lusitaniā veteres dixerunt) adorsus, contendit Eboram, a qua, utpote egregie communita, Barbarus turpiter illusus in vineas, oliveta, segetesque furorem convertens, fœdo cuncta incendio absumit: inde suas cum Miramolino adjungit legiones. At Sancius non minus Regis prudentiam, quam Ducis constantiam in tanto rerum discrimine præ se ferens, cum se imparem viribus, licet non animis, tam numerofo, tamque armato hosti videat, non temere in apertum Martem procedit; sed expeditus & impiger opportune, ubi res exposcat, cum milite, cum armis, cum com-  
meatu, omniq; subsidio laturus opem, ac-  
cur-

*Mauri in-  
gruunt in  
Lusita-  
niam.*

currit. Cæterum Deus omnipotens Regis, Regnique, pietatem respiciens, & amans, contra Barbarum & infidelem hostem de cælo pugnavit. Immissa quippe contagione, infinitam propemodum Saracenorum absumpsit multitudinem: coegitque lues infandam illam Mahometanæ gentis colluviem in patrias sedes recurrere.

FERIATVS a bellis Rex Sancius, multa dein graviora sustinuit discrimina, quibus humana quæque providentia, & constantia plane succumberet, nisi divina ope fulciretur. Conjurasse quippe illa ætate contra Lusitaniam totius Mundi machina visa est. Cælum pluviarum insolentia disrumpi: continuatis longo tempore imbribus terra, instar maris exundare: haustis aqua segetibus, decussis arboribus, plantisque omnibus pertinaci nimborum impetu absorptis, miseranda rerum omnium vbique species: aquarum inundatio in extremam subinde telluris siccitatem desiit, qua omnis terræ cultura præpedita est. Igitur inopia & fames, congestis illico mortalium funeribus, strata passim compita, & vias ad horrendum juxta, & deplorandum spectaculum vivis, qui aderant, ostentabat.

bat. Ac superstites quidem non minus hor-  
rori erant, ac dolori. Visebantur in miseris  
squalidæ frontes, contractæ atque in feralem  
mœstitiam dejectæ, conditi introrsum oculi,  
genæ depressæ in lacunas, ora tabo pallentia,  
inanes faucium sinus, ventres macie collapsi:  
tota denique species prope cadaverosa. Sic  
vivi miseram trahebant vitam, vt viderentur  
mortui ante mortem, & ante sepulturam jam  
sepulti. Denique ob tam insolitam cæli in-  
temperiem, corruptumque terræ aerisque  
halitum, vulgari cœpta est lues, quo indies  
gliscente malo, tota fere consumpta periit  
Lusitania. Vrbes nudatæ cultoribus mœre-  
bant, pagi & oppida in solitudinem redacta:  
rari, qui vitam ægre traherent, toto in Re-  
gno visebantur.

HARVM calamitatum fama excitus Rex  
Hispalensis, eo tempore potentissimus, in-  
genti conflato exercitu, terra marique Lusi-  
taniæ ita convulsam ac moribundam impe-  
tivit, libereque, atque impune toto Regno  
volitans Mahometanæ crudelitatis incendio  
cuncta exscindebat. Salaciam Romanis olim  
dictam, & habitam urbem imperatoriam, fa-  
cili negotio cepit: Palmelam, Cizimbram,  
Al-

*Mauri  
multa op-  
pida recu-  
perant.*

Almadam, nobilissima oppida, sed incolis exuta, incendit. Inde in Algarbia convolans Sylvensem urbem obsedit: pauculi defensores auxilium a suis multo tempore frustra exposcentes, cum impetrare non possent, pacti vitam, & omnem substantiam, Mauro urbem dederunt. Coactus ergo tanta in se vnum conspiratione facta calamitatum Rex Sancius pacis inducias in quinquennium cum Saracenis constituit, quo suis interim (qui superfuerant) Lusitanis aliquid posset levamentum impertire.

*Pax inter  
cum Mauris.*

*Solis ingens defectio, & eius effectus.*

PACE vtrunque confirmata anno MCXCIX prodigiosa quædam solis defectio contigit, qua post hominum memoriam fere nullam vidit ac sustinuit orbis horribiliorem. Hunc vero tam insolitum mundi laborem, multiplex & horrenda hominum calamitas consecuta est. Crebri & conglobati pluviarum defluxus, insani motus terræ, foedissimæque in mari procellæ: quibus malis octo integros annos laborasse dicitur orbis terrarum. At quietus per inducias a Mauris bellum subinde Rex Sancius cum Legionensi Rege Alphonso habuit, vique aliquot Gallaciæ loca expugnavit. Porro invitatus ab aliis, fir-  
que

*Bellum  
contra Legionenses.*

quæ sponte vehementer impulsus ad expeditionem terræ sanctæ , obsistente demum Regno tantis malis fesso , suis & votis & animis bellum illud sacrum anhelantibus , satis facere nequaquam potuit. Missis tamen ex Regali munificentia pecuniæ subsidiis Hierosolymam Christianorum bellum studuit promoveri. Præterea complura oppida , ingentesque redditus attribuit militaribus Ordinibus paulo ante in Regno institutis , utpote Hospitalis Sancti Ioannis, ac Templi , in reparationem Dominici sepulchri : qui omnes proventus a Magistris , & Prioribus Ordinum quotannis exacti in singulos remittebantur Ordines:

*Bellum sacrum pecuniis promovit.*

VERVM enim vero Principibus aliis in bello terræ sanctæ feliciter occupatis , ne Sancius videretur minus aut robore vegetus , aut strenuus animo ; aut bello impiger , aut insensus in hostes Fidei Christianæ , suo ipso in Regno impatiens otii & quietis , finitis jam , sive disruptis , quæ intercesserant , induciis , construxit exercitum , ductansque ipse vicinos Bæticiæ fines ferro ac flamma depopulatus peragravit. Ingruente jam hyeme , se domum recipiens , Castellum Serpæ

*In Mauros arma suscitantur.*



constanti obsidione preffit: Barbaros multis præliis victos, & grandibus affectos cladi-  
bus omnino debellasset, nisi obortis tempe-  
statibus, & importunis pluviarum influxi-  
bus, castra tollere, atque abire cogeretur.  
Cæterum ubi tot malorum differenavit tem-  
pestas, divinæque vindictæ portenta quieve-  
runt, ut pro tranquillatis terra & mari, re-  
gnoque ad priorem incolumitatem restituto,  
aliquam Sancius benevolentissimo Deo gra-  
tiam rependeret: in hostes Dei ipsius arma  
commovit, aliquid pro amplificanda Chri-  
stianæ gentis Republica lucraturus. Helvios  
urbem in Lusitania percelebrem, sed a  
Mauris jam inde a multis seculis occupa-  
tam, constantissime oppugnavit, ac felicif-  
sime expugnavit. Hoc fuit Sancio Regi po-  
stremum in bello facinus, anno MCC.

*Helvii ex-  
pugnantur.*

*Sancii  
uxor, &  
liberi.*

VIVØ adhuc patre Alphonso, Princeps  
Sancius duxit uxorem Dulcem, sive Aldon-  
sam, filiam Ramonis Berengarii, Comitis  
Barchinonensis ex legitima conjugē Petro-  
nilla, filia & hærede Ramiri Regis Arago-  
goniæ, qui fuit monachus, susceptam. Al-  
donfa novem Sancio filios peperit, quorum  
[ octo superstites patri mortuo exstiterunt; vi-  
deli-



delicet Princeps Alphonfus primogenitus , qui patri successit in Regnum , natus die , qui sacer est D. Georgio anno MCLXXXV. Fernandus anno subsequente , qui sane Princeps maximarum virtutum fama percelebris in Flandriam accitus , duxit vxorem Ioannam Comitissam. Hic bello a Gallorum Rege captus , dein libertate donatus , domi suæ quietus obiit. Deinde Petrus , qui fuit Comes Irgelensis , & Dominus Balearium , ac Legubæ nulla sobole relictâ mortuus. Henricus , cuius mortem immaturam pater vivus vidit ac doluit , ac Conimbricæ in templo Sanctæ Crucis sepelivit. Et hæc Sancio mascula proles , foeminea longe felicior & gloriosior exstitit.

QUINQUE nimirum filias de Aldonsa suscepit Sancius , Taresiam , Masaldam ; Sanciam , Blancam , Beringelam. Ac Taresia quidem fororum natu maxima nupsit Alphonso Legionensium Regi suo consobri-  
no. Quod tamen matrimonium , quippe absque Summi Pontificis dispensatione male , & inique contractum , post susceptos jam tres liberos , tandem diremptum est. Ergo Regina , in patriam se recipiens , Partheno-

*Taresia  
nuptia, &  
sanctitas.*

nem Lorvani jam ædificatum, magna ex parte ædibus, redditibus, atque institutis amplificavit. In eo vitam egit, & obiit sanctissimam, jacetque in sepulchro marmoreo. Ejus sanctitatem permulta miracula ad ipsius sepulchrum edita contestantur. Hoc autem ipso anno MDCXVII, aperto sepulchrali marmore, visum est Reginæ corpus integrum, ac pæne vividum, vestitus recens ac nitens; sola Religiosi habitus ora tantulum calce obsoleverat; calcei velut prima illa hora consueti splendebant. Ergo, contactu reliquiarum Reginæ, compluribus vtriusque sexus morbi depulsi, & reddita valetudo.

*Eius corpus modo integrum repertum.*

*Mafalda item nuptiæ, & sanctitas.*

AT Mafalda nupsit Henrico primo Regi Castellæ: sed quia sine dispensatione Pontificia in vetito sanguinitatis gradu male contraxerant, iccirco publica sententia disjuncti. Inde Mafalda Aroquam prope Lamecam urbem se abdidit; vbi monialibus Ordinis Cisterciensis posuit monasterium. Quod Rex Alphonsus Mafaldæ frater amplissimis redditibus nobilitavit. Gloriosior tamen illi Parthenoni commendatio accessit ex ipsius Reginæ sanctissimæ, quæ ibidem vixit, exemplo & corpore, quod ibi quoque jacet sepultum.

DI-

DIEM obiit Mafalda die II. Maii anno  
MCCLXXX in pago juxta Amaranthum, cui  
nomen Fluvius tinctus. Reginæ testamen-  
tum, quod etiam nunc a monialibus in sum-  
mo pretio habitum servatur, dignum est &  
magnificentia, & pietate fane regia, quo  
prægrandis pecunia pauperibus, ac piis locis  
legatur. Plurima in Portuensis vrbs maxi-  
mo templo, & magnifica exstruxit: propter-  
ea crediderim, quod a primis illud erexe-  
rat fundamentis Mafalda Regina, Alphonsi  
Henrici conjux, & magnis redditibus lo-  
cupletaverat; hodieque in illo veneratione  
magna asservatur inter sacras reliquias capitis  
ornatus. Abraganense cœnobium prope Ta-  
magam fluvium construxit; aliud item,  
quod a Sancto Capite, multis quidem mi-  
raculis claro, (quamquam cujus fuerit, non  
ita liquido constet) vulgo nomen habet.  
Hujus Principis opus fuit pons ille, qui  
Durium jungebat, *Par Deus* nuncupatus.  
Nunc viatoribus scapha gratis transitum  
præbet publico sumptu a Mafalda in tam pi-  
um opus legato; & ab ipsa re *Scapha de par*  
*Deos*, id est propter Deum, ab indigenis  
dicitur; alius item pons ad oppidum *Gana-*

*Mafaldæ  
opera pie-  
tatis ple-  
næ.*

*veses.* Illa Aroquam primo vrbis nomine decoravit, quam Parthenoni ejus intuitu posteriores Reges subdiderunt. Annonam, quæ duodecim viduis singulis mensibus partiretur, æternis redditibus comparatam testamento legavit. In monte eo tempore vasto & inculto hospitium instituit iis redditibus, ut iter illac instituentibus lectus sterneretur, & cætera omnia gratis apponerentur: atque in eos usus homo conduceretur, qui noctu errantes dato signo viæ admoneret, interdiuque ad certa loca, quæ a fontibus maxime aberant, propinandam viatoribus gelidam comportaret. Pleraque tamen decursu temporis aut extincta prorsus interiere, aut vix obscuram tantæ Principis memoriam retinent.

*Mafalda  
sepulchrum  
& incerru-  
ptio.*

DECREVIT Regina suum uti corpus sepeliretur nudum amictu, supra tabulam cinere conspersam, ac deinde grandi suo ciliicio ad staturam corporis coopertum; ii tamen, quibus componendi ad sepulturam cadaveris fuerat demandata cura, velo bombycino subnigro illud amicierunt. Multis claruit ille locus ob Mafaldæ sanctitatem miraculis, maxime hoc ipso anno MDCXVII,

cum

cum de mandato Regis Philippi II. Illustrissimus Episcopus Lamecenſis Martinus Alphonſus Mexia ſepulchrum Sanctiſſimæ Reginæ aperuit , ſeptimo die Auguſti. A priſco illo tempore ad noſtram uſque ætatem Aroquæ & Amaranthi conſtans fama tenet , cum obitum inſtare ſibi certa foret , imperaſſe Maſaldam , ut defunctum corpus mulæ impoſitum ibi demum tumularetur , ubi brutum animal ducente nullo pergendi finem faceret. Celebris famæ teſtes laudant oppidani arcuatos fornices e quadrato lapide egregie elaboratos , qui inter Aroquam & Amaranthum exſtant , eaque ſignant loca , in quibus Reginæ ſanctæ ( ita indigenæ Maſaldam appellare conſuevere ) aliquas moras cadaver fecit. Aroquam devenit mula , Parthenonem adit , templi intima penetrat , & coram Divi Petri ara flexis genibus ſiſtit tandem , ibique , poſtquam deſcriptum fuit corpus , ſubito diſruptam obiiſſe , a majoribus ſuis accepiſſe ſe incolæ conſeſtantur.

MVLTRIS, qui aderant, teſtibus reſeratum eſt ſepulchrum , inventumque Maſaldæ corpus nudum ſupra tabulam , cinerem ac cili-  
cium , illo eodem pacto compoſitum , uti  
Re-

*Maſaldæ  
conditori-  
um reſera-  
tur.*

Regina testamento mandaverat , velum quoque bombycinum , quod superadjectum fuerat a ministris. Visebatur ergo integrum corpus , cum tamen nullo fuisset vnguentariæ artis subsidio delibutum; facies carne coloreque sic vivido ac florido , ac si eadem ipsa hora vivere desisset. Aliquot in partibus corporis nihil carnis , sed ossium tantummodo aliquid apparebat. Igitur occluso itidem loculo , quam potuit fieri maxima fidelium pompa , sanctissimæ Reginæ corpus in commodiorem locum translatum est. Denique Episcopus forma juris consueta diligenter inquisitionem habuit de multis atque insignibus , quæ in ore omnium facta versabantur , miraculis , cum in monialium , tum laicorum vtriusque sexus vota precesque ad sepulchrum Reginæ , aut ad ipsius reliquias ; quippe cum eo loci ad Reginæ venerationem innumerabilis confluere vndequaque fidelium soleat multitudo. Neque vero pauca divinæ virtutis & Reginæ sanctitatis miracula præsentē Episcopo patrata sunt , quæ omnia idem sua testiumque auctoritate confirmata ad Regem Catholicum remisit. Quo tempore sepulchri

*Mafalda  
miracula.*

mo-



moles referabatur, mira odorum suauitate fragrasse templum, quotquot aderant, affirmant constantissime. Aliquæ præterea e sacris virginibus dulcissimos se concentus audivisse contestantur, cum tamen, ut magna adhibita diligentia compertum postea fuit, neque musica aliquis pulsaverit instrumenta, neque cecinerit: quare sibi nec temere persuasum habent, sacri corporis manifestationem cælesti harmonia gratulatos fuisse Angelos, in quorum semper obsequium propensa fuit; venerabaturque præcipua animi devotione sanctissimum Triados mysterium, & patronos sibi delegerat Apostolos duodecim, quibus accepta semper retulit, quæ a Numine sustinebat beneficia.

Post Mafaldam nata est Sancia, cui attributum est nobile oppidum Alanquer sive Ierabrica; in quo, cum vivus adhuc in terris esset sanctissimus Patriarcha Franciscus illius, Ordinis cœnobium ædificavit, quod inter omnia Franciscana, quæ in Regno infinita propemodum extructa videntur, primum, antiquissimum etiam nunc persistit. Posuit etiam monialibus Sancti Bernardi celebre illud cœnobium prope Conim-

*Sancia, &  
Blanca  
Sancti filiarum fors.*

nimbricam , ( vocant Cellas : ) sepulta vero est in gynæceo Lorvaniensi. Blanca in Castella , vbi Carracam ( quæ hodie putatur *Guadalaia* ) possedit , diem suum obiit ; indeque ( vt testamento mandaverat ) Conimbricam in cœnobium Sanctæ Crucis corpus illius deportatum , ibique sepultum est. Postrema omnium Beringela , quam soror Taresia loco filiæ in Lorvani Parthenone educavit , innupta virgo cessit e vita , & juxta sepulchrum patris Sancii jacet sepulta. Isthæc tota fuit legitima proles Regis Sancii.

*Illegitimæ  
Sancii proles.*

PORRO post obitum Reginæ Aldonsæ anno MCLXXXVIII, viduum agens Sancius , ( quæ solet esse in magnis Principibus infirmitas ) aliquot mulierum amoribus implicatus , illegitimos suscepit libros. De Maria quidem Anesia de Fornelis Vrracam Sanciam , & Martinum Sancium , qui apud Alphonsum Regem Legionensium valuit plurimum , maximisque honoribus bello paceque affectus , nulla relicta sobole defunctus jacet Cofinis , in pago Ordinis Sancti Ioannis Provinciæ campestris. De Maria Pacensi de Ribera filiam sustulit Taresiam

San-

Sanciam , quæ nupſit Alphonſo Tello ( vt vocarunt ) Seniori ; & Ægydium Sancium , qui mortuus eſt in cœlibatu ; & Conſtantiam Sanciam , quæ monaſterium Sancti Franciſci exſtruxit Conimbricæ ad Mondæ ripam , jacetque prope ſepulchrum Sancii patris. Denique Rotericum Sancium , qui occubuit in illo memorabili prælio civili , quod antiquitas celebrat , commiſſum inter ipſos Luſitanos prope urbem Portuenſem : viſiturque ejus ſepulchrum in cœnobio dicto Gryo.

FUIT Sancius Rex mediocri ſtatura , ſucco & carnibus plenus , membrisque toſis. Lata illi & liberalis ac plane regia facies : os aliquanto craſſius atque protenſius : oculi prægrandes & ſubnigri , ſed ſubtriſtes aliquantulum : capillus ſpadicei coloris , & ad nigricantem vergentis. Fortunatiſſimus exſtitit in præliis adverſus Mahometanos feliciffime geſtis , qui de hoſte ſæpius ( vt vidimus ) triumphavit. Rex inſigniter Catholicus & pius , Deoque , ( ſi prolem ſpuriam tollas ) quam deditiſſimus : pectore magnanimus , robore ſtrenuus , judicio prudentiſſimus : ſuorum Luſitanorum egregius amator ,

*Sancii  
ſtatura, &  
mores,*

*Sancii clades ex neglectu Censurarum.*

tor , aut ( verius dixerim ) pater , inimicus otii & ignaviæ , nec subditos otari patiens , vti laboribus exerciti , ac terræ colendæ negotiis distenti , ab omni peccandi occasione alienam immunemque vitam traducerent. Cumque vnus ex optimis Lusitanix Regibus exstiterit , multis tamen & gravibus fortunæ casibus pertentatus , hausit non sine sensu doloris , etsi alioqui animo invicto , & nullis fracto malis , Regni sui extremas propemodum calamitates , pestis , famis , tempestatum , terræmotuum , quibus integra oppida , magnæque vrbes partim collapsæ , partim nudatæ cultoribus in solitudinem abierunt. His ergo calamitatibus usque adeo convulsæ ac debilitatæ sunt Lusitanix vires , vt bellatori Principi non esset unde ad arma delectus fieret , quo posset maximis infidelium copiis in Lusitanix perniciem conspirantibus obistere. Ac optimi quidem rerum æstimatores tam multiplicem malorum conspirationem ab irato Deo irrogari censuerunt. Quippe Rex obstinato animo adversus Pontificias censuras filiam Taresiam locarat in matrimonium Alphonso Legionensium Regi , suo ex sorore nepoti,

ti, idque absque dispensatione Summi Pontificis: quapropter multos per annos tam Lusitani quam Legionenses in pœnam suæ contumaciæ sacris interdicti persisterunt, atque adeo Regum inobedientiam Deus omnipotens severissime, sed justissime, utriusque Regni deplorandis stragibus, expiavit.

VIXIT Rex Sancius ad quinquagesimum septimum ætatis annum: regnavit viginti sex annos. Cumque totam fere vitam in bellis & mille infortuniis transegisset, immensos tamen plane regalis opulentix reliquit in morte thesauros, in quibus magna auri argentique facti & infecti, gemmarum, & pretiosissimæ suppellectilis copia visebatur. Quæ omnia partim in pauperum elemosynas, opera, & loca pia: partim in filios tam legitimos quam illegitimos distribuenda legavit, vltra ea, quæ singulis in hereditatem pinguißimam assignavit. Nul- lum in toto regno aut cœnobium, aut templum cujusque vrbis maximum, aut ædem, & locum pium, in tam larga sanctaque magnificentia prætermissum esse voluit. Innocentio VI, Summo Pontifici, centum auri pondera legavit, suppliciter ab eodem pos-  
tu-

*Ætas  
Sancii, &  
testamen-  
tum.*

stulans , vti suum testamentum , quod bien-  
nio ante obitum sanus & integer , pleno ac  
maturo iudicio condiderat , exequendum de-  
cerneret. Denique pro debitis & regiæ con-  
scientiæ oneribus , si qua forte vlllo in tem-  
poreprehenderentur , rite solvendis , sex-  
aginta duo millia & quingenta aureorum de-  
stinavit.

*Sancii  
Obitus,  
& sepul-  
chrum.*

CONIMBRICAE post diuturnum & gra-  
vem morbum obiit anno MCCXII. Iacet se-  
pultus in templo Sanctæ Crucis , in facello  
maximo ad lævam altaris , cui Mausolæum  
paterno persimile Rex Emmanuel exstrui ,  
atque in eo condi corpus illius mandavit.  
Porro quandocumque legitur vivis apparuisse  
Rex Alphonsus Henriquius , vti contigit  
in expugnatione Septæ , aliasque sæpe , fili-  
um cum patre Sancium simul adfuisse com-  
memorant. Quod quidem peregregium ar-  
gumentum esse , atque haberi bebet sempi-  
ternæ beatitudinis in cœlo , quam Rex opti-  
mus in vita promeruit continuis & gravissi-  
mis bellis , ac laboribus pro Christi Domini  
fide atque obsequio , contra Dei & Christia-  
næ Ecclesiæ adversarios pio & infatigabili ,  
animo susceptis.



AD SANCIVM ALPHONSI PARENTIS  
ÆMVLATOREM

**E** Dite ab Alphonſo Rex inclyte, magnus ut eſſes,  
Sat tibi magnanimi gloria patris erat.  
Non tibi viſa ſatis facta immortalia patris,  
Immortale addis patris ad acta decus.  
Patris ad exemplum Maurum, Rex magne,  
fatigas,  
Lyſiadum in regnis nec ſupereſſe ſinis.  
Indixere Deo Mauri fera bella, Deusque  
Maurorum infando cum grege bella gerit.  
Per Reges populosque pios ſacra arma coruſcant;  
His emitur letho gloria, fama manu.  
Quo magis his crudus, ſies manſuetior aſtris;  
Quo magis his blandus, crudior hoſtis eris.  
Quot capita abſtuleris, rapies tot ab æthere pal-  
mas,  
Quot capita abſtuleris, tot tibi ſceptra dabis.  
Deſperanda tibi non eſt victoria, quando  
Eſſe Deus victor per tua bella parat.

Ad Sancium Alphonſus pater.

**A** Vdite, ô clari noſtrâ de ſtirpe nepotes,  
Sanguinis heredes, imperiique mei,

In

*In Maurum nutrite odia , & nutrite furores ;  
 Et post erumpant in grave Martis opus.  
 Non meus est , Mauro quicumque pepercerit ; armis  
 Quicumque exscindet funditus , esto meus.  
 Arma edico armis contraria , castraque castris ;  
 Littora littoribus , corda inimica paro.  
 Ne super ossa rosas , neu spargite cana nepotes  
 Lilia , Maurorum sed riget ossu cruor.  
 Respuit heroum flores rigor : adde cruorem ,  
 Et dabis exequiis debita justa meis.*

*Ad eundem*

*O' qui fulmineis Maurorum everfor in armis  
 Das tibi , das patriæ nomina clara tuæ.  
 Heciores ? an Thetidis soboles generosa marinæ ?  
 Succubuit pugnis victus uterque tuis.  
 Num tibi componam generosæ mentis Atrida ?  
 Majorem Atridis te tua dextra facit.  
 Scipiadam memorem Maurisia castra fugantem ?  
 Sed Libycæ fudit plus tua dextra necis.  
 Anne Camillus eris , patriæ defensor , & urbis ;  
 Pluribus expellis castra inimica locis.  
 Ausus Cocles eris pontem divellere ferro ?  
 Teste Tago pontes cædibus ipse facis.  
 Mars eris ? Alphonsus Mars est pater ipse , qui  
 Ergo ?  
 Filius invicto pectore Martis eris.*

*Ad*

Ad eundem.

**P**acis & armorum cultor clarissime , pacem  
 Consilio , valida qui regis arma manu.  
 Roma potens leges dōctis accersat Athenis ,  
 Promis ab arcano pectore jura tuis ,  
 Iure tuum pectus juris penetrare vocamus ,  
 Iustitia hoc iusta finxerat æqua manu.  
 Astræa & Pallas de te Rex maxime certant ,  
 Nec dabit hæc victas, nec dabit illa manus.  
 Dividis in populos regalia jura ; triumphat  
 Flava Ceres regnis , cultaque Flora tuis.  
 Te tua Aratorem dixerunt secula , famæ  
 Scilicet æternæ semina pulchra jadis.  
 Implebunt nundum messes , & sydera ; tantum  
 Seminis æterni prodiga dextra dedit.

Ad eundem , Aratorem vulgo appellatum

**Q**uod juga proscindo sylvestria , dicor Arator  
 Nec patior fieri squalida rura situ.  
 Non ego sylvestris tituli dedignor honores ,  
 Et decet augustas rustica cura manus.  
 Idem animos, agrosque colit labor improbus; idem  
 Sylvescant vitiis ne pia corda , facit.  
 Hinc ego sollicitus geminos mihi colligo fructus  
 Hic est heroum , messis at ille nova.

*Educat heroas labor improbus , aurea Roma  
 Quales in Latiis vidit arare jugis.  
 Munera dedigner cur rustica ? curve novalis ,  
 Heroas magnos si mea messis habet ?*

*Ad eundem ad Hispalis mœnia pugnantem*

*S* Ancius Hesperiam percurrit , Sancius urbis  
 Hispalis audaci mœnia lustrat equo.  
 Mauri indignantur , rapiunt densa agmina contra ,  
 Pugna per armatas fit violenta manus.  
 Lysiadæ vinctur , vincuntur inertia Mauri  
 Agmina , per campos corpora stracta jacent.  
 Ipse per exstinctos incedit victor acervos ,  
 Martia fulminea quos struit ira manu.  
 Flumina perspicuos mutarunt sanguine fluctus ;  
 Ac velut adjectis aucta feruntur aquis .  
 Adspicit Hesperiam tepefactam sanguine Mavors ,  
 Arvaque purpurea luxuriare nece .  
 Vincimur , imperio cedo , Rex maxime , dixit ,  
 Non ero dux belli ; te duce miles ero .



ALSO SEE THE OTHER SIDE OF THE BOOK  
FOR THE HISTORY OF THE REIGN OF  
THE KING OF SWEDEN



ALFONSVS PORTVGALLIAE REX III.  
VIXIT ANN. XXXXVIII. OBIT A. MCCXXXIII.



ALPHONSVS II.  
 LVSITANIÆ  
 REX III.

ANACEPHALÆOSIS IV.

**A**LPHONSVS ob pinguem aqualiculum ,  
 teretesque artus , obesus appellatus ,  
 Conimbricæ octavo Kalendas Maias anno  
 a CHRISTO natalitio millesimo , centesimo  
 octogesimo quinto natus fuit. Is septimum  
 & vigesimum agens annum , natu major a  
 Sancio parente imperium subinde accepit :  
 sub quo jam inde ab ineunte ætate , & ani-  
 mositate insignis , & equestris disciplinæ vsu  
 mirifice eruditus , tyrocinii rudimenta depo-  
 suit : ubi tam præclarum infracti animi præ-  
 stitit documentum , ut pluribus invidiam ,  
 omnibus æmulationem excitaret , tum vel  
 maxime in Helviorum expugnatione , & cum  
 Mauris aliis in congressibus. Itaque circa  
 Regni primordia multa gessit , quæ silentio  
 premuntur ob penuriam scriptorum. Adeo

*Alphonſi  
 natalis.*

enim multum est tuarum laudum præconem nancisci. Illorum tamen , quæ ad nos venire , principem locum habet discordia , quæ inter ipsum & sorores intercessit : quæ tanti Principis dotibus non vulgarem notam impressit.

*Alphonſi  
causam in  
fratres  
plurquam  
fraternum.*

AVT igitur divitiarum cupido , aut ingenium pertinax , & intractabile fecit , vt fratres & sorores , quos paterno debuit amore prosequi , odio infectaretur novercali. Cujus immitte ingenium Sancius parens multo antea subodoratus , filios effusissimis hereditatibus donatos testamento reliquit : quos inter ad quingentos mille aureos ( mitto pagos & oppida ) insignati argenti facti grandem copiam divisit. Cæterum destinata fallubriter finistrum Principis ingenium discussit ; cum nullæ opes improbis ingeniis factis esse possint. Parente vix defuncto promissis stare noluit , quin potius interpositam fidem testamento & sacramento firmatam fefellit ; & fratres ab hereditate deturbare curavit , Taresiam præcipue Reginam , cui parens Montem majorem cognomento Veterem , & oppidum vulgo , *Esgueira* , in legatis reliquerat ; & Sanciam , quam Iera-

bri-

brica , vulgo *Alanquer* , hereditario velut dono donarat. Et ne cum fratribus palam decertare videretur , causabatur bona esse , imo dona regiæ hereditati agglutinata , quæ a regni successore avellere Regi nefas esset. Adeo furor processit , vt sumptis armis oppida , ad quæ fratres se contulerant , numerosa militum manu attentaret : quam fratres impigre resistentes , non sine illius dedecore repulerunt. Plurimis tamen exhaustis laboribus Pontifex Summus eum compulit , vt cum fratribus arbitris honorariis staret , quod & fecit , & calculum mutavit , postquam causam suam deploratam agnovit ; & regnum tot maledictis anathematisque fatigatum tandem aliquando recreavit.

TEMPORE identidem succedente annus agebatur a CHRISTO nato MCCXVII , cum a Septentrione munitissima classis Olyssiponem appulit , quæ Sanctæ Hierosolymæ suppetias ferebat. Cumque reflante vento cogeretur a navigatione desistere. Ecce tibi Matthæus Præsul Olyssiponensis , vir negotiis gerendis natus , suator ducibus fuit , vt dum per tempus liceret , aliquid ederent sua virtute dignum. Quod vt facilius ab illis obtineret ,  
se

*Classis Septentrionalis opitulatur nostris.*

*Salacia  
pelluntur  
Mabome-  
tani.*

se socium cum militibus & com meatibus pollicetur, si velint Salaciam occupare, quæ tum temporis foedissimo Maurorum imperio subiacebat. Non displicuit Ducibus negotium. Pontifex interim Ducum animis vtendum ratus, instructum exercitum incredibili celeritate armavit. Milites eo alacrius sunt collecti, quo res erat periculosior, & suscepta ad delendas Maurorum reliquias, quas ( Regno per vim occupato ) in gremio Reipublicæ Christianæ degere probrosum sibi esse putabant. Et quamvis Rex Alphonsus belli aleam cum aliis non subierit ( morbo fortasse detentus, aut quotidianis Regni negotiis impeditus ) verisimile tamen non est tam expeditam hominum multitudinem tam brevi tempore, eo vel imprudente vel invito coaluisse, cum præcipue negotium ad eundem attineret.

LVSITANI vero, qui belli ancipitem eventum in hac expeditione tentarunt, si ad calculos revocentur, numero sunt: Olyssiponensis Episcopus Matthæus; Petrus Lusitanæ militiæ: Gonsalvus Prior Hospitalarius: Martinus Barreganus e Divi Iacobi familia, sui quisque agminis duces, qui  
vigin-

viginti hominum millia Olyssipone & Ebora cum municipiis collecta ductabant. Hi simul cum illis, qui classe vehebantur, junctis castris obsedere propugnaculum, quod post varios vltro citroque labores subintrarunt, multis antea emensis difficultatibus. Nam qui ea tempestate Reges Cordubæ, Hispali, Paci Augustæ, Giennio imperitabant, certiores facti per internuntios, de improvviso cum equitum quindecim peditem octoginta millibus terra marique obsessis, auxiliantur. Ad hæc decem triremes opportune instructæ. Attamen cælo bene favente, & sex supra triginta navium præsidio, quæ a Batavia ad bellum transmari- num profectæ Cetobricam tenuerunt, dissolutis murorum compagibus, semel atque iterum propugnaculum multa prius edita corporum strage perruperunt. Dumque nostri homines fugientibus instant, alios cædunt, interficiunt alios: qua in fuga fama est triginta Maurorum millia, simul & quatuor Reges, qui obsessis venerant auxilio, cecidisse. Est qui scribat Angelum Cruce in gemma coruscanti fiduciam militibus addidisse. Captum denique oppidum & dire-  
ptum

ptum est luce Divo Lucæ, eidemque Evangelistæ sacra, anno post Christum natum MCCXVII.

*Alphonsus  
duos Mau-  
rorum Re-  
ges fugat.*

AD Alphonsum, vnde exiit, jam redeat oratio, qui belli, domique egregium sui præbuit documentum. Nam Hispalis & Gennii Reges, qui Helvenfes dura obsidione premebant, aperto Marte superavit, & ad suum quemque Regnum compulit. Quin & armata manu per hostilem ditionem excurrens, miseranda illata vastitate sese ad patrios lares victoria reportata collegit.

*Alphonfi  
finguitu-  
do.*

ÆTATE ad senium jam declinante, ad eam pinguedinem devenit, ut quivis corporis motus atque exercitatio illi pergravis esset; quod videre fuit cum Novæ civitati Aruccitannæ, (quæ Moura vulgo dicitur) & Serpæ Maurorum exercitu obsessis opem tulit, quem per medios hostium cuneos subduxerunt e castris semianimem, & vix præ nimia pinguedine spiritum sub armis ducentem.

*Ejus vxor  
& filii.*

VERRACAM ab Alphonso octavo Castellæ Rege, & Elconora Ioannis Angliæ Regis filia, oriundam in matrimonio habuit: a qua plures suscepit filios; Sancium puta co-  
gno-



gnomento Cucullum , qui parente extincto Regno successus est ; alterum Alphonsum Bononiæ , sive Gessoriaci , ducem in Gallia , quod Ducatus heredem duxit uxorem , postea Lusitanix Regem ; tertium Ferdinandum Serpæ Principem , cui Sancia Fernandes Comitissæ Ferdinandi de Lara filia Castellæ nupsit ; a quibus prognata Eleonora , quæ ut fama fert , a Principe Regni Daciæ herede uxor ducta est. Hic Alcobaciæ communi Lusitanorum Regum in monumento sepultus jacet , nec non etiam Vincentium genuit , jam inde a primis annis extinctum , quem etiam Alcobacia detinet in tumulo. Ultimam Eleonoram , quam Daciæ Rex habuit in matrimonio. Ex vago coitu filium suscepit Ferdinandum nomine , cui posteritas nulla ; vita functum tenet Alcobacia.

Octo & quadraginta annos implevit Alphonsus : unum & viginti Regni clavum tractavit : satis concessit anno post CHRISTI natalitium MCCXXXIII. Extinctum , simul & Vrracam cum filiorum aliquibus Alcobacia in sacello , quod vivus adhuc opere non magnifico extrui iussit , humili sepultura complectitur. Annis subinde labentibus ,

*Mors, &  
corporis li-  
neamenta.*

bus Georgius a Mello , Cœnobii Abbas , facellum dissolvit , & vtriusque ossa ad facellum Divo Vincentio sacrum transtulit , vbi hoc temporis conquiescunt. Corporis lineamenta , si possumus , exscribamus , vt cum res gestas legimus , eum ante oculos videre videamur. Procerus corpore fuit , adeo vt ad giganteam staturam accederet : magnos membrorum artus , & fucci vltra modum habuit plenos : oris suavitatem & formæ præstantia effloruit : frons libera , rutuli oculi , capillamentum rufum , prominens aliquantulum nasus , & aquilino similis : os magnum , sed suaviter crassum , Regis augebant venustatem.

*Quinque  
Franciscani  
Fratres  
ex Lusitania  
in Africanam  
trahuntur.*

REGNANTE Alphonso anno MCCXX , quinque e Franciscana familia , ( quos Franciscus parens & auctor , non humano consilio , sed cælesti oraculo monitus , miserat ex Hebrutria , vt homines scelerum impietate adstrictos cælestis disciplinæ monitis imbuerent ) per rudes & incultas nationes excurrentes ad Africam tandem devenerunt. Dumque Bocani , Hemexi in Mauritania , ( *Marracos* dicitur ) & eloquiis & vitæ sanctimonia conantur ferocientes homines CHRISTO sub-

subdere , atque ab infaustis dæmonum stabulis ad CHRISTI pascua, caulafque traducere : en tibi Miramolinus , qui ea tempestate gentem cum primis pervicacem administrabat , furore percitus , homines tum maxime ytilia suadentes ad capitale supplicium abripi jussit : quos morte multatos ad extructam pyram tradidit ; vt igne absumpti , & cultu , & honore carerent. Sed quis divinæ mentis oracula antevertet ? De improvîso turbatur cæli facies , tenebræ conduplicantur , flamma inter nubes coruscat , effusis sine more imbribus tempestas præcipitat , & jurata elementa vltimam mortalibus vastitatem minitari videntur. Quid plura ? Ignis consopitur , formidine externati fugiunt tortores , ingens fit solitudo , & quos effera vis tyranni flammis addixerat , his mollior ignis conditio indulfit. Nec pios tum temporis defecit consilium ; imo per noctis tenebras fulgurum splendore illustrati , lautissimam illam supellectilem , divinasque reliquias cælo dante collegerunt. Quas Petrus , Alphonsi Portugalliæ Regis frater , ( qui ob veteres cum Rege similtates Marrochiis debebat Miramolini obsequio emancipatus ) ad Hispana-

*Martyrio  
in Africa  
coronatur.*

*Eorum reliquias Conimbricam invehuntur.*

spaniam detulit, & ad fratrem Conimbricæ agentem in Lusitaniam transmisit. Ipse vero in Regno Legionensi apud Alphonsum Regem consobrinum mansit. Quid interim noster Alphonsus? De adventu certior factus, celebri decreta supplicatione, magna primæ nobilitatis caterva stipante, ante urbem, emenso vnus leucæ spatio, sanctissimas reliquias, divinaque ossa venerabundus opperiebatur. Quæ in augustissimo Sanctæ Crucis delubro honorifice collocavit, vbi crebris irradiant miraculis, vt annales illius familiæ evolventi facile patebit.

*D. Antonius de Patua Lusitanus Olyssiponenfis.*

PRIVSQVAM tamen hæc Franciscana familiæ pignora in Africam trajicerent, ad Lusitaniam pervenerunt, & sunt per aliquot dies Conimbricæ commorati: vbi eo tempore ornamentum Lusitaniæ & lumen debebat Antonius; qui visis Sanctorum reliquiis, dici non potest quanto ardore inflammatus ad Martirii palmam contenderit. Erat Antonius Olyssiponenfis, clarus natalibus, castigata vitæ disciplina institutus, ea urbis parte educatus, vbi nostra adhuc tempestate templum est ipsius Antonii cognomento. Annum ætatis decimum quintum nondum egressus, jam inde

Inde a teneris cœlesti oraculo animum adjiciens, Augustinianæ familiæ Olyssipone nomen dedit in cœnobio, cui Divo Vincentio extra muros nomen est. Hinc propter suorum usum frequentiore, quam vellet, Conimbriam ad Sanctæ Crucis cœnobium commigravit: ibi martyres vidit viventes, & veneratus est vita defunctos: quo adspectu, quam incredibili divini amoris incendio æstuarit, ex illis quæ postea gessit, conjiciatur.

EN longum post temporis intervallum accidit, ut Numinis irritamenta, quæ currentem animum incitabant, quibusdam e Franciscana familia, quibuscum familiariter agebat, aperiret. Hi vero per id temporis ædiculam quandam Divo Antonio Abbati sacram non longe ab vrbe sepositam incolebant. Post communicatum consilium habita Superiorum bona venia, se, relicta prioris vitæ ratione, Franciscanorum sodalitas mancipavit. Quos inter mirifico pietatis ardore per aliquod tempus, tum fame fitique ennectus, tum mira etiam rerum humanarum despicientia vitam toleravit. Non multo post in Africam solvit: adversa tamen fatigatus valetudine, & propter infatu-

*Antonius  
Ordinem  
Canonicorum  
Franciscano  
mutat.*

lubrem aeris intemperiem , indies magis magisque ingravescente , coactus est ad Hispaniam remenso pelago commeare. Ab Africa conscendit , ut denuo transmitteret : nec ita multum provectus , ventorum impulsu rejectus in Siciliam est , hinc in Italiam. Postea, illustrissimo & pietatis , & sanctimonie incremento per Galliam & Italiam concionabundus excurrens , res edidit memorabiles , quas omnes si vel tenuissimo historiae filo vellem complecti , res esset ingentis voluminis. Ejus corpus sanctissimum miro cultu , nec minori pietate Patavini cives suspiciunt & venerantur , illumque praesidem agnoscunt , & tutelarem. Antonii lingua singularis Numinis beneficio , & inaudito Lusitanos inter miraculo illaesa permanet , quod videre erat , cum ejus corpus est translatum. Nec Alphonso facta est parva gloriae accessio , quod Antonius illo regnante effloruerit , qui non solum domesticis , sed externis etiam eundem patronum , ac pæne popularem suum adficientibus immortales titulos impertiit.

*Antonii  
lingua in-  
corrupta.*



AD ALPHONSVM HVIVS NOMINIS II,  
LVSITANORVM REGEM III,  
COGNOMENTO PINGVEM.

**E**ST penes infidum turrita Salacia Maurum,  
Stat super aeris arx operosa jugis.

Tres magni hanc servant numeroſo milite Reges,  
Vana ſuperſtitio quos rapere arma facit.

Lyſiadæ oppugnant, defendunt pergama Mauri:  
Fortiter hæc pugnat, fortius illa manus.

Cruda diu durant dubii certamina Martis:  
Lyſiadæ præſtant, arx quateſacta labat.

Nuntius e cælo gemmanti in luce refulget,  
Pectus & in gemma fert nova ſigna Crucis.

Pro voce eloquitur Crucis ignea gemma, viriſque  
Gemma triumphandi non leve pignus erat.

Lyſiadæ expugnate arces, queis ſydera gemmant:  
Deque novo fulgens gemma Oriente micat.

Gemmea erit (ne vana fides) victoria; palmæ  
Gemmantes titulos gemmea fama canit.

Nobile prodigium jam non eſt gemma, triumph  
Gemmantis toto gemmat in orbe decus.

Ad eundem.

Spe lucri fororibus bellum movet.

**P**oneminas, quid in arma ruis male causa cupido!  
 Quas petis, heu! fædo crimine perdis opes.  
 Nescia bella pati, molissima corda sororum  
 Audex hostili sollicitare manu?  
 In tua damna ruis, propriisque occumbis in armis,  
 Seu tua sint, victor, seu spolia hostis habet.  
 Finge tuas, quas quæris opes; periire sorores;  
 Fac soror hostilem vim permat, ipse peris.  
 Aut soror, aut frater miseri sunt: dives uterque  
 Pauper erit: victo victor ab hoste cadet.  
 Quid mirum? & leges & jura abrumpit avarus.  
 Ergo nec leges, nec sua jura ferat.

Ad eundem.

Vivo patre, præclara edidit facinora;  
 mortuo patre, non ita.

**C**rescis in arma puer, juvenisque in Marto  
 triumphas:  
 Sed minor in factō gloria visa viro.  
 Patris in amplexu, tibi ferrea vincula nectis;  
 Mollior in grandi corpore vestis inest.  
 Prælia dura pater, natus quoque prælia tentas  
 Ille redit victor, tu quoque victor ovas.

De.

*Deferit arma pater , natus quoque deferis arma :*

*Illum fera quies , te sopor altus habet.*

*Crevit in egregio tibi gloria rara parente :*

*Patris ab exequiis pæne sepulta jacet.*

*Scilicet hoc vixisse putas , vixisse Parenti ,*

*Et cui non possis vivere , posse mori ?*

*Ad eundem.*

**B***ella movet Mavors , audet se opponere Marti*  
*Miles , & audaci bella cedere manu.*

*Progreditur Princeps bella ad Mavortia;Maurus*  
*Torpet , ad aspectus torpet iniqua manus.*

*Quos neque vi Mavors , Alphonsus fronte coercet ;*  
*Non dubium est, fortis quis sit in arma magis.*

*Nomina Mars Martis, Mavortiaque arma relinque;*  
*Alphonsus Martis nomen & arma gerat.*

*Qui dabit invictos post funera regia Martes ,*  
*Pro magnis Regnum qui tueantur avis.*

*Nomen & arma ferat Martis Mavortia Princeps,*  
*Tam male quæ Mavors, quam bene solus habet.*

THE HISTORY OF THE  
CITY OF BOSTON  
FROM THE FIRST SETTLEMENT  
TO THE PRESENT TIME  
BY  
JOHN HUTCHINGS  
OF THE BARRISTER AT LAW  
IN THE SUPREME COURT OF JUDICATURE  
IN NEW ENGLAND  
IN TWO VOLUMES  
VOLUME THE SECOND  
LONDON  
Printed by J. DODD, in Pall-mall  
1764





SANCIVS PORTVGALLIAE REX III.  
VIXIT ANN. XXXVIII. OBIT A. MCCXXXV.



# SANCIVS II.

LVSITANIÆ

REX IV.

## ANACEPHALÆOSIS V.

**A**LPHONSVM parentem consequutus est Sancius, hujus nominis II, Conimbricæ editus die octavo Septembris, anno a Virginis puerperio MCCVII. Prima ætatis rudimenta adeo iniqua valetudine toleravit, vt præter omnium opinionem fuerit in Regem inauguratus. Filii ægritudinem Vrraca mater tam moleste ferebat, vt nunquam fere vel obscura lætitiz indicia in ejus fronte legerentur; quæ, cum medicos omnes remedia quærendo defatigaret, eorumque phar-  
maca exhauriret, sacram anchoram apprehendit, & patronum suscepit singulare Christianæ reipublicæ lumen & columnen Augustinum; cui votum nuncupavit, fore vt Princeps linteatus cucullatusque incederet, quoad usque pubertatis annos excederet, eadem

*Adversa  
Sancii va-  
letudo in  
pueritia.*

prorsus ratione , qua nunc regulares Canonici Divi Augustini Conimbricæ in cœnobio Sanctæ Crucis exornantur. Quæ res triviali cognomento locum fecit , vt scilicet Sancius Cucullus appellaretur, non vero aliis de causis , quæ apud vulgus imperitum invaluerunt.

*Sancii remissio.*

CVM primum Regni clavum administrandum suscepit , sextum supra vigesimum agebat annum, quam ætatem curandæ valetudini potius , quam prælusioni ad regnum , aut majorum suorum imitationi impendit. Hac morborum serie , simul & ingenio miti & tractabili , eam animi remissionem imbibit , vt nemini metuendus , nemini Regno aptus videretur. Adeo vt familiares præpostero in Regem more dominarentur, & omnia fusque deque agerentur , prout cujusque libido erat , vel commodum. Hoc tempore Castellæ Regina erat Berengia, Alphonfi matertera , cui Principis cura fuerat demandata ; quæ sparso rumore permota , monitis consiliisque Regem ad meliora promovendum curabat ; eique sceminam aliquam tradere in matrimonium , quæ & nobilitate & consiliis Regni fastigium & majestatem impleret. Enim vero Regis familiares id, quod  
fu-

futurum erat , fufpicantes , nihil æqui bonique admonere , nullum non lapidem movere , vt illum a tali fententia dimoverent ; ſibi quiſque timere , ſi Regina foret alta quadam mente prædita , quæ Regni afflictiſ rebus , deploratiſque provideret ; Regem quanta maxima poterant animi contentione a matertæ conſiliis deterrere , & nuptias illas diſſuadere & dehortari. Quin potius Meſſiam Lopeziam de Haro illi conjugem invexere , Lupi Diazii de Haro Cantabriæ Domini filiam , & Vrracæ Alphonſæ Alphonſi Legionis Regis filiæ. Erat Meſſia ingenio liberalis , & formæ præſtantia elegans : ſed quamvis illuſtriſſimo loco nata , Regiæ tamen Luſitanorum Regum dignitati impar , & ſuperſtes priori marito Alvaro Pirio e Caſtro , qui licet antiqua eſſet regum nobilitate generoſus , nulla tamen re cum Sancio comparandus.

*Vxorem in-  
conſulto  
duxit.*

Hæc & alia quamplurima omnium odium & invidiam in Reginam concitarunt ; illos ſi excipias , qui nuptias conciliarunt. Quibus illa , collocatum in ſe beneficium vt reponeret , liberam faciebat copiam populi vexandi tanta licentia , vt aliqui primæ nobilita-

*Regina in  
aliquos fa-  
vor ma-  
gnorum  
malorum  
cauſa.*

litatis viri miserorum hominum vicem dolentes , ad Regem recta pergerent , aliorum audaciam incusantes, aliorum latrocinia conquerentes , referentes populi indigna ferentis clamores , & totius imperii ruinam minitantes , ni tantis calamitatibus modum faceret & medelam. Quibus ipse non mediocriter permotus (vtpote qui natura pius & mitis erat) impietatem publice grassantem publico supplicio retardandam constituit. Sed , quid non mortalia pectora cogis sævus amor ! Regina de his certior , ne ingrati animi specimen exhiberet , suorum partes suscepit defendendas , & Regem (nefas enim putabat illos , per quos ad summum imperium venerat , miseros videre , & afflictatos , blandimentis ita prolecebat , vt fidem faceret , illa omnia per invidiam esse conficta , vt illi familiares, quibus maxime fidebat , sinistra aliqua suspitione apud ipsum laborarent.

*Pontifex  
irritas San-  
cii cum  
Messia nu-  
ptias decla-  
rat.*

ALIQUI tamen Lusitaniæ Prælati, patriæ amore succensi , cum Alphonsum vidissent ad meliorem frugem minime collectum , ad Pontificem Maximum detulerunt , tum Regis remissionem , tum Reginæ fabricas & commenta. Ad hæc ipsos non prius habita

Pon-

Pontificis bona venia nuptias celebraſſe, cum arctiſſima eſſent confanguinitate conjuncti. Qua ſuper re Gregorius, hujus nominis IX, litteras expedivit monitis & adhortationibus refertas, tempore ad reſiſcendum præſinito. Episcopum deinde Sabinenſem legavit in Luſitaniam, cujus in conſpectu Sancius tantæ remiſſioni modum, tantæque licentiæ finem promiſit. Quod ad vnguem ſervavit, quandiu Pontificis Orator in Luſitania commoratus eſt. Quem, mox atque ab ejus oculis evanuit, Regina ſolitis illecebrarum lenociniis ( quod aliqui philtris & amatoriis poculis tribuebant ) decepit; & familiares cæco quodam impetu omnia conturbarunt, populum latrociniis vexantes, divina, atque humana jura perfringentes, majori prorfus, qua antea, licentia debacchantes. A quo fonte promanavit, vt quamplurimi Interamnenſi in Regione animis opibusque parati, duce Raimone quodam Viegas Portocarre- ro, qui in Galleciæ finibus degebat, factò agmine coaluerint, & Conimbricam vna devenerint, indeque Regnam vi abductam in Orenio propugnaculo includerent ad cuſtodiam. Hinc ad Caſtellam, quin ad eam

*Seditio Interamnenſis.*

revocandam Regis cura quidquam profecerit , transmiserunt. Et erat ibi ea fere tempestate , qua Alphonsus Toleti degebat ; quamvis verior opinio ferat , ipsos in posterum vna nec habitasse , nec pernoctasse quidem.

*Alphonsus  
in Sarcii  
patris loco  
cum subro-  
gatur.*

NEQUE tam incredibili Lusitanorum hominum studio iniquæ Reipublicæ administrationi modus est adhibitus : cum non a Regina tantum, sed a Rege etiam originem traheret. Quamobrem Legionensi in Synodo multi Prælati patria charitate inflammati apud Innocentium Pontificem Maximum acerbè conquesti sunt. Quibus rebus ut mederetur Innocentius, rem consultatione maturiori agitandam decrevit : in qua vna omnium voce decretum est , ut Alphonsus Lusitani Regis frater Bononia accercitus Regni clavum tractaret , ne Respublica tot calamitatibus pressa vergeret in pejus , & ultimam rueret in vastitatem. Expediuntur interim Pontificis mandata , accercitur Comes , qui Bononiæ tunc erat ; nec tamen Regnum non citra pulverem & sudorem adeptus est. Sancius vero, postquam impetrato a Rege Castellæ exercitu videt se nihil proficere , incepto desistit , & se Toletum recepit , ubi mirabi-



rabili vitæ sanctimonia privatam vitam toleravit : deligens potius in exilio consenescere & mori , quam in patrio regno alterius consiliis & monitis gubernari , quod & suadebant illi , qui Lusitaniam latrociniis , iniquitate , & cæca quadam temeritate afflixerant , pertubaverant , everterant.

TOLETI degens , grandiore pecuniæ vim , quam e Lusitania abduxerat , in miseros homines & pauperes larga manu divisit , nec non facellum extruxit , cui a Regibus vocabulum est. Duro & aspero vitæ cultu vitam protrahebat , dies & noctes orationi invigilans traducebat infomnes , nec ab ejus ore verbum vnquam excidit , quod vel querimoniam vel iracundiam redoleret , nec ullam mittebat reconditi doloris significationem , quanquam aliqui essent , qui per summam impudentiam auderent Regiam Sancii majestatem indignius , quam par erat , tractare. Quibus virtutum monumentis Regiam pre se majestatem regalemque indolem serebat. Divum Lazarum , cujus amore inflammatus mira edidit opera , incredibili pietate pientissimus ipse coluit. Quod & Lazarus cumulatus compensavit , cum ei inter mortales

*Toleti Sancii exulat.*

tales adhuc agenti visus , cælesti oraculo factum præmonstravit , & cum spiritum ageret , fortunatissimum Lazarum semper ante oculos intuitus est.

*Pertinax  
Lusitanorum  
fides  
in Sancium  
dum Toleti  
vixit.*

DVM tamen hæc Toleti aguntur , Lusitania in studia contraria trahebatur. Aliis alia placere & arridere : quæ omnia ad illum scopum collimabant , vt vnusquisque promissis staret , & fidem Regi suo interpositam incorrupte servaret. Hoc enim inter Lusitanos erga Reges suos immortaliter effloruit ; ea namque tempestate vix vllus fuit illustri loco natus , qui Alphonsi Comitis partes susciperet , cum Lusitani esset Regis filius , & vir moderandis hominum ingeniis , imperioque natus. Adeo fides indolesque Lusitana processit , vt nullus ( vnum si excipias , & alium , qui turpi lucello occæcati permiscere se Alponso , quæ res illis dedecus & ignominiam peperit sempiternam ) alicujus propugnaculi præfectus esset , qui ad vltimum pro fide non pugnaret potius , quam vellet deditionem facere. Quod non perstitit solum quandiu Rex in Lusitania fuit , sed illustrius etiam valuit , postquam a patrio Regno pulsus in exilium concessit. Præfecti ta-

men

men in ſententia immoti , nec ſuorum precibus, nec Pontificum anathematis, nec Regis obſidionibus adduci potuerunt , vt facerent imperata: quin potius per varia rerum discrimina obſidiones infracto animo pertulerunt , quoadusque certo nunciatum eſt, Sancium Regem vitæ annos felici morte clauſiſſe.

IN quibus Ferdinandus Paciecus fuit vnus , qui Seloriquenſe propugnaculum impigre defendit. Alter Martinus eſt Freitas , qui annuam obſidionem tanta animoſitate ſuſtentauit , vt optimo cuique eſſet documento. Nam dum Conimbricam Alphonſus obſeſam tenet , de obitu fratris Sancii certum nuntium habuit , quod & Martino nuntiavit , vt ipſe depoſita religione ſe dederet. Quid porro Martinus? Paſtis induciis proficiſcitur ea lege , ne Rex , dum ille abeſſet, propugnaculum oppugnaret. Et quamvis vnanimi omnium conſenſu cognosceret Luſitanum Regem fatiſ conceſſiſſe , ipſe nihilominus ad ſepulturam adiit , illamque non ſine ingenti omnium admiratione recluſit; Regem extrahit , extractum inſpicit , inſpectum cognoscit , cognitum & cultum, vt da-

*Præſectorum duorum arcium incorrupta fides.*

tam fidem liberaret, arcis clavibus e brachio dextro appensis, sepulturæ iterum reddidit, quod illustrissimis Auctorum testimoniis in scriptis consignatum secum in Lusitaniam attulit. Ad quam ubi regressus est, ad Comitem, qui jam ea tempestate rerum potiebatur, nuntium mittit, se sacramento jam absolutum deditioem velle facere. Et reclusis foribus, conjugem & filios manu prehensos foras pellit, dicens: Alio migremus veteres coloni, & suum suis dominis domicilium relinquamus. In genuaque ante Regem provolutus portarum claves manu prætendens, Regi tradidit, asseverans se ejus & Regis & domini futurum semper obsequio emancipatum: simul & tabellas ostendit illarum rerum, quas Toleti gesserat. Rex vero tantam fidem ad miraculum suspiciens, arci eundem ipsiusque posteros præfecit, ea conditione, ne ipsi aut posteri vlllo deinceps sacramento adigerentur. Martinus tanto beneficio non ingratus, Regi gratias agit & habet immortales: præfecturam tamen redhibuit; imo posteros diris imprecationibus devovit, si quis fidei sacramento adactus Castellum aliquod susciperet defendendum. Unde

*Martini a  
Freitas ge-  
nerosum  
factum.*

de Lusitanorum in suos Reges fides liquet, qui Regem, vel ad Regnum moderandum inutilem, tanta fidei sinceritate & constantia (vel si malis pertinacia) observaverint, nec voluerint faces submittere Comiti Alphonso, viro & pietate & prudentia insigni, & quod maius est Lusitano, & Lusitani Regis filio; cui demum impigre resisterent, ni anathematis, quæ pii homines plusquam bellica tormenta timere debent, illius iussis cohererentur esse audientes.

FUIT Sancius liberali facie & eleganti; frons libera, oculi glaucini erant & venusti: nasus prominens, sed suaviter crascecens: & ad pulchritudinem efformatus: barba eleganter disposita, & subrufa: oris color albo deterior, & in palorem degenerans; pietate in primis præditus, minime malus, ab immanitate longe abhorrens. Nihil Sancio defuit, ut Rex esset omnibus numeris absolutus, nisi prudentes viri, a quibus monitis institueretur. Quæ fuit causa, ut vir æquissimus, & æqui servantissimus, Rex tamen iniquus haberetur.

*Sancii lineamenta.*

CUM primum rerum habenas suscepit, in Turdetania cum Mauris hominibus sæ-

*Quid bellum  
gesserit  
Sancius.*

pif-

piissime congressus est. Qui ingenti navium classe terra marique ad Salaciam expugnandam advolarant; quam imperatam, & obfidione cinctam, in summum discrimen adducerent; nisi Ægydius Soverosa Regi in primis charus auxilio subiret, qui Mauros non sine ingenti clade fudit fugavitque. Paëtæ interim cum Mauris induciæ, quibus factum, ne tredecim annorum spatium, quibus rerum potitus est, aliquid amitteret. Excessit anno post Christum in lucem edditum millesimo ducentesimo quadragesimo quinto, nonum & trigessimum agens annum; quorum tredecim regnum administravit. Situs Toleti Regali in sacello, quod suis expensis erexerat. De loco tamen sepulturæ ejus assignato dubitant Auctores, & adhuc sub judice lis. Nam, cum Toletani Præsules majoris templi facellum vellent augustius efficere & spatiosius, tumulos avulserunt, illosque parietibus dispositos nullis incisus elogiis, nullis impressis epitaphiis indistincte inferuerunt.

*Sancii sepulchrum.*



AD REGEM SANCIVM.

Male inchoatam vitam feliciter claudit.

*S* Ancius in Regno quacumque peregerit , orbis  
Nesciat ; involvat facta minora pudor.

*Quæque Toletana sacraria fecerit vrbe ,  
Et tumuli augusti marmora , fama canat.*

*Emendat vitæ finis primordia ; laudis  
Finis habet , quidquid noxia vita negat.*

*Sint licet heroes proavi per facta superbi ;  
Hic tumuli claro marmore major erit.*

*Exulit a patria ; quamvis non Sancius exul  
A cælo , vitam dum bene claudit , erit.*

Ad eundem.

*N* Obile fit facinus ; te discedente revisit  
Lysiadum gratas jusque piæ domos.

*Quam bene Rex populo servis , dum sumpta relin-  
quis  
Iustitia Imperii fræna tenente tui.*

*Quidquid habes culpæ venia dignabitur orbis ;  
Plus bonus es Princeps , quam tua Regna fe-  
runt.*

*Quodquod in imperium commissum est crimen &  
error ,*

*Diluet exilii pœna severa tui.*

Ad

Ad Eundem.

Vnicum vitæ suæ opus sepulchrum sibi erexit.  
Epitaphium.

**L**ysiaci Regis domus , & fatale sepulchrum  
Hic pariter , pariter vitæque morsque cubant.  
Vita silet morti similis : mors proxima vitæ  
pondera , sub clauso marmore , vocis habet.  
Mortis in obsequium vixi : vitæque vicissim  
Munera sub cineres , officiosus amo.  
Nullum vita decus posuit , nisi mortis honores ;  
Mortis nulla nisi vivere cura fuit.  
Nomen inane tuli regnantis : inane sepulchrum  
Ne foret , hic vitæ summa sepulta meæ est.  
Disce alio ex tumultu melius tibi vivere : vitam  
Ex me cum nequeas discere , disce mori.

Ad Eundem

Abdicatus Regno loquitur Rex.

**I** Te graves curæ , sævi procul ite timores ;  
Vos bene dum perdam , perdere Regna juvat.  
Nescit opes , qui nescit opes bene perdere ; perdit  
Gaudia , qui semper gaudia lætus habet.  
Sint ubi deliciæ , nescit captiva voluptas :  
Servet honor spretus quæ bona , nescit honor.

Re-

*Regia crudeli servit Fortuna Tyranno :*

*Regnat privato sub lare tuta quies.*

*Libera paupertas : tranquillæ commoda vitæ :*

*Integra mens : scelerum nescia vita : beant.*

*Tristia perdidimus , jucunda ut Regna feramus :*

*Sic bene qui possit perdere , rarus erit.*

De eodem Epitaphium.

**E***Xul eram: posui vivus mihi busta. Sepulchrum  
Scilicet auxilio vita sepulta facit.*








ALFONSVS PORTVGALLIAE REX. V.  
VIXIT ANN. LXVIII. OBIT A. MCCLXXVIII





## ALPHONSVS III.

LVSITANIÆ

REX V.

## ANACEPHALÆOSIS VI.

AD Lusitanum Imperium ex incondita, licet alioqui pia, Sancii socordia traducendum in cultum civiliolem, Alphonsum excepit natale Conimbricæ solum, die quinta Maii, anno MCCX, quem pater ob incertam fratris valetudinem regalibus studiis diligentius imbuendum curavit. Sed, cum Sancii vita longius omnium opinione protraheretur, Blanca amita, Galliæ Regina, evocatum conjunxit Mathildi Comitissæ Bononiensi viduæ ex Philippo Crispo Philippi Augusti filio. Annum agebat ætatis Alphonfus vigesimum septimum, & valido corpore, sublimique statura, ingentiores animos agitando, in tantam virtutis suæ opinionem excrevit, ut eum Summus Pontifex multorum Cruce signatorum, qui ex Galliâ aliisque

*Alphonso  
marino-  
nium cum  
Mathildæ  
Bononi-  
ensi.*

provinciis in Palæstinam commeari moliebantur, ducem elegerit.

*Illius redi-  
tus in Lu-  
sitaniam,  
& regni  
principia.*

QUÆ cogitata abruptit ipsius in Lusitaniam regressus ad ea componenda, quæ multorum libido audebat, qui Sancii ingenio flexibili abutentes, nullum non facinus aggrediebantur. Turbatam conjuratamque fratris morte Lusitaniam primis comitiis pacavit, redactisque in suum obsequium cunctis arcibus, in demetendam vitiorum sylvam, quæ proximi temporis impunitate luxuriabat, & penitus extirpandam præpotentium in judiciis iniquitatem severius incubuit. Quare multorum in se invidiam conflavit; sed plures factiones austeritatis suæ fama disturbans, impudentem grassatorum globum exterminavit.

*Ædificiis  
& legibus  
Regnum  
nobilatur*

CUM domestici tumultus posuere, ad Regnum exornandum adjecit animum. Multa oppida frequentibus Maurorum bellis quassata & deserta, in quibus Estremotium, colonis nobilitavit: multa arcibus & publicis ædificiis instauravit; hæc inter Pacem Iuliam, si turrim excipias altitudine visendam, quam filius ipsius Dionysius insana substructione evexit. Regiis syngraphis ac  
tabel-

tabellis perpetuas immunitates pluribus op-  
pidis & hominibus impertiens, vtilissima  
quoque instituta ad Reipublicæ administra-  
tionem præscripsit. Tempa & cœnobia non  
vulgaria insigni liberalitate construxit; ex-  
emplo sint Ordinis Prædicatorum domus,  
altera Olyssippone, Helviis altera; & Vir-  
ginum Divæ Claræ Parthenon Scalabitanus.  
Ut mutuis popularium & vicinorum Regno-  
rum commerciis res augeretur, mercatus  
celeberrimos multis locis instituit, immuni-  
tatibus convenas alliciens. Auri, argenti,  
metallorum deteriorum, mercium, merce-  
narium, annonæ, ac reliquarum rerum  
venalium pretia restrinxit, cum veterum im-  
manitate deterriti multi a negotiando avoca-  
rentur.

EGREGIAS Alphonfi dotes, spectabi-  
lemque indolem misere corrupit præfracta  
& pervicax libido. Cum enim gratiam repo-  
nere debuit vxori, quæ pauperem optima  
domo exceperat, effœtam, & sexagenari-  
am pertæsus, veritusque, ne inopia hære-  
dum Lysitana domus ad Reges Legionenses,  
a quibus fluxerat, iterum dilaberetur: ti-  
mens etiam conjugii, quam ob infœcundam  
al-

*Incesta  
Alphonfi  
nuptiæ  
vivente le-  
gitima  
uxore.*

alvum sciebat ingratam futuram Lusitanis ; non vero ( vt aliqui confingunt ) vllius spe lucri inescatus , scelestas nuptias contraxit cum Beatrice , notha Alphonſi IX , Castellæ Regis , ex Maria Villenia Petri Guſmanii clariffimi filia , quam Alphonſus Regio cultu præ cæteris liberis indulgentius & operoſius educabat. Sibi quoque vſui fore vicini Regis affinitatem Alphonſus non ignorabat , quem Germani longe ſepoſiti , pulſo Federico II, in Imperium communibus ſuffragiis ſubrogarunt.

ALEXANDER IV. Summus Pontifex Comitiffæ & conſanguineorum procerum querimoniis, ipſaque rei indignitate commotus , clementi primum diplomate Alphonſum monet , veræ vt vxoris & Chriſtiani officii meminerit ; ſed cum omnia monita ſalutaria obtuſis auribus reſpuiſſet , interdicto , quod Viarium dici poteſt , juffit Pontifex , vbicumque Luſitaniæ Rex adeſſet , omnibus ſacris abſtineri , quin tot fulminibus obſtinatus Alphonſi animus emolliretur ; donec fati neceſſitas , quæ vxoris clauſit oculos , iter veniæ ſterneret , quam Vrbanus IV , ſacrorum præſidium & populi annuens clamoribus ,

ribus , sed invitus ad speciem concessit.

ERGO Beatrice justis facibus in thorum admissa , & duobus ex ea liberis Regni successione firmata , cœpit Alphonfus Maurici belli votis anxie distineri. Cumque nulli jam intra Lusitaniæ limites Mahometani agerent , & ad alios adhuc Hispaniæ insistentes pervadere non posset , nisi viam per Turdetanos affectaret , cum quibus Pelagius Correa Lusitanus , Castellani Divi Iacobi militiæ Magister , feliciter Hispana signa conferebat , communicato cum Regina consilio , eandem permovit , ut se in Castellam ad parentem conferret , ab eodem jus expugnatarum in Turdetania urbium , & expugnandarum deinceps obtenturam. Non secus accidit , quam Alphonso in votis erat. Socer enim donativas tabulas , suoque munitas sigillo misit , quibus ipsi & Dionysio nepoti , cæterisque deinde successoribus de suo jure concedebat , his tantum conditionibus interpositis ; Ne leges a se privatis negotiatoribus irrogatæ ( quæ privilegia dici solent ) unquam rescinderentur : Ut in litibus facultas esset ad Castellanam Curiam provocandi : Ut Alphonfus & ipsius liberi , sibi duntaxat , quoad viveret , non ita

*Turdetania  
a Rege Ca-  
stellano da-  
tur Al-  
phonso qui-  
busdam in-  
terpositis  
conditioni-  
bus.*

*Lusitania  
Castellæ  
vectigalis  
nunquam  
fuit.*

cæteris Castellæ Regibus cum expeditis quinquaginta equitibus præsto essent; quas conditiones postea in nepotis Dionysii gratiam remisit. Hinc inani fabulæ locus datus, Lusitaniam, ab Henrico Comite ad Alphonsum III, Castellanis Regibus stipendia exsoluisse.

*Res gesta  
in Turdetania.*

ACCEPTA donatione Alphonfus illico se Lusitanæ ac Turdetaniæ Regem inscripsit, & Regii stemmatis oræ bracteata ex auro Castellæ, vetera Algarbii insignia, purpurascenti campo adnotavit, & totum se appulit ad Mauros pellendos e Turdetania, a quibus Pharrum, Louleum, Algezurium, Albofeiram, aliaque ignobilioris nominis oppida avertit. Tam impio & antiquo jam possessore expeditum Algarbium citinum, & Lusitanæ terminum, respiravit. Est enim aliud ultra fretum Gaditanum in Mauritaniæ finibus, e regione Hispaniæ, in quo, cum aliquæ sint arces nostro milite instructæ, & Mahometanorum incurfionibus objectæ, Algarbiorum cis & ultra mare Rex dicitur Lusitanus.

*Legitima  
Alphonfi  
proles.*

Ex Beatrice genuit Alphonfus ad capefenda sceptræ Dionysium: tum Alphonsum dynastam Amææ, Castelliviticum, Arronici, Marvani, aliorumque oppidorum; cui data

vxor



vxor Violantia , filia Principis Emmanuelis , qui patrem habuit Ferdinandum III, Castellæ Regem. Tertio Beatricis partu editus est Ferdinandus, quem ab vbere mors Alcobaciæ tumultandum advulfit. Ibi etiam sita est Constantia, natorum minima, quam Hispalis ætate tenera morientem excepit, cum mater Alphonsum parentem fratrum Principum, & Sancii filii seditionibus agitatum convenit. Alia Alphonfi filia Blanca fuit Lorvanici primum Parthenonis, deinde Holgarum apud Bravum ( Burgos hodie ) antistes, omnium Hispaniensium ditissimi. Ad illam supellectile, auro & oppidis locupletandam avus paterque conspirarunt : ille plurimis in Hispania ; hic in Lusitania, Monte maiori vetere, & Campo maiore attributis. Ex vetito congressu filiorum quoque numerum auxit Alphonfus. In iis fuit Ægydus Alphonfi, & Ferdinandus Alphonfi ad templi militiam allectus ; Alphonfus Dionysii, Mariæ Riberiæ conjux ; & Martinus Alphonfi ex Afra genitus, a quo Sosæ, qui Chichorri dicuntur, emanarunt. Tandem Eleonora Portugallensis, vxor Comitissæ Garfiæ de Sousa, pecuniæ & clientium in primis opulenti.

*Fili il-  
legitimi.*

*Alphonſi  
ſtatura, &  
mores.*

FACIEM magnifice liberalem, & ad Regnum effictam habuit Alphonſus: cæſios oculos: celſam adeo corporaturam, vt admirationi fuerit ſpectantibus, cum Rex Sebaſtianus tumulos recludi juſſit. Corporis magnitudinem animi celſitudo ſuperabat; fuit enim largitionum profuſiſſimus; vt illæ teſtantur caſtellorum & oppidorum ad Regiam hereditatem ſpectantium ſchedæ, quæ in publici cartophylacii turre aſſervantur. Spectata fuit prudentia ad Regni tractationem; & in quo nihil deſiderares, niſi ſinceram alias religionem illud ingrati erga Mathildem animi ſtigma compunxiſſet. Ad extremam vitæ metam podagra laboravit, cujus dolores vt leniret, Gillii ex ordine Prædicatorio, ſanctitate illo ævo celebris, cui impenſe deditus erat, baculo greſſus fulciebat.

*Mors, &  
ſepultura.*

SPIRITVM efflavit Olyſſippone anno milieſimo ducentēſimo ſeptuageſimo nono, cum ſexaginta novem ætatis, duos & triginta in Regno poſt fratris obitum tranſegieſſet, ultra annum & menſem, quibus vicariam, eo vivente, operam exercuit. Sepultus eſt apud Divi Dominici, vnde poſt annos decem Alcobaciam translatus juxta parentem ſitus eſt

est in Divi Vincentii sacrario , vasto quodam tumulo ex imposito lapide , qui illuc fuit ex Regum facello importatus, In ad-versa templi testudine visitur Beatricis tumulus , cujus corpus repertum est balsamo medicatum ; sic integro & flavo capillamento , facie vernanti , & recenti succo suffusa , vt nihil minus quam exstincta crederetur.

---

AD ALPHONSVM III, LVSITANIÆ REGEM.

De liberali & regia Alphonsi facie.

*Q* Vi videt hanc faciem pueri nascentis, Amoris  
Instar Acidalia sub face , dicit , habet.

*Qui videt hanc faciem juvenis crescentis ; in  
hostem*

*Grandia Mavortis pondera dicit , habet.*

*Qui videt hanc faciem nec dum regnantis , ho-  
norem*

*Regis in egregio corpore dicit , habet.*

*Ergo qui faciem videat regnantis , in vno*

*Regis amor , virtus Martia vivit , ait.*

Profligatum moribus Regnum instauravit.

**I** Am prope rapta sibi, sibi reddita Lysia vivit,  
 Occidit ut Princeps, per tua jura nefas.  
 Impia monstra cadunt, pia Numina Regna re-  
 visunt:

Turpia defugiunt crimina, sacra vigent.  
 Nullis ficta dolis, nullis manus apta rapinis,  
 Nullius exercet vis inimica necem.  
 Nullus in arma furor, nullum scelus armat in  
 hostem;

Sola beat populos pacis amica quies.  
 Nescit avarus opes: sua crimina nescit adulter:  
 Lætatur simili prole parentis amor,  
 Quam bene sceptrum beas tibi credita, maxime  
 Princeps,  
 Quis licet ad mores vivere posse tuos?

A Summo Pontifice Hierosolymam libera-  
 turus dux destinatus, Lusitaniam instau-  
 raturus, Rex inauguratur.

**D** Iffidet aula poli pro te, Rex magne: Tonanti  
 Dum cupit apponi, te duce signa suo.  
 Pars vexilla dolet Solymæ captiva Tyranno,  
 Pars Lusitano jam prope rapta timet.

Lusi-

*Lysia divino timet hinc male le tuta crucri:*

*Hinc Solyma , erepta pro cruce , damna ti-  
met.*

*Illa crucem : cupit illa crucis servare cruorem ;  
Stemmata Crux servat , stigmata quina cruor.  
Stigmata quina cruor , sine te , periisse fatetur ;  
Te sine , ferre crucem stemmata posse negant.  
Omnia conveniunt ; tua Lysia te rapit : vno  
Stemmata quo servant stigmata tuta Crucem.*

*Vxorem Mathildem repudiavit , aliam du-  
xit , vt Regni heredem ex ea susciperet.*

**P***Arce pio Regi pia Lysia : crimen , & error  
Fædarunt vitæ tam pia facta meæ.  
Crimen amor ; fuit error opum male cauta cu-  
pido ;  
Servat amor crimen : vix scelus error habet.  
Error habet causam : levis est quæ finxit amo-  
rem ;  
Hæc levis ingratum me facit , illa pium.  
Vxorem mutavit amor : sceptra obtulit error :  
Arguit illa fidem , sed data sceptra manent.  
Sceptra manent , sed crimen habent ; referantur  
amori  
Crimine facta meo , reddita sceptra tuo.*









DIONISIVS PORTVGALLIAE REX VI  
VIXIT ANN. LXIII. OBIIT A. MCCCXXV.

# DIONYSIVS I.

## LVSITANIÆ

### REX VI.

#### ANACEPHALÆOSIS VII.

**D**VCENTESIMVS septuagesimus primus supra miliesimum a Virginis partu procedebat annus, cum in tanti Regni spem summa omnium lætitia & plausu in lucem editus est Dionysius, septimo Idus Octobris, qui dies sacer est Magno Areopagitæ, a quo Principi posthabitis Maiorum appellationibus nomen inditum fuit. Vbi per ætatem licuit, iis artibus imbuendus, quæ Regium animum exornarent, optimis præceptoribus a patre traditur: apud quos ita tyrocinium posuit, quo erat ingenii acumine, ut coevos sibi Reges facile antefleterit, & doctrina, & pulcherrimarum exercitatione facultatum. Peregrinum sermonem ita avide arripuit, ut externos libros summa cum voluptate lectitaret; Latinæ poeseos adeo studiosus, ut propensionem a natura ipsa congenitam facile

*Ortus Dionysii.*

*Humanitarum litterarum cultor in pueritia Dionysius.*

cile inspiceres, quam mira arte, & industria cum excoluerit, nihil ex iis, quæ poetam omnibus numeris absolvunt, in summo Rege desideratum est. Lusitanas porro Musas illo temporis rudes & incultas ab agresti inconcinnitate ad floridos ac lepidos rythmos vindicare tentavit, neque cœptis ingenium absuit, aut eventus: plura edidit limatiori stylo perpolita, quæ tum Regiam eruditionem attestarentur, tum posteris ad æmulandum forent incitamento, hæc tamen nobis obliviosa præripuit vetustas.

*Patri successit.*

VNDE vigesimum inibat annum, cum naturæ Alphonſus pater concessit: huic postquam more Regio iusta magnifice facta, in defuncti locum sufficitur Dionysius, cui, quod iusta erat ætate, Regni gubernaculum pleno jure administrandum committitur, quanquam ægre ferente Beatrice matre, non poenitendæ prudentiæ fœmina, vel quia suo labore & industria Lusitano Imperio aliquarum urbium fecerat accessionem, vel quia verebatur, ne filius sнопte ingenio ad liberalitatem propensior Regni opes inexpertus juvenili jactantia, & adulantium lenociniis titillatus, indecore prodigeret: nullatenus tamen

*Matris imperio fuisse detrectus.*

men adolescentis animus ( vt est omnis potestas impatiens confortis ) perducı potuit , vt eam communicata potestate in Regni societatem admitteret : dicere quippe solitus erat viro probo verti , si ab vndecimo anno aliena indigeat moderatione ; probrosissimum esse , si fœminæ imploret opem. Quare quam Castellæ Rex Beatricis pater id summa ope contenderit , efficere nequivit : hinc discordiarum semina , quæ eo processerunt , vt parens filii pertæsa , pietatis obtentu se in Castellam receperit , quo parenti ad extremam ætatis periodum delapso præsto foret ; re tamen , vt summum , quem ex repulsa , atque ab illa proveniente dedecore , conceperat dolorem , & testaretur , & absentia leniret ; ibique fato tandem functa est.

Non ita peramanter Alphonsum fratrem complexus est , quoniam in Castellanis Dynastis , quibus filias collocabat , aliqua Lusitanix castella , quæ hereditario acceperat , dotis nomine transferre vellet ; obviam item pessimo conatui Regina ivit sanctissima Elisabetha ; sed ea pactione in concordiam tandem venire , vt Alphonsus , quas Castellam proprius obtinebat vrbes , aliis , quæ in Re-

*Dionysii  
cum Al-  
phonso fra-  
tre dissidia.*



gni medio sitæ erant, quo a suspicionibus forent omnia tutiora, permutaret.

*Bellum  
cum Castell-  
lanis, &  
causa.*

NEQUE cum Sancio Castellæ Rege firmam aut stabilem pacem coluit; quanquam Dionysio melior belli causa & conditio. Illud inde ortum habuit, quia iis, quæ in filiorum nuptiis statuerent, Castellanus non steterit, adeoque violatam fidem tulit indigne Dionysius, ut missa in hostium fines prædatoria manu, aliquot oppida expugnaverit, bellumque magno utriusque Regni incommodo & jactura aliquandiu gestum sit. Suis igitur opem laturus Castellæ Rex, & Lusitanæ fines invasurus, exercitum comparat, sed conatus omnes inopina mors antevertit & interceptit. Toleti namque in itinere vita excedit, testamento interim heredi scribens, ut Lusitano, quæ pridem decreta fuerant, exsolvere quam primum curet. Bellum proinde quasi induciis interpositis conquievit. Vbi vero frustra tempus trahi, & quæ jure & defuncti testamento constabillita essent, varia causando, exequi non videt, restaurat iterum, & justo exercitu, Deum prius, ac fœderis religionem cotestatus, Castellam populabundus ingreditur. De pace agit



agit necessitate coactus Castellanus, quam iustis conditionibus obtinuit, sed neque has metu liberatus implere voluit. Quare ira percitus Dionysius deposita resumit arma, bellumque redintegrat, quod tanta vtrunque immanitate & sævitia illatum est, ut neque a sacris ædibus militaris licentia abstineret, neque ad illas, tamquam ad asylum, confugere tutum esset.

ILLVD porro inter cætera memoratu insignis evenisse comperio. Hispali solvens Castellanae classis præfectus, qui ingentem triremium numerum, & alia non contemnenda navigia sub signis habebat, Olyssipponem appulit improvisus; ubi onerarias aliquas mercibus jam onustas aggressus occupavit, portuque avexit: tamen neque victoriæ gloria, neque spoliis frui diu licuit; injuriæ namque impatiens, qui Lasitanis præerat triremibus, aliquas in tanta trepidatione raptim armat, & Castellanium, quam ocysime potest, insequutus, in Oceano deprehendit: ad manus igitur ventum, & quam vtrunque acerrime pro honore & præda decertatum fuerit, victoria potitus Lusitanus, non solum ablata Olyssipponem re-

*Triremes  
a Castella-  
no raptas  
recuperat  
Lusitanus.*

fert, sed pleraſque Caſtellani triremes vi captas, aut depreſſit, aut pro triumphi pompa eo, vnde ſolverat, perducendas curavit. Ex ſæviſſimo bello, quod uſu plerumque venit, firmiſſima pax exorta; quæ ut perpetua foret & inconcuſſa, Ferdinandus Caſtellæ Rex Conſtantiam Dionyſii filiam, Alphonſus contra Luſitaniæ Princeps Beatricem Ferdinandi ſororem in vxores accipere.

*Incorrupta  
Dionyſii ſi-  
des.*

STATIM a Regni exordio omnibus fere illius ſæculi Principibus charus fuit, & magni habitus, propter eximias animi dotes, & præclara decora; inter quæ eminebant Regii ſaſtigii ornamenta, atque excelfæ dignitatis lumina præclariffima, ſyncera fides, juſtitia incorrupta, magnifica liberalitas. Fidei & Regii promiſſi integritatem tanti duxit, ut quidquid ſemel ſponderet, & diligenter ſemper faceret & ſanctè obſervaret. Ut præſtitam ipſi fidem nulli vnquam violavit, ita nulla alia re ſic excandefcebat, quam ſi ſecum aliter videret agi. Illud admiratione digniſſimum, quod in tanto negotiorum tumultu duo inter ſe diſſidentia diplomata nunquam dederit. Iam vero juſtitia

ſtitutiæ & æquitatis ita amans fuit , vt frugi propter inſitam benignitatem impenſe amarent , nequam vero & proſtigatis moribus cives vitiorum ultorem , & ſanctitatis vindicem integerrimum formidarent. Ab hoc fonte laudatiſſimus ille Dionyſii mos promanavit , quo præmiis propoſitis , iis qui victos ad ſe deferrent, Regnum latronibus magna iter agentium commoditate expurgavit.

ORTA per id temporis lis & contentio inter Caſtellæ & Aragoniæ Reges , atque Alphonſum de Lacerda , qui ad ſe hereditario jure Caſtellæ ſceptrum pertinere contendebat , quod primogenitus eſſet filius Principis Ferdinandi de Lacerda ; qui ſuperſtite adhuc Alphonſo patre, Caſtellæ Rege , e vita migraverat , immaturo præreptus fato , eo-que diſſidia jam proceſſerant , vt armis ſtatu-erent decernere : niſi Benediſti XI , qui ſummum pro CHRISTO in terris obtinebat imperium , conſilio diſcordiis obviam itum eſſet. Hujus itaque monitis & rogatu ſacramento ſe omnes adſtrinxere , Regio nomine & diademate ceſſurum , qui lite caderet ; arma omnes abjecturos , ſtatu-rosque judicio & ſententia Dionyſii atque aliorum ,

*Sequeſter  
eligitur  
Dionyſius  
ad Regem  
Caſtella-  
num & A-  
ragonium  
componen-  
dos.*

quos

quos in tantæ rei decifionem arbitros delegere. Quoniam vero in Aragonia (ita enim pactum fuerat) res transigenda erat, longum ingreffurus iter, quæ vfuï effe poffent, cito comparat, fecumque non contemnendam, vel numero vel nobilitate manum adducendam curavit. Fuerunt in comitatu Elisabetha conjux fanctitatis titulo nobilitata: Alphonus Regis frater: Comites Petrus & Ioannes Alphonsi filii, fed nothi: plerique Regni Pontifices, & Dynaftarum permulti. Tarraconem vbi ventum eft, de causæ ftatu certior factus, communicata cum fociis fententia, ita litem diremit, vt libenter duo in concordiam Reges adducti fint, paxque firmata inter Alphonsum de Lacerda & Ferdinandum Castellæ Regem; quibus compositis vniverfæ Hispaniæ Dionysii prudentia & auctoritate pax reddita.

*Dionysii in  
Aragoni-  
am iter &  
comitatus.*

ANIMORVM conciliatricem liberalitatem ita impense coluit, vt in proverbium prope apud nostrates ierit: quare domesticis & externis mirum in modum gratus & charus vixit. Ad eum visendi studio alieni plures confluxere, quos ita amanter & benigne accepit, vt famam regiis virtutibus, quod de

*Liberalitas  
vere regia  
Dionysii.*

Salomone admirabunda Sabæorum Regina dixisse fertur, longe esse inferiorem dubio procul compererint. Nullus ad eum vnquam miser auxilii ergo confugit, qui benignum & largum expertus non fuerit. Testes locupletissimi Ioannes patruus: Raymon a Cardona, & Ioannes de Lara, quem, cum in vinculis teneret, abire iussum muneribus pro supplicio cumulavit. Quo tempore litium arbiter Tarraconem contendit, Iacobus Aragoniæ Rex, vxoris sanctissimæ frater, castella aliquot oppignerans decem mille pondo auri, ( Dobras vocant ) quæ summa viginti quinque aureorum millia explet, commodato petiit. Pignora Dionysius non accepit, imo pro affinitatis conjunctione liberaliter dono dedit aureorum millia quinquaginta, Reginæque eximii pretii margaritas & lapides non vulgaris æstimationis impertitus est, extensa ad reliquos Dynastas magnificentia, quorum plerosque muneribus auxit Regia dignissimis largitate. In Castellæ curia sibi omnino par & similis generum miris adstrinxit donis; filiam muneribus cumulavit: Ioannem & Petrum Principes miræ æstimationis donariis auctos sibi conciliavit. Neque

que iis solum qui præsentem alloquebantur beneficiis frui datum. Absentibus quoque munera misit non vulgaria. Cum vero oblivione Prætor missus fuisset, nobilis Castellanus, in Lusitaniam se recipientem Regem insequutus urbane injuriam ( ita enim quod communi beneficio solus caruisset, oblivionem appellabat ) conquestus est ; Rex quasi intulisset , suorumque oblivionem causatus , argenteam mensam, cui forte accumbebat, largitus, lætum remisit & ditiozem.

*Favor in  
agricolas.*

PLURA in communem populorum gessit utilitatem , quibus sibi patris patriæ nomen meritissimo comparavit. Vastas & incultas solitudines , ut proscinderentur aratro , distribuit , & agricolas , quos Reipublicæ nervos appellare solitus erat , auxit , & gaudere voluit singularibus immunitatibus. Quamobrem mendicantium numerus admodum imminutus est; illi etenim, quibus vires adhuc suppetebant , laborando sibi victum comparabant ; labori vero prorsus inhabile vulgus regiis sumptibus alebatur. Reditus & publica vectigalia ita administravit , ut quamvis Regibus cæteris liberalitate præcelluerit , nullus tamen copiosum æque thesauri-



aurum heredi testamento legaverit: &, quod mirere, neque tributis neque vectigalibus oppressit plebem. Plures statuit leges, quæ adhuc vigent, & Regni postea juri insertæ fuere, ipsasque, & priorum Regum sanctiones in certam methodum reduxit: providens, ne diutius susceptæ lites protraherentur, quod magno altercantium incommodo evenire solet; hodieque in forensi judiciorum ipso strepitu & tumultu Dionysii memoria pie colitur: quoties enim aliquis inopia ita premitur, ut solvere nequeat tres supra viginti denarios, quos, qui in Regni Cancellaria sibi iniquam fuisse judicis decisionem contendit, deponere consuevit; ubi Sacramento rei familiaris angustias contestatus est, flexis genibus Dominicam precationem, & Angelicam salutationem pro Dionysii Regis animo rite & religiose fundit: ita fit, ut in forensi ipsa perturbatione animarum naufragiis infami preces & supplicia inveniat, qui inibi paterne indigentium inopiæ consuluit.

*Leges utiles a Dionysio.*

EXTINCTO per illud tempus celeberrimo Templariorum ordine, novum in Lusitania similiter Equitum sub CHRISTI nomine

*Christi milites instituti, milites D. Iacobi & Castellanis separati.*

mine & tutela excitavit : cœnobia & templa multis illustravit donariis , plerasque civitates & vrbes muris cinxit , arcibus munivit : Conimbricensem Academiam creavit primus omni scientiarum genere nobilissimam ; ad quam maxima mercede conductos viros sapientia præstantes advocavit : Lusitanos milites , qui a Divo Iacobo nomen accepere , a Castellæ Magistri exemit subiectione , Lusitanumque Nicolai iv , Summi Pontificis , indulto Equitum , suffragiis fieri mandavit : Salaciæ eisdem cœnobium exstruxit , quod postea in vicinum oppidum ( Palmellam dicunt ) transductum fuit.

*Conjugium & liberi.*

MATRIMONIO sibi copulavit Elisabetham inter Lusitaniæ Reginas sanctitatis cognomine inclytam , Petri Aragoniæ Regis ex Constantia Manfredi , qui tunc Neapolis & Sicilia Regna obtinebat , filiam. Ex Elisabetha liberos procreavit Dionysius Alphonsum , qui patri in Regnum successus est , & Constantiam , quæ Ferdinando Castellæ Regi nupsit. Ex damnato thoro suscepit etiam Alphonsum Sancium , qui patri maximus œconomus fuit , & cæteris omnibus longe charior , quod adeo graviter & iniquo animo passus est Alphonus Prin-

Princeps, vt hujus in fratrem odium, patris vero indulgentia & charitas, civilium bellorum ortus fuerit, & principium. Progeniuit præterea Petrum Barcelli Comitem, qui de Lusitaniæ familiis librum conscripsit, & apud Taroucam in Divi Ioannis cœnobio sepultus jacet; Ioannem itidem Alphonsi, & Ferdinandum Sancium; Mariam filiam, quam Ioanni de Lacerda conjugem dedit; ejusdem nominis aliam, quæ religiose Odivellis (cœnobium id illustre est a Dionysio regiis sumptibus & magnificentia constructum) & vixit, & fato concessit.

SENECTUTE jam gravis, bello civili admodum afflictus est, cui præter ea, quæ commemorata sunt, filii sinistrum ingenium, & consiliarii aliquot non admodum Numinis reverentes, occasionem ministrarunt; atque adeo discordia processit, vt Rex in Castellam, quasi exilium Alphonsum Sancium Principis odio multis invidiosum miserit; quo discessu majori ex parte sedata dissidia, minime vero fratris ferox animus delenitus: adeo ejus pectori ira infederat.

IUSTA fuit Dionysius corporis proceritate: subrufo capillo, nigris oculis, vivido

*Civile bellum inter Dionysium, & Alphonsum, filium.*

*Statura,  
testamen-  
tum, &  
obitus Dio-  
nyfii.*

colore ; succoso vultu ; Regia Majestate ,  
quam pulchritudinis venustate magis conspi-  
cua : comis , humanus , & sine fastu Rex.  
Cum Lusitanum Imperium sex supra qua-  
draginta annos moderatus esset , obiit Scala-  
bi octogesimum quartum agens , postridie  
Nonas Ianuarii , incunte a CHRISTI ortu  
MCCCXXV. Defuncti cadaver Odovellas in  
Olyssipponensi agro , vbi Cisteriensibus mo-  
nialibus ex Divi Dionysii Areopagitæ nomi-  
ne celebre monasterium erexerat , adductum  
& rite sepultum fuit. Quo tempore cum si-  
bi finem vitæ adesse intelligeret , testamen-  
tum condidit , ex ærario CXL millia aureo-  
rum , qui numus quatuordecim denariorum  
valorem æquat , iussit extrahi , tradique il-  
lis quibus testamenti curam demandabat , vt  
dividerentur in Religiosorum hominum &  
fœminarum cœnobîa , peregrinorum hospi-  
tia & nosocomia , orbarum puellarum dotes ,  
expositorum infantium educationem. Lega-  
vit præterea mille & quingentos aureos in-  
culpatis moribus Equiti , qui suo nomine ad-  
versus Christiani nominis hostes Mahometa-  
nos apud Hierosolymam , & ea loca , quæ  
humanæ conditioni assertor CHRISTVS Do-  
mi-

minus nobilitaverat , biennio dimicaret. Superstes conjugii vndecim ferme annos Regina vixit Elisabetha , quibus Divæ Claræ nobilissimum Conimbricæ ad Mondæ fluminis ripas Parthenium , quod primis fundamentis pridem inchoaverat , feliciter absolvit : ibique inter CHRISTI ancillas , fastu deposito , magno virtutum splendore & miraculorum prodigiis clara extremum tandem diem obiit & quiescit.

---

APPENDIX AD ANACEPHALÆOSIM VII  
REGIS DIONYSII

**I**N Belgio , ac prælo erant Anacephalæofes , cum in vita D. Ludovici Episcopi Tolofani historiam reperi, quam hic non sub-  
jicere duxi piaculum , maxime quia com-  
munibus regni annalibus non circumfertur.

FUIT Ludovicus Caroli II , Neapolis  
ac Siciliae Regis, filius, & Mariæ, quæ Hun-  
garorum Rege nata tres fratres Reges vidit ,  
Stephanum , Ladislaum , & Henricum. Lu-  
dovicus tamen , cum ob ætatis prærogativam  
( erat enim natu maximus ) regnum esset ob-  
tenturus , maluit nudum CHRISTVM nudus  
sequi in sanctissimo Minorum Sodalitio, a quo  
invitus ad Tolofanum Sacerdotium Summi  
Pontificis edictis abreptus , tot in vita ges-  
sit miracula , ut post mortem Divorum nu-  
mero sit ascriptus. Elifabethæ Dionysii vxori  
cum Ludovico cognatio intercedebat ob  
aviam Ardeuram ( Hispani dixere Violan-  
tem ) Iacobi I , Aragonum Regis, vxorem ,  
Andreæ Hungarorum filiam. Accedebat quod  
ipsius Elifabethæ frater Iacobus nuptias con-  
tra-



traxit cum Blanca Ludovici sorore.

TOTA Europa, & Hispania potissimum, vulgabantur Ludovici, jam vita functi, gesta, quæ Regina Elisabetha non tam sanguine, quam veritate, & pietate instigante, semper in ore circumferebat, & Dionysio fidem minime adhibenti suggerebat. In sylvam Iuliæ Paci vicinam Rex venaturus contendit; cum in media solitudine stupatoribus destitutus in vrsū incurrit, qui ingenua feritate in Regem insilit, medium completur, totum impedit, & equo deturbat; strato manu altera dirus insultat, altera equi habenas torquet. Rex se aperto vitæ discrimini objectum perpendens, Ludovici, quamvis sero, recordatus, supplicas ardentius implorat. Ille Monachi habitu & pontificia tiora insignis subito affulsit, & turbato Regi, Quid hic, inquit, tibi esto negotii? pugionem educito, & vrsū contrucidato. Dionysius animo redintegrato dextera, quam expeditam mox sensit, expeditum ferrum extrahit, & in sinistro vrsi armo defigit; & monstro profligato, equoque conscenso ad suos impiger erumpit. Procedenti fit obuius agricola torvus & caperatus. Rogat, cuius esset;

esset ; Ille se asserit esse oppidi illius incolam, in quo hominibus, cælitibusque infestis Regi prandium parabatur ; Dionysius iterum quærit, quid a Rege incommodi accepisset. Oppidanus, honestum aliquem minoris subfelli hominem ratus, respondet. Cocus ille, cui delegata est cura Regem cibo excipiendi, vaccam, tres arietes, gallinas totidem ab invito per summam injuriam, & nec dato saltem teruncio, extorsit, dictans in Regis usum hæc fieri, qui terrarum Deus sit. Regem, Regisque satellites mallæ diræ, mali perdant dæmones, quando rem meam perditum miserunt, & me in abruptam desperationem impulerunt. Dionysius hominem solatur, & secum in pagum deducto, veritatis certior redditus, omnia reddi curavit, & cæteris, quibus sui causa aliquid esset damni irrogatum. Deinde nequam illum mensæ præfectum sagittis confici jussit, ut cæteris præconio esset, nulli impune futurum si Regis auctoritate a quopiam, nedum ab egen-  
tibus agricolis, aliquid per fraudem expile-  
tur. In prodigii monimentum visitur hodie in Pacensi vrbe, in Minorum cœnobio, a Rege Sacellum Divo Ludovico servatori dica-  
tum.

## AD DIONYSIVM REGEM.

**Q**uas cupiit proprias generoso in Principe dotes,  
In Cyro Xenophon finxit inesse suo.  
Si te vidisset regnantem & sceptrâ tenentem,  
Diceret effigiem Principis esse sui.  
Tam placide regnas, tam fortiter arma laceffis,  
Tam placet imperii regia forma tui.  
Tan bene regali tribuis dona aurea dextrâ:  
Tam bene regales ipse tueris opes.  
Sic Majestatem divina modestia lenit,  
Blandus amor cogit sic procul ire metus.  
Quique vel Herculeis es Rex invictus in armis,  
Vinceris ad molles voce rogante preces.  
Te pietas agnum, reddit vindicta leonem,  
Te bellum Martem, pax facit alma Numam.  
Non est in terris a quo, Rex, discere possis;  
Regnandi e cælo, Rex, tua forma venit.

## De liberalitate Dionysii.

**L**aus tibi justitiæ summa est & cura tuendæ,  
Quam propter Princeps Regna aliena petis?  
Dum Regnum dirimis, das vasa smaragdina, li-  
tem;  
Gratia plus Princeps, quam tua vasa, gerit.  
Tom. I. K Do-

*Dona manus Regum , populorum munera dextræ  
 Excipiunt : tulerat qui nihil unus erat ,  
 Nondum ait effusæ gustavi munera dextræ ;  
 Forte dapes Regi mensa opulenta dabat.  
 Mensam ex argento , dum murmura concipit, olli  
 Rex dedit , ingenii est Principis istud opus.  
 In mensa Rex ante cibos & fercula sumpsit ,  
 Regales epulas post data mensa fuit.  
 Sumpserit in mensa licet aurea fercula Princeps ,  
 Nullum tam gratum quam data mensa fuit*

*Ad Regem Dionysium , quod miserit  
 Reginam Elisabetham in exilium.*

*P* *Rob pudor ! Illa animo , & magnis virtuti-  
 bus ingens,  
 Exulat imperiis per sua Regna tuis.  
 Quod scelus admisit , nisi quod cæleste Tonantis  
 Numen adit , paci semper amica tuæ ?  
 Quæ Martem ut fugeret , subiit discrimina Mar-  
 tis ,  
 Martia sanguinea suscitât arma manu.  
 Hujus opes faciunt operosa tumescere bella ,  
 Pauper habet , nato quas dare credis opes ?  
 Ecce putas vultus certissima pignora mentis ,  
 Frons animo pacis Numen adesse probat.*

*For-*

*Forſitan erroris ſub imagine crimen adumbras ;  
 Error hic æterna labe piandus erit.  
 Vita ita ſublimis ſupra ſcelus eminet omne ,  
 Iudicium damnent ut pia facta tuum.  
 Plectitur exilio virtus in conjuge Princeps :  
 Non hominem exilio , Numina perſequeris.*

Ad Luſitaniam de Rege Dionyſio.

**L***uſia quam felix hoc Principe, quamque ſuper-  
 ba es ?  
 Caſaribus numquam par tibi Roma fuit.  
 Si tibi pugnandum eſt , vel Marte potentior ipſo ,  
 Cogit ad infamem caſtra inimica fugam ,  
 Otia ſi placeant , poſito dabit otia ferro ;  
 Inter aratores primus arator erit.  
 Si cupis ut ſuſtus , Majeſtatemque ſuperbi  
 Imperii oſtentet ; tam bene nullus aget.  
 Jura etiam dando vincit Minoa , Solonem  
 Vincit , & Ægeria jura docente Numam.*

Ad Regem Dionyſium.

**N***eſtores , Atrides , Priameius Heſtor , Achilles ,  
 Phillyrides Chiron , Amphitrioniades.  
 Annibal & Fabius , Pompeius , Sylla , Camillus ,  
 Scipio , Fabricius , cum Numitore Numa.*

*Curtius, Augustus, Brutus, Cato, Nerva, Philippus,*

*Cæsar, Alexander, Codrus, & Hyppolytus.*

*Quemlibet ex istis poteris te dicere, Princeps?*

*Quilibet ex istis tu quod es esse nequit.*





ANNO DOMINI MDCCLXXII  
MAY 20



S. ELISABETHA IVSITANLÆ REGINA  
VIXIT AN. LXV. OBIIT AN. MCCCXXXVI

S. ELISABETHA  
LVSITANIÆ  
REGINA.

---

*ANACEPHALÆOSIS VIII.*

**S**ANCTISSIMA Regina Elisabetha patrem habuit Petrum Aragoniæ Regem, Iacobi, ob eximiâ sanctitatem & bellicam virtutem, gloriosam sancti pariter & opugnatoris nomenclaturam adepti, filium; matrem vero Constantiam, Manfredi Siciliae Regis filiam, Federici secundi Imperatoris neptem. Regnante adhuc avo, anno a partu Virginis M<sup>CC</sup>LXXI in lucem edita est; præter solitum obvoluta & undique septa membranarum integumento (secundas Latini vocant) non sine admiratione lætoque præfagio vitæ honestissimæ, cui pellicea tunica succincta clavis rudimentis præludebat, ad paradysum quasi posthminio reditura. Exuvias igitur mater argentea capsella inclusas in suo thesauro custodiri iussit. Inditum

*D. Elisabetha nati-  
vitas.*

*Nomen unde  
de inditum.*

ditum illi , dum lustralibus aquis ablueretur, Elisabethæ nomen , ob recentem alterius Elisabethæ sororis aviæ paternæ Violantiæ , Andreæ Pannoniæ Regis filiæ, memoriam : quæ non ita pridem illustri sanctimonix præconio floruerat , emisso , viventis adhuc mariti facultate , castitatis voto. Illoque mortuo insigne nosocomium ædificavit , in quo vitæ reliquum consumeret , servilibus vltro addicta ministeriis pauperum vsui opportunis , multis clara miraculis , ob idque a Gregorio VIII Pontifice Maximo in Sanctarum numerum relata est.

*Vbi nata  
est , inter  
avum &  
patrem pa-  
cem confir-  
mavit.*

HISCE parentibus , & quas attigimus circumstantiis , orta , avum Iacobum tanto perfudit gaudio , vt posita simultate cum Petro filio optimus senex gratiam statim reintegraret ; neptemque pacis domesticæ arbitram & sequestrem in suam Regiam ducendam curavit , studiosissime alendam , omnique virtutum exemplo diligentissime imbuendam. Et facto præstitit , ne honorificum illius vaticinium vanum redderetur , quo solitus prædicere suam neptem clarissimum Aragonensis regiæ splendorem haud dubie futuram. Illam Iacobus naturæ concedens sextum agentem

tem annum reliquit. Mox domum Patris reducitur, vbi tenera in ætate se ipsa maior, quid in robusta factura esset, non obscure indicabat, eundem vivendi morem servans, tota ad modestiam composita, præceptorum, quæ in avita aula didicerat, non oblita. Octavum annum attingens, diurnum ac nocturnum Horarum Canoniarum pensum studiose reddebat: ita in egenos, quorum miseriis compatiebatur, liberalis, ut quidquid per ætatem liceret, illis suppeditaret, mirante Patre, prosperosque suarum rerum successus filix meritis acceptos referente.

*Virtutis indicia in infanta.*

Hæc poterat tam eximix sanctimonix splendor invide obtegi, quin transluceret, clarissimique gratix & naturæ dotum radii orbem pervaderent. Multi illam magno ex Latio, totaque petebant Europa in uxorem; Neapolitanus videlicet Princeps, & Britannus, missis in eam rem eodem tempore oratoribus. Hæ tamen preces, etsi honorificæ, Aragonio graves admodum apparebant, ne amantissimam a se filiam ablegare cogeretur: Elisabethæ graviores, utpote humana præ divinis pili facienti, Regiosque thalamos purissimis Divini Agni nuptiis posthabenti.

*Elisabetha multis perita, Divino despondetur.*

Mor-

Mortuo paulo ante in Lusitania Alphonso III Regni clavum moderabatur eius filius Dionysius : qui vbi primum rerum potitus est , nihil habuit antiquius , quam tres nobilissimos aulicos , Ioannem Velho, Ioannem Martinium , & Vasculum Pirezium ad Aragoniæ Regem Barcinonæ tum temporis commorantem , oratores destinare ; qui Elisabetham in Lusitaniæ Reginam enixe peterent. Hæsit valde dubius Aragonius , quem potius è tribus petitoribus sibi generum eligeret. Tandem re melius considerata , Dionysium Principibus Salernitano ac Britanno non temere prætulit. Hi enim Regnum adhuc sperabant, ille vero possidebat : nec tam arcto sanguinis vinculo , sicut duo priores , iunctus erat ; ut non nisi interposita Sedis Apostolicæ auctoritate Elisabetham duceret. Feliciter adjudicata lite dubia Lusitanis , Ioannes Velho legationis princeps , ex tradita sibi ad absolvendum negotium potestate , ne victor victoria uti nesciret , Elisabetham nomine Dionysii in uxorem accepit : decreto statim die , & ordine , quo viæ se expediret , Aragoniamque defereret. Res tam bene transacta Regem universamque Lusitaniam mirifice exhilaravit ,



excellentissimam Reginam , veluti de cælo lapsam , expectantem.

UT primum profectiois tempus advenit ; magno , ut par erat , comitatu , charissimum pignus pater ad Castellæ usque fines secutus , vix præ lachrymis ab eius colloquio avulsus est ; illam ibi amittens Sancius perhonorifice excepit , bellicque negotiis disensus , fratrem suum Iacobum viæ comitem dedit , & Castellæ proceres nobilissimos. Brigantii in confinibus Lusitaniæ constiterat Alphonfus , Regis Dionysii frater , Episcopis , Dynastis , & nobilibus stipatus. Huic tradita Elisabetha Trancosium , quo se Rex contulerat , deducta est ; ubi tam felices nuptiæ incredibili omnium lætitia & plausu celebratæ Augusto anni M<sup>CC</sup>LXXXII humanæ salutis. Assignantur illi a Rege peculiare redditus ex certis oppidis ( ut mos est in Lusitania ) amplissimi : peculiare aulici , & ministri. Non mutarunt novi honores pristinos Elisabethæ mores ; immo ab illis nec transversum digitum , aut latum vnguem discedens , Divino adspirante Numine duodecim annorum ætate disparia numerosc temperans , delicias temperantia , gaudia lachrymis , holosericas & au-

*Deducitur  
in Lusita-  
niam.*

*Nuptia  
Trancosii  
celebrantur.*

reas vestes voluntaria maceratione , divinisque precibus ingeniose commiscebat ; & animo in Deum translato , Regis obsequio non deerat.

*Tempus  
quam ha-  
buerit ad  
preces , &  
pia opera  
dispositum*

Huius rei gratia diurnum tempus distincte & ordinate disposuerat. Ab strato surgens matutinas preces & Primam recitabat ; paratis mox in facello ad rem divinam Sacerdotibus , symphoniacisque , sacro flexis genibus religiose aderat : exosculataque facientis manu , pro diei ratione munus , ne vacua appareret , offerebat ; ad reliquas deinde Horas Canonicas absolvendas ( quem morem perpetuo servavit ) revertebatur : quibus pro corollario Virgineas preces ac funebres addebat. A prandio adibat facellum ad vespertinas preces audiendas , & quod suis deerat , recitabat : remotisque arbitris cœlitum colloquio vacabat , & libros ad pietatem institutos evolvebat , fluentibus vbertim lachrymis , mira liquefacti animi teneritudine. Ad muliebres deinde artes , ne ipsa domesticæque famulæ otio diffunderent , se conferebat ; quibus exemplo præluens propriis manibus sacram aræ sepellestilem operosa conficiebat. Expiatis pia detestatione maculis , frequen-

ter ad augustissimam Eucharistiam accedebat. Hæc Divæ Elisabethæ fuerunt studia : his occupationibus ex Apostoli consilio tempus redimebat ; quin aulæ curam omitteret , cui bene instituendæ industriæ nervos sedulo intendebat.

QUEMADMODVM orandi studio nimio opere dedita erat , sic orationis assœclam abstinentiam diligenter observabat , ne distentum lautis epulis corpus mentem ad superos evolantem deorsum traheret. Nam præter statos ab Ecclesia per annum esuriales dies , tres singulis hebdomadis jejunio transigebat ; integrum Christi Domini Adventum ; a die etiam Divo Ioanni Baptistæ sacro , vsque ad Virginis Assumpæ ferias ; huic subinde Angelorum ( ut appellant ) quadragesimam adjungebat Divi Michaelis festo claudendam. Et quasi per hæc indulgentius secum ageretur , diebus Veneris & Saturni per annum Deiparæ Apostolorumque privilegiis solo pane & aqua vires utcumque reficiebat. Longius hac in re progrediretur , nisi progressuræ aureum mediocritatis frænum Dionysius injiceret. Norat prudentissima Regina inter opiparas ac saliares mensas vermes scaturire ,

*Mira Regina abstinentia.*

& mul-

*Aqua in  
vinum bis  
mutata.*

& mollibus serici vestibus vitia libentius cubare. Illud ejus abſtinentiam non leviter commendat. Alanquerii ob perditam valetudinem Medici Reginae præſcripſerunt, morbo id poſtulante, ut vini modicum deguſtaret: illa tum, quod vnice abſtemia, tum quod ad valetudinem ſupervacuum reputaret, renuit, ( in more enim poſitum Luſitaniae Regibus nedum Reginae a vino eſſe penitus alienos: ) mirum ſane! priſtina Canæ Gallilæica metamorphoſi renovata, bis clientæ vrceolum frigidaæ attulerunt, bis divinitus in generoſum vinum frigida verſa eſt.

*Regina largitas in  
pauperes &  
hoſpites.*

IN levanda pauperum miſeria, quos vel durior egeſtas oppreſſerat, vel atrocior affligerat morbus, aut immitis fortuna jactaverat, adeo frequens extitit & munifica, ut crebrae largitiones opes excedere viderentur; nullus Reginae liberalitatem non ſentiebat; hoc enim cleemoſynarum diſpenſatori edixerat. Non pauci ſub ſpecie egeſtatis illam adibant; non tam ob lucrum, quam ejus conſpectu ſtipem pia munificentia largientis recrearentur. Peregrinos, præſertim exteros, non ſolum hoſpitiſio perhumaniter excipiebat; ſed novis indutos veſtibus viatico juvabat.

Omni-

Omnibus tam virorum quam foeminarum coenobiis , juxta illorum copiam vel inopiam , annonam dividebat. Nec intra Regni limites regia liberalitas circumscribebatur ; fines prætergressa , externos bene merendo sui memores faciebat. Nobilibus præcipue prudenter invigilabat, qui, reflante fortuna, ex magnis opibus in miseriarum angustias exciderant. Facta certior plurimas in Regno esse honestas foeminas , vulgique non paucas inopia laborantes , ob idque fortasse non procul a Charybdi , multam illis vestem per fide dignos distribuit , multasque honestis nuptiis collocavit. Et quamvis omni tempore , esurialibus tamen feriis ejus pia liberalitas triumphabat. Illam sacrosancta hebdomada videres vili amictam veste , solemnibus Ecclesiæ sacrificiis ac precationibus religiose adesse. Quadragesimæ diebus Veneris , tredecim ægis pedum sordes obsequiosa abluebat , infixio plantis osculo , novisque operiebat indumentis. Id ipsum ex Christiano ritu sacri Jovis die totidem foeminis præstabat : illud tunc accidit mirabile.

ALTERVM pedem quædam protulerat lavandum , alterum verecunda abscondebat

enor-

*A cancro  
& ista fe-  
minam &  
virum sa-  
nat.*

enormi cancro exulceratum , putrique foetore pæne exesum ; pervicit Reginae pietas , & foetidum vlcus digitis leniter contrectans lavat , abstergit , fovet , osculatur , sanitati-  
que restituit : quod ægra ubi primum domum rediit , doloris expers admirabunda consideravit. Scalabi feria sexta Majoris Hebdomadæ solitum hoc ministerium peregerat , cæterisque abeuntibus , in aula vnus remansit debilis , alienæque opis indigus. Offendit eum janitor , iraque effervescens : Quid turpervis , ait , tam gravi morbo nobis molestus esse ? & ministrante subito furore arma , baculo miserum dedolavit. Factum monita Regina a domestica foemina tulit permoleste : adduci coram se jubet , suis ipsa manibus icto adhibet medicamenta , peculiarem illius curam deinceps haberi imperat : qui tamen die postero Elisabethæ ob recuperatam valetudinem gratias sanus retulit.

*Nummum in  
rosas versi.*

QVAM grata Deo fuerit hæc in egenos benignitas , gratiosum miraculum declaravit , vel a pueris Alphabeticis in Lusitania solitum in vicem referri. Magnam aliquando pecuniæ copiam pauperibus dividendam , collecto vestis sinu , ipsa gerebat. Accurrit

Diony-



Dienysius Rex : Quid rei , sciscitatur ? Rosas , inquit Elifabetha ; rosæque explicato sinu , per hyemem alienis mensibus pulcherri-  
mo colore divinitus efformatæ , apparuerunt.  
Ob cujus memoriam rosas sinu explicans so-  
lita depingi , & in cœnobio Divæ Claræ ex-  
portis quædam a rosis nomen habet , ob cre-  
bras illic factas egenis largitiones. Ob has  
tantum divitias , & pecuniam æstimabat ,  
ut maior ex bene impensis Divino Numini  
gloria accresceret ; & quæ sibi frugi mode-  
rataque , ad illas contemptis opibus pietate  
singulari profusa erat. Unde , si frustratum  
iri hanc opem cerneret , teruncii divitias  
æstimabat.

GRAVITER dissidebat a Rege Dionysio  
ejus frater Alphonfus , periculosa de rediti-  
bus lite , non sine sanguine dirimenda :  
suis expensis Regina amicitiam auro pretio-  
siorem redemit , Cintram , aliaque oppida in  
Lusitania , & amplos in illis redditus marito  
libentissime remittens. Præcipuum Regina-  
rum munus esse intelligens iratos in populum  
& clientes Regum animos mulcere , officii-  
que admonere , & hostiles fraudulentorum  
mutuo insidiantium telas clarissimis veritatis  
radiis

*Maritum  
fratri Al-  
phonso ut  
conciliave-  
rit.*

radiis retexere ; in hunc scopum omnes cogitationes destinabat. Regem monebat frequenter , suadebat efficaciter , benevolum animum , mentemque benignam in benemerentes acciperet : nec aures falsis delationibus præberet. Ipsa , si quos exasperatis animis discordare intelligebat , concordiam æquis conditionibus revocabat ; ne perplexis litium ambagibus , odioque Vatiniano tempus tererent , facultates exhaurirent , ac vitam in discrimen pertinaciter adducerent ; largaque manu , si debitores iniuriæ damnum , vel quid simile , solvendo non essent , munera , & beneficia largiebatur , ne pacis conditiones medio in cursu retarderentur. Non tamen ob hæc , siquid iustitia omnino plectendum suaderet , diffrietoque vindictæ gladio refecandum , ( quod in fœminis maxime mirandum ) crudeli pietate , ac inani misericordia protegebat , flexo in contrariam sententiam Regis animo.

*Pacis tendæ  
quam studiosa  
Elisabetta.*

PACIS vero conciliandæ amor extra Lusitanix limites , longe , lateque extendebatur , in reliqua præcipue Hispaniarum Regna , ne eorum Principes , dum intestino odio mutuo defæviunt , aliique alios omni conatu bello sub-

subjugare student , perfidis ex Mahometica  
 fæce Mauritanis , non modicam adhuc Hi-  
 spaniæ partem incolentibus , oramque mari-  
 timam classibus infestantibus , & in insidias  
 excubantibus , dolendæ Reipublicæ Christi-  
 anæ occasionem imprudenter exhiberent. Il-  
 la patrem suum Iacobum Aragoniæ Regem ,  
 & generum suum Fernandum Castellæ Re-  
 gem dissidentes , quod multi Principes fru-  
 stra tentaverant , ad veræ pietatis amicitiam  
 adduxit , perfecitque , vt Regem Dionysium  
 vterque iustissimum dubiæ litis arbitrum fra-  
 terna vnanimitate eligerent , Regisque decre-  
 tum velut ex Delphico tripode oracula au-  
 dirent. Quod re ipsa præstiterunt , & ob hanc  
 causam Dionysium Elisabetha , posthabito  
 otio , magnis expensis in Aragoniam sequuta  
 est. Eundem Dionysium Regem , ac Regem  
 Castellæ Fernandum , ad triste bellum , tri-  
 stiaque arma , nullos habitura triumphos ,  
 iam iam venturos , felicissime sedavit.

Bis , vel ter Alphonsum Principem ad-  
 versus Patrem Dionysium impie rebellantem ,  
 & juveniliter exultantem , Leiriam aliaque  
 oppida pleno dominio sibi vsurpantem , fra-  
 cto impetu domuit , Regique obsequiosum

*Pax inter  
 Iacobum  
 Aragoniæ,  
 ac Ferdi-  
 nandum  
 Castellæ.*

*Inter Dio-  
 nysium, &  
 Ferdinan-  
 dum.*

*Alphonsus  
 sæpe patri  
 pacifica-  
 tus.*

tradidit : & civile bellum , quo in sua viscera Lusitania ferrum convertibat , dum tumultuaria seditione alii a Principe , a Rege starent alii , penitus consopivit. Tunc maxime, cum non procul ab Olisypnone gliscere pugnam audiens , fundarum rotatu lapides contorqueri , districtum vibrari ferrum , quo mutua internecione patria funditus periret , mulam ascendit Regia Heroïna , & per medias acies , mediaque tela volat impigre trahente mulam anteambulone , Tartareum populi furorem detestans , vesanam rabiem objurgans, omnique sermonis eloquentia profusis præ intimo cordis dolore lachrymis , rebellem filium reprehendit ; itque , reditque viam toties , nunc ad patrem , nunc ad filium , quem tandem reconciliata gratia ad Patrem manum osculaturum duxit.

*Delata ad  
Regem ,  
quod filio  
faveret ,  
Ierabrica  
exulat.*

HÆ pacificationes non parvo Reginæ stabant : & quæ solum ad aliorum concordiam nata videbatur , ab eisdem sibi exoriri discordiam , & conflari invidiam sentiebat. A pessimis consiliatoribus ad Regem delata est , quod Alphonso filio a Patre discordanti belli subsidia ac nervos occulte subministraret : occultaque Regis arcana Principi nudaret :  
idcir-

idecirco omnia stratagemata eludi , ac e manibus toties elabi. Indignatus Rex vehementer adimit Reginæ oppida , & redditus amplissimos : Alanquerium velut exulem relegat ; illinc pedem efferre prohibet. Dictum , factum ; paret imperanti ; abit in custodiam. Quod ubi per Lusitaniam vulgatum est , quantopere bonorum animos perculerit , non facile credi potest. Extemplo plures adeunt Reginam , in quibus arcium illius prætores ; semel atque iterum precibus obsecrant , liceat armis jus prosequi , quousque indignum exilii decretum rescindatur , & immerito fugillata dignitas recuperetur ; domat fidelium clientium iram Elisabetha , lenitque ferociam ; linquant hunc Superis laborem , vni se Deo fidere , cui propitiando die nocteque studebat , voluntariis pœnis se macerans : integras hebdomadas simplicis aquæ ac panis jejuniis transigens , fufas interim ad Deum preces non intermittens. Per hæc Reginæ fides obryzo auro purior Dionysio apparuit : illam pristino honori restituit , & impensius veneratur : vt amantium iræ fortioris essent amoris redintegratio.

Non minor , immo fortasse , si muliebre

*In adulterinos Dionysii liberos singularis Reginae indulgentia.*

fragilitatem consideres , major Elisabethæ prudentia , & constantia apparuit , dum illucitos Regis amores æquo animo tolerat. Maritalis enim tori oblitus , & Reginae florenti in ætate omnibus dotibus suspiciendæ , sui-que decoris immemor , qui populis servandarum legum exemplum esse debuerat , in varios pellicum amores distractus est. Regina , ac si illius sanctum jus non violaretur , eadem animi serenitate perstabat , mare per halcyonia tranquillum diceres , sui-que immemor , solum Deum lædi sentiebat , & populum publico Regis exemplo primum trahi posse ad flagitia. Quin immo ipsosmet ortos ex pellicatu liberos non odio novercali , sed materno amore ut suos complectebatur : seduloque nutrir , & erudiri curabat , mira in nutrices ac nutritios indulgentia , & liberalitate , criminationibus aures præbens obsecratas. Obstupuit præclara Elisabethæ patientia Dionysius : & concitatum rapidæ libidinis cursum fortiter inhibuit : inviolatasque deinceps maritalis fidei leges ad extremam vitæ periodum servavit.

ALIENATO per id temporis Regis animo , proclive fuit sinistrum quid de innocent-



centissima Regina suspicari. Aulicus juvenis acribus invidiæ stimulis exagitatus, quod alterius famuli, optimis moribus imbuti, opera & industria Elisabetha in sublevanda egenorum inopia frequentius vteretur, hoc ipsum, vt suspectum læsæ fidei, Regi falsarius sycophanta indicavit. Famulum statim de medio tollendum decernit. Ergo operis in calcaria fornace laborantibus secreto imperat, (incertum Olysippone, an Conimbricæ acciderit,) vt, quem primum nuntium ad eos miserit, momento in ardentem fornacem comburendum detrudant. Præmissus postea innocens juvenis ad sibi destinatum incendi-um, forte in vicino templo signum dante tintinabulo, sacrae Eucharistiæ adorandæ, vt fit in sacro, accurrit; diuque ex paterna disciplina, quod plura se obtulerint sacra, feliciter immoratur. Rei eventum cupiens scire Rex, eidem quadruplatorem mittit. Vbi primum calcarii Regiam agnovere tesseram, confestim ex condicito ligneis tridentibus, palisque bifurcatis hominem invadunt, & manibus licet, pedibusque reluctantem, lacrimosaque vociferatione Regis auxilium inclamantem, in ardentem voracibus flammis

*Sycophanta in calcaria fornace parvas luit criminis in Regiam confili.*

mis calcariam dejiciunt. Quod ubi ex primo nuntio Dionysius rescivit, defixus stupore hæsit, miratus divino ex decreto, malum consilium consultori pessimum evasisse, & sanctissimæ Elisabethæ fidem a calamitosa fama cælum perniciofa flamma vindicasse.

*Constantia  
prima Eli-  
sabethæ  
soboles  
Fernando  
Castellæ  
Regi loca-  
tur.*

PRIMO partu filiam edidit nomine Constantiam, ut maternam aviam referret: illam Fernando Castellæ Regi hujus nominis III uxorem dedit, celebratis incredibili utriusque Regni gaudio nuptiis, præmaturo Constantiæ obitu paulo post simili dolore condendis. Scalabi Azambujam Elisabetha cum marito Dionysio petebat. Procedit illi obviam anachoreta, paucis Reginam velle obtestatus. Qui facta loquendi copia: Etsi gravis nuntius, ait, tuas aures verberem, scias clarissimum tuum pignus Reginam Constantiam celeri fato obiisse: illius imago subtristis meo in facello non semel occurrit deprecans, de hoc te certiozem redderem, & quomodo ejus anima ardenti Purgatorii igne torqueatur, quem ut celerius evadat, interimque aliquantulum dolor mitescat, annuas angustissimi sacrificii suppeticas a matre rogat, oratque. Postulatis abunde mater satis-

tisfecit : annoque peracto Conimbricæ per  
fornium candida in veste , hilari vultu , filia  
Reginam proprio nomine compellans : Ma-  
ter, ait, Elisabetha mater, meritas tibi Supe-  
ri, ad quos supplicio libera volo, gratias re-  
ferant. Evigilat Regina, nec satis præ gau-  
dio sibi constat: sacellum adit: accedit sacer-  
dos vitæ integerrimæ, annum sacrificii mu-  
nus absolutum esse referens : tum demum ob  
verisimilia indicia prima vltimis numeroſe  
respondere cognovit Elisabetha. Decimo ſe-  
ptimo Constantiam, vigesimo ætatis anno  
Conimbricæ Alphonsum peperit Regis Dio-  
nysii ſucceſſorem, Regnique hæredem.

*Constantia  
præmatur-  
e moriens  
matris  
precibus a  
Furgatorii  
igne eva-  
dit.*

IN ſingulos munifica, in communem to-  
tius Reipublicæ vtilitatem munificentiffima  
erat: communium laborum, operumque par-  
ticeps, rata, id quod eſt, publicum particula-  
ri ſemper præferendum. Si ædes ſacræ, aut  
noſocomia ædificanda, ſi pontes, fontesque  
in publicum commodum conſtruendi, præſto  
aderat in partem operis, & expenſarum Eli-  
ſabetha. Quæ munificentia uſque adeo inno-  
tuerat, ut nobilis ſæmina Almoſterii non pro-  
cul ab Scalabi cænobium D. Bernardi mo-  
nialibus aggreſſa ædificare, morbo præve-  
nien-

*Commu-  
nium ope-  
rum fau-  
trix egre-  
giæ.*

*Opera ab  
aliis in-  
choata ad  
exitum  
perduce-  
bat.*

niente moritura, Reginæ absolvendum opus commendaverit. Quæ pium legatum operosa lubentissime acceptavit, ducto ad fastigium ædificio, assignatis in posterum larga manu redditibus: relicto tamen Berengariæ ob cœptum opus fundatricis nomine, & honore.

*Brephotrophium Scalabitanum  
& pueros  
in eo quàm  
curaverit.*

SCALABI quoque non aliter Guardæ antistes (olim Egitania fuit) Martinus Pontifex Brephotrophium, exposititiis præcipue infantibus alendis, ægrotantiumque egenorum remedio, sub tutela SS. Innocentium cœpit extruere: incœptis tamen mors, telam vitæ præscindens, obstabat. Quam sibi impendere Martinus videns, Reginam perficendi operis hæredem relinquere non dubitavit, ultimis precibus obsecrans, laboriosam tanti operis hæreditatem adire ne gravaretur. Regina vero non solum optatis annuit, sed capacius reddidit ædificium: redditus ad ampliores expensas auxit: legesque ad optimam administrationem dedit: expositorum nutrices ad se accersebat, & infantibus cibos materna pietate porrigebat: & ubi per ætatem licebat, opificibus tradebat variis artibus erudiendos. Brephotrophium postea ab Innocentio VIII Romano Pontifice Serenissimus Rex

Em-

Emmanuel, vt publico Scalabis Xenodochio jungeretur, impetravit.

ILLVD ejus magnanimitatem mirifice declarat cœpta aliorum opera studiose profequi; ex quibus plus laboris, & expensarum oriebatur, quam honoris ac famæ mille viis a mortalibus quæsitæ: in solum enim Dei honorem & animarum salutem, ac totius Reipublicæ vtilitatem, velis remisque ferebatur. Nam Conimbricense Divæ Claræ cœnobium parvis initiis, facello, modicisque ædibus honesta fœmina struere cœperat, sed vires mediis in conatibus defecerant. Ædes ac vicinum solum emit Elisabetha, & Divæ Claræ, in quam miro amore ferebatur, Moniales amplificatis substructionibus aliunde accivit, quas hospitio perhumaniter excepit: & benevolentix ergo Elisabetha, ejusque regia nurus Beatrix, accumbentibus perofficiose ministrarunt, quibuscum postea pari facilitate iucundissime agebat. In eadem vrbe prope Regiam hospitium constituit, in quo quindecim viros inopes, ac totidem fœminas alebat. Aliud in oppido Novarum turrium castimonix asylum statuit fœminis, quæ abjecta turpi vivendi licentia veneri nuntium remittebant.

*D. Clara  
cœnobium  
Conimbrica  
adificatur.*

*Verus Reginae amor  
in conjugem Dionysium.*

ILLIVS in maritum Dionysium fidus amor, & obsequium, eo moriente, magis enituit. Verbis difficile complectar quid Scablabi, vt Regem morbo levaret, fecerit, quantum sudaverit, fufis ad Deum precibus, opportunis adhortationibus, vt ejus animus, ab omni scelerum macula liber, a corporis ergastulis, si ita visum Superis, avolaret: quantis in pauperes largitionibus vitam illi prorogare, vel morituri flagitia redimere conata fuerit. Vt primum Rex naturæ concessit, acerrimus quamvis dolor animum lancinabat, non fæmineo vlulatu tristem aulam adimplevit. Aureas vestes, ac Regia indumenta exuit, vili Divæ Claræ sacco alacris induitur: & ad Regni procures frigidum Regis cadaver circumstantes egreditur, ac tristi vocis sono viriliter temperato: Cum vestro Rege, inquit, Viri optimi, Reginam interiisse credite, vna licet geminato ictu duos mors abstulit: illum, Regium in morem, superbis equitum insignibus in tumulum componite. Vt ipsum mihi præstarem, aliena ancillarum ope non indigebam. Ne miremini: squalido habitu circumdata vltimum humanæ vitæ actum funebris choro pro viribus prosequar:

vilis

*Quid eg-  
rit in ma-  
riti obitu.*



vilis hæc tunica ad theatrale choragium satis est : hic funis recens Dionysii funus in memoriam reducet : byssinum tonsi capitis velamen canam Elifabethæ fidem testificabitur. Expressit omnibus lachrymas abundanter insolitum spectaculum, quos prudenti sermone æquo animo solata mortuo Regi iusta pro dignitate solvit ; nec pheretrum amplius deseruit, sed funebri pompa ad Cisterciensium Virginum parthenonem juxta Odivellas prosequuta est, vbi corpus digno tanto Rege mausoleo sepelivit, vltimaque dixit verba.

EXEQUIIS rite persolutis Conimbricam se recepit, & ne suos omnino deferens incomparabili tristitia afficeret, cum Monialibus Divæ Claræ vota non emisit, sed pervio suis in ædibus aditu, facta a Romano Pontifice potestate, inter illas familiariter versabatur, precibus recitandis, vel canendis, in odeo aderat, vilibusque parthenonis, vt ex voto, adstricta ministeriis, vt sibi tempus dabat, variæque subveniendi aliorum necessitatibus occupationes permittebant. Ad Compostellanum Apostoli Iacobi templum, Religionis causa ire voluit, & modico comitatu, ac peregrino habitu profecta est. Ipsoque Aposto-

*In D. Claræ parthenone post mariti obitum se abdidit.*

*Peregrinatio Compostellana, & dona.*

Io die sacro præsens adfuit, sacras exuvias venerata, oblatis pretiosissimis donariis, qualia ibi visa nunquam peritiores affirmabant. Inter quæ pretiosis lapillis conspicua corona radiabat: arte laboratæ vestes, insertis maioris, minorisque famæ vnionibus, omnium quas Regina habuerat lectissimis. Pontificis etiam solemni apparatu sacrificantis vestes, auro gemmisque rigentes, ac Regia peripetasmata Lusitaniæ & Aragoniæ stemmatibus æqua portione divisis, adsutis phrygionum opere gemmis spectabilia, præter generosam mulam fræno aureo ac gemmifero, barbarico operimento mirabilem, summamque pecuniæ vim.

*Sua omnia  
in sacram  
suppelle-  
tillem ex-  
pendit.*

COMPOSTELLA rediens ad parentandum iterum, anniversariasque inferias Dionysii cineribus reddendas, filio Alphonso Rege, Regnique Principibus stipata, Odivellas petiit. Quibus redditis Conimbricam regressa est ad perficiendum Divæ Claræ parthenonem. Mundum muliebrem, torques, argentea, aurea, gemmeaque dona in pensilia, aut stabilia candelabra, in cruces, ac sacros calices vertit: Regias opulentix singularis vestes in amicula Sacerdotum, & ararum ornatum:

regniq̃ue templis pro vniuscujusq̃ue inopia in vsum singula diuisit. Fabricari sibi iussērat ex operoso marmore sepulchralem arcam: veritaq̃ue ne restagnans hybernis alluvionibus Monda extra ripas de more effusus Diuæ Claræ templum inuidaret; in superiori parte templi novum ædificaverat odeum. Verum nullis viribus, aut machinis, fabri illuc prægrandem arcam attollere valebant. Quid desperatis, inquit Elisabetha, moliendo ponderi manus admoveate, meas ego, etsi aniles, pariter admovebo. Dixit, & arcam leviter baculo impellens, veluti modico gubernaculo sursum adductam optata in sede, vbi illam hoc tempore intuemur, facile collocavit.

*Sepulchrale saxum tactu elevavit.*

QVÆ vix lucis vsura fruens in primo vitæ limine patrem Petrum, & Iacobum avum, Aragonensium Reges, inter se dissidentes, vagitu ad concordiam revocavit, vt exitus principio aptissime responderet, in pacis victimam se obtulit moritura. Inter duos Alphonfos Lusitanix & Castellæ Reges, hunc generum & sobrinum, illum focerum & avunculum, jactis belli feminibus, parum aberat, quin crudelibus præliorum in-

*Periculis se offert, ut virumque Castellæ, & Lusitania Alphonsum componat.*

cendiis , intestinisque bellis , vtraque Regna penitus conflagrarent. Tristis harum rerum nuntius Reginam , plusquam credi potest , commovit. Itaque imminentem cladem celeri remedio avertendam existimans , ne ferro cum Phrygibus saperet , principiis obstare decrevit : & , quamvis dissuadentibus domesticis , ne affecta ætate longi itineris molestias , immodicis per æstatem caloribus , incommodissime pateretur , Estremotium , ubi tunc filius Alphonfus degebat , Conimbrica proficiscitur , ut pacato filio ad Castellanium suum nepotem se conferret : nec prius incœpto desisteret , quam eorum animos precibus , & auctoritate ad concordiam omnino flecteret ; quamvis & sanguine , ac vita instaret , animamque sub gravi ardui negotii fasce exhalaret : tantus erat Elisabethæ pacis amor & concordia.

*Moritur  
Extremotii.*

IN oppido enim Estremotio contracto , tum ex caloris æstivi injuriis , tum ex itineris iactatione , morbo , scripto prius testamento coram Alphonso filio , ac Beatrice nuru , expiatam sæpius sacra exomologesi animam , augustissimique viatici pane confirmatam , placidissime efflavit IV Nonas Iulii anni

ni MCCCXXXVI pacis egregia caduceatrix, quinto supra sexagesimum ætatis anno, maximo totius Reipublicæ desiderio, & dolore: cui conservandæ & augendæ vsque ad ultimum anhelitum se vtiliter expendit. Digna profecto Heroïna, vt ante illustrium Reginarum oculos perpetuo obversetur, ad illiusque vivum exemplar, & archetypum, maximarum virtutum speculum, suos mores per otium diligentissime componant. Inferioris vero conditionis fæminas pudeat saltem aspernari, quæ Serenissima Lusitaniæ Regina amanter diligenterque amplexa est. Corpus, quamvis succi plenum, & ex ardente per ætatem calore, Conimbricam ad Divæ Claræ parthenonem elatum est, nullo fætoris indicio, sed mira soliti odoris fragrantia. Miraculis exinde claruit non paucis: tribus præsertim, quo die sepulchro condita est, in publicas ejusdem parthenonis tabulas relatis.

QVIBVS permotus Rex Emmanuel, a Leone X Pontifice Maximo obtinuit, vt illius obitus dies in Conimbricensi Diœcesi Missarum sacrificio, ac solemnibus ritibus celebraretur. Quam facultatem postea, Serenissimo Rege Ioanne III Emmanuelis filio

*Incognitum Eli-  
sabethæ can-  
daver.*

*Pro eadem  
sacrifican-  
di potestatem fecere  
Leo X. &  
Paulus IV.*



lio exorante, Paulus IIII ad omnes Lusitaniæ ditionis provincias benigne dilatavit. Reginæ heroicam vitam insignis Orator Perpinhanus, Societatis IESV Sacerdos, antiquo Latinæ eloquentiæ splendore tribus complexus est libris. Lusitano etiam idiomate antistitis Conimbricensis iussu scripta circumfertur. Ex quibus & Regni annalibus hæc nos bona fide selegimus de Elisabetha Regina sanctissima, quæ magnæ corporis staturæ fuit, liberalisque formæ, digna imperio, maiestate commendabilis.

*Pauli V.  
iussu dili-  
gentius  
questum  
de vita, &  
miraculis  
D. Elisa-  
bethæ.*

NUNC demum anno MDCXII Catholicus Rex, Philippus II huius nominis, Lusitanæ Rex, pro singulari in Christianam Religionem amore ac pietate, scriptis ad cunctos Regni Pontifices litteris, ut huic rei diligentissime explorandæ faverent, illustribus viris prudentia, sapientiaque notissimis hanc provinciam commendavit: effecitque, ut eandem Romanus Pontifex Apostolica auctoritate committeret, Præfuli scilicet Conimbricensi Alphonso Albicastro; Leirinenfi (ad Lamacensem nunc provectus est) Præfuli Martino Alphonso Mexiæ; Francisco Vazæo Pinto, Regio Senatori; D. Francisco  
Sua-



Suarez Societatis IESV, Conimbricensis Academiae in primaria Theologiae cathedra emerito: Doctori Ioanni Carvallio Iuris Cæsarei professori. Qui summa cura, ac diligentia de sanctissimæ Reginae vita, & miraculis, ex certa juris præscriptione quæsierunt: obsignatasque publica fide tabulas, & sigillis munitas Regi Catholico miserunt, qui illas Beatissimo Papæ Paulo V deferendas curavit, vt tandem vbique gentium, & terrarum in Divorum album relata celebretur. Quod, dum hæc fierent, accidit, invidus non si-  
lebo.

Post longam annorum seriem ( ducentesimus enim septuagesimus sextus annus numerabatur ) venerabile Elifabethæ corpus marmoreo in sepulchro molliter quiescebat ; aperiendum fuit coram iis, quos retuli, iudicibus, adhibitis Religiosis viris testibus ex Iovis tabula, & Medicis Anatomicæ artis peritissimis. Intra lapidem maufoleum lignea capsa bovino corio vestita putrescens, ferreis clausulis serisque rubigine consumptis, reclusa involutum lineis stragulis byssinaque sindone duplicata corpus ostendit, facie serico velo tecta, & veste pectore tenus reveren-

*Nuper re-  
cluso mau-  
soleo corpus  
integrum  
apparuit.*

ter deducta , corpus integrum inventum est ,  
 linteaque adeo recentia , vt aliqua magna vi  
 non scinderentur. Qui aderant mixto inter  
 hilares lachrymas gaudio mirari habitum dor-  
 mienti similem , compositos artus , gratam  
 faciem , maternam adhuc pietatem spiran-  
 tem. Testatus est D. Ioannes Delgado So-  
 cietatis Iesv optimus Mathematicus , qui la-  
 pideo arcæ operculò gravissimi ponderis le-  
 vando fabros dirigebat , se digito Reginæ fa-  
 ciem tetigisse , ad tactumque relicto vestigio  
 faciem subfedis. Et Balthazar Azeredius ,  
 Medicinæ primarius Doctor , & Medicorum  
 Regni maximus , ter ad se extensum Reginæ  
 brachium traxit ; non invitum in locum su-  
 um , quin frangeretur , sponte rediit. Vt fu-  
 os Elisabetha Lusitanos , quorum non solum  
 Regina , sed mater fuerat , conspectu perju-  
 cundo recrearet , secum in conditorio habebat  
 Regina baculum , & marsupium , vera mu-  
 nificentia , ac pietatis insignia.

*Alphonfus  
 a Castello-  
 blanco Epi-  
 scopus Con-  
 nimbricen-  
 sis argen-  
 teum sepul-  
 crum Eli-  
 sabethæ  
 donat.*

ILLAM pro viribus imitaturus Antistes  
 Albicastro novo insuper adstrictus benefi-  
 cio , quod in Conimbricensi Diœcesi thesau-  
 rus hic repertus fuerit , annuente Catholica  
 Majestate , & magna totius Regni gratifica-  
 tio-

tione , novum facellum ingenioso artificio ædificari jussit in intergerino pariete superius Monialium odeum dividente , deaurato politis ex lapidibus arcu , sub quo argenteam capsam pergrandem anaglyptica cælatura molliter fabrefactam constituit , tornatilibus cancellis ad custodiendum , crassis longisque , operoso ex argento ad exornandum facellum artificiosa opificum industria conspicuis : apertis in argentea arca ingeniose fenestellis , crystallinis specularibus visum admittentibus ea lege , vt illis , cum res posceret , referatis , corpus in lectulo aureæ vestis stragulo exornato recumbens ab exteriori parte a confluyente populo videretur , ab interiori eius aspectu Moniales perjucunde fruerentur. Sed his jam paratis illuc transferri corpus mors invida tanto Præfuli veluti de industria non permittit , expensis jam duodecim aureorum millibus. Et quasi parum , vt erat in divinum cultum & publicum commodum , largus & magnificus effudisset , triginta aureorum millia ad optatam Reginæ Elisabethæ canonisationem Regi Catholico sponte obtulit , oblataque cito integra fide solvit , nummariis tesseris in urbem transferenda. Ipse interim Re-

*Ejusdem  
præfulis  
larga pietas in Eli-  
sabetham.*

ligiosæ liberalitatis adepturus præmium , ad æterna Beatorum gaudia brevi translatus est.

*Tagus iterum scinditur, ut ab Elisabetha inuisatur corpus Sanctæ Irenes, a qua Scalabis vulgo dicitur Santarem.*

INTER explorata sanctitatis argumenta , novum illud miraculum , dixerim an prodigium , eo usque inauditum per clarissimos supra jam laudatos viros a tenebris in lucem assertum fuit. Qua parte fluviorum Rex Tagus aureis aquarum vorticibus Scalabitanum oppidum inaurat , Divæ Irenes mausoleum coelesti constructum opera latere adhuc sub vndis memoria est. Quod quidem tunc primum, ac semel apparuisse, ( ut etiam de Divi Clementis sæpius viso inter divisos Oceani gurgites monumento proditur , ) liquidissime constabat , cum & Selio virginis avunculo , & finitimis olim populis per consistentes vtrinque Tagi vndas incedentibus , Deus Opt. Max. testatum voluit niveum castitatis florem, indigne succissum , dignum esse , qui in aquis lilio similis refloresceret. Colendæ igitur Irenes desiderio flagrabat Elisabetha , & quando propius , ob circumfusos vndique latices, non dabatur accedere , ipso in litore fixis genibus lachrymosa precum suspiria funditavit. Ecce tibi aperto iterum repente alveo , assurgentibus hac illac turritis aquarum

cul-

culminibus, grande illud virginitatis depositum revelatur. Arenam fluminis ingreditur Elisabetha, tantoque pro beneficio immortales Deo & Irene grates agit, cujus vernantem adhuc corporis flosculum millies suspicit, millies osculatur, exactoque penitus die vix avelli tandem potuit. Regredientem a tergo mature fluvius sequebatur, donec ancillantibus ad nutum aquis, evasit in ripam. Plurima alia miracula vulgata sunt, quæ grandius exigunt volumen.

---

IN DIVAM ELISABETHAM  
LVSITANIÆ REGINAM.

Ad Pictorem de signo Reginæ Sanctissimæ.

*L* Vmina qui pingis Divæ signantia vultus,  
Regiaque aurata corpora veste tegis;  
Purpureasque comas pretioso colligis auro,  
Addis & ingenua sceptrum tenenda manu;  
Falleris: intonsis horrentia tegmina villis  
Induit; auratos exuit illa sinus.  
Gemmea spinosa mutavitserta corona:  
Mutavit sacra Regia sceptrum cruce.

Addit

*Addere ferta cupis? Spinis textam adde coronam;  
Nobile vis sceptrum pingere? pinge Crucem.*

De Diva Elifabetha Regina  
ad Lectorem.

*Q*ui legis *Andromedam*, *Niobem*, *mæstamque*  
*Eriphylem*,

*Sive Promethea munera rapta manu:*

*Perlege regales Divæ signantia fastos*

*Gesta: leges castæ nobile mentis opus.*

*Vt bello ardentes placaverit ore catervas,*

*Cum pater in natum sumeret arma suum.*

*Vt pia divitiis large cumularit egentes,*

*Aptaritque suas in pia facta manus.*

*Quod si grata magis Niobe, vel furta Promethei;*

*Fieta Prometheo sint tibi corda luto.*

Aliud de eadem re.

*I*lla vides? *Tyrio mulier quæ fulget in ostro,*

*Gui tegit ornatos pala superba pedes?*

*Nætit gemma sinus, crines nodantur in aurum,*

*Et rutilat niveo vivus in ore decor?*

*Nostris sceptrum olim tenuit gemmantia Regnis,*

*Et dedit aurifero jura tenenda Tago.*

*Nunc tenet, æthereos inter pulcherrima cœtus,*

*Sceptrum coruscanti nobiliora manu.*



*Si tamen ars posset mores effingere in auro ,  
Nobilius toto flaret in orbe nihil.*

*Ad Divam Elisabetham.*

*A*nte sepulchrales Divæ concordia moles  
Taliter effusis dicitur orsa comis.  
Omnis spes nostri , & blandæ fiducia pacis ,  
Tecum una in tumulo Diva sepulta jacet.  
Quis modo discordes trahet in pia fœdera Reges ?  
Agmina , quis vultu , qui modo rumpat , erit ?  
Cum fera sævierit belli civilis imago ,  
Quis peraget nostras , ut pia Diva , vices ?  
Funeris , heu , tibi causa fui ; quid sæva moraris  
Tristia Mors vitæ rumpere fila meæ ?  
Deficio in mortem , mandata capeffite cives ;  
Hoc tumulo cineres mando jacere meos.  
Vna duas tumuli moles tegat ; addite carmen ,  
Carmen in extinctis ex adamante notis.  
Conditur hoc tumulo duplex concordia ; nata est  
Altera , sed meritis altera facta suis.

*Mars victus ad Reginam.*

*R*eginam ut vidit tendentem in prælia Ma-  
vors ,  
Thracia præcipiti tendit in antra fuga :  
Ma-

*Magnanimum, dixit, sine cæde & sanguine Martem*

*Depulit aspectu femina femineo.*

*Funditis Æthnæi quid ahenea tela Cyclopes,  
Cum placet ingentes sternere cæde duces?  
Ostendat terris vultum Regina, frementes  
Inque duces fulmen non leve vultus erit.*

*Regina ad Christum vulneratum.*

**D***iva ait aspiciens per hiantia vulnera gemmas,*

*Christe tuas gemmas da mihi, sume meas.*

*Vulnera vulneribus medicare, & cæde rubenti;*

*Nam, tua si dederis vulnera, sana ferar.*

*Rumpe manus duro, latus, & vestigia, ferro*

*Libera tormento pars mihi nulla vacet.*

*Omnia qui tribuis, tibi vulnera sola reserves?*

*Das mihi divitias, vulnera sola negas?*

*Qui tot dives habes, quid avarus vulnera serves?*

*Quinque dabis, satis est; millia quinque manent.*

*Officio mea sunt tua vulnera, sint precor usu;*

*Quæ mea sunt voto, sint mea supplicio.*





ALFONSVS PORTVGALLIÆ REX VII.  
VIXIT ANN. LXVII. OBIIT A. MCCCLVII

# ALPHONSVS IV.

LVSITANIÆ

REX VII.

## ANACEPHALÆOSIS IX.

**A**LPHONSVS ille ob animi vigorem, & acrimoniam, celeremque in capeffendis rebus ac peragendis alacritatem, Ferox cognomine, sexto Idus Februarii anni post Virginis partum millesimi ducentefimi nonagesimi, Conimbricæ in lucem editur. Adolescenti adhuc, antequam diademate potiretur, Beatrix præclara fæmina, Sancii eo nomine IV Castellani Regis filia in matrimonium conjungitur. Tandem annos natus quinque ac triginta rerum habenas suscepit, quas, cum in ipso Regni limine, (ne venationem defereret, cui erat apprimè deditus,) aliquantulum lente, nec sine incuriæ nota moderaretur, jamque passim (ut sit) civium quærimoniæ jactarentur; Regem adeunt consiliarii, palamque ac sine ambagibus

*Alphonse  
ortus.*

*Consiliarii  
austero  
monitu  
adolescens  
tem a ve-  
natione ad  
Rempubli-  
cam trans-  
ferunt.*



gibus monent, ne grave regnandi munus pro otio, venationem fusciperet pro negotio: meminerit sibi populum imperio regendum: illius res audiendas, judicandas, componendas: in eamque rem diadema fuisse attributum, ac vectigalia Regibus persoluta. Sciret præterea non abs se Numen immortale post obitum quæsiturum, quot apros telo confecerit, quot cervos venando straverit, sed vtrum munia regia rite, ac recte administraverit? Quare iter incoceptum sibi omnino deferendum, novamque deinceps viam, si regnare vellet, ineundam: sic publicam rem deponere. Quæ monita, cum liberiora essent, quam Regis ingenium, ac peculiaris Alphonsi genius ferre didicisset, iracundia percitus, dira duraque minitans, concilio egressus, ancipiti deliberatione distractus, quid sibi hac in re gerendum, aliquantulum hæsitavit. At vero cum iracundia deferbuit, & præcipientes illi motus posuere, animadvertens (vti res erat) verba illa suorum civium, quamvis in speciem libera, in rem tamen, & obsequium Regium maxime collineare; fidos, atque in primis obsequiosos, illos sibi clientes consiliariosque deinceps



ceps habere cœpit. Hos illa tempora ferebant consiliarios ( quos nostra ætas respicit , non vero aspicit ) assentandi nescios , avaritiæ immunes , ambitus hostes , aurea contentos mediocritate , non suæ , sed publicæ rei , commodisque inservientes. Horum consiliis Alphonsus non abusus venationem protinus valere iussit , deinde omni cura studioque Lusitaniam regere , leges sancire , jura dare , Regem denique agere aggressus est. Tandem in nefarios illos homines , quos olim in parentem Dionysium furor impius obarmaverat , acriter animadvertit. Adeo verum illud Oraculum : *Cor Regis in manu Domini : quicumque voluerit , inclinabit illud.*

VERVM vt malevolentia , quæ semel radices egit , difficillime convellitur , ita prorsus odium illud , quod in fratrem Alphonsum Sancius conceperat , altius in ejus animo infederat , quam vt evelli , aut mitigari facile posset. Quare ubi rerum potitus est , repositam in fratrem malevolentiam , quam nunquam deposuerat , explere decrevit , eorum immemor Regum , qui postquam in Regale culmen sunt evecti , veteres injurias

vl-

*Simultates, & injusta cum fratre bella.*

ulcisci indecorum sibi, ac prorsus indignum facinus, existimarunt. Itaque in fratrem immerentem, ac nihil tale cogitantem, afflictis illis criminationibus disquiri jussit, quas in insontem, dum pater viveret, excogitarat. Has igitur, ut Regi obsequerentur, scelerati homines per summam injuriam testificati, judices in regiam voluntatem, quam in jus fasque, (ut sunt hominum ingenia,) propensiores facile impulerunt, ut e Lusitania Sancium lata sententia relegarent, amissisque priscis honoribus, ac dignitatibus, illius bona, ingentes opes, & oppida publicarentur. Hæc ubi rescivit Sancius e Castella per litteras (quo se receperat) Alphonsum Regem obsecrat & obtestatur, ut sibi antiquas opes, ac munia restituat; pollicitus se erga fratrem non aliter, quam erga Regem, ac dominum perpetuam fidem, & obsequium præstiturum. Quæ preces irritæ prorsus apud Alphonsum. Quare se ad arma Sancius, apertumque Martem compelli dictitans, remque sibi non rationibus (cum hæc minime proficerent) sed ferro ancipiti decernendam, e Castella, Legionequæ delectu facto in Lusitaniam irrumpit, agros incendit, obviam

quæ-

quæque ferro demetit , oppida multa vi capta populatur. Auxiliares milites , ( quos in suæ ditionis oppidis , vulgo *Medelim* , & *Albuquerque* habebat , ) superiori parte fluminis Anæ trajecta haud dissimili eventu in eandem Lusitaniam immittit. Paulo post Equitum Magistrum Avisiensem Gonsalvum Vasæum , apud Onguelam propugnatorem , fundit fugatque. His permotus Alphonsus Rex instructo Lusitano milite in fratrem aciem dirigit , sed capto solum , ac diruto castro *Codessêira* in Lusitaniam reversus , cum Sancio tandem fratre in amicitiam rediens , foedus percussit.

CELEBRIS erat id temporis apud Hispanos ; propter generis splendorem & opulentiam , Ioannes Emmanuel , Emmanuelis Principis filius , nepos Ferdinandi Regis , cui Sancto cognomen fuit. Hujus igitur Ioannis Emmanuelis filiam Constantiam nondum nubilem promiserat Castellæ Rex , Alphonsus hoc nomine XII, se , ubi per ætatem Constantiæ liceret , in matrimonium accepturum ; at cum certis de causis parenti virginis offensus esset , fide relicta , Mariam Lusitani Regis Alphonsi filiam duxit. Aliquo post tem-

*Offensiones  
inter Castellanum,  
& Lusitanum.*

pore intermisso , cum jam nubilus esset Constantia , ratus Alphonfus Lusitaniæ Rex nulli fore præstantiorem fæminam , quam filio in matrimonium locaret , per litteras hac de re cum genero Alphonso , deinde cum Ioanne Emmanuele Constantiæ patre , cœpit agere : vterque , diverso tamen modo , optatis respondit , Rex simulate , Emmanuel ex animo , vt tandem rei eventus comprobavit. Quod ægre ferens Alphonfus , sive dolens Reginam fieri , quam male conscius repudiarat , seu invidens Lusitano Principi in vxorem dari tot dotibus ornatam fæminam , multa prius fanda , nefanda gessit , ac tandem armato milite , & aperto Marte egressum Constantiæ in Lusitaniam impedire constituit. Quapropter magno vtriusque Regni damno ad arma concurritur : multæ vtrinque cædes , multa incommoda exorta , ac maiora in dies pullularent , nisi maximus Pontifex Benedictus XII Pontificia auctoritate sequestra Bernardum Rhodiensem Præfulem in Hispaniam ad pacandos Reges legatum mitteret ; qui mira dexteritate rem ita confecit , vt Constantia in matrimonium daretur Petro Lusitanorum Principi , eo tamen cum dolo-

*Pax initur  
Summi  
Pontificis  
auctoritate.*

dolore Alphonſi, odioque in Luſitanos, vt nec vxorem deinceps Luſitani Regis filiam coram poſſet obtueri; quamvis hoc etiam odium ex amore crediderim proficiſci, quo Eleonoram Nunez Guſmaniam deperibat. Quam ob cauſam parum abſuit, vt gener, atque ſocer in arma ruerent, & ruerent procul dubio, niſi hinc Eliſabethæ Reginæ ſanctiſſimæ conſilia, illinc Mariæ prudentiſſimæ Reginæ virtus eximia bellorum cauſas reſcinderent, & diſcordiarum ſemina diſturbarent.

His ita compoſitis circiter annum milleſimum trecentefimum quadreſimum a Chriſto nato, Rex Marrochienſis Haliboacem, ac ſimul Rex Granatenſis innumeris prope Barbarorum copiis ex Africa, Hiſpaniaque coactis, Carteiam obſedere: inde Alphonſo Caſtellæ Regi, immo vniuerſæ Hiſpaniæ, vltimam ruinam minabantur. Quare ſuorum monitu & hortatu Alphonſus, a ſocero Luſitanorum Rege auxilia petiturus, vxorem iplam Mariam cum legatione ad parentem mittit, vt facilius impetraret. Luſitanus amantiſſime recepta filia, ac legatione audita, non auxiliares modo milites deſtinat libentiſſime, ſed

*Victoria,*  
*quæ vulgo*  
*dicitur de*  
*Salado.*

*Mauris in  
Hispaniam  
irruentibus  
Alphonſus  
Caſtellano  
auxilia-  
tur.*

vt planum faceret , quantum natæ detulerit ,  
& vt periclitanti Hispaniæ opitularetur , ſe  
caputque ſuum in diſcrimen offert , ac pro-  
tinus in Caſtellam ire pergit , imperato in-  
terim ex omnibus ſuæ ditionis urbibus equi-  
te , ac pedite , quantum poſſent , qui ſe ad  
Pacem Auguſtam ſequerentur , ac ſi ibidem  
præſtolari nequirent , conſeſtim Hiſpalim re-  
cta contenderent. Hac de re certior factus  
Alphonſus ab vxore , ſocero officioſus , ad op-  
pidum *Olivença* obviam prodiit. Quo in loco  
poſtquam a Regibus de obſiſtendo Mauris  
conſultum eſt , Caſtellanus ad comparanda  
ingruenti bello neceſſaria ad ſuos revertitur ;  
Luſitanus vero , diſpoſitis in omnem even-  
tum ſuorum rebus , Hiſpalim perrexerit , ubi  
& animi præſentia & conſilio victoriam pro-  
cul dubio cœpit auſpicari. Huc Luſitanorum  
exercitus non multis poſt diebus egregie in-  
ſtructus pervenit : nullum enim non apud  
Luſitanos oppidum in hanc expeditionem ,  
quos maxime potuit , pedites , aut equites  
obarmavit : Ehora centum miſit equites , mil-  
le pedites. Denique Luſitani Dynaſtæ nul-  
li ferme deſiderati. Hos inter Stephanus de  
Neapoli , Ioannis Peloponeſi Principis fi-  
lius ,

*Luſitano-  
rum copie.*



lius, ac nepos Caroli secundi Neapolitano-  
rum Regis, in gratiam & obsequium Lusita-  
ni Regis sibi cognati, egregie militavit, vxor-  
emque apud nostrates homines ornatissimam  
delegit.

Post hæc, lustrato milite ac parato, sta-  
tutum inter Reges, vt Castellanus adversus  
Marrochientem, qui maritimam oram inse-  
derat, Lusitanus adversus Granatensem, qui  
mediterranea tenebat, aciem dirigeret. Cum  
Lusitano copias conjunxerat ipsius nepos ex  
filia Petrus Alphonfi Regis filius, patrii hæ-  
res imperii meritissimus: multi illum e Ca-  
stellanorum proceribus comitabantur, quos  
inter Nonius Ferdinandus de Castilho, Pe-  
tri Vexillifer, eminebat. Postquam igitur  
Lusitaniæ Rex, ac Regis exemplo Lusitani  
omnes, christiano ritu piacula sunt confessi,  
ac cœlesti pabulo recreati, breviter pro tem-  
pore suos Rex alloquutus, ad pugnamque  
accendens, Alvaro Gonsalvio Pereiræ, Priori  
Cratensi, imperavit, vt ante commissam pu-  
gnam pro Regio Labaro, ac vexillo, Chri-  
stianis militibus proponeret adorandum San-  
ctissimæ Crucis lignum prælongæ hastæ affi-  
xum, cujus hodie pars altera summa cum

*Lusitani  
oppugnan-  
dis Grana-  
tensibus de-  
stinantur.*

religione Eboræ in templo maximo custoditur, altera non procul ab oppido *Portel* in templo Sanctæ Crucis religiose servatur.

*Lusitanorum in  
Granaten-  
ses impetus  
& cædes.*

ADORATO ergo sacro ligno, ac præmisso signo regio militari, invocatoque IESV nomine, tanta alacritate Lusitanus in hostem impetum fecit, tantaque ex adverso irruit Mahometanus, ut non solum ubique fragor, & inconditi clamores audirentur, verum etiam ubique cædes promiscua, ubique sanguine omnia inundare cernerentur. Dum tamen hac tanta contentione utrinque decertatur, eo Lusitaniæ Rex Alphonsus cum aliquot suorum per confertissimas Granatensium alas processit, ut in summum discrimen se suosque induxerit: etenim jam vires ipsæ, quamvis prævalidæ, truncandis trucidandisque tot hostibus deficiebant. Augebat laborem, quod sacrum Labarum, quippe quod a tergo relictum fuerat, minime conspiciebant. Quam rem ubi Cratensis Prior animadvertit, tres equites lectissimos, velut tria fulmina, per medios hostes sacrum lignum reportaturos remittit. Iussa capeffunt Lusitani juvenes; signum salutiferum reportant: ejus aspectu Christianis militibus redintegra-

tæ vires , tantaque alacritas , ac studium pugnandi vincendique injectum est , tamque repente , qui anceps ac dubius Mars eatenus visus fuerat , Mahometanos Granatenſes deſtituit , tantoque terrore perculit inopinatus eventus , vt Chriſtianis trepidantes terga verterint , ſequē in turpiſſimam fugam dederint. Quibus a tergo iſtantes Luſitani, præeunte ſemper Alphonſo, cujus ante omnes virtus bellica eminebat , quamplurimos ſtravere.

Hæc dum feliciter cedunt Luſitano , haud diſſimili eventu adverſus Pœnos, ſtrenue quoque dimicantes, rem gerebat Caſtellanus; qui , vbi ſp̄rimum reſcivit fuſos fugatosque Granatenſes a Luſitanis, in novam ſpem erectus , incenſusque victoriæ obtinendæ ſtudio tam acriter in hoſtes invectus eſt , vt tandem eos in fugam compulerit , quin revocare , vel ſiſtere fugientes poſſet Rex ipſe Haliboacem , modo ipſorum vecordiam caſtigans, modo diras imprecans , impiumque Mahometem nequidquam incuſans. Immo, qui fugientes nuper increpabat ipſe Rex Pœnus, monitu tandem , & hortatu veterani cujuſdam Turcæ , deſperatis jam rebus , ſubdens recenti equo calcaria , fugiendo quoque vitæ conſulit.

*Caſtellano-  
rum robur  
& animi in  
Marrochi-  
enſes.*

Vtrinque igitur parta victoria, vterque Alphonsus ad duas leucas hostes insequuti, castra Granatensis Regis, juxta vicinum fluvium posita, nullo negotio expugnarunt, militique diripienda tradiderunt quamvis ditissima; reperiæ enim sunt ibi gazæ prope innumeræ: auri, & argenti facti & infecti magna pondera: vestium genera, & ornamenta plurima: varia denique ac dives supellex, præter equorum camelorumque incredibilem multitudinem. Africa probe diceres in Hispaniam commigrasse. Et sane id causæ fuit, cur tot divitias Barbari exportarunt; cum enim suam fore victoriam sibi penitus suaderent, Hispaniamque Africa posthabita incolere decrevissent, ideo proprias quisque fortunas, ac larem in nostrum solum transferendum curavit.

*Victoria  
magnitu-  
do.*

ATQUE hæc illa celeberrima pugna est, pugnata quinto Kalendas Novembris anno post Christum natum millesimo trecentesimo quadragesimo, prope flumen, vnde vulgo nomen accepit, *de Salado*, quæ duobus illis Regibus, Castellæ ac Lusitanix, decus indelebile, æternumque peperit triumphum. In hujus gratiam victoriæ faustum illum diem,

diem , quo profligati sunt hostes , non candido tantum calculo numerat Hispania , verum insigni recolit pietate , ac festivo victoriæ Christianorum nomine per annos singulos veneratur. Deinde legati, missi Avenionem ad Pontificem Maximum Benedictum, vtriusque Alphonſi militare signum, vna cum quatuor ac viginti a Mahometanis ablatiſ, inter quæ Marrochienſis Regis vexillum viſebatur , obtulerunt. Præterea equi plurimi miſſi egregie phalerati , qui ſinguli in ephippiis gladium , & ſcutum longum ex corio præferebant. Adde , præter alia dona oblata Pontifici , multos ex præcipuis Maurorum captos , mancipia , ac ſervitia futuros. Quæ munera gratiſſima Pontifici extitere. Atque vt Numini immortalī acceptum referret beneficium , ſimulque vt , quam animo vix capiebat , ingentem lætitiā palam faceret , poſtero die domo egrediens ſacra rite peracturus, præferri juſſit Barbarorum inſignia , ſed humi dimiſſa & abiecta ; illa vero Chriſtianorum Regum victricia ſigna prælongis haſtilibus elata, ad quorum aſpectum ipſe Romanus Pontifex elata voce occœpit *Vexilla Regis prodeunt* , occinuerunt purpurati Patres ,

*Pontificis  
Maximi  
lætitiā pro  
parta vi-  
ctoria.*



tres , eandem illam sacram cantilenam non minori pietate quam lætitia exsecuti.

*Alphonfus  
Lusita-  
niam repe-  
nit.*

HIS përaëtis revertens in Lusitaniam Alphonfus , nihil fere sibi e tanta præda lubentissime a genero oblata reliquum fecit, præter vnam Numinis gloriam , ad quam solitus erat , veluti ad scopum, collimare; secum præterea captivum duxit Regis Iulmenzæ filium , quem ipse in bello manu ceperat ; quinque præterea Maurorum signa militaria ab se capta reportavit , quæ Olysippone iussit in templo maximo ad æternam posterorum memoriam conservari. Addiditque , vt genero morem gereret , pulchra equorum tegmina & cphippia , falcatosque aliquot enses non vulgari artificio elaboratos. Vix regressus in Lusitaniam improbis quorundam consiliis impulsus est in cædem illam immerentis Agnetis de Castro , ex qua Petrus, ipsius Alphonfi filius ac successor , liberos aliquot susceperat. Vxoris enim loco post obitum Constantiæ habebatur; immo (vt rumor ferebat) futura tandem Lusitanorum Regina credebatur. Hæc cædes miras in Lusitania tragædias excitavit , bellorumque civilium inter parentem , ac filium causa fuit , nec (vt

reor)

*Agnetis a  
Castro di-  
ra cædes.*



reor ) sine vindicis Dei , judicisque æquissimi plectentis iudicio , vt scilicet Alphonfus eadem pateretur a filio, quæ quondam adversus parentem Dionysium , dum impia induit arma , damna intulit.

SEX e Regina Beatrice filios suscepit Alphonfus , quorum tres acerbo funere mors abstulit ; primus , cui Alphonfus nomen inditum , puer obiit Penellæ , & Scalabi situs est in cœnobio Dominicano : mox Dionysius puer etiam e vivis abiit , qui Alcobaciæ conditus est ; tertius , Ioannes nomine , juvenis diem clausit , cuius in celebri Monialium Divi Bernardi cœnobio , Odivellas vocant , prope avum Dionysium , sepulchrum cernitur. E tribus , qui supervivere , Maria nupsit Alphonso Castellæ Regi , Eleonora Petro Aragoniæ huius nominis quarto. Petrus tandem in patriam ditionem , ac diadema successit.

FVIT Alphonfus animosus adeo ac strenuus , vt nihil vnquam animo , quantumvis arduum , conciperet , quod non intrepide , si usus foret , aggrederetur. Boni , & æqui fuit observantissimus , Numinis cultor minime parcus & infrequens. Multas de rebus ab antiquis

*Alphonse  
vuxr , &  
liberi.*

*Pictar, re-  
bur , &  
magnitudo  
animi.*

tiquis non prævisis in commodum Reipublicæ non vulgare leges tulit, quæ inter decreta vigent Lusitaniæ. Quo tempore rerum tenuit gubernacula, rerum omnium copia, quæ maxime a parente Dionysio manavit, valde floruit. Et nisi juvenis in parentem arma pertinaciter, inimicitiasque in fratrem exerceret, nisi senex infontis Agnetis de Castro se sanguine maculasset, nihil fere lividus quispiam, quod carperet, in ejus vita inveniret. Fuit enim parenti Dionysio Regi eximio multis in rebus simillimus; vna tamen liberalitate valde a parente superatus.

*Corporis  
lineamen-  
ta.*

CORPORE fuit non procero, valido tamen ac robusto, exporrecta lataque fronte, oblonga facie, naso majusculo & incurvo, superiori labro tumido & aliquantulum prominenti, barba plurima bipartita, capillo subflavo. Obiit Olyssippone annos natus septem ac sexaginta, mense Maio anni post hominum salutem assertam millesimi trecentessimi quinquagesimi septimi. Rerum habenas anno fere cum dimidio supra triginta tractavit. Situs est vna cum vxore Beatrice in adytis, sive majore sacello templi maximi, pro cujus sacelli perpetuo cultu, sacerdotumque

*Obitus &  
sepulchrum*

que ministrantium, & precatorum alimonia,  
copiosus in annos singulos redditus ab Rege  
Reginaque fuit attributus.

---

AD ALPHONSVM LVSITANIÆ REGEM  
HVIVS NOMINIS QVARTVM.

**P**rimus adis pugnas, primus per bella triumphos;  
Prima triumphandi gloria tota tua est.  
Primus es imperio, fuso quod sanguine fundas;  
Primus es exemplo pectoris ipse tui.  
Primus & hostilem libas feriendo cruorem;  
Si non sis primus, Rex, scelus esse putas.  
Si periisse potes, cur prima pericula tentas?  
Est tua Rex populo vita tegenda tuo.  
Sic ego, sic Princeps, ductrix prudentia vitæ,  
Summa docet minimis anteferenda bonis.  
Fraudare exemplo plus est, quam perdere vitam,  
Utque sit exemplo vita, perire potest.  
Deperiisse semel Codro est laus summa; peristi  
Ante aciem, quoties prælia primus adis.

Ad eundem cum Castellæ Rege foedus  
ineuntem.

**R**egem incedentem Bellona in prælia vidit,  
Agmina Lysiadum, Martia signa, duces.  
Plus

*Plus est quam Mavors Rex hic, ait horrida, cujus  
Nobile tot Martes circuire latus.*

*Quod dixi Martes, testatur spiritus ingens,  
Et scintillantes dura per ora faces,*

*Æmula fulminibus fera brachia, ahenea bella  
Pectora, puniceæ prodiga corda necis.*

*Arma nec admiror, nec grandibus Ægida monstros:  
Principis & comitum miror utrinque fidem.*

*Illa potest Regem Marti præponere, Martes  
De grege vulgaris militis illa facit.*

*Vinci homines possunt, & ahenea pectora; vinci  
Sed nequit æterno sædere juncta fides.*

*Ad eundem crudeliter sævientem in  
Alphonsum fratrem.*

**D***Vre, quid hostili fratrem petis ense? cruoris  
Quæ tibi cognati suscitât ira sitim?*

*Natus es in scopulis? nutritus late ferino?  
At non Hircanis mos fuit iste feris?*

*Lysia mansuetos animos inspirat, & iras  
Spargere Maurorum per fera castra jubet.*

*Admonet e superis pacem Dionysius astris:  
Ponere sanguineas Elisabetha manus.*

*Ergo vel insanos de pectore mitte furores,  
Vel patriam, aut tantos inficiare patres.*

Ad eundem de victoria parta.

*V*T cruor Oceanum rubefecit perfidus , undas  
Horruit Oceanus cæde rubere suas,  
Miratusque novos spumosa per arva rubores ,  
Sanguineo mæstus murice tinctus ait :  
Decolor Oceanus cæde est, & sanguine ; nunquam  
Heu ! memini fluctus sic rubuisse meos.  
Aut genus humanum fuso dat sanguine pœnas ,  
Aut pars illius maxima cæsa jacet.  
Quæ potuit tantum , fortissima dextera bello est :  
Quæ tantum meruit , perfida turma fuit.  
Quæ meruit tantum , culpa est Maurusia ; tantum  
Quæ potuit ferro , Lysia dextra fuit.

1877  
The following is a list of the  
names of the persons who  
have been elected to the  
office of the President of the  
Board of Directors of the  
City of New York, for the  
year 1877.  
The names of the persons  
who have been elected to the  
office of the President of the  
Board of Directors of the  
City of New York, for the  
year 1877, are as follows:  
The names of the persons  
who have been elected to the  
office of the President of the  
Board of Directors of the  
City of New York, for the  
year 1877, are as follows:

The names of the persons  
who have been elected to the  
office of the President of the  
Board of Directors of the  
City of New York, for the  
year 1877, are as follows:  
The names of the persons  
who have been elected to the  
office of the President of the  
Board of Directors of the  
City of New York, for the  
year 1877, are as follows:





THE UNIVERSITY OF CHICAGO  
 LIBRARY  
 540 EAST 57TH STREET  
 CHICAGO, ILL. 60637



PETRVS PORTVGALLIÆ REX VIII.  
VIXIT ANN. XLVII. OBIT A. MCCCLXVII.

P E T R V S I.  
L V S I T A N I Æ  
R E X V I I I.

---

ANACEPHALÆOSIS X.

VIGESIMVS supra millesimum & trecentefimum a Virginis partu agebatur annus, cum XIII Kalendas Maias lucem Conimbricæ hausit Petrus, cui septimum & trigefimum jam numeranti, Alphonfi patris obitu, sceptri & Regni obtigit administratio; quo tempore immaturo obitu prærepta conjugē viduus agebat. Fuit hæc Princeps Constantia, Ioannis Emmanuelis filia, e qua liberos suscepit Petrus Dionysium, qui paucis a nativitate diebus angustum vitæ periodum absolvit; Ferdinandum, qui Regno suffectus est; Mariam, quam in matrimonio habuit Aragoniæ Princeps Alphonfi quarti filius. Extremæ hujus filix partus parenti in ipso adhuc ætatis flore, cum mire omnibus propter Regias animi dotes chara esset,

*Constantiam ducit  
Petrus.*

esset , & sui eximium desiderium reliquisset ,  
mortem attulit acerbissimam.

*Clandesti-  
na nuptia  
cum Agne-  
te a Ca-  
stro.*

VERSABATUR porro inter aulicas puel-  
las nobilis & nubilus virgo Agnes a Castro ,  
Petri Ferdinandii a Castro , qui e præcipuis  
Galliciae Dynastis Castellæ & Portugalliae  
Regibus sanguine admodum propinquus  
erat , filia miris pulchritudinis & animi or-  
namentis cæteris aliis præcellentior , quam  
Princeps superstite adhuc Constantia conju-  
ge ardentem deperibat. Hanc sibi emortua  
vxore ex Romani Pontificis facultate , ut ipse  
postea sacramento interposito affirmavit ,  
clandestinis nuptiis , dum Alphonfi patris  
obitum opperitur , publice postmodum con-  
jugem habiturus , copulavit. Aliqui tamen  
Regni procures , ( incertum an invidia , ne  
Agnetis propinqui ad magnos honorum gra-  
dus promoverentur , an odio ) pessimis con-  
sultoribus rem ægrius ferentes , Alphonsum  
Regem adeunt , e Regni quiete & tranquill-  
tate fore dicunt Agnetis necem , adeoque im-  
portune rem invaserunt adhibitis , quæ sug-  
gererat invidia , rationum momentis , ut Re-  
gis animum perpulerint. Principem igitur  
& infontem puellam per summam immani-  
tatem

tatem perimunt Petrus Coelius, Iacobus Lopes Paciecus, & Alvarus Gonçalvius Regni maximus apparitor. Sibi illatam necem impatientissime Petrus tulit. Iræ igitur succumbens patri bellum intulit, ut ad promerita supplicia carnifices sibi tradi cogeret, quod tamen, dum Alphonsus pater, cujus e consilio res gesta fuit, vita fructus est, perfici non potuit; illo tamen vita functo homicidas ad carnificinam a Castellæ Rege Petro itidem impetravit, alios reddens, qui a Castella profugi in Portugallia diversabantur, quo facto regum neuter bene audiit, cum nihil a regia fide alienum magis sit, quam eos prodere, qui ad illam tanquam ad asylum & tutissimam arcem confugiunt. Sævium igitur in fontes potius, quam debito & justo supplicio animadversum. Vivos secuit; alteri cor referato pectore, alteri diffissis lumbis extrahens, & coram Regia utrumque voracibus flammis amburens.

FUIT vero Petrus ingenio immiti, neque legum pœnas alicui vnquam condonabat; neque miseri, si is criminis convictus esset, miseratione flectabatur. Præfixos regio juri terminos transgrediens, Ecclesiæ

*A Petro  
crudeliter  
occiduntur  
Agnētis  
accusato-  
res.*

*Rigidus  
justitiæ sa-  
telles fuit  
Petrus.*



ministros aliquot poenis & suppliciis affecit.  
 Qui tamen omnia æqua trutina expendere  
 velit, comperiet procul dubio non immanita-  
 tis ductu, sed justitiæ & rectæ administratio-  
 nis desiderio juris metas prætergressum. Da-  
 mnatorum divitias ærario nunquam Regio  
 adduxit, sed in duces, & optime de Regno  
 meritos viros distribuendos curavit. Plebem  
 novis vectigalibus & stipendiis nullatenus  
 oppressit: imo admonitus aliquando, vt Re-  
 giis, quos a majoribus acceperat, thesauris  
 aliquam accessionem faceret: illum laude di-  
 gnissimum Regem se arbitrari respondit, qui  
 cum a majoribus acceptas divitias tueatur,  
 Regiis se vectigalibus alat citra populi inju-  
 riam. Ingenio ita liberali & ad conferenda  
 beneficia proclivi fuit, vt illo se die Regem  
 minime fuisse diceret, qui nullo collato be-  
 neficio elapsus esset: aliquando singulum sibi  
 laxari jussit, vt brachia liberius ad donan-  
 dum extendere posset. Nobilibus, qui in Cu-  
 ria & aula versabantur, stipendia auxit. De  
 se vel Republica bene merentes magnis ho-  
 noribus & donis cumulavit, neque cuiquam  
 ea, quæ pater liberaliter dono dedit, aut  
 imminuit, aut prorsus abstulit. Convivia,  
 qui-

*Populum  
 nullis op-  
 pressit tri-  
 butis.*

*Petri libe-  
 ralitas.*



quibus nobiles excipiebat , dum Regni fines invifere folitus erat , lauta femper & opipara fuere , quanvis affidua , quippe crebro Regnum univcrfum perluftrabat , vt majores & potentiffimos quofque in officio contineret ; minores , abjectos , injuriis obnoxios & expositos, ab eifdem vendicaret. Venatione & aucupio mire oblectabatur , in quam propterea rem maximam canum vim & omnis generis avium alebat. Cum igitur his duobus regium munus contineatur , bonorum nimirum præmio , fontium fupplicio atque pœna , Petrum , qui in utroque excelluit mire , in primis numerandum Regibus effe cenfeo.

LEGES aliquot tulit acerbæ equidem , fed populo gratiffimas. Capitali fupplicio & bonorum profcriptione judicem damnavit , quicumque fe muneribus corrumpi pateretur , quod & aliquando exequendum curavit. Severe prætoribus imperavit , acerbiffimas intendens minas , vt defnita fententia lites quantocyus dirimerent. Cum vero certior factus effet , patronorum dolo & fraude , qui utriusque parti faventes iniquas lites prolatabant , caufas in immenfum prope tempus extendi ,

*Leges uti-  
liffimæ ab  
eo fancitæ.*

perniciosum hominum genus a Regni judi-  
ciis ablegavit, quæ salutaris consuetudo,  
dum Petrus vixit, magno Reipublicæ bono  
perstitit inviolata. Eos, qui legitimam tori  
fidem violabant, mirum est quam exosus fue-  
rit, & quam immanibus poënis in hujusmo-  
di flagitii reos sæpius animadverterit. Qui ne-  
gotiorum causa in curiam confluebant, mira  
celeritate expeditis rebus, domum quam pri-  
mum demittendos curabat, in quam rem va-  
rios cum sibi suffecisset administratos, quorum  
industria & cura moræ omnes abessent, in  
eos supplicium convertebat, qui litibus deci-  
sis, vel negotiis confectis in curia ulterius  
tempus traherent, quos pro hominum con-  
ditione varie multabat. Immanitate vero ali-  
quando sævus, & furore abreptus regiæ im-  
memor Majestatis, cum sibi imperare nequi-  
ret, quin violentas ipse sæpe manus fontibus,  
qui sibi sistebantur, inferret, tot egregias ani-  
mi dotes crudelitatis nota deturpavit: neque  
semel tantum suppliciorum atrocitate homi-  
num animos exagitavit potius, quam coer-  
cuit; cum tamen priscis illis temporibus ma-  
jus in plebem nobilitati jus esset, potestatem-  
que pro libidine exercerent, injurias omnibus  
æquus

*In sævi-  
tiam ali-  
quando  
descivit.*

æquus pellens , non invidiam minus nobili-  
 um , quam popularium amorem & benevo-  
 lentiam sibi conflavit. Quare vulgo jactari so-  
 litum fuit , Lusitaniæ illud tempus aureum  
 & felicissimum fuisse , quo Petrus sceptrum  
 tenuit , & rerum summam administravit.

NEQVE propterea trux semper fuit &  
 perpetuo asper , sed humanus & lætitiæ ami-  
 cus, mireque oblectabatur choreis, quas vul-  
 go *Folias* appellamus; proprium id est nostra-  
 tibus saltandi genus , & canendi mire festi-  
 vum, quo ad tympani , lyrarum & sistrorum  
 harmoniam , modo rite atque exacte , modo  
 temere & incompósito motu miris gesticula-  
 tionibus , aspicientium plausu , & colluden-  
 tium oblectamento, se solent exhilarare. Tu-  
 barum itidem mirifice capiebatur concentu ,  
 quas argenteas fundi jussit, & nocturno silen-  
 tio mira cum voluptate audiebat. Ita se apud  
 vicinos Reges semper gessit, ut in magnis  
 bellorum tumultibus , quibus Aragoniæ &  
 Castellæ Regna dissidebant , perpetua & sta-  
 bili pace potitus fuerit; quanvis inhumanita-  
 tis notam non effugerit erga Petrum, cogno-  
 mine Sævum, Aragoniæ Regem , quem præ-  
 lio victum & profligatum in Lusitania non

*Festivita-  
 re & plau-  
 sibus dele-  
 ctabatur.*

solum non accepit , sed vix & ægre in Angliam , quo se conferebat , liberam transeundi copiam fecit.

*Sibi &  
Agneti  
duo mira  
sepulchra  
elaborari  
curavit.*

MIRA opificum industria, & artis ad miraculum excellentia , mausolea duo in Alcobaciensi cœnobio extrui jussit immensis sumptibus candido e marmore. In aliud Agnetis a Castro ossa transtulit, cujus ad vivum imaginem Regio diademate exornatam in marmore itidem expressam in superiori tumuli parte incidi fecit : in qua ossium translatione aliqua dedit veteris amoris monumenta , digna sane posterorum memoria sempiterna. Octo supra sexaginta passuum millia Conimbrica vrbs , in qua defunctæ corpus quiescebat, ab Alcobaciensi cœnobio disjuncta est ; toto igitur itineris spatio densæ ex vtraque parte cereæ faces accensæ visebantur, quarum per medium lectica miris elaborata cælaturis, immensi pretii gemmis & vestibis adornata, Reginæ reliquias portans a plerisque Regni Dynastis & Præsulibus , illustrioribus matronis , & vulgi innumera multitudine stipata , Alcobaciam pervenit. In alio postea Regis ipsius cadaver conditum ad hodiernum vsque diem asservatur.

*Pompa qua  
Agneti a  
Castro ossa  
transtulit.*

Ex Agnete a Castro filios habuit Petrus Alphonsum , qui in prima infantiae teneritudine extinctus est ; Ioanem præterea & Dionysium , quem suscepta injuria in Castellam recedere coegit ; Beatricem , quæ matrimonio copulata fuit Sancio Albuquerquei Dynastæ , Alphonfi eo nomine XI Castellæ Regis notho. Postquam Agnes e vivis sublata fuit , ex Theresia Laurentia nobilissima foemina Ioannem procreavit Avisii magistrum , & Lusitaniæ postea Regem. Sceptrum obtinuit annos X, menses VII, dies VIII. Extremum diem obiit Estremotii VI Idus Ianuarii anno a Christi ortu MCCCCLXXVII, postquam Catholico more omnibus se Ecclesiæ sacramentis rite communierat , cum octavum ageret ultra quadragesimum.

*Petri filii.**Mors.**Statua.*

CORPORE procero fuit , atque ad aspectum pulchro : liberali fronte : venustis & formosis oculis : barba & capillo prolixiori , quem curiosius comebat aliquando : colore vivido : lingua non admodum promptus , verborum hæsitantia impeditus : in responsionibus disertissimus. Priscorum Regum thesauros locupletavit , ingenti auri atque argenti facti infectique vi , quam

fina



sine popularium vexatione in tam diuturna pace comparavit.

*Mortuus  
ad ultam  
revocatur  
preclibus  
D. Bartho-  
lomæi Apo-  
stoli.*

QVI Lusitaniæ Regum gesta scripsit, se in veteri memoria comperisse tradit eximia & singularia Petrum, maxime in morte, Numinis sustinuisse beneficia, tum quod re-ctus & justitiæ fuerit amantissimus, tum præcipue meritis & interventu Sanctissimi Apostoli Bartholomæi, quem religiosissime semper coluit, cuiusque nomine & privatim & publice multa & maxima in egenos semper contulit. Afferit ulterius constantem & vetustissimam in Alcobaciensi cœnobio famam esse, postquam e vivis jam decesserat, gelido corpore, & mox iis aromatibus, quæ corruptionem vel impediunt, vel remorantur, farciendo, ad vivos iterum rediisse, magna astantium trepidatione: advocatoque mox sacerdote, qui sibi a sacris confessionibus fuerat, ubi crimen, quod per oblivionem vivo excidisset, rite exposuit, & sacra absolutione expiavit, compositis iterum membris suaviter conquievissè. Quod sibi adeo rarum & peregrinum beneficium, ob justitiæ inviolatam & incorruptam semper observantiam, atque eximia apud Numen Bartholomæi



Iomæi promerita, obtigisse contestatus fuit,  
ne æternum salutis dispendium animo non  
rite expiato subire cogeretur.

AD PETRVM PORTVGALIÆ REGEM HVIVS  
NOMINIS I. COGNOMENTO SEVERVM

**N**on durum fecere iræ, sed crimina; mitis  
Servo homines; hominum crimina clade se-  
quor.

*Astræa e summo mibi tradidit æthere lances,  
Metior his iustis præmia, damna reis.*

*Ingenuos animos frænat pudor, impia frænat  
Pectora justitiæ non sine clade metus.*

*Abcessere doli, duræ abcessere rapinæ:  
Legitimis limes finibus arva regit.*

*Turpis adulterii maculosa piacula desunt,  
Vis cohibet pronas in malefacta manus.*

*Fur nocturnus abest, & abest vis dira latronum;  
Gentibus a nostris dira tyrannis abest.*

*Moribus Imperium justus rego, moribus vrbes,  
Regna supercilio fræno domoque meo.*

*Libera per fines pax ambulat aurea nostras,  
Otia securus me duce civis agit.*

*Vi sine Saturni Saturnia Regna fuerunt,  
Aurea sunt ferro sed mea secla meo.*

*Si sine iustitia facio vim , durus habebor ,  
Si duce iustitia punio , iustus ero.*

*Ad eundem.*

**L** *Argiter effuso populis gratissimus auro  
Petrus adest , æqui iustitiæque tenax.  
Ille inopes opibus cumulabat , honoribus ille  
Noverat emeritas condecorare duces ,  
Ille sibi accinctæ laxabat amicula zonæ ,  
Tenderet ut plenas promptior ære manus.  
Ille graves sumpsit scelerato a iudice pœnas ,  
Assuetus torva perdere fronte reos.  
Ille insultantes solitus punire catervas ,  
Colla dabat sacræ perniciofa neci.  
Tam bene qui novit geminum componere munus ,  
Vita per hæc meritum det geminata polum.  
Fallor ? An idcirco prima de morte revixit ,  
Altera ut æterno tempore vita foret ?*

*Ad eundem.*

**F** *Lumina si lactis , si flumina nectaris irent  
Per iuga , si quercus dulcia mella daret ;  
Si sine lege fidem coleret gens aurea ; Mundus  
Si sine vi crudo tutus ab hoste foret ;  
Aurea si fluerent nunc sæcula , qualia quondam ,  
Dum sua Saturnus sceptrâ tenebat , erant ;  
Tunc*

*Tunc sine suppliciis , sine iudice Regna teneres ,  
Et gereres molli mollia sceptrâ manu.  
At quia sydereos Astræa recessit in orbes ,  
Iustitiæ peragit Regia cura vices.  
Regia Majestas scelerum nisi puniat ausus ,  
Turpia regnabunt crimina , Regna cadent.  
Non sine iustitia sublimia Regna perennant ;  
Hanc sibi , qui violat , tollere sceptrâ solet.*

Ad eundem.

**I** *ustitia imperium tenet æqua , absistite fontes ;  
Qui pro iustitia vindicet , ultor adest.  
Peioris obscæni Vulcano absumitur ignis ,  
Supplicium pravis est nova flamma rogis.  
Gratia nil prodest , nil verba precantia , nullum  
Credite Majestas Regia pondus habet.  
Principe sub iusto , casti cui cura pudoris ,  
Qui turpe ardenti vindicat igne nefas ,  
Iura pudicitiae vel sunt servanda , per atros  
Vel patratori pœna luenda rogos.  
Lilia quod referunt , quod Lysia pascua flores ,  
Rex est , qui ferro vindice ultor adest.*

The first of these is the  
 second of these is the  
 third of these is the  
 fourth of these is the  
 fifth of these is the  
 sixth of these is the  
 seventh of these is the  
 eighth of these is the  
 ninth of these is the  
 tenth of these is the

### CHAPTER


The first of these is the  
 second of these is the  
 third of these is the  
 fourth of these is the  
 fifth of these is the  
 sixth of these is the  
 seventh of these is the  
 eighth of these is the  
 ninth of these is the  
 tenth of these is the  
 eleventh of these is the  
 twelfth of these is the  
 thirteenth of these is the  
 fourteenth of these is the  
 fifteenth of these is the  
 sixteenth of these is the  
 seventeenth of these is the  
 eighteenth of these is the  
 nineteenth of these is the  
 twentieth of these is the





FERDINANDVS PORTVGALLÆ REX IX.  
VIXIT ANN. XLIV. OBIIT A. MCCCLXXXIII.





FERNANDVS I.

LVSITANIÆ

REX IX.

ANACEPHALÆOSIS XI.

**P**OSTQVAM fatali necessitate oppressus ,  
Regni administrationem reliquit Petrus ,  
hæreditario in defuncti locum successus est  
Fernandus , ex Constantia conjuge filius ,  
Conimbricæ natus anno a Virginis puerpe-  
rio millesimo trecentesimo quadragesimo ;  
Regni vero clavum & moderationem iniit  
millesimo trecentesimo sexagesimo septi-  
mo , quinto Kalendas Februarii , tanta fe-  
licitatis spe & ominatione , quantam nemo  
vsquam ex proavis jure potuit concipere.  
Ætas enim , qua imperium accepit , flo-  
rentissima erat , & ad omnia gerenda prom-  
ptissima , quippe quæ septem & viginti an-  
nos nondum excefferat. Regno vndique tu-  
ta pax ; a vicinis Regibus neque dissidia vl-  
la , neque metus ; Regni opes , & , sive pa-

*Ferdinan-  
do omnia  
felicitatem  
sponde-  
bant.*

cem five bellum gesturus esset , nervos , thesauros , atque divitias opulentissimas a proavis longo tempore comparatas , & prope , quasi in magni alicujus facinoris spem , coacervatas hæreditario accepit ; in iis maxima inprimis auri argentique vis , & immensi valoris vniones , lapidesque non vulgaris æstimationis , quæ pater atavique diuturna pace in varias Regni arces congefserant. In Olyssipponensi inventa sunt auri pondo octingenta millia , argenti quadraginta millia , præter ingentem facti signatique copiam , & alia pretiosissima , quæ tum inibi , tum variis Regni oppidis aservabantur.

*Ferdinandus  
dispecies  
prona im-  
perio.*

DOTES vero & corporis ornamenta non vulgaria ; corporis proceritate & elegantia , faciei liberalitate , vultus pulchritudine , toto denique habitu inter formosos recensebatur , adeo vt vulgo dici consueverit , quamvis Regni insignia abjecisset , facile inter hominum plura millia omnium Regem & Principem ex ipso corporis habitu æstimandum fore Fernandum. Ingenio miti & leni fuit , comis & benignus , difficilis vt sinistram & iniquam ; propensus & facilis vt optimam

de quocumque conciperet opinionem. Eques egregius , neque cuiquam vertendi & circumagendi equi dexteritate secundus , adeo fortis & robustus , vt nullus æqua vi , atque Rex ipse , ictum gladio faceret. Liberalitatem ita impense coluit , vt in prodigalitatibus vitium prope degeneraverit ; neque in suos beneficia conferebat solum , sed in externos & peregrinos homines ampliabat. Iustitiæ fuit amantissimus , plebi admodum benignus , cuius proinde utilitati mira in rebus plurimis vigilantia consultum voluit. Leges condidit æquas & Regno commodas , quarum patrocínio & favore , terræ antea incultæ & vastæ solitudines aratro proscissæ sunt , & plura exstructa navigia , quibus mirum in modum cum externis commercium viguit : & tanta deinde Dei gloria , Regni laude , & divitiarum omnium accessione in immensum prope excrevit.

*Largitas  
& iustitiæ  
in Rege  
amor.*

AVREAM & felicissimam tempestatem Lusitaniæ hæc omnia portendebant ; illud tamen spes , & præclara decora innata Regi inconstantia , atque immatura in accipiendis deponendisque consiliis deliberatio , obscuravit : fere enim dum magnum aliquid , sive bello

*Regis levitas  
& inconstantia.*

bello five pace , aggressurus esset , quæ e re maxime forent , pensi non habebat ; quare temere suscepta consilia temere itidem abjiciebat , non sine ingenti regiæ dignitatis jactura , & Regni incommodo. De suscipienda conjuge ter deliberavit , vltimoque & deteriori consilio sibi eam copulavit , de qua ne consilium inire quidem decebat. Idem prorsus cum Beatrice filia accidit , quam tribus despondit , atque vxorem illi tandem dedit , vnde certiora incommoda , & bella formidari poterant. Innocuum , & ab omni criminis suspicione alienum , Principem Ioannem Avissii Magistrum , sui ipsius fratrem , in vinculis habuit , & compede constrinxit , vt iis assentiretur , qui privatis inimiciis Principi infensi erant : quem cum intra viginti dierum spatium vinculis dimissum domum abire permetteret , tantæ rei causam aliam protulit nullam fuisse , quam velle se manifestum & contestatum esse sibi omnes obnoxios , se omnium honoris & vitæ supremum esse arbitrum. Defuncto Christi in terris Vicario , Gregorio , ex iis qui felix nomen obtinuerunt , XI , ita Vrbanus VI subrogatus fuit , vt a plurimis alius , quem Clem-

tem

*Inconsulto  
Ioannem  
fratrem  
trudit in  
vincula.*

*A vero  
Pontifice  
nunc res-  
lit , nunc  
adhaeret.*

tem VII , vt nomini quoque inesset auctoritas , appellari maluerunt , pro germano Petri successore coleretur. Fernandus ergo in re non ita facili , vtpote admodum factiosa , vero Pontifici adhæsit primo , a quo postea Anglorum inductu in Pseudopapam recessit , quem tandem inconstantia eadem , sed consilio salubriori , cum dimisisset , Urbano obsequium detulit & obedientiam.

CASTELLÆ expeditionem & expugnationem adorsus est , ad se hæreditario pertinere Regnum prætendens , quod Sancii Regis pronepos esset , & Petri , quem Henricus frater , nothus quidem , vt Regno potiri posset , ex insidiis interemit , vltor. Atque vt tantum bellum aggredi posset , Aragoniæ & Granatæ Reges , legationibus missis in amicitiam , in belli communionem trahere , sibi que conjungere curavit. Aragonio quidem promisit se in conjugem habiturum Eleonoram ejusdem filiam : atque in belli expensas , & militum stipendia , ingentem auri argenti que adhuc rudis eo vim aportari iussit , vt ibidem cuderetur , signareturque ; quæ omnia infeliciter absumpta fuere , cum neque nuptiæ

*Temere susceptum  
cum Castellano bellum*



ptiæ optatum exitum habuerint , neque Rex Aragoniæ , quam mutuam acceperat pecuniam , reddiderit vnquam. Hujus immaturi atque non ita fani confilii major penes aliquos Castellæ Dynaftas culpa fuit , qui novum Regem Henricum metuentes, in Portugalliam cum confugiffent, jufto liberalius accepti vrbibus , & redditibus aucti, adulationibus ad inferendum bellum Castellano Rege facile perpulerunt.

*Pax inter  
Reges a  
Pontifice  
curatur.*

ALIQUANDIV bellum gestum fuit vtriusque exercitus damno & cæde , quod tandem reddita pace conquievit. Hujus porro fuit auctor Gregorius Pontifex , qui Reges in concordiam adducere fumme contendit , quam Fernandus eadem levitate , qua bellum , complexus fuit , nulla habita sociorum ratione ; atque inter alia Eleonoram Henrici filiam fibi fponfalibus conjunxit , pofthabito Aragoniæ connubio , cum de tanta re nequaquam Regem fecerit certiolem ; fed neque fecundis fletit , ficuti neque primis , quia impotenter nobilem fœminam , nomine itidem Eleonoram Telles , fed matrimonio jam astrictam , magno conjugis dolore , a quo & filium pepererat , deperire incœpit.

*Impia nuptia cum  
Eleonora  
Tellesia.*

Magno



Magno igitur bonorum omnium dolore in stabilem torum assumpsit, &, ne alienam rapuisse videretur, causatus est irritum conjugium esse matrimonio, cum absque Pontificis venia consanguineo nupserit: quare definita sententia a viro primum abducitur, & quanquam re vera, ut hodie etiam certum existimatur, Pontificis facultate dolo quaesita copulati fuerint, conjux rivalis potentia oppressus satius duxit in Castellam exulatum recedere, quam de vxore cum Rege litem habere.

Hic ingentium malorum fons, hæc dissidiorum origo. Hoc connubio alienati procerum animi, qui in Castellam multi decessere. Princeps Dionysius, quia Eleonoræ manum exosculari renuit, neque vnquam vel Reginam, vel Dominam appellare voluit, quam illa injuriam, ut est honoris avidissimum muliebre ingenium, ægerrime tulit, relicta Lusitania, in Castellam, tanquam spontaneum exilium, se recepit. Sequutus postea Ioannes, itidem Regis frater, sed infeliciori eventu, & asperiori re coactus, cujus tamen auctor & machinatrix Regina ipsa fuit. Clandestinis enim nuptiis Mariæ Telles

*Dionysius  
& Ioannes  
Principes  
in Castellam profu-  
giunt.*

de Meneses Reginae sorori Princeps hæserat , felicemque sortem germanæ , esto in sublimiori collocata esset , inviderat Eleonora ; erat quippe Ioannes egregia & præclara forma , procero corpore , omnibus charus , & ad quem defuncto Fernando Regni summa pertinebat.

*Ioannes  
Agnelis  
filius patrem  
sibi Reginae  
sororem ,  
eodem fal-  
lente, in-  
terimit.*

HVNC igitur clanculum & ex insidiis Regina adoritur , atque , ut sunt ad simulanda quæque & dissimulanda mulieres doctæ , laudibus ad facinus trahit inopinum. Nemo , inquit , Beatrice Principe dignior te patruo , quem natura dotibus , quotquot optari possunt , prodige adornavit : has ego tibi nuptias despondebam , Regnumque ; sed incassum , proh dolor ! tanta meditor ; cum audiverim te jam matrimonio obnoxium , atque foeminæ , (dicere horreo , sed cogit amor) quæ te dispari prosequitur amore , atque alterius , quanto tuo dedecore tuum sit expendere , indignis amoribus torretur. Percussus Principis animus , cum subdolas insidias non persentisceret , neque a germana tantum scelus Mariæ metueret , zelotypiæ abreptus cæstro Conimbricam , qua in vrbe Maria tanti doli ignara , tanti flagitii sibi nequa-

qua-

quaquam conscia degebat , contendit , & inauditam crudeliter perimit. Perduellionis igitur reum , quem deceperat , incusat Regina , atque adeo pertinaciter insequuta fuit , vt in Castellam abire compulerit mœstum , sibi-que indignabundum , quod tam faciles aures , & credulum animum pessimis , & hostilibus consiliis patefecerit. Nec solos Principes Reginæ causa turbatos Regno ablegavit ; plures alii nobiles , quod satius ducerent patria & domo exulare , quam honores & redditus cernere , quibus ipsa consanguineos nobilitabat & augebat , se Portugallia abdicaverunt. Plus tamen omnium animos exulceravit solutior justo Reginæ cum Ioanne Fernando Anderio consuetudo , quæ procedente tempore invalescens Comiti mortem , Reginæ dedecus , peperit indelebile. Hunc natione Gallecum , sanguine nobilem , ita ad magnos honores evehi fecit , vt Comes Ourenensis tandem fuerit , quo familiarius illo posset vti.

SED jam ad Fernandum , qui ingenio instabilis & varius , quam cum Henrico pacem colebat , & sancte firmaverat , temere violavit ; cumque in Hispania , sociorum desertor ,

*Ioannis  
exilium.*

*Eleonora  
suspiciosa  
cum Ande-  
rio commera-  
cia.*

*Adversus  
Castellanos  
magno Re-  
gi damna  
Angli ac-  
cesserunt.*

neminem sibi fidum fore existimaret, externa auxilia convocanda ratus, rem egit cum Ioanne Lecestriæ Duce, Eduardi eo nomine III Anglorum Regis filio, qui, eo quod in matrimonio haberet Constantiam Petri, cognomento Sævi, maiorem natu filiam, foceri imperium ad se deferendum adeo pertinaciter credebatur, ut Castellæ & Legionis se Regem vulgo diceret & scriberet. Hujus consilii ubi certior Henricus fuit, anteverendum ratus, exercitum comparat, Portugalliæ fines invadit, vrbes aliquas partim metu, partim vi subigit, omnia populatur, & Olyssipponem vsque progressus, urbem obsidet, atque triginta ipsis diebus obsidione intenta oppugnavit. Neque tamen interim Fernandus copias scribit, exercitus legit, aut ad arma ducit, sed deses interim suorum injurias, & expilationes conquiescit, atque domum indignabundos, & tam insignem socordiam execrantes, plures Dynastas dimittit, qui armatis manipulis, ut cuiusque vires erant, auxilio aderant. Direptis igitur Olyssipponis suburbiis, & majori ex parte incendio absumptis, quod in vicinas ædes grassatum nobilissimam plateam, vulgo novam, corripuit, & omni merce refertissimas

*Castellanus Lusitaniam insultat, totamque pervadit.*

*Incendium Olyssipponense.*

negotiatorum ædes in cineres , & favillas solvit , ab vrbe Bononien sis Cardinalis , de pace cum Regibus vt ageret , a Summo Pastore missus supervenit , quod & felici eventu fecit. Convenere igitur Scalabim Reges , & in mutuo colloquio , ad quod Tagus fluvius delectus ab utroque fuerat , de conditionibus disceptatum , ultro citroque datæ atque acceptæ , tandem fœdus ictum & iurejurando firmatum.

Ad alia deinde conversis animis , Beatricem Fernandi sororem Sancio Henrici Regis fratri collocaverunt : quæ nuptiæ posteris duobus diebus magno plausu celebratæ sunt. De alio itidem matrimonio actum , quo Elisabetha Fernandi notha ex vago , dum adolenscens esset , concubitu suscepta , sponsa fuit Fernando , Henrici itidem filio , Gerionis Comiti , & Noroniæ Dynastæ , a quo præclarissima Noroniarum familia in Lusitania ortum habuit ; sed infausito nuptiæ exitu inauguratæ fuerunt , quippe invito Alphonso pactæ. His igitur ex sententia gestis , in Castellam Henricus profectus est , atque inde mox legatos in Lusitaniam destinavit , qui Beatricem Fernandi filiam , Regni hæredem , Frederico ejusdem no-

*De pace & nuptiis filiorum inter Reges actum.*



tho nupturam curarent, qui tamen conatus irritus fuit. Mortuo quippe Henrico, qui Regno suffectus est, Ioannes filius enixe contendit, vt eadem Beatrix Fernando Castellæ Principi in matrimonium daretur, quod magnis vtrunque pactionibus decretum fuit, sed inanibus atque eodem eventu, quo priores defecerant. Fernandus etenim, insita levitate varius, cum in eadem diutius sententia persistere non posset, salubriora pacis consilia pertractatus, bellum iterum aduersus Ioannem Castellanorum Regem instauravit contra suorum opinionem & placitum.

*Angli iterum contra Castellanos evocantur.*

IN quam rem redintegrato foedere socios concivit Lecestrix iterum Ducem, & Edmundum Ducis fratrem, Cantabrigensem Comitem, ea adjecta conditione, vt ipsi in Portugalliam navigarent, certo militum numero, & mense. In Lusitaniam ergo Cantabrigensis Comes transit, cuius filio Eduardo, teneræ adhuc ætatis puero, Fernandus Beatricem filiam tot jam matrimoniis initiatam, quam minime nubilem, despondit. Bellum igitur magno vtrunque conatu agi cœptum, iniqua Lusitanix conditione, cui ab auxiliariis Anglis non inferiores injuriæ & incom-

mo-



moda , quam ab hostibus Castellanis , obveniebant. Ad certamen post varios casus , ut de summa rei Mars statueret , duo exercitus convenere in utriusque Regni fines ; Castellanus non procul a Pace Angusta , Lusitanus Helviis castra posuit ; sed melioribus usi consiliis , dum res integra consultationibus locum dabat , de pace & fœdere deliberant , incerto Cantabrigensi , qui propterea , neque immerito , in Angliam revertitur indignabundus. Datæ ex fœdere ad transitum Castellanorum naves , quæ in Olyssipponis portu , ut commeatus interciperent , in statione erant : restitutæ iterum aliquot triremes , quæ infelici pugna superatæ Hispali detinebantur : unde facile perspicuum est , non adeo Lusitaniæ res deploratas per illud temporis fuisse , cum pacem honestissimis conditionibus Fernandus dederit , nescio an impetravit. E vivis interim cum decessisset Eleonora , Castellæ Regina , Ioanni viduo , quamquam geminæ prolis ex Eleonora parens esset , Beatricem filiam , de cuius toties nuptiis licitatum fuerat , despondere & collocare destinat. Quod tandem connubium , cum jam puella nubilem attigisset ætatem , Helviis celebratum est variis utrinque conditionibus , quas

fa-

*Ad pacem  
reditum ,  
meliori Ca-  
stellanorum  
conditione.*

*Beatrix  
Ferdinan-  
di filia  
Ioanni Ca-  
stellano  
collocatur.*

sacramento interposito , datisque obsidibus ,  
vterque Rex stabilivit & firmavit ; quod ta-  
men procedente tempore ingentium bellorum  
causa fuit , quæ Lusitanis alium consequutis  
Regem gloriam pepererunt immortalem.

CORPORIS elegantia & pulchritudine (quod  
& supra commemoravimus) excelluit Fernan-  
dus , quem species ipsa & vultus sublimitas  
Regem declararet , adeo vt nulli primas con-  
cederet ; vultu aliquantulum oblongo , pur-  
pureis labiis , capillo rufo , alba facie , ma-  
gnis & formosis oculis mellino colore , ad ni-  
grum tamen accedente. In iis , quæ Regni  
administrationis intererant , remissus & lenis ;  
quare perpetuis bellorum tempestatibus vexa-  
tus est , in quibus neque ipse , neque alius , qui  
ejus nomine militaverit , aut illustre facinus  
edidit , aut gloriam adeptus fuit : adeo Regis  
mores & ingenium populares exprimunt & re-  
ferunt : neque propterea plebi ingratus & invi-  
sus ; immo omnibus charus ; liberalitas enim ,  
& insita benignitas invidiam leniebat & pror-  
sus extinguebat.

CVM expenderet secum ipse , quantum in-  
commodi Olyssippo in obsidione a Castellanis  
acceperit , eo quod murorum præsidio destituta

in-

*Ferdinan-  
di Regnum  
inter pacem  
& bella flu-  
avit.*

*Olyssippo-  
nem brevi  
muris cin-  
xit.*

injuriam esset obnoxia, animum intendit, ut muro, & propugnaculis cingeret ex consilio Ioannis de Almada, qui regiis præerat redditibus; & contra omnium sententias, qui immensum opus ad finem perducendum nunquam fore rebantur, manum labori admovit. Iacta prima fundamenta Kalendis Septembris anno a Christi ortu millesimo trecentesimo sexagesimo tertio, & perfecta murorum corona biennio post, magna omnium admiratione, & congratulatione, qui divitiarum Olyssipponensium charybdim, & voraginem excogitari, non muros extrui opinati fuerant.

PER idem ferme tempus, ut a maioribus accepta memoria, & constans fama ad nos usque dimanavit, Ebora civitas iis muris & turribus, quibus hodie maximo ambitu cincta cernitur, munita fuit, qui suburbia omnia complexu suo continentes, ne domum quidem injuriis expositam relinquunt. Credo equidem Fernandum, conscientia stimulantem, utrumque refarcire voluisse, quod Ebora attulerat incommodum, dum belli tempore, ne Castellanus vrbe potitus, & præsidio imposito ex sententia illud administrare posset, vetera mœnia solo æquari iussit.

Erant

*Romanis  
manibus  
Ebora temere ever-  
sus, nova  
insurrexit.*

Erant porro hæc quadrato e lapide in justam altitudinem evecta , fortissimis turribus defensionis aptissima ; antiquissimum Romanorum opus , & nobilissimum eorum , quæ in Hispania post Mahometanorum clades extabant adhuc ; extruxerat Sertorius , qui nobilissimam urbem sibi sedem , & contra Romanos propugnaculum elegerat tutissimum. Vix in posterorum memoriam turris superstes visitur , quæ domicilium & prospectum late præbet religiosis foeminis sanctitatis fama inclytis in eo cœnobio , quod a Mundi Salvatore nomen habet. Qua in murorum everfione triennium infumptum , propter lapidum magnitudinem & operis firmitatem , non contemnendus auctor fama evulgatum habet. Scabulis etiam arcem murorum ambitu adversus externam vim , pluraque in Regno oppida , communiit. •

*Alia utiliter instituta.*

PRIMVS Lusitanorum Regum ex Angliæ disciplina Magistrum equitum & Marescalem creavit : quorum postremum munus Gonçalo Vasquio Azevedio commendatum ; primum Comes Arrayolensis Alvarus Pires a Castro obtinuit. Facto tandem concessit Olyppone , gravi & diuturno confectus morbo ,

II Kalendas Novembris, anno a Christi natalitiis MCCCCLXXXIII, ætatis agens, supra menses x, XLIII, ex quibus summa rerum potitus est annos xvii, menses novem. Cum morituro sacerdos sacrum viaticum offerret, Catholicam fidem professus, manantibus vbertim lachrymis eorum erratorum, quæ in Regni administratione commiserat, a Numine veniam & condonationem impense efflagitavit, & sacro Franciscanorum habitu indutus extremum reddidit spiritum. Sepultus jacet Scalabi apud D. Franciscum prope Constantiam matrem nobili in tumulo.

*Mors Regis Christiano digna.*

---

AD FERNANDVM REGEM AMORIBVS  
DEDITVM.

**I** Mbellis quid sceptrum tenes, Rex, Lysia? Martis  
Summe animos; Martem bellica regna petunt.  
Quam male sceptrum lepus regeret generosa leonum;  
Quam male dux aquilis blanda columba foret;  
Tam male Lysiadis mollis Rex imperat. Isthæc  
Fortem sceptrum decent Hectora, non Paridem.  
Hectoreos animos, placeant si sceptrum, capeffe.  
Projice sceptrum manu, si Paris esse cupis.

Fer-

Fernandus Rex Lusitaniæ , contempto  
Mauro , Castellæ Regi impium mo-  
vet bellum.

**I**mpia degenerem vocat in certamina Regem  
Hinc furor , hinc spretus Relligionis amor :  
Regna furor cognata petit : contempta ministrat  
Relligio hostiles in sua damna minas.  
Qui furor est socias in prælia poscere turmas ?  
Quis furor est Mauri tela inimica pati ?  
Quæ nova Relligio est , miscere cruoribus aras ,  
Pandereque ad turpes aurea templa Deos ?  
Quæ nova Relligio est sacras sævire per vrbes ,  
Et dare captivas in fera vincla manus ?  
O pudor , o monstrum ! Christi distincta cruore  
Signa rubent : Christi sit cruor iste cruor.  
Verte alio dextram Rex ; Christi aut parce cruori  
Aut , quas signasti tam male , tolle cruces.

Idem Rex principes Regni vrbes , Oly-  
sipponem & Eboram , mœnibus  
cinxit.

**D**Vm tibi Regna parant duo Numina , Maxi-  
me Princeps ,  
Æquora Neptunus , pingua culta Ceres :  
Ma-



*Mænia certa suis Neptunus poscit in undis ,  
 Flava Ceres Regnis mænia certa suis.  
 Iussit Vlyssæas tua dextera surgere tures ,  
 Atque ait : Hæc pelagi mænia Numen habe.  
 Iussit & Eboreas suspendere mænia pinnas ,  
 Atque ait : Hæc flavæ sint monumenta Deæ.  
 Ergo terrarum Dominum facit Ebora ; Vlyssis  
 Vrbs Regnatorem te facit esse maris.*

Ad eundem de adventu Anglorum.

**L***ysiadum populatur agros vicinior hostis ,  
 Assuetus dudum vertere terga fugæ :  
 Arma fremunt populi , impatiens rapit arma ju-  
 ventus ,  
 Et toties victis tanta licere dolet.  
 Imbellis Rex bella vetat , vetitisque hymenæis  
 Implicitum Regni nulla ruina movet.  
 Post cladem auxilio vocat in sua Regna Britan-  
 num ;  
 Sera tamen gravius fit medicina malum ;  
 Nam Regnum hinc hostis prædatur, & inde Bri-  
 tannus ;  
 Et , qui debuerant pellere damna , juvant.  
 Non eget auxilio , Rex , Lysia terra Britanno :  
 Tu Rex esto , tuus sat tibi miles erit.*

Ad

Ad eundem.

*M*ollius imperium , quam iusta Astræa re-  
poscit ,

*Conjugis arbitrio , Rex , regis ipse tuum.*

*Nolo truces animos , & pectora cruda Neronum ,*  
*Sævitia nomen qui meruere sua.*

*Atrea detestor , caligantemque Thyestem ,*  
*Cujus ad infandos lux fugit acta dapes.*

*Mollia Fernandi nolo otia , nolo quietem :*

*Non tua te poscunt tam male Regna pium.*

*Sævitiæ pietas , pietatem attemperat ardor ,*  
*Quam divisa nocent , tam bene juncta pla-*  
*cent.*

*Agnus Rex agnis pietate , leonibus idem*

*Sit leo : justitia fiet utrumque duce.*


*Muta animos , aut sceptras : decent te mollia Regna.*

*Dedecet imbellis Lysia sceptras manus.*





IOANNES PORTVGALLIÆ REX X.  
VIXIT ANN LXXVI. OBIIT A. MCCCCXXXIV.



# IOANNES I.

## LVSITANIÆ

## REX X.

### ANACEPHALÆOSIS XII.

**I**OANNEM Primum, qui ob illustria facinora, & admirabilem virtutum splendorem, Bonæ memoriæ acroamate nobilitatus est, pellex Therasia Laurentia, nobilibus orta natalibus, Petro Regi peperit Olyssipone die vndecima Aprilis, anni millesimi trecentissimi quinquagesimi octavi, quamvis in ipsius Chronico quarta decima dies Augusti illius natalitia dicatur. Infantulus, ut educaretur, traditus est nobili civi Laurentio Martinio da Praça, sed expleto septennio commissus pædagogo Nonio Freirio Andradio Christi militi clarissimo, cujus rogatu alumnum suum Petrus parens Avisiensis militiæ Magistrum creavit.

*Ioannis ortus & educatio.*

ERGO Magister Avisiensis ( sic enim audiit Ioannes, donec in Regnum eveheretur ) sub Magistro suo Nonio iis disciplinis per-

*Pietas ejus erga Deum, & gratia erga populum.*

fecte est excultus, quæ optimum quemque Principem commendant. Pietatem erga Deum omnibus semper chariorem habuit; prudentiæ, & fortitudinis, sicubi res posceret, signa testatissima edebat, præcipue in bellis, quæ inter Ferdinandum Lusitanum ipsius fratrem, & Castellanos texebantur; Regio vere animo populum sibi mire devinciens, ad Regiam dignitatem præludebat. Torquebatur misere Regina Eleonora tantis omnium plaussibus, & inclinatione erga adolescentem, cui sciebat invisam esse suam cum Comite Ioanne Fernandio Anderio familiaritatem, & scæminea audacia, perfidiæ atque defectio- nis crimina in eo comminiscens, perfecit, ut Eboræ in custodiam truderetur vna cum Gondigalo Vasquio Arebedio, qui Reginæ in ea re licentiam licentiori lingua castigaverat. Quin juveni caput amputaretur prima nocte, falsis duarum tabellarum subscriptionibus a Regina Regis nomine dimissis, nisi Gondigali Vasæi a Mello, custodiæ præfecti, prudens & constans animus fraudem subolens periculum depullisset.

*Regina  
Eleonora  
Ioannem  
in vincula  
truden-  
dum cu-  
rat.*

*Comes An-  
derius a  
Ioanne tru-  
dicatur.*

CUM post mortem Ferdinandi Regis Re-  
gni administratio Reginæ Eleonoræ manda-



na esset, indigne ferebant Lusitani omnes tantam penes eam Comitis Anderii gratiam & auctoritatem, cujus ipsa nutibus secundabat. Ex prudentioribus aliqui sinistram Reginae famam, & magnum Ferdinandi fratris dedecus ex clandestinis cum Anderio commerciis Magistro exaggerantes, & iniquum illius in ipsum animum, impulsores fuere, ut in Reginae aulam irruens coram protervum hominem pugione confoderet, cunctis approbantibus, laudantibus, & Ioannem Regni propugnatorem prædicantibus. Populares, quasi sibi grassandi data esset impunitas, & Olyssipone, & toto Regno temere & crudeliter in aliquos sævierunt. Vbi Eleonora Ierabricam se recepit, Olyssipponenses Ioannem Ducis & patriæ Defensoris titulo munierunt adversus Ioannem Castellæ Regem, qui, quod Beatricis, ad quam Lusitania jure hæreditario spectabat, maritus esset, illius possessionem statim inire affectabat, conculcatis pactationibus, quæ inter ipsum & socerum Ferdinandum, consentientibus utriusque Regni proceribus, matrimonii tempore stabilitæ fuerant. Illis enim decernebatur licere Lusitanis, etsi Ferdinandus obiisset, suis

*Ioannes  
Defensor  
patriæ ap-  
pellatur.*

gibus & more vivere, & numismata gentili-  
tiis notis signare, dum Ioannis Castellani &  
Beatricis proles mascula in maturam & ha-  
bilem Imperio ætatem non adolefceret.

*Castella-  
nus armis  
Lusita-  
niam sub-  
igere pa-  
rat.*

IRRITATVS hac specie liberalitatis Ca-  
stellanus, se Regem Lusitaniæ instituit; sed  
faustas eorum acclamationes infaustum omen  
interturbavit. Cum enim Lusitana insignia  
sub Castellanis quasi deteriora collocasset, in  
terram provoluta equum traxere ita afflicta-  
tum, luxato difractoque armis, ut signife-  
rum fœde excusserit; quod immanis ostenti  
loco habitum monebat, nec Lusitanum de-  
spiciendum, nec destinatum cœlo tempus ad-  
venisse, quo Castellana & Lusitana insignia  
coalescerent. Mox Castellanus, Eleonora in-  
stigante, evocatus in Lusitaniam cum ingenti  
exercitu trajecit, & Olyssipponem terrestri-  
bus ac maritimis cinctam copiis deferere co-  
actus est, gliscente in exercitu pestilentia; &  
multis Regni oppidis ac urbibus arcium cu-  
stodes præficiens, vires redintegraturus in  
Castellam rediit.

*Ioannes à  
Lusitanis  
Rex eligi-  
tur.*

ILLIVS absentia Magister respirans tem-  
pus habuit Conimbricæ ineundi comitia, ad  
quæ non multi Castellorum præfides & præsu-

les

les concurrere ; nam pleraque nobilitas opes & ditiones suas in discrimen adducere abnuens, in Castellanium potentio-rem , qui vulgaris est humanæ naturæ morbus, inclinabat. Et quamvis in eo conventu discordantibus primum sententiis pugnatum sit , multis Castellano obfisti posse negantibus : ad extremum omnes æquis suffragiis conspirarunt , vt Magister Rex eligeretur , quamvis acriter obnitens, & sibi gratum ac perhonorificum esse Defensoris patriæ nomen contendens.

HÆC nuntia Castellanium citius exciverunt validissimo exercitu stipatum , in quo maxima pars Hispanæ nobilitatis , Lusitanæ, Navarræ, & Gallicæ merebatur, vt Olyssiponem adoriretur ; quam classem præmiserat multis navigiis & triremibus instructam. Interea novus Rex Lusitanæ, bellandi peritia veteranus , allecto in Magistrum Equitum Nonio Alvaro Pererio , summæ fidei & dignitatis viro , delectum habuit earum copiarum , quas toto Regno conflare potuit : nec tamen integram legionem explevit ; nam sex mille & quingenti censiti sunt tantum milites , ex iis hastati mille & trecenti , sudibus verius ac perticis, quam lanceis armati ; qua-

*Castellanus Rex Lusitanum pellere nititur.*

*Lusitanorum in eo bello pietas.*

terceni sagitarii; reliqui pedites, paucis equis tibus interfecti. Intellexit nec vane Ioannes, potissimum sibi esse præsidium in divinis: toto Regno ad Augustissimæ Eucharistiæ, & Beatæ Virginis, aliorumque Divorum pulvinaria indictæ supplicationes: Olyssipone adversus publica peccata severæ leges publicatæ: foeminæ militarium flagitiorum illices & virium corruptrices Magistri Equitum consilio a Castris ablegatæ, quod exemplum si duces omnes imitarentur, bella feliciter absolverent. Milites ante cætera sacri auditione, peccatorum ad confessarii aures delatione, & intemerata synaxi, plurimis sacerdotibus ad Regium conopeum, quasi ad templum augustissimum, Eucharistiam partientibus, roborati obviam Castellano processere. Ordines dispositi in montosa planitie in abruptam vallem desinente, qua transeundum erat hosti inter Colliponem & Algibarrotam. Hæc illa est Algibarrota Lusitanis fastis celebris, Castellanis non minus damnata, quam Cannæ vel Allia Romanis. Castellanus Lusitani statione & solertia in ea deligenda consideratis, prima cornua, quæ propinquiora erant, laceßere noluit, sed longiori circuitu  
absce-

*Algibarrota situs.*

abscedens in eodem saltu ad Australem partem confedit, in quam Lusitanus aciem & faciem obvertit, cum antea respiceret Aquilonarem.

Hic ab utroque factæ per suos feciales de successionis jure protestationes, & omnibus in pugnam obfirmatis, ad arma utrinque proclamatur æquo tantum situ, nam cæteris nostrum Castellanus excedebat, qui ultra triginta bellatorum millia numerabat, & solem post terga habebat, qui nostrorum oculos adversus obtundebat. Primus aries adversariorum germanos fratres duos stravit, qui Magistro Equitum erant ad principia; cumque nobilis miles casum intuitus vereretur, ne cæteri eo visu consternati frigerent, contenta voce in dextrum auspicium sinistram adolescentium sortem invertens dixit: Macti animo estote Lusitani; vobis a cælo victoria paratur; nondum octo expleti sunt dies, cum ab illis fratribus sacrilego ausu ad aram cæsus est sacerdos sacris infulis amictus; en pro suo piaculo immolantur, ne aut illo victoriam nobis retardarent, aut comparatæ nobiscum essent consortes. Nec suo delusus est auspicio; nam vix emensa priori

*Prælium  
ad Algibarrota.*

*Sacrilegii  
supplicium.*

con-

*Castellani  
superan-  
tur ad Al-  
gibarro-  
ram.*

*Castellani  
Regis re-  
ditus &  
dolor.*

conferti certaminis hora bis milleni e Castel-  
lanis cecidere, reliquis vel male faucibus, vel  
turpiter fugatis; desideratique sunt quinquaginta non amplius Lusitani. Rex Hispanus  
eo die quartana, & tantæ cladis moerore languens, conscenso equo cum paucis ipsa nocte Scalabim, viginti septem passuum millibus distantem, pervenit. Inde secundo Tago Olyssipponem petens navibus, e triremibus funem præcidit, atque Hispalim profugit. Ibi atrata veste animi dolorem præferens, cum ab aliquibus cladis ignominiam elevantibus argueretur, dixit; non se adeo excruciaciari, quod in acie obtritum relinqueret Hispaniæ & Galliæ florem, nec quod victus accessisset, id enim summis Imperatoribus non raro evenit, sed quod miles inermis, exiguus numero, quemque ipse ut despiciatissimum neglexerat, victoriæ præmiis, spoliis, & adorea potiretur. Incidit ea victoria in Assumptæ Virginis pervigilium anni MCCC-LXXXVI, & eadem die vulgata fuit Olyssipone, quibus tamen internunciis incertum. Eoque intra paucos dies a Rege missa insigniora vexilla quatuor, pluraque minora, & ad Beatæ Virginis ab Scala solemnis pompa gra-

*Gratiæ pro  
victoriâ  
Deo red-  
duntur  
Olyssippone.*



gratanter instituta , quam omnes tam sacri , quam profani homines nudis pedibus frequentarunt. Magister Equitum , qui ob singularem fortitudinem , maturumque consilium magnam totius victoriæ partem suo sibi jure vindicavit , Olyssipone in templo Carmelitano crucem auream inter spolia eleganti sub theca inventam reposuit , quæ altera facie pretiosas gemmas quatuor ostentat, altera non exiguum sacri ligni frustum, quod Burgis celebri Sacratio asservabatur.

POSSET hæc victoria omnem Regis animo sollicitudinem abstergere, accedente potissimum confirmatorio Bonifacii IX diplomate , quo & Regnum eidem addicebat , & potestatem faciebat nuptias contrahendi , quibus illi erat abstinendum , vtpote ante Avissensem militiam professo: annos tamen aliquot belli scintillæ utrumque Regnum mutuis damnis exagitarunt. Tandem Rex, Ioanne Lecestriæ Duce, qui frater erat Regis Britannici, & Hispaniæ jus ad uxorem trahere moliebatur , cum auxiliari classe evocato , ipsiusque filia Philippa in matrimonium accepta , communibus copiis Castellanos debilitavit , donec optandæ pacis opportunitas al-

lu-

*Regnum  
Ioanni a  
Pontifice  
confirmatur.*

*Ioannes  
Lecestrius  
ex Angliæ  
evocatur,  
& illius  
filia a Re-  
ge ducitur.*

luxit, adjectis conditionibus vtrique Regno peraccommodis, quas post Ioannis Castellani obitum Henricus filius & Ioannes II nepos subscriptione confirmarunt.

*In prælii  
loco Batal-  
liæ tem-  
plum erigi-  
tur.*

SED quia gratus erga Deum & cælites animus maiora solet a Deo beneficia emereri, certaminis loco Ioannes Beatæ Virgini, a Victoria dictæ, templum erexit, quod dixit *a Batallia*, sic enim lusitane prælium nominamus; & perennium sacrorum custodes Dominicanæ familiæ patres adjecit. Regia vere illa est substructio, marmoribus adeo subtiliter interrasis, ut vix acu Phrygia simile quidquam in molliori materia delineetur. Pendet adhuc pars & Rege, & egregiis illius ævi artificibus emortuis, nam sæpius est tentata absolvi, sed frustra, cum recentes sculpturæ crassiores primis delicatioribus congruere non possint. Ita tamen moles est in primis totius orbis ob elegantiam visenda. Hinc Ioannes ad remunerandos eos, qui sibi fidam operam bello navaverant, progressus Nonium præ cæteris ditavit & nobilitavit. Cujus, cum in omnibus periculis primæ, ac difficiliore essent partes, nunquam aut vim intulit, aut repulit, quin victor evaserit. Anteaqtas tamen

*Batallia  
amplitudo  
& rara  
opera*

*Noni Alva-  
ri Pererii,  
Briganti-  
norum au-  
ctoris, com-  
mendatio.*

victorias vicit extrema de se ipso, in templo Beatae Virginis a Carmelo Olysiptone fatalem illum in Castellanos gladium suspendens, seque spontaneo secessu divitiis & pompa abdicans, ne cælo minus gloriose in senectute, quam patriæ antea militaret.

SUB hæc tempora duo quædam nobilia facinora Lusitani præstiterunt, quæ nefas existimo injuriosa oblivione sepeliri. Primum sic habet. Cum Ioannes Villam luporum (Castellum est vulgo Villalobos) obsidione premeret, equitum cuneum ad negotium peragendum demisit. Ex iis Martinus Vasquius a Cunia cum duobus fratribus, & aliis quatuordecim, segnius socios insecuti prope fluvium, nebula prospectum eripiente, fortuito in hostium castra inciderunt, in quibus erant hostes hastati quatercentum, & plures pedites. Omnes turmatim in Vasquium & comites involarunt. Vasquius collem occupans a tanta multitudine dejici non potuit. Monebant aliqui sanum fore, ut e fociis aliquis ad nostrorum castra, quæ leuca aberant, se abriperet auxilia allaturus; sed nemo abire voluit, ne præsens discrimen subterfugere putaretur. Roganti tamen Iacobo Piresio Avel-

la-

*Plurimi  
Castellani  
a septende-  
cim Lusitani  
superati.*

*Avellarii  
illustris  
audacius*

lario, vtrum esset fortius, constanter collentueri, an per infestas hostium acies & hastas equo immisso ad nostrorum stationes contendere, ab omnibus est redditum, hoc posterius fore illustrius. Tum ille, subditis calcaribus, equum incitavit, & hasta limitem faciens inter dolentes & frementes adversarios multa excipiens, plura reddens vulnera, ad suos evasit. Hic dolor hostibus recrudescens eos instigavit, vt in exiguam sexdecim bellatorum manum furorem exonerantes jaculorum pluvia increbrescerent, quæ nostris ideo gratior erat, quod eadem pila in subiectos retorquere possent, iisque Hispanos quadraginta, & equos plures confecerunt, extincto vno tantum Lusitano, qui ad colligenda in suum & sociorum commodum jacula incommode ab ordine recessit. Superveniens tandem in auxilium Didacus Piresius in avertendis & fundendis hostibus in non mediocrem laudis partem fuit admissus.

*Duodecim  
Lusitano-  
rum clarif-  
simum faci-  
nus in Bri-  
tannia.*

SECUNDVM ita proditur. In Britanni Regis domo Virgines duodecim conviciis eam gloriam, quæ foeminis charior esse solet, denigrantibus ietæ fuerunt a petulantibus aulicis, qui virium suarum confidentia

ferocientes addebant neminem fore Equitem, qui ipforum dictis armorum vi ire obviam auderet. Cumque suarum nemo læsam Virginum dignitatem armis asserere auderet, ipsæ dolore & miseria contabescebant. Ioannes Dux Lecestrius jam reversus e Lusitania, paellarum commiseratione ductus, eis suavit, ut quæque suam causam illius Equitis Lusitani fidei committeret, quem ipse nominatim designaret; ipsarum munus fore, ut singulæ ad singulos supplices litteras exararent; suam, a genero Ioanne Equites in Britanniam dimittendi facultatem impetrare. Paruere Virgines; obtinuit Lecestrius; equites a puellis comperendinati, Ioanne annuente, in Britanniam contendunt; undecim navi conscensa in vrbe Portuensi, vnus terra iter invadit ea lege & fœdere, ut omnes stata condicta die, quæ Pentecostes erat, Londini convenirent. Dictum; factum; ipsa die coram Lecestrio & Virginibus astiterunt. Area collustrata, crectis tabulatis, omnibusque rite apparatis, quæ humana gloria in his rebus variè excogitavit, & ut necessaria sancivit, suum quisque competitorum primum provocans, deinde cum eodem fuit compositus. Atque ita in certamen



men paria singula descenderunt omnibus rei novitate ad spectaculum invitatis. Prima clavarum ferrearum prolusio fuit; secunda gladiatorum, quibus a solis exortu protracta contentio ad horam tertiam paululum conquievit. In secundo certamine tantum hospites in Britannos invaluerunt, ut octo foede ictos, ceteros egregie pulsatos tabulatis exegerint, stupentibus qui aderant, & admirantibus viri-um firmitatem, & ictuum magnitudinem.

*Lusitanus  
in Gallia  
Comes fit.*

A Rege & Duce Lecestrio munerati, a Virginibus ovantibus grate excepti, & ab omnibus laudati in Lusitaniam novem rediere; reliqui Angliam & Gallias nominis sui celebritate impleverunt; ex quibus vnus tantam a Gallorum Rege gratiam inivit, ut ab eo Comes Abranchensis dictus fuerit.

*Septem in  
Africa ca-  
pienda oc-  
casio.*

SED jam ad Ioannem revertamur, quem cum tæderet cognato, & Christiano finitimorum sanguine gladium large potum gerere, Pœnum superinducere destinavit, ne crederetur vergens in senium in extremo actu ab antiqua fortitudine defecisse, & ut liberos ad audenda fortia, rigidamque disciplinam, proprio exemplo incitaret. Africanæ expeditionis hæc causa traditur. Liberos suos Eque-  
stri-



tribus insignibus ornare Rex ardebat Olyssipone Regio apparatu ; sed tanto patre digni generosi adolescentes monitu aulici cujusdam senioris rerum experientis dixere , dedecorum sibi videri , domi & in segni otio bellica insignia , & merita ementiri ; honestius futurum , si in Africam trajicerent ad Septam expugnandam. Est Septa in ipsis freti Gaditani faucibus , munitissimum & frequentissimum ea tempestate Maurorum , nunc firmissimum nostrorum propugnaculum , præ cæteris vrbibus maritimis abundans , e quo in Hispaniam Mahometanis facillimus trajectus. Adolescentium dictis convulsus est paternum peccatus , remque diu secum agitatam in secretissimum consilium retulit , in quo decreta expeditio tanta arcani fide , vt nihil omnino Pœni præsenferint , quamvis plurimæ vndeque contractæ sint naves & milites , ex Germania & Gallia conducti , Ioanne simulante totam belli illius molem in Batavos vergere , quorum Ducis , ad negotium penitus obvelandum , conficta provocatione certamen per legatos indixit , prætendens Lusitanos a Batavis injuria in mari lacessitos. Solvens Olyssipone classis pridie , quam Assumpta in cælum Virgo colitur , Augusto men-

*Secretum  
de Septa  
expugnanda  
consilium.*

*Septa a no-  
stris capi-  
tur.*

menſe anni milleſimi quatercentefimi decimi quinti, vela facit, & intra ſex dies Africam tenuit, Septam vicit, trucidatis vltra duo Maurorum millia, plurimis in ſervitium acceptis, & reliquis in fugam abactis, qui iis aliis, quas timor addebat, famam Luſitani roboris in interiora Africæ intulerunt. Octo tantum e noſtris ceciderunt. Principes Eduardus, Petrus, & ante alios Henricus ſe Ioannis ſobolem ea die pulchris facinoribus comprobarunt.

*Principes  
militiæ au-  
ſtamento  
condecorantur.*

PRIMA die Dominica inſequenti, luſtrato & Chriſtianis ritibus expiato maximo Septæ fano, Mahometicis antea ſuſtitionibus infami, divina myſteria celebrata; concione in actionem gratiarum perſoluta, tres Principes iis experimentis ſpectati, & armis, quæ ſunt in tali inauguratione ſolemnia, inſtructi, Deo & circumſuſæ multitudini gratum ſpectaculum offerentes, a Patre ſunt militiæ auctorati, traditis iis gladiis, quos Philippa mater paulo ante mortem benedictione & fauſtis precationibus felicitaverat. Gemmatis ſingulorum incifuris indi-  
ctum erat e ſacro ſtipite fruſtulum, quod pia ſcœmina popoſcit, vt ad mortem vſque conſervarent, ſui monumentum & pignus

amoris , vtque admonerentur non latius gladio Lusitanæ ditionis fines , quam crucis & fidei Christianæ propagandos. Aliis provinciam ob pericula recusantibus , vrbis præfecturam petiit Petrus Menesius Comes Viennensis , author clarissimæ familiæ Marchionum Villaregalium , vulgo *De Villa Real* , qui ad hoc vsque tempus aciem fortiter & industrie a multis Barbarorum insidiis & apertis irruptionibus sunt tutati. Inde Rex in nostra Algarbia remeans Tivilæ , Petrum Principem Conimbricæ , Henricum Visei Duces nominavit , & in reliquos Equites mirifice prius collaudatos , diversa beneficia , vt cuiusque erat dignitas & merita , summa omnium gratulatione divisit.

QVANTA in Deum propensione fuerit , hinc cognoscito. Africanam expeditionem aggredi noluit , nisi prælata sacrosancta Eucharistia ; vt vero religiose custodiretur , in editiori Regiæ triremis parte Regicum sacrarium exornavit , vbi sacerdotes omnes , qui Regi & Principibus erant a facello , hymnis & canticis se provocantes perennes diu noctuque excubias agitabant. Dum in terram exiliere Classarii , & oppugnationem inie-

*Septa præfecti Marchiones Villaregales.*

*Ioannis fratri augustissimam Eucharistiam affectus.*

re , tota sacrorum hominum militia Deum  
 continuis precibus expugnavit , præeunte  
 Regii sacelli præside , qui bellatores foras  
 protracto , & manibus prætento Christi cor-  
 pore ad sanguinem adversus ipsius hostes for-  
 tititer fundendum verbis accendit ; ad cujus  
 orationis finem , duce Principe Henrico ,  
 cæteri proceres ac milites sacræ pyxidis im-  
 mum fulcrum exosculati , ad arcem tam-  
 quam leones ignem expirantes provolarunt.  
 Hinc discite orbis Reges atque Principes ,  
 idcirco vobis aliquando non ex votis bella ce-  
 dere , quia Deo duce , Deo comite , non  
 exordimini. Quid vero Ioannis manus, Chri-  
 sto auspice , timeret ? quid non auderet ?

*In B. Vir-  
 ginem pro-  
 pensio.*

IN sanctissimam ipsius Matrem ex æquo  
 proclinabat , cujus preces horarias singulis  
 diebus percurrens , in pensum aliis identi-  
 dem suadebat. Tria molitus est templa in  
 illius gloriam ; illud Batallix , de quo supra ,  
 cui a Victoria ; aliud Olysippone , cui ab Sca-  
 la ; tertium Guimaranii , cui est cognomen-  
 tum ab Oliva ; quod ea arbor adytorum pa-  
 rietibus , & fornici innascens , ab accolis pie  
 suspicatur. Hoc templum , in quod mirifice  
 afficiebatur , bis pedes Rex adiit ab Olysi-  
 pone.

*Templi re-  
 ligio , &  
 reditus.*

pone. Vbi primum Castellanos ad Algibarro-  
 tam profligavit, illuc se contulit, tantum-  
 que argenti reposuit, quantum cataphractum  
 ipsius corpus ponderosum erat. Ibidem ho-  
 die dicata visitur hasta, qua in prælio me-  
 tuendus fuerat, simul cum chlamyde mi-  
 litari. Multa quoque obtulit toreumata ultra  
 centies octogies festeriûm æstimata. Nobi-  
 le illud est templum & redditibus, & ministris  
 ad sacra succenturiatis. Antistitis portio du-  
 centies festeriûm magna est; reliquorum re-  
 ditus, qui sunt duo & triginta, in singulos ad  
 dena octona festeria assurgit. A Summis Pon-  
 tificibus & Regibus plures immunitates huic  
 templo concessæ. Liber mercatus totos quin-  
 decim dies prope illud exercetur per ferias  
 Assumptæ in cælum Virginis, quod festum  
 præ cæteris insigni pietate observabat, in  
 cujus pervigilio singulare fuerat benefi-  
 ciorum compos factus. Hac enim die Ioan-  
 nem Castellanum fudit; hac in Africam sol-  
 vit ad Septam expugnandam; hac in cælum,  
 ut par est credere, demigravit Olyssipone,  
 anno salutis humanæ millesimo quatercen-  
 tesimo trigésimo quarto, post septuaginta  
 sex ætatis suæ annos, menses quatuor, &

*Assumpta  
 Virginis  
 festum pe-  
 culiari re-  
 ligione ob-  
 servabatur.*

dies octo ; e quibus regnavit annos quadraginta octo ab strage Castellana apud Algi-barrotam.

*Extrema  
Ioannis  
ægritudo  
& summa  
pietas.*

FATALI invaletudine oppressus intellexit sibi celeriter a vita abscedendum , & a Principibus deportatus in templum maximum coram Divi Vincentii , vrbis tutelaris , Regia Majestate visendus astitit , vt invicto Christi Martyri , cujus reliquæ indubitate ad aram maximam conduntur , cuique impense addictus erat , extremum vale mortali in corpore acclamaret. Inter mysteria ad musicum concentum modulata architectum , qui adytis Regio sumptu restaurandis & venustandis præsidebat , exciens rogavit , quanta pecuniæ summa opus ad coronidem evehi posset ; & quidquid ille poposcit , Rex , vbi in sacro locus est dona offerendi , munifice impertivit. Inde ad Beatæ Virginis ab Scala digressus , eidemque suam mandans animam , se in arcem recepit. Dedecebat enim tantum bellatorem vel morientem a militum statione sejungi. Dolorem in ejus obitu sol ipse testatus est insigni defectione ; testati pauperes & viduæ , quarum vnicum erat profugium ; testatum Regnum , quod in libertatem vindica-

*Ioannis  
obitus.*



dicavit , & optimis legibus digessit ; nam præter alias , Codicem Iustiniani in Lusitaniam linguam vertendum curavit. Ædificiorum magnificentia parem non habuit , vt præter prædicta templa Regiæ domus ostendunt Cintræ , Scalabi , Almeirini , Olyssipone ; quam Bonifacii IX auctoritate Metropolitane Sedis titulo amplificavit.

PHILIPPA Ioannis vxor fœcundis aulam partibus exhilaravit. Primo enim emisit Blancam , quæ post octo vitæ menses expirans in augustiori templo Olyssipponensi ad proavi Alphonfi Regis pedes sita est. Secundo Alphonsum , exacto decennio Braccaræ tumulatum. Tertio Eduardum , Visci natum anno millesimo quatercentesimo primo, Regni postea hæredem. Quarto Petrum Ducem Conimbricensem , & Montis Majoris Vetusioris Dominum , quem æmuli in prælio ad Alfarruberiam in certissimam cædem impulerunt. Quinto Henricum Ducem Vifensem , & Dominum Covillanii , Christiani militiæ Magistrum , qui se Christianis , militaribus , & liberalibus disciplinis perfecte excoluit. Princeps sanè nulli priorum posterior , nulli posteriorum inferior , sive fidei

*Vxor & filii.*

*Henricus Princeps castissimus, & indice navigationis auctor.*

ardorem , sive animi magnitudinem confideres ; quem fama est , illibatum Virginitatis florem anno illius seculi sexagesimo sepulchro & cælo invexisse. Vnde mirum non est adeo mathematico & perspicaci ingenio fuisse , vt primus Indicæ navigationis , multis navibus exploratoriis subinde in annos dimissis , animum adjecerit. Sexto Elisabetham Philipi III , Ducis Flandriæ, vxorem , in quarum nuptiarum memoriam ipsa die maritus equestrem aurei Velleris Ordinem sub D. Andreæ patrocinio crexit. Septimo Ioannem sancti Iacobi militiæ Magistrum , Comitem stabilem Lusitaniæ , Principem insigniter prudentem , mirifice affabilem , impense boni communis amatorem. Salaciæ animam efflavit , anno , & seculi & ætatis quadragesimo secundo. Octavo Scalabi Ferdinandum Magistrum Avisiensem , Atouguix & Salvaterræ Dynastam , mira quadam vitæ integritate & inflexibili constantia perillustrem. Quem frater Eduardus obsidem Mauris tradidit , dum Septam non dederet. Sed infractus Ferdinandi animus e re Christiana iudicavit , minus esse damni , si ipse æterna servitute & ærumnis premeretur , quam

*Ferdinandus  
di Principis  
captivitas  
& sanctitas.*

quam Septam hostibus reddi, quos inter tot exantlavit calamitates, religioso semper & erecto pectore, ut vivus ac mortuus Barbaris stupori fuerit & venerationi. Ossa postea in Lusitaniam traducta prope paterna insigni mausoleo a multis propter insignem viri sanctitatem & beneficia, quæ ipsius ope a Deo exorant, invisuntur. Ante nuptias Ioannes ex Agnete nobili puella, quæ postea Parthenonis Olyssipponensis, cui nomen est a Sanctis, fuit Antistita (vulgus dicit Comendadeira) genuit Alphonsum, cui data vxor Beatrix, Nonii Alvarii Pererii Equitum Magistri vnica proles, addito dotali Comitatu Barcellensi, & Ducatu Brigantino. Quod fuit illustrissimæ, ac pene Regiæ domus Brigantinæ seminarium, e qua summis Regibus ac Principibus Christianis connubia expetita. Obiit Alphonsum anno seculi illius sexagesimo secundo; jacet ad Aquas Flavias. Ex eadem matre genuit Ioannes Beatricem, nuptui datam Thomæ Comiti Arondalensi, & Sorienti, e propinqua Regis Britannici cognatione.

STATVRA fuit mediocri, corpore arido, valido, ac sano; ore productio; fronte contra-

*Primus  
Dux Bri-  
gantii fi-  
lius Regis  
uxorem  
habuit No-  
nii filiam.*

*Ioannis  
statua &  
sepulchrum*

tra-

tractiori ; nigro capillo ; nigris oculis, ac vivacissimis ; animo rerum ingentium capaci, quem nec hostium multitudo , nec periculorum formido vnquam perculit. Haud facile reperies alium qualibet æque alea fortunatum. Sepultus primo Olyssipponie ante aram D. Vincentii , vnde ovali curru Batalliam a Principibus & proceribus transfatus , plurimum cingitur liberorum Maufoleis.

AD IOANNEM HVIVS NOMINIS PRIMVM  
PARENTEM PATRIÆ APPELLATVM.

**P** Arcite finitimi sævum irritare leonem ,  
 Quem gravis in sævas suscitât ira neces.  
 Tangere pupillas illius credite , quando  
 Tangitis Imperii vi , face , Marte , solum :  
 In se qui facilis scelerum commissâ remittit ,  
 Illata imperio dissimulare nequit.  
 Plus dolet ille suos per damna hostilia lædi ,  
 Quam Majestatis Regia jura suæ.  
 Lædite me , parcam ; populos ne lædite : nescit  
 Civibus offensis mens , neque dextra modum.  
 Plus est , quam genitor , Rex hic ô Lyfia felix ;  
 Plus est , quam Princeps , plus Patre dulcis amat.

Ad

Ad eundem ob eandem causam.

**O** Qui perpetuæ vincis pia nomina famæ ,  
 Cognita pro patriæ prodiga laude suæ.  
 Morte sua incolumes servavit Codrus Athenas ;  
 Sæpe per innumerasisque , redisque neces.  
 Matronale aurum donant in prælia matres  
 Ausoniæ ; vitæ prodigus ipse tuæ es.  
 Quod Decii fecere semel , facis ipse frequenter ;  
 Tu sine funeribus funera lætus adis.  
 Hoste Neoclides pulso defendit Achivos ,  
 Auxilio est quoties patria tecta tuo ?  
 Fortiter incurrit crudos Thrasybulus in hostes ;  
 O patriæ quoties hostibus hostis eras ?  
 Sint Lacedemonii patriæ pro mœnibus urbi ;  
 Arx firma , & patriæ murus es ipse tuæ.  
 Qui patriæ peperere decus , vel dura tulerunt ;  
 Vnus pro cunctis Rex mihi solus eris.  
 Deperiisse semel non est tam nobile , quantum  
 Pro patria nunquam vivere , sæpe mori.

Ad eundem de victoria ad Algibarrotam.

**P** Vgnax arma movet Ioannes ; arma capeffit  
 Lysia ; fulmineo sub duce miles ovat.  
 Et Mars , & Martis Mavortia pignora vincunt,  
 Mersaque funeribus mors supet atra suis.  
 Suf-

*Sufficit aggestis latus vix campus acervis ,*

*Et natat effuso sanguine pingue solum.*

*Hofis ait fpectans , non hoc feciffet Achilles ;*

*Et minus Heftore robora dura manus.*

*Si fuper hos etiam cecidiffent fulmina campos ,*

*Non tam denfa forent funera , totque neceſ.*

*Non poterunt vinci nec Rex , nec Lyfia , quando*

*Illa animis certat Principis , ille fuis.*

*Ad eundem de Africæ expeditione  
cogitantem.*

**D***efidia eſt intra patriæ tibi vincere fines ;*

*Aſtra vocant, Princeps, Carbafa pande notis.*

*Quantus ab Heſperia Mauris tremor imminet !*

*Altæ*

*Celfa cadent Septæ mœnia Marte tuo.*

*Non ſatis eſt Europa tuis , Rex magne , triumphis.*

*Tende alio , palmas terra Libyſſa dabit.*

*Dant fera Lyfiade torvo ſpectacula Marti ,*

*Maurorum in multo ſanguine pene natant ,*

*Trunca natant vaſto numeroſa cadavera Ponto ;*

*Decolor Oceanus cæde fluente rubet.*

*Pſcite truncatos , portenta immania , Mauros ,*

*Pſcite , plus vobis qui feritatis habent.*

*Quid tibi cæſa velint tot corpora quæris in undis.*

*Neptune , & Tethidis cur natet alta cruor ?*

*Dat*



*Dat Rex inferias proavorum insignibus umbris ;  
Hesperiiis Libyca cæde parentat avis.*

*Est ara Oceanus , nec enim minor vlla decebat ,  
Purpureus , rubra pro nece , Pontus erit.*

*Ad eundem propter eandem causam.*

*C**lassibus armatis Libyam pete , nota per orbem  
Quam tibi promittunt Numina , Septa tua est.*

*Tollitur in cælum moles operosa , minæque  
Maurorum ingentes : sydera tangit apex.*

*Vndique conuectis vrbs aurea mercibus , auri  
Grande onus , argentum , plurima gemmæ  
subest.*

*Viribus Herculeis vinces sæva agmina ; palmas  
Inde feres ; gaza divite dives eris.*

*Consulis Hesperiae ; fidei das mœnia , Summo  
Templa Deo , proavis gaudia , Regna tuis.*

*Multi urbem cupiunt. Nequeunt quam vincere ,  
vincis ;*

*Votum multorum quod fuit , vnus habes.*





# EDVARDVS I.

## LVSITANIÆ

### REX XI.

---

#### ANACEPHALÆOSIS XIII.

**E**DVARDVM Regno & patri Ioanni opportunum successorem Deus providit, naturæ & artis dotibus ita nobilem, vt brevi sublatum iusto dolore quereremur; Regno enim per quinquennium administrato, tristi fortuna a mortalibus abiit nondum expleto septimo & trigesimo ætatis anno. Hic ille est, qui Vifenses inter cives natus exacto pene Octobri, altero & quadringentesimo supra millesimum salutis anno, paternum tandem Imperium accepit, tanta auri argentique vi, militari disciplina, militumque virtute ita instructum, vt qui sub patre Ioanne meruerant bellis, periculisque probati, Rege & Duce Eduardo, meliora sibi pollicerentur, nisi Deo rem aliter destinante, frustra cederet rerum exitus.

*Vifci natus  
Eduardus.*

*Mathematicorum observationes in sua inauguratione contemnit.*

POSTQVAM igitur celeberrimum Assumptæ in cælum Virginis diem sibi delegit Eduardus , vt Regem se prisco Regum ritu inauguratum publicæ populorum voces renuntiarent contra Mathematicorum placita , qui tristes Eduardi annos syderum observatione affirmabant , nisi instituta auspiciis solemnia proximum in diem prorogarentur ; ea demum die Eduardus rem animose confecit , vt suas spes & opes in felici Beatæ Virginis præsidio, non in fallaci syderum interpretatione sitas esse significaret. Maxime, ne Mathematicorum principem Hebræi generis hominem curare potius , quam Virginis patrocinia, videretur. Peracta res est fausta , & communi omnium proclamatione , tantusque Princeps spem nobilis fortunæ Regno excitabat , & alebat.

*Africana expeditio infelicitè cecidit Eduardo.*

VERVM quia Lusitanorum sceleribus iusta a Deo supplicia imminebant , permissum, vt Regem , in quo summa omnia augurabantur , antequam prorsus amitterent , anxie afflictum dolerent tam pertinaci temporum conspiratione , vt grassante pestilentia continuo lustro Regni sedem vertere non semel sit coactus. Ad hæc suscepta etiam in

Afri-

Africam bella Henrici & Ferdinandi fratrum  
 suasionibus frustra fuere. Nam præterquam  
 quod Regni procures alienum a Tingitana  
 expeditione animum habuere, impar tanto  
 bello fuit militum numerus, & desiderata  
 prudentum consilia hostibus fecere locum,  
 vt Lusitanorum exercitus, qui acriter Tin-  
 gim obsidebat, ab innumera Maurorum mul-  
 titudine dolo obsessus cum hoste Pœno tan-  
 dem pacisceretur, vt Lusitanis abeundi po-  
 testas, Pœnis Septa vrbs, non multo ante  
 bello expugnata, redderetur; de obside vero  
 dum agebatur, hostis successu ferox nullo  
 placabatur alio, quam Regis fratre. Quod  
 infortunium illius par animo egregie, imo  
 regie tulit Ferdinandus; nam cum postea  
 e re Christiana apud Eduardum Regem non  
 esse videretur, urbem Septam, totius Europæ,  
 atque adeo Ecclesiæ munimen optimum, ho-  
 sti reddere; Ferdinandus diuturnis propter-  
 ea afflictus ærumnis, tantam, ob exhausta  
 fortiter patientiæ irritamenta, est adeptus  
 virtutis excellentiam, vt fufis tandem diu,  
 non jam præ Lusitanæ, sed cælestis aulæ de-  
 siderio, lacrimis inter excellentis vitæ mor-  
 tisque miracula non vulgaria, abierit e mor-  
 tali.

*Ferdinan-  
 dus Eduar-  
 di frater  
 obses datus  
 inter Mau-  
 ros obiit.*

talibus , ab exilio in patriam , a captivitat-  
tis ergastulo ad Regnum gloriæ sempiternæ.

*Ad Conci-  
lium Con-  
stantiense  
Legati ab  
Eduardo  
missi.*

CÆTERVM quo tempore Rex Eduardus ha-  
benas Lusitani imperii susceperat , Christia-  
nam Rempublicam regebat Martinus nominis  
V. Is Constantiæ Œcumenico dimisso Con-  
cilio statuit , vt exacto lustro in publicas Ec-  
clesiæ causas iterum cogeretur Basileæ ; in-  
terim Martinus emoritur ; mox vrbis & or-  
bis onus , curasque excipit Eugenius nomine  
hoc IV, qui animum ad indicti Concilii cau-  
sam promovendam gnaviter adjecit , & Pon-  
tificia auctoritate Principes Christianos ac-  
cersivit , quos inter Eduardus nulli secun-  
dus , & suoapte ingenio pius , Concilio pro-  
fecto interesset , & magnum illius sua præ-  
sentia & auctoritate foret ornamentum , nisi  
causæ arduæ eundi cupidissimum avocassent.

*Legatorum  
in Concilio  
auctoritas  
& indu-  
stria.*

ANNO igitur salutis humanæ quadrin-  
gentesimo trigesimo quinto , supra millefi-  
mum , mittit Legatos Regia auctoritate cla-  
rissimos , Comitem Ourensem, & Antonium  
Episcopum Portuensem , Præsulem multis  
nominibus clarum , filium fratris Comit-  
is Barcellensis ; sapientiæ laude alios , alios  
bellica virtute præstantes , omnes comitatu



magnifico , ac pene Regio; vtque legationem institueret sumptuosam pariter ac gloriosam causæ impulere gravissimæ. Nam præter communes ad solidam Græcæ atque Latinæ, de quibus tunc agebatur , Ecclesiæ redintegrationem , & amplificationem Reipublicæ Christianæ spectantes : plenam Eduardus interponebat auctoritatem , cunctas offerebat opes , & Regnum eo præsertim tempore florentissimum , vt Angliæ Galliæque Reges , quorum strages mutuas , & bella cruenta jam diu demirabatur vniversa , & lamentabatur Ecclesia , in foederis & amicitiae legem aliquam convenirent. Suspexere Patres tanti Concilii lumina , & columnina illius ævi , mirisque in cælum laudibus extulere magnam Eduardi auctoritatem, singularem Legatorum prudentiam , & quod fuit optatius , rerum exitum felicissimum. Mox æquis judiciis trutinati sunt magnum pondus , rationumque momenta , quibus Rex apprime prudens luculenter exponebat , fore magnum Lusitaniae incommodum , ni Equestres Christi , Divorum Iacobi & Ioannis , Ordines cælibatum deinceps cum nuptiis commutarent. Annuit Pontifex , imo addidit maiora ,

Regi-

*Plurima  
Concilii  
Patribus  
impetrant  
Legati.*

Regique de Ecclesia cum honorificentissima legatione , tum aliis multis officiis egregie merito præter alia amoris & grati animi monumenta concessit , vt Reges deinde Lusitani veteri Anglorum & Gallorum ritu solemniter inungerentur.

*Vxor &  
liberi E-  
duardi.*

DVXIT Eduardus vxorem Eleonoram , Siciliae & Aragoniae Regis filiam ; excellentibus animi & naturae dotibus Regi parem. Ex ea primo suscepit Alphonsum Regni successorem : is præ fratribus Princeps coepit appellari, cum hætenus in Lusitania omnes æque Regum filii dicerentur Infantes ; post hunc prognatus Ferdinandus, Visensis postea Dux, & Ordinum , quartusque Lusitaniae Equitum Magister ; edita deinde in lucem Philippa, quam duodecim annos natam in Christo nubilem mortalium desideriiis , cælitum gaudiis cælum excepit.

*Eleonora  
Eduardi  
filia nubit  
Frederico  
Imperatori*

HANC sequuta Eleonora , magnæ spes altera Romæ ; Romam namque omine fausto , fastuque superbo vecta, celeberrimas iniit nuptias cum Frederico III, Romanorum Imperatore , cælestium cæremoniarum Duce , & magni Imperii auspice Nicolao Pontifice Maximo , qui inaudita celebritate , & summo

mo magnarum rerum apparatu dignissimam cuique donavit coronam, Imperii insignia. Hujus matrimonii fructus exstitit primus, primus nomine Maximilianus Imperator.

NATA post Eleonoram Catharina, Carolo Navarrae Principi prius, Eduardo postea Anglorum Regi promissa conjux: sed quam orbis Reges ad nuptias ambiebant, hanc Deus Optimus Max. sponsam ad triumphalem caelestium civium celebritatem invitabat; cujus amore perculsa mortales curas exsolvit mense Junio, anno millesimo quadringentesimo septuagesimo tertio, Olyssipone in Cœnobio Religiosissimarum Monialium sanctitate & Divæ Claræ nomine perillustri. Illius partum subsequuta est Ioanna, quæ Hispaniæ Regi Henrico IV collocata filiam habuit suo nomine, sed non omine celebrem. Nam, cum solemni sacramento Castellæ Regina dicta esset, posteaque desponderetur patruo Alphonso Lusitaniæ Regi; patrio Regno, soloque aut infanientis more suo, aut ludentis fortunæ prodigio, expulsa est in Lusitani-  
am, ubi diu vixit sanctitatis exemplo memorabili; idemque turbo, qui antea ex Hispania raptam impulerat in Lusitaniam, magna po-

*Alia Edu-  
ardi filia*

stea inter Castellæ Ferdinandum , Alphonsūque Lusitanæ Regem , de jure Regnī bellorum excitavit incendia.

*Notha  
Edwardi  
proles.*

FVIT tandem Eduardo Regi , vt diligentes Auctores existimant , ex aulica femina Ioanna Emmanuele , Aragonensis Eleonoræ propinqua , furtivo congressu susceptus filius Ioannes Emmanuel ; hunc Rex optimis magnarum virtutum præfidiis formandum commendarat Heroi illius ævi maximo , Nonio Alvares Pererio , Brigantinæ domus auctori : is enim , cum ad ætatis vsque flexum maximarum victoriarum Europæ , atque Africæ spoliis abundantius effloresceret , extremam bellicosæ vitæ partem placidissimam tandem , ac plane perbeatam , ducebat in Carmelitano monasterio Olysippone a semet extructo ; vbi vera Religiosissimarum virtutum gloria adumbratam belli laudem longissime antecelluit. Illius exemplo , consilioque Princeps religiosæ vitæ pulchritudinem in eodem cœnobio peramanter est amplexatus ; vnde non minus ob singularem vitæ sanctimoniam , quam ob Regii sanguinis splendorem ad Septæ primo , postea ad Egitanæ Episcopatum est euectus ; donec Rex Alphonsus ejus nominis V matura

*Ioannis  
Emmanuelis  
ætatis  
& prudentia.*

tura illius consilia , senilemque prudentiam demiratus , vt Regiæ semper adesset , sibi que foret a consiliis , suo ipsum præfecit sacello , nobilissimis eo tempore sacerdotibus , electissimisque cantoribus vltra quam dici posset exornato. Scio aliquos futilibus nixos argumentis hanc prolem Eduardo , & cætera consequenter denegare ; nec me latet quo pacto , jubente Regia Majestate , supremoque Lusitanæ Concilio , rationes in vtramque partem severo iudicio , ac fidei libra examinatæ fuerint ; & iis , quæ obiciebantur , abunde satisfieri ab illis , quorum subscribo sententiæ , Concilium decrevit. Sed hæc pluribus prosequi historiographorum est muneris , non nostri , qui summa rerum capita breviter delibamus.

DE prole hætenus , jam nunc de Regis Eduardi studiis. Fuit sublimi Rex ingenio , & quod sponte sua in altissimas sapientiæ cogitationes rapiebatur ; earumque artium , quæ studiosum suapte indole Principem decent , non limina modo salutavit , verum adita adiit penitiora ; cumque in eam , quæ de moribus agit , Philosophiam incumberet , omniaque Ethicorum , quæ quidem in manus veni-

*Regis studium in philosophia.*



re potuerunt , volumina evolveret , profecit adeo, vt luculentas aliquot lucubrationes, applaudentibus, nec palpantibus, viris quibusque doctissimis, evulgaverit; alteram, quæ ad fidem consiliarii; alteram, quæ ad optimum justitiæ regimen spectaret; hodieque deprehensa, fugitiva licet, vtriusque vestigia suspicimus, & admiramur.

*Equitandi  
peritia.*

IAM vero equitandi dexteritate quolibet ephippiorum genere etiam peritissimos excelsit. Illud in hac re excellentius, & miraculo propius judicaverim, Troiam ludentem, aliudve pugnae simulacrum obeuntem, in equos præferoces, fræno & cingulis de industria liberos, insilire, admotis calcaribus incitare, concitatos medio in cursu cohibere, cohibitosque subitanea conversione in recursum, in gyrum, in anfractum, in orbem revocare; inexplicabiles spatiorum texere labyrinthos; ad hæc, arundinea jacula per humum sparsa obequitando colligere, quin aut ictum perderet, aut opposita cetra non illuderet. Quapropter, efflagitantibus viris primariis, de re equestri librum edidit minime pedestrem. Quantas vero aluerit vires, argumento est, ferreo certasse disco, & ulterio-

rem



rem præ omnibus jecisse jactum ; palestram-  
que inter prima nobilitatis robora nunquam  
sine palma exercuisse. Præludebat videlicet  
ad illustria illa facinora , quæ ad Septam per-  
petravit. Lusitanis eam urbem expugnantibus  
ipse adfuit , corpore juxta ac animo præsens ;  
manu promptus , gladioque & hasta formidabi-  
lis ; imperatorias æque ac militares egit partes ;  
quaqua instaret , fulmen crederes irruisse , tan-  
tam Maurorum vbique stragem coacervabat.

PRÆTER hæc miram in Eduardo facun-  
diam mirabantur omnes , quippe qui suorum  
animos domi , militiæque , brevi mora egre-  
gius persuasor huc illuc impelleret , & alie-  
nas sæpe Dynastarum voluntates suavi quo-  
dam orationis lenocinio conciliaret. Littera-  
torum sese Mecænatem re & verbis profiteba-  
tur. Viros arte aliqua præcellentes familia-  
rissimis libens adnumerabat , libentius audie-  
bat , illis monitoribus libentissimus utebatur.  
Itaque tanto Principi aliud nihil , quam for-  
tunæ favonium , video defuisse.

*Eduardi  
facundia.*

ENIMVERO illas aureas dotes , quibus Eduar-  
dum Deus plene beaverat , studiosa in cul-  
tum Divini Numinis propensio , veluti gem-  
ma clarissima , decorabat ; cæremonias quasli-  
bet

*Ejus pietas  
erga Deum.*

bet ac rituales sacrorum consuetudines suas in sacello adamussim observari præcipiebat; ibique nullum huic observationi sacerdotem non apprime deditum patiebatur; quin etiam, ut erat pius ac religiosus, si quando salutare Crucis signum humo inscriptum animadverteret, illico delendum curabat, aiebatque indignum omnino esse id vel per imprudentiam pedibus calcandum objici, quo Regum & Imperatorum capita vix digna crederentur; ligni sacrosancti assulam (a moriente olim Regina matre Philippa unicum sibi amoris monumentum & pignus traditum) ut semel collo apposuit, nisi e tumulo revulsus, in quem eam per summam pollinctorum negligentiam intulerat, deposuit nunquam.

*Obitus  
imma-  
tus Edu-  
ardi.*

NABANTII celeberrimo in oppido, cum allatas aliunde litteras resignaret, adflatum hausit pestilentem, adeo, ut neque diurnæ, nocturnæque medicorum curæ, neque suorum lacrimæ, vota ac preces immaturam potuerint a tam charo capite mortem avertere. Raptus itaque est anno ætatis septimo supra trigesimum, Regni quinto, salutis humanæ millesimo quatercentesimo trigesimo octavo; sole, id temporis, defectu insolito laborante.

Ela-

Elatus in templum illud superbissimum, quod Ioannes ipsius pater ad agrum Leiriensem condiderat, & cui a memorabili adversus Castellanos prælio nomen fecerat.

REGINA deinceps Eleonora, impubere adhuc hærede Alphonso, Regni gubernaculum temperavit. Quam vxori provinciam Eduardus legasse creditur, vel affirmandi amoris ergo, vel ne aliquam inter germanos seditionem concitaret, vt patris, Castellanique Regis nuperrimo exemplo admonebatur. Verum Eduardi prudentiam cum in aliis multum suspiciam, hac vna in re minus arbitror suspiciendam: etenim qua parte seditionibus occursum se credidit, in illas ea maxime incurrit; populus namque refractarius, cum quatuor fratres imperio dignissimos haberet præ oculis, jugum illud muliebrem, vt excuteret, dissidere cœpit & tumultuari.

GLAVCIS, lætisq; oculis fuit, ore admodum rubicundo, barbaq; sufflava, & in elegantiam deducta, inferiorique labro ad sermonis venustatem diviso modice; & capillo ad superioris ævi morem promisso: tam iusto & composito corporis habitu, vt a vertice ad talos artificiose depictus videretur.

*Vxori ad-  
ministra-  
tionem  
Regni te-  
stamento  
reliquit.*

*Lineamen-  
ta Eduardi*

AD EDVARDVM LVSITANIÆ  
REGEM.

**D**ivitias Eduarde tuis dum dividis, ampli  
Vincit Alexandri munera larga manus.  
**T**ydea fronte refers, sed pectore robur Achillis,  
Hospitii miti commoditate Iovem.  
**M**obilibus frænis Ledæum Castora præfers,  
Dum tibi magnanimi terga premuntur equi.  
**S**emiferi Chironis opus, dum montibus altis  
Insequeris catulo præcipiente feras.  
**I**ustitiæ sacræ moderamine justus Atridas,  
Et quidquid justum Persidis ora tulit.  
**N**on est quem referas, sola est tua gloria, Princeps;  
Quod cum cive tuo sæpe dolente doles.  
**C**ætera te faciunt, Rex Augustissime, Regem:  
In populum affectus te facit esse patrem.  
**I**nvida sors tantis auxit te dotibus, uno  
Ut Regno inferret funere mille noces.

Ad eundem.

**R**Ore pio cerno manantia Principis ora,  
Qui plus imperii, quam sua damna dolet.  
Mate.

*Materiam lacrimis præbent tibi sceptrâ , super-  
bum*

*Culmen habet lacrimas , purpura , summus  
honor.*

*Ante oculos cernis projecta cadavera Regni ,  
Non specimen Regni quale parentis erat.*

*Quæque instaurari , relevas medicamine , possunt ,  
Humanis opibus non relevanda doles.*

*Ad eundem.*

*M**Aior es antiquo Princeps Agamemnone, cedit  
Pelides titulis Rex animose tuis.*

*Major es Assaraco , Rex , Hectore fortior armis ,  
Invictos quamvis straverit ille duces.*

*Parturiit tibi Roma parem non Martia , quanvis  
Scipiadas memoret , Fabriciosque suos.*

*Non est tam fortis , qui Martem in bella laceffit ,  
Quam mala qui duro pectore ferre potest.*

*Hanc tibi materiam fortuna adversa reservat ,  
Crescat ut adversis laus tua nixa malis ,*

*Perstat ovans inter virtus animosa ruinas ;  
Multum sors , virtus plus tua ferre potest.*

Ad eundem.

*Q*uo superum Regina die super ardua cæli  
 Evecta accepit proxima sceptrâ Deo,  
 Regni, Odoarde, paras diademate cingere frontem,  
 Et prima Imperii sumere sceptrâ manu.  
 Sydera cuncta vetant, Regnoque extrema minantur  
 Non dubiis monstris funera, fata tibi.  
 Ergo metus differre diem, properare monebat  
 Religio; pugnant hinc timor, inde scelus.  
 Aut vita, aut pietas metuunt dispendia: utram que  
 Alterius perdunt commoda, damna juvant.  
 Sume animos, Odoarde, pios, tibi serviet astrum,  
 Astrorum Dominam si pius ipse colis.  
 Non metuit pietas errantia sydera, sydus  
 Dum sequitur Mariæ, prona quod astra co-  
 lunt.  
 Mors incerta, scelus certum est, si creditur astris;  
 Si fidei, pulso est crimine certa salus.  
 Si Domini stet cultus honos, dant grata salutem  
 Sydera; læsa necem, si ruat, ipsa dabunt.  
 Augurium pietas, lethi sincera timorem  
 Religio, Mariæ sydera vincit amor.  
 Cingebant duodena caput; nunc Virginis ornant,  
 Quotquot Religio proterit astra pedes.



Ad eundem.

*A* Rdua bella cient Odoardi in pectore Regis ,  
Hinc vita , hinc veræ Religionis amor.

*Vita trahit juvenem , terret mors : anxia utrinque  
Conditio ; vitam mors dabit , ista necem.*

*Præmia pelliciunt , terrent incommoda : vitam  
Flagitium , mortem fert pietatis amor.*

*Auguriis si nullus honor , necis ingruit horror.  
Si qua fides , tanto in crimine læsa fides.*

*Ergo aut flagitio vita est retinenda scelesto ,  
Aut cum sincera mors obeunda fide*


*Non intentatæ metuit discrimina mortis  
Rex , timor est solam pungere posse fidem.*

*Tristius esse putat letho protendere vitam  
Flagitio : vitam , pro pietate mori.*

*Regno igitur quanvis sit funere raptus acerbo ,  
Non meritur : vita est , ne maculere , mori.*

ASTOR LENOX TILDEN FOUNDATION

THE NEW YORK PUBLIC LIBRARY  
ASTOR LENOX TILDEN FOUNDATION  
155 E. 42ND STREET, NEW YORK 17, N.Y.  
This book is loaned to you by the  
New York Public Library, Astor Lenox  
Tilden Foundation, 155 E. 42nd Street,  
New York 17, N.Y. It is to be returned  
to the Library on or before the date  
indicated on the label inside the book.  
If you wish to borrow this book for  
a longer period, please apply to the  
Library. If you wish to purchase this  
book, please apply to the Library.  
If you wish to donate this book to the  
Library, please apply to the Library.  
If you wish to lend this book to the  
Library, please apply to the Library.  
If you wish to borrow this book for  
a longer period, please apply to the  
Library. If you wish to purchase this  
book, please apply to the Library.  
If you wish to donate this book to the  
Library, please apply to the Library.  
If you wish to lend this book to the  
Library, please apply to the Library.



# FERDINANDVS

## PRINCEPS

### IOANNIS I FILIVS.

---

#### ANACEPHALÆOSIS XIII.

**P**HILIPPA Eduardi III Britanniae Regis  
neptis, Ioannis Lecestriae Ducis filia,  
& Ioannis I Lusitanici vxor, quinto partu  
Ferdinandum Principem fudit, non minus  
infelicem, ( si ad humanas rationes calculos  
supputemus, ) quam ii fuere, qui luna quinta  
nati memorantur; sed in caelo invicta labo-  
rum tolerantia, & inter homines non solum  
pios, sed & barbaros famae claritate fortuna-  
tissimum. Matri ob affectam longis febribus  
valetudinem medicae facultatis periti adeo ini-  
quam foeturae portendebant, ut in ipsa vi-  
tae iacturam ominarentur, & impulsores erant,  
ut partus horam pharmaco anteverteret,  
quod ipsa oblatum, & constanter, & Christianae  
pietatis tenax respicit, dicens, pretiosum

*Ferdinan-  
di paren-  
tes, ortus  
& morbi.*

*sibi*

sibi fore vitæ detrimentum , si eo spem emer-  
ret prolis suo in vtero conclusæ aliquando lu-  
stralibus Baptismi aquis expiandæ. Clemen-  
ter vero Deus annuit , vt neque mater , ne-  
que foetus in partu periclitaretur ; quamvis  
hic minime vitalis emerferit , cum inter alia  
ægritudinum præfagia cutis toto corpore dis-  
cederet , non secus quam solent libri ac cor-  
tices ex arboribus decerpi ; adeo vt ex ma-  
nibus in chirothecæ formam exueretur.

*Rjus in  
Deum pie-  
tas & ca-  
simonia.*

INNATVS sancto Principi fuit ab infan-  
tia Dei timor , quem nullo vnquam piaculo  
foedavit. Intaminatam coluit animæ & cor-  
poris castitatem , nec vnquam passus est ad se  
feminas sine arbitris , idque ad pia tantum  
negotia , admitti ; nec linguam ludrico aut im-  
pudico verbo pollui , nec suam præsentiam  
turpis alicujus dicti aut facti dedecore suffun-  
di ; vnde & epulis & suffimentis , quæ libidi-  
nem irritare possent , sibi omnino interdixit.  
Totam fere diem orationi consecraverat , &  
ad illam tranquillius peragendam nobile fa-  
cellum instituit , ministrorum numero , & or-  
namentorum cultu , & impetratis a summo An-  
tistite immunitatibus celebre ; in quo a pri-  
ma pubertate divina officia attente audiit , &  
inte-

integerrime septem Canonicarum Horarum discrimina recitavit. Quoties ad ægrotos Eucharistica pompa procedebat, cereo libentissime prælucebat. Tribus illis, quæ Resurrectionis festum antecedunt, feriis, nec nocte, nec die a templo abscedebat.

TOTVS fere annus illi erat esurialis. Nam præter statutos a canone dies, duos singulis hebdomadis, Mercurii scilicet ac Veneris, quindecim Divorum pervigilia, & Adventus tempora communi jejunio transigebat; asperiori diem Saturni cuiuslibet hebdomadæ, Christi Domini, ac Beatissimæ ipsius parentis solemnitatum, & vndecim Sanctorum, quibus peculiariter addictus erat, vigiliis, & tres ante Pascha lucas, quibus panis frustulo, & frigidæ potu languidum corpusculum afflictabat. Noctis quietem sæpius, ut ad statas preces tempus suppeteret, abrumpebat; & ut esset ad surgendum paratior, vestes non deponebat.

IN alios benigni erat & profusissimi ingenii. Decimam omnium annuorum reddituum partem in pauperum usus devoverat. Elephantia tabentes, & captivitatis injuria oneratos, præ cæteris libentius adjuvabat, reputans

*Iejuniorum  
perennitas  
& rigor.*

*Profusio in  
pauperes  
& pia opera.*

tans eos gravioribus incommodis conflictari. A nullo templo refarciendo, a nullius Religionis generali seu provinciali conventu, a nullius pii sodalitii coitione suam liberalitatem abstinerebat. Quoties loco ex aliquo commigrabat, per præconem iubebat renuntiari, vt quisquis damno a se, vel a suis accepto se læsum quereretur, iustam solutionem exigeret. Domesticæ disciplinæ rigidus exactor erat, suos tamen malebat charitate devincire, quam suppliciis exterrere; ideo ad frequentem peccatorum expiationem, & sacræ Synaxeos accubitum & præmiis, & suo potissimum exemplo, provocabat; & quidquid a privatis facultatibus proveniebat, non tam ipsius, quam illorum censebatur. Illud tamen largius reddebat tempestitiva expendentis providentia, quam reddituum vbertas.

*Principis  
opes, &  
meditatus  
in Britan-  
niam dis-  
cessus.*

CVM enim fatis concessit Rex Ioannes, nihil aliud Princeps Ferdinandus, quam Salvaterram perpetuo, & Atouguiam mobili ad hæredis nutum iure, possidebat. Eduardus deinde, vita functo Avisiensis Militiæ Magistro, fratrem, quamvis, quod nondum esset initiatus, resitantem, Summi Pontificis auctoritate suffecit. Perpendens tamen Ferdi-



nandus sibi, præ Augusto in suos animo, angustas esse copias, animum induxit in Britanniam ad consanguineum Regem, a quo fuerat invitatus, proficisci, & repudiato Religiosi animi conscientia purpurati patris honore, quem Pontifex Maximus Eugenius IV offerebat, a fratre enixus est vertendi in Angliam soli facultatem impetrare, cum similem profectionem in Flandriam posceret Princeps Henricus ab amita Burgundii Ducis vxore ad bellum Gallicum, & postea Hierosolymitanum, evocatus.

INGRATA fuere Eduardo fratrum destinata, & vt eos honesto negotio distineret, Mauritanam animo invasit expeditionem ad Tingim nobilem urbem expugnandam. Henrico Principi totius belli summam commisit, eique socios adjunxit Principem Ferdinandum, & Comitem Arrayolensem, qui de abscellu etiam cogitaverat; assignatis militum quatuordecim millibus, ex quibus quatuor equis, cætera pedibus mererentur; quamvis postea ad navium penuriam septena tantum millia conscenderint. Agnovere Principes iunctæ sibi provinciæ difficultatem, & impares infinitæ Barbarorum multitudini copias,

*Henricus,  
& Ferdinandus  
Princeps  
in Africam  
mittuntur.*

sed inconsulto fratris imperio parere maluerunt, a quo solemni supplicatione in navigia sunt deducti, cum prius eidem Ferdinando omnem domesticam clientelam, cujus ministerio usus fuerat, commisisset; & Archangelum Michaellem cælestis militiæ antesignanum suo vexillo, ut totius classis tutelarem genium appinxit. Ipsa qua Olisippone solverunt die, quæ incidit in Assumptæ Virginis pervigilium anni MCCCCXXXVII Ferdinando vomica intumuit, cujus dolorem ipse pressit, ne classiariorum alacritatem interturbaret. Intra sex dies Septam appulerunt, ubi tumor Principem lecto affixit, & extremum vitæ discrimen attulit, quousque pertusus faniem emisit. Quinto Idus Septembris Septa egressi, Tingim post quatuor dies tenuerunt. Ferdinandus, quamvis adhuc recenti & hianti ulcere marcebat, omnibus tamen locis impiger aderat, tam stativorum munitioni, quam duplici in arcem, duplici item in Mauros hinc inde confluentes impressioni. Eos posteriori ita nostri fregerunt, ut, nisi nox obstaret, omnino funderentur. Vberiore illis gloriæ segetem tertius conflictus attulit; in quo, coacta jam quadraginta equitum,

*Ferdinandus  
di invale-  
tudo &  
expeditio.*

*Tingis op-  
pugnatur.*

tum & centena peditum millia , turpi fuga perculerunt.

DISTENTIS vrbis pulsatione , & hostium aliunde ingruentium impetu supervenit Rex Fessensis cum præfecto suo (Alguazil vocant) Lazeraquio, infausti in hac historia nominis, & inauditæ feritatis monstro , qui ex tota Mauritana ditione nonaginta sex equitum millia , peditum sexcenta contraxerat. Quid facerent pauci contra tot millia fortes? Nam bellatorum vix ad tria millia ascendebant , cæteris Septæ , aut in classe relictis. Repetitos duobus itidem diebus hostium assultus Martio vigore retulerunt , quibus cum se omnino impares cernerent , & inopiam com-  
meatus , oratores misere polliciti Sceptam eorum nomini restituendam , si sibi tutum darent in navigia receptum : ii tamen punica fide grassati legatos apud se detinuerunt , arbitrati nostros penitus defatigatos obfistere non posse , & facto vndique impetu aggressi , adeo constanter sunt repulsi , vt expugnandorum castrorum expectatione dejecti specimen dederint pacis ineundi , molientes interim nostrorum internecionem , dum conditionibus interponendis fraudulenter ipsi cuncta-

*Tringita-  
nis auxi-  
liatur Rex  
Fessensis  
& Laze-  
raquius.*

*Septa de-  
ditionem  
Lupitani  
Mauris  
pollicen-  
tur.*

rentur , aut nostri præpropere ad navigia regrederentur. Igitur petiere , vt in obsidem reddendæ Septæ vnus ex Lusitani Regis fratribus traderetur : & in tuti ad naves receptus fidem maiorem Salabençalæ Tingis , & Arzillæ Dynastæ , filium obtulere.

*In obsidem  
traditur  
cum novem  
sociis Fer-  
dinandus.*

SCIEBAT equidem Ferdinandus, quæ sibi Barbarus tortor pararet, in quot probra & calamitates vocaretur ; sed conditionem non abnuit, vt qui promptus esset, non solum servitutem pro suis , sed & cædem adire. Novem additi sunt socii , qui ad solatium & ministeria præsto essent ; Frater Gilius Mendius a confessionibus , Rotericus Stephanus nutricius , Ioannes Alvarius a secretis , Magister Martinus Medicus , Ferdinandus Gilius vestium curator , Ioannes Laurentius prævius diverforii designator , Christophorus Luvicius Germanus a responsis, Ioannes Lunensis a furno , Ioannes Vasæus a culina. Ex his qui erat a confessionibus Arzillæ obiit , ejusque loco Petrus Vasæus Præbyter successit. Et pro nutritio ægrotante , atque in patriam remisso Ioannes Rotericius ejusdem filius , & Principis a cubiculo , est substitutus. Secum etiam intulit pro Salabençalæ

læ filio obsides Ariam a Cunia , Ioannem Gomeſium Avelarium , Petrum Ataidium , & Gomeſium Sylvium , equites e primariis.

PRINCIPE Ferdinando cum ſociis Tingim , Salabença læ filio in navigia , importatis , eam fraudem Mauri cudebant , ut ſi proximo arcis loco Luſitani ad claſſem tenderent , omnes ad vnum caperentur ; quam Princeps Henricus ſubodoratus , tabulata in adverſam partem diſpoſuit , & frementibus atque acriter inſtantibus hoſtibus ſuos incolumes recepit , amiſſis gregariis militibus ad ſexaginta. Ferdinandum non tam coquebat novæ injuria ſervitutis , quam timor , ne illa trepidatione Henricus frater cecidiſſet , qua ſolitudine diſcruciabatur , donec certior de vita redditus , animum ad eas , quæ deinceps ſubjicientur , ærumnas obfirmavit. Illum Salabença la deſultorio equo exceptum ſociis perditibus in turrim invexit ſatis tutam , ſed neceſſariis ad vitam protrahendam cibariis & commodis deſtitutam. Inde ſex diebus tranſactis Arzillam deferendam curavit , ſed prius ad oſtentum per duas horas ad decumanam Tingis portam expoſuit , ut Mauritanum vulgus in ſua magalia diſceſſurum eo prius ſpecta-

*A Salabença la excipitur.*

*Arzillam importatur.*

culo pasceretur. Arzillani ad multa stadia obviam egressi, nostros caballis partim nudis, partim clitellariis, & castrorum labore fameque confectis invehentes, qua opprobriis, qua festo sistrorum, & tympanorum sonitu exceperere. Sed quamvis vultu lætitiā simularent, altum corde dolorem tegebant: vix enim reperiebatur, qui patrem, fratres, virum, aut aliquem sibi conjunctissimum iis præliis non amiserit, quibus innumeri Mauri ceciderunt; & in eos præter ea tela, quæ cuique familiaria erant, Principes e Regni armamentario trecentas mille sagittas, nec irritis jactibus exhausserunt, adeo, vt testatus sit Iudæus chirurgus ultra tria sagittarum millia a se vno Fessæ & fauciis extracta.

*Henrici  
Principis  
morbus &  
Ioannis  
adventus.*

CÆTERI in Lusitaniam, Henricus Septam vela fecit, ubi in ægrotationem incidit ex animi ægritudine, quod fratrem inter Mauros relinqueret, & belli difficultatibus contractum. Non multo post illuc appulit ex Turdetania Princeps Ioannes in auxilium demissus, cui suavit Henricus, vt Arzillam illico contenderet, & Salabençalæ filium deferret, patremque hortaretur, vt quando pactis non steterit Maurorum genus, sed hostiliter

com-



communi manu infectatum fuerit Lusitanos in classem properantes, Ferdinandum auro permutaret, & filium aliosque Mauros admitteret. Sed cum jam portum Ioannes tenuisset, ventis resstantibus, funem scindere conatus est, & in Turdetaniam reiectus. Interea Ferdinandum totos septem menses, quos Arzillæ detentus est, lenta & pertinax valetudo oppressit, quin vnquam divinum officium, & statas orationis horas, ac jejunia omiserit. Captivis omnibus Christianis vestes & cibos mercatorum interventu mittens, duodecim a servitio exemit. Decumbentem Salabençala invisit, & vtrumque fœdus autographum offerens monuit, vt exemplar ad fratrem in Lusitaniam mitteret, eumque ad festinatam promissorum solutionem hortaretur.

*Ferdinandi ægritudo Arzillæ, & vitiæ ratio,*

EDVARDVS initio Septam Mauris reddere, fratrem vt recuperaret, non admodum detrectabat, rem tamen ad communia Regni Comitia deferendam censuit, quibus constitutum est, ne Septa Barbaro facile cederet, sed omnes intenderentur nervi, vt bello, permutatione, vel pecunia Ferdinandus in libertatem vindicaretur. Quod ipse vt rescit, Salabençalam monuit, vt necessitatis meminerit, cujus trabali

*De Septa quid Comitibus Lusitanis decretum.*

bali clavo adaëti Lusitani Septam promiserint, de qua, suo tantum Rege annuente, pacisci poterant, & ut possent omni pactione liberos esse, cum Mauri statim jus violaverint, & sæpius in castris, maxime ad navigia tendentes, communi Marte laceraverint. Vellet ergo pecunia rem transigi. Ad hæc ille mendacia mendaciis intexuit, pecuniæ mentionem, ut immane probrum, excludens, quippe qui diceret, insensos sibi omnes esse Pœnos, qui suspicarentur, vi pecuniæ corruptum Septam Ioanni I ipsius Ferdinandi parenti vendidisse; quare nihil aliud acturum, si pecuniæ tinnitus audiretur, qua ut priorem opinionem falso de se conceptam turpi facto confirmaret. Proinde certus esset, nisi pollicita accelerent Lusitani, ipsum Fessam ad Regem ac Lazeraquium, potissimos belli præteriti adjuutores, amandandum.

Hæc Ferdinandus mandata in Lusitaniam misit, indicans spem viæ allucere, qua ipse posset ad mare profugere, si certo loco naves expeditæ se & suos præstolarentur. Et maxime commendatum faciebat, ne se paterentur excarnificandum dedi Lazeraquio, cuius erat præ cæteris Mahometanis nobilita-

*Pecuniam  
pro prin-  
cipe reji-  
cit Sala-  
bençala.*

ta crudelitas. Nam, cum esset infimo loco natus, quo hominum genere nihil est asperius, cum surgit in altum, inter Alarabum (qui teterrimi sunt grassatores) turmas educatus & latrociniis infamis, duos Bucardi Regis liberos exegit, & juniorem eorum fratrem Regno inauguravit, cui suam nuptui dedit, alteramque ipsius sororem accepit, ambas prostituti corporis dedecore famosas. Omnes sanguine, vel aliqua virtute claros interemit, & in publica munia popinones, lanios, & alia id genus vilissima capita evexit. Vnde tantus foedissimi hominis timor populi pectora obsederat, ut nemo coram hiscere auderet, & grandi ab eo se crederet obstrictum beneficio, quisquis mane evigilans, caput ut pridie cervici connexum reperisset. Rex ipse nudum tantum nomen habebat, cætera Lazeraquius superba impotentia usurpaverat.

*Lazera-  
qui cru-  
delitas &  
doli.*

INTUTVM visum est fugæ in Lusitania consilium; sed cum responsum longius protraheretur, duos e primoribus Arzillam misit Lazeraquius, qui Principem ac socios vinculis onustos Fessam ducerent. Quatuor illos pro filio obsides a se dimittere noluit Salaben-

*Fessam  
deducitur  
Ferdinandus.*

çala,

çala, qui flebiliter exosculati sunt manum Principis strigoso equo, excalceato, & attritis in ludibrium ephippiis, ac fræno loris iuncis circumligato infidentis. Cæteri jumentorum sarcinis superpositi saltuoso itinere Fesam contenderunt, effusa ex vicinis oppidis ad eos videndos & ludificandos multitudine. Post sex dies pridie Kalendas Iunias, & festum Pentecostes, illuc devenerunt, & in Concilii domum (quam Mexoar dicunt) sunt illati, cunctis ad illos spectandos præconio excitatis. Hic Princeps calceis denudatus cum fociis humi sedere iussus est, & postea Castelli præfecto traditus, & in tutissimam domum cunctis obstructis luminibus informem, vbi numini signari solebant, inuestus duos reperit Lusitanos e captivis classiariis, qui deinceps focii sunt additi. Ab iis pro hospitali tessera audiit vulgari apud Mauros sibi ac suis pedem ac manum amputandam.

*Principis  
ad suos  
Fessæ ora-  
tio.*

Hic Ferdinandus, quo humanæ opes magis accisæ essent, melius suos jubet sperare de divinis. Nec, inquit, quod tanta sit hostium diritas, hæc nostra paucitas & imbecillitas, tam tenebricosa loci facies, consternato animo esse debemus, qui ob Dei obsequium

quum & rei Christianæ commodum hæc pericula elegimus; a quibus si nunc afferere noluerit, æternæ vitæ gaudiis præsentēs calamitates compensabit. Cum paucos intra dies, id quod vocant Arietis, pascha celebraretur, iussit Lazeraquius omnes in turrim conscendere, vnde liber dabatur prospectus in confusam populi colluviem, quæ confluxerat ad spectandam Arietis a Rege Ianienam. Deinde qui inter Mauros videbantur religiosiores ad Principem in vincula descendentes monuerunt, vt Iudæum in Lusitaniam cum literis expediret, & ni graviora pati vellet, intra tres menses responsum eliceret; nec quidquam proficere preces ipsius exigentis, ne Iudæus, sed aliquis e sociis orator esset. Vbi vero tabellarius decessit, Princeps & socii in æcum, angustum, & valde munitum barathrum sunt detrusi, vbi pecunia, & comœtu a Christianis mercatoribus mutuato, sed in custodibus fortive imminuto alebantur. Omnes æumnæ jejunio & oratione & præcipue rei divinæ quotidiana exhibitione (dum sacra supellex rapta non fuit) ac peccatorum frequenti expiatione condiebantur.

EXACTI jam quatuor erant menses a Iudæi

*In ergastulum detruditur.*



dai discessu ; cum adulto Octobri anni  
 MCCCCXXXVIII e barathro matutinis horis  
 sunt educti , & vestibus Lazeraquii imperio  
 spoliati. In Principis thorace ducenti num-  
 mi aurei reperti , pro quibus ferrea utroque  
 pede vincula ad cingulum vsque producta re-  
 cepit. Paribus etiam focii onerati , & ad  
 Regis hortum deducti , in quo sedens cælata  
 affabre domo Lazeraquius singulis ligonem  
 tradidit , quo ad solis accubitus impigre , &  
 ante Barbari illius oculos laborarunt. Rede-  
 untem ad suas tenebras Principem , & ferri  
 pondere lente gradientem , ac sæpius impin-  
 gentem , lictores quindecim, qua pugnīs, qua  
 sudibus impellebant. In itinere ad suos con-  
 versus ait : Hæccine perpenditis ? Deum pro  
 me quæso deprecamini. Vbi pervenit , La-  
 zeraquium hæc ad se e sublimi gradu dicen-  
 tem audiit. Quando Christiani adeo sunt per-  
 fidī , ut Septimam , quam pacti sunt , non red-  
 dant , & , quos illi merentur , multabo mo-  
 dis. Iumentorum præsepia tibi ludus erunt ;  
 ista , ni vapules , expurgato. Ad hæc Prin-  
 cepts : Nulla , inquit , Christianos perfidiæ  
 nota compungit ; ipse tamen quod jubes ,  
 exequar , nec id mihi, sed tibi vertetur pro-  
 bro.

*Vincula  
 Principi  
 injiciuntur,  
 & ad Regis  
 hortum con-  
 ducuntur.*

*Ad tur-  
 ganda sta-  
 bulu addi-  
 gitur à La-  
 zeraquio.*



bro. Continuo illius manibus ex rusco scopæ permixtæ sunt , sporta , & rastrum ad colligenda , & egerenda stabuli retrimenta. In quo postquam se munere sordidavit , in gurgustium a barathro , vbi reliqui jacebant , dilatum illatus est , ne eorum societate dolor aliquantulum mitesceret.

DIE insequenti , cunctis ad servitium educti , solus Princeps relinquebatur , quod vbi præsensit , animi defectione debilitatus , a custode , & Lazeraquio impetravit , vt cum iis ad horti pensum , ipsis nequicquam dissuadentibus , proficisceretur , & manum ita avide coniecit in ligenem , vt post aliquod tempus cessare iusserit Lazeraquius , dicens non defuturum tempus , quo eo in opere extenuaretur , si e Lusitania nuntium incommo- dum advenisset. Lubentissimo deinde animo illorum vestes mutabat , aquam , & repastinandi horti instrumenta convehebat. Cumque illac gratiosissimus apud Lazeraquium Maurus prætergrederetur , sic ad illum verba fecit : Nec armis subacti , nec malo dolo huc devenimus , sed sponte , vt nostræ gentis incolumitatem servaremus. Quorsum ergo Lazeraquius innoxios ita graviter affligit ? Illi

*Se à sociis  
laboranti-  
bus d. fun-  
gi minime  
patitur.*

sua-

suadeas , vt pœnas in meum vertat caput , & his abstineat , qui nihil mali commeruere. Quod si renuat , hanc in me collocet gratiam , vt nulla in re a cæteris discriminet , sed me cum illis aut clementia æquet , aut asperitas. Hæc verba Mauros in stuporem induxere , e quibus jactabant aliqui , mirum non esse, si Christiani Principes Numen adeo propitium experirentur , quando in suos tanto amore efferebantur , aut si clientes pro iis mortem intrepide appeterent. Sed nullam hæc supplicatio misericordiam a Lazeraquio extorsit.

*Victus ,  
vestitus , &  
carcer Fer.  
dinandi &  
sociorum.*

DIARIVM cujusque erant duo atri panes, absque vilo obsonio. Talaris Principi tunica, & penula ex pullo villosoque fago , centonibus, si quando detererentur, obsoletis confarcinatæ. Humus pro lecto , pro stragulis eadem penula , pro culcitris duæ pelles arietinæ , pro pulvinari ex fœno manipulus. Mercatoribus capitalis noxa proposita erat , siquid mutuum daretur. Mauris cautum , ne cum eo aut cum sociis quidquam vel cursim mustarent , nisi vellent quingentis verberibus excipi , quibus aliqui atrociter sunt inscripti. Præter Ferdinandum , duodecim homines

mines in gurgustio, quod ad octonos tantum fabricatum fuerat, misere volutabantur, quibus sæpe vetabatur, ne alvum alibi purgarent; quare tantus erat pædor, tanta vermium scaturigo, ut Rex ipse, Regis ac Lazeraquii vxores, Principem sæpius verbis mitibus demulcere sint conatæ.

At Lazeraquius, novorum semper in infontem Principem tormentorum artifex egregius, vulgatam per eos dies Eduardi Lusitanæ Regis mortem illius auribus sine ullo lenimento inculcavit. Quod nuntium Princeps affectum ad suum animum exulcerandum putavit, sed paulo post Ferdinandi Sylvii epistola demonstrata fidem fecit, qua referebat, sibi missas fuisse tabulas a Rege Eduardo ad Septam Salabençalæ redonandam, sed post ipsius mortem substituisse, dum Regi-næ Eleonoræ, & Petri Principis, qui Regnum administrabant, mandata præstolaretur. Acerbior servitutis injuriis nuntius ille Ferdinando fuit, cum Regni cladem & immaturum fratris obitum expenderet, tantumque mœrorem animo imbibit, ut tunc primum visus sit blandis suorum fomentis indigere. Sub exitum Octobris anni mccccxxxix

*Dolor  
Principis  
in morte  
Regis  
Eduardi.*

*Septa tradita  
jubetur à  
rege Lu-  
sitania Re-  
ge.*

Fessam Iudæus tabellarius pervenit cum epistolis ad Ferdinandum, quarum aliquam ei tradi vetuit Lazeraquius. Monebat etiam Salabençala, ut ad se illico Princeps mitteretur, cum jam omnia essent ad Septæ traditionem novi Lusitaniæ Regis nutu expedita.

*Lazeraqui  
monstrum  
causidit.*

NIL vnquam fuit sic impar sibi, nullum monstrum ita ex diversis naturis coagmentatum, ut Lazeraquius, in quo pectus & vultus civili plusquam odio dissidebant. Quidquid vellet, se nolle prætendebat, quidquid nollet, quasi id sibi cordi esset, frontis hilaritudine præferebat. Cum pecuniam pro Principis carpere efflictim ambiret, nec Septam, cujus retinendæ impos erat, desideraret, tamen hanc se expetere simulabat. Et ut tempus traheret, Iudæum remisit, causatus oportere summum aliquem dynastam a Rege Lusitano deligi, qui sibi faceret Septæ deductionem. Ab illius discessu ferreæ pedicæ Principi, & fociis iterum, omni pene vestitu spoliatis, & inteëtis rudis tantum panni segmentis injectæ, & confuse in antrum demersi, e quo omnes, Principe & sacerdote exceptis, ipso Dominicæ Nativitatis

festis

*Novi in  
Principem  
Javitæ  
argumenta.*

fecto educti, iussi sunt totam diem confragosum iter complanare, & saxa ingentia per-rumpere, duriusque defessis fuit cum saxeis hominibus, quam cum rupibus colluctari; nam tanta super ipsos insultantium & oblu-dentium caterva addensata est, ut vix pos-sent ab octo custodibus arceri. Princeps nul-lam habuit intermissionem Deum pro iis to-ta die obsecrandi, qui ad noctem in suum la-tibulum pugnis & alapis affatim donati redie-re. Mira fuit in eo, cum reduces osculatus est, lætitia, quæ tamen in luctum conversa est, ubi fuit extritas eorum manus, & tabo-liventes contemplatus. Tunc enim alto ex-pectore suspirium trahens: Quam, inquit, vera est illa parcemia: Pro nocente plectitur innocens! Vobis ego tot laborum caput, quos Deus in criminum vertat expiationem. At si vnquam me ex hoc loco emiserit, & vel ossam vnā, aut chlamydem dederit, vo-biscum ex æquo eandem participabo. Ergo illi, ut a Principe mœstitudinem abstergerent, falsa gaudia jocosè imitabantur, & festivos sa-les jactantes cœnam adipalem aqua & pane furfuraceo appararunt. Postera die ad idem ministerium reversi, ubi absolverunt, aliis vi-

lioribus addicuntur , ad quæ Principem abjicere voluerunt , sed superfedere veriti , ne ab aliquibus Mauris abriperetur , & Leenhio finitimo , & inter eos potentissimo Lazeraquii adversario traderetur.

*Salabença-  
la mortuo  
novas  
fraudes &  
sævities  
cudit La-  
zeraquius.*

IUDÆVS Arzillæ Salabençaalam invenit eo implicitum morbo , quo paucis diebus decessit. Tunc Bubuquerio ipsius fratri & successori , cui insidias clanculo moliebatur , scripsit Lazeraquius , vt negotium eodem tenore proveheret. Interea quidquid suspicionis , vel ex causa iustissima accidisset , in caput afflicti Principis redibat. Cum enim circumferretur , Maurum quemdam eniti , vt Principem suffuraretur , & Gondiçalum Siftrensem e Lusitania in Leenhii portum appulisse cum ingentibus promissis , si eundem a Lazeraquio abduxisset , & certiori notitia exploratum esset , gravissimos a Rege Lusitano legatos mitti , qui pacta exequerentur , Princeps graviori inedia , & arctiori custodia oppressus est a Lazeraquio dictitante , Christianos subdolos pugnancia dicere & facere ; nunc enim velle Septa cedere , nunc furto & fraudibus studere. Post Iudæi reditum , & omnia ad Lusitanam fidem liberandam prona , callide moras inne-



xit Lazeraquius, ne Principem Septam deduceret, & inter alia fraudum marchinamenta Algazu, id est, solemne veluti Cruciatæ apud nostrates auctoramentum, indixit, & exercitum vrbe præmisit, quasi Septam copias cum Rege trajecturus. Medius deferebatur in exercitu Ferdinandus, & singulis noctibus in ligneam caveam ad eum tuto aservandum constructam compingebatur. Et cum totos viginti & vnum dies iter fecissent, Fessa, quam ridicularia quadam expeditione circumibant, non ultra tres leucas vnquam decesserunt. Nam per id tempus scripsit Lazeraquius, si Septam prius Christiani Mauris renuntiarent, se illico Principem, interposito, more suo, Aquibullæ & domus orationis supra legis suæ veritatem iurejurando, & imprecationibus, redditurum. Sed Lusitani legati responderunt, illius se iusjurandum pili facere, nec esse adeo vecordes, vt vna die vel lent facere & vrbis & Principis iacturam. Displicuit admodum ea responsio Lazeraquio, & in urbem reductos dirius carceri mancipavit, prætexens totum se negotium Graadæ Regi permittere, quod ille se peracturum spondit, sed occultis Lazeraquii fabricis fuit impeditus.

*Fingit  
Lazera-  
quius se  
Septam  
tendere  
cum Prin-  
cipe.*

*Pestis gravissima per id tempus.*

GRAVIS per eos dies pestilentia grassata est, quæ una die quadringenta & quingenta Maurorum corpora sternebat, & Arzillæ tres pro Salabençaalæ filio obsides Lusitanos corripuit. Eam tamen Princeps & socii, Crucis signo postibus appicto, & Divorum nominibus atque precibus depulerunt. Sed malevolentia pestem, quæ perfidorum pectora depascebatur, mitigare minime potuerunt, qui ut Principem gravius morderent, & unico quod supererat solatio orbarent, eum a fociis disjunxerunt, quos ipse prius hortatus est, ut tamquam prope diem morituri, extremum vitæ ac viæ commeatum religiose curarent, & testes supremæ voluntatis ceras exararent: quod consilium omnes libenter arripuerunt. Sed ecce Martio ineunte, in prætorium abripiuntur, ubi in Maurum incurrere antiquis jam verberibus vstulatum, quem dicebant, epistolas ad Principem furtim extrahendum detulisse. Tunc Lazeraquius; Vides, inquit, tuos Septæ restitutionem abnuere, quam & ipse malo armis recuperare. Lis pro te, & pro tuis pecunia dirimatur. Meum, inquit Princeps, & meorum pretium est omnino indiscretum; nam meo erant in obsequio,

*Pecuniam poscit Lazeraquius.*

sequio, nec ullam, nisi quam a me acciperent, annonam colligebant. Post varios vltro citroque iactus Princeps pro se ac suis quinquaginta mille auri libras, & totidem captivos e Mauris spondit. Quod Lazeraquius irrisit dicens, vnicam Septæ plateam pluris æstimari. Inde Maurum illum flagris contundi iussit, tum lapidibus obrui, & a duobus Principis sociis circum urbem raptari, duosque alios e sociis, ut capite truncarentur, abduci tanta simulatione, ut omnes id sibi persuaferint. Princeps in seposito ab aliis loco est abditus, ubi centum & quinquaginta libras, captivofque totidem promisit; quæ pactio non est visa incommoda Lazeraquio, quamquam non multo post quadringentas, & captivos totidem poposcit. Et in promissi præmium, Principem in ergastulum horridius & secretius retrudi iussit, odoris teterrimi, quem regionum Eunuchorum latrina vicina exhalabat; adeo obscurum, ut nihil omnino absque perenni lucerna videri posset; adeo angustum, ut exporrectum minime caperet.

*Vltimum  
Principis  
ergastu-  
lum.*

Eo loco sibi non nisi mortuo exeundum Princeps intellexit, cumque & solitudine, & virium consumptione paulatim extabesceret,

*Ad mor-  
tem se per  
mensis  
quindecim  
ut para-  
verit.*

con-

concessit Lazeraquius , vt ille e fociis , qui medicinæ callens erat, id sibi quotidie deferret, quod cæteri condirent. Ipse tamen dixit , ne quibusque Lunæ & Mercurii diebus aliquod ex carne pulmentum sibi pararetur. Raro coenam sumpsit , eamque adeo tenuem , vt jejunio neutiquam officeret. Cibum sæpe in os ingerebat , & stomacho fluctuante respuebat. Eum sæpius captivis aliis , aut languentibus , aut egentibus largiebatur , e quibus multos labantes , & ad Mahometi sectam proclives in vera Catholicæ fidei soliditate firmavit. Lychnum pensilem semper habebat accensum, quem contubernales genium fraudantes suo demenso & laboribus alebant. Nocturnum diurnumque tempus precationibus impendebat utroque poplite in terram provolutus , quo corporis statu exiguum somnum capiebat; vnde ostreata genua in callos durissimos incredibili dolore obriguerunt. Divini officii, & multarum precum rationarium singulis diebus excurrebat. Si quando sodalium videndorum desiderio æstuabat , ostii custodes muneribus demulcebat ; aliquando ad rudera egerenda in contiguam domum missos , fenestella, quam demptus e pariete later faciebat, allo-

*Ferdinandi amor in concepti-  
vos.*

alloquebatur , eosque jam ex compedum attritu inter reliquos dignoscebat. Nec tamen frequenter poterat eo levamine deliniri, quia ultra decem jumenta , quæ in stabulo singulis diebus singuli curabant , ad sordida quæque munia propellebantur , aut ad convehenda exercitus impedimenta , ubi per noctem pedes cippo , manus & cervix ferreis vinculis detinebantur. Ad tres aliquando , quos per rimulam affari licuit , ob tria tantum dixit , sibi esse in votis fieri tot calamitatibus superstitem. Primum , ut malorum non ignarus, iis reponeret quidquid ipsius causa exantlassent ; secundum , ut Christianos Principes extimularet ad eam regionem suæ ditioni adjungendam , non quo animum vindicta saturaret, sed ut ad veram fidem gens illa traheretur , apud quam ibi reperisset tot patientiæ exercitamenta ; tertium , ut Christianos captivos curaret iis miseris extrahendos.

RESTITVTVS est ea tempestate Salabencalæ filius , & obsides liberati , ac reddita demortuorum cadavera , multæque oblatae pactiones , quin vnquam ferinum Lazeraquii pectus emolliretur. Ergo Kalendis Iunii anni millesimi , quadrigentesimi , quadragesimi

*Extremæ  
Principis  
valetudine,*

ter-

tertii , ventris profluvio , & ciborum nausea Princeps solito amplius est debilitatus , quod ubi ad suorum aures delatum est , tres ex iis audaciores in eum locum irrupere , crebroque illius audito gemitu , quidnam haberet , interrogarunt. Ipse ex adverso rogavit , quinam ii essent ? Tunc illi : Tantane , inquit , Princeps amantissime , tua est ægrimonia , vt quos antea ex compedum slictu cognoscebas , ignores ? Ille , Ignoscite , inquit , filii , nam cerebrum morbus extundit. Regem adhibete , Reginam , & quosvis alios valentiores apud Lazeraquium deprecatores , vt me ex his tenebris plusquam cimmeriis in sublustrem alium locum emittat , vt vos possim extremum alloqui & contemplari. Regem , Reginam , concubinas , & eos , quorum major erat gratia erga Lazeraquium , miseri homines fluentibus vbertim lacrimis convenere , sed fabulam surdis narravere , nam a multis opprobria , repulsam ab omnibus tulere. Tandem ad Castelli præfectum se conjecerunt , qui ne id sibi noxæ verteretur , Lazeraquium certio-rem fecit ; a quo impetratum tantum est , vt in eodem gurgustio a Medico , & aliis , qui essent vsui , inviferetur.



SINGVLIS hebdomadis antea labes animi confessione emungebat, quas nunc attentius ad vltimam vitæ periodum absolvendam disposuit, nec vnquam passus est abstinere Sacerdotem, qui die Mercurii, quæ incidit in Nonas Iunias horæ spatio, plus minusve, ante auroram evigilans, vt Principis valetudinem cum Medico exploraret, obtutum in eundem defigens, ore vidit fulgorem eximium vibrari, faciem hilarem, atque ridibundam, oculos modeste erectos, & lacrimis suffusos, manusque ad cælum elevatas. Ter ille Principem inclamavit, & an vigilaret quæsiuit; cumque ille se audire dixisset, ad Solis exortum conquieuit. Tum Princeps, ostio a custodibus referato, Medicum ablegavit, & Sacerdotem illis est aggressus: Me hodie quid agerem percontabaris, sed responsum distuli, ne quis arbiter dicta aucuparetur. Quæ dixero, dum in captivitate deges, silentio tege. Duabus antequam illucesceret horis, mente trutinari coëpi temporariæ vitæ naufragia, & æternæ tranquillitatem, cum oculos ad parietem obvertens, angusta specie matronam sublimi folio insidentem, multisque cinclam aulicis miro splendore collucen-

tibus

*Se ad extremum agnem preparat.*

tibus fui conspicatus. E quibus ille, qui suspensum e cruce vexillum læva, lances (quali forma Archangelum Michaelē ab aliis cælitibus secernimus) dextra præferebat, supplicabundum se ante Beatissimam Virginem abjiciens, dicebat: Oro Domina, ut servum tuum, tibi mihiq̃ue semper impense deditum, tot malis exuas, & nostris copiis adjungas. Vix finierat, cum eleganti vultu alter calicem alia manu ostentas, alia librum expansum in cujus fronte vñcialia illa verba perlegi: *In principio erat Verbum*: (quem proinde Evangelistam esse Ioannem non dubitavi) hæc ad Virginem protulit. Ne tuum hunc assecclam Mater, & Domina pluribus damnis atteri, longiori exilio differri patiaris. Iam ad convivium nuptiarum Agni invitetur, quando nullis vnquam sordibus vestimenta inquinavit. Duorum precibus Virgo exorata pio me obtutu collustravit, & hac eadem luce dixit illis agminibus annumerandum. Post hæc meo se conspectui subtraxit, cum tu mihi occlamabas.

SACERDOS lacrimas fundere, Deum collaudare, & Principi bonam valetudinem commendare. Vna, inquit Princeps, est bona, ac

*In cælum  
evolat  
Ferdinandus.*

tota

tota valetudo ex inconstanti hoc, & insidioso freto ad æternæ quietis portum enavigare. Quod meum est promeritum apud te, Optime & Maxime rerum Moderator, vt ad me invisendum cæli Reginam, & cælitum globum, in squallidam specum, horrentemque foveam demiseris? Si quis adhuc meis ex calamitatibus quæstus excerpi potest, laborem non defugio, in maiora pericula vitalis hic, an lethalis halitus prorogetur? Ad hæc cibi aliquid Medicus intulit, & solidam diem Princeps mitibus ad suos alloquiis, & ad Deum ac cælites insumpsit. Sub noctem ad Sacerdotem versus: Abeo, inquit, abeo. Tum ille admonuit, vt generalem exomologesim decurreret, quam miro quodam animi sensu nullo præeunte recitavit: mox Orthodoxam Fidem publice contestatus, & Christi suum in patrocinium, Sanctissimæ Virginis, ac omnium Divorum merita implorans, & peccatis rite absolutus, communicata a Presbytero immunitate, quam in eum articulum Eugenius IV, & Martinus V, Pontifices Maximi, indulserant, in dexteram partem se componens, dixit vultu placidissimo: Valete, & me finite in cælestem patriam commigrare.

re. In quæ verba defunctus laboribus spiritum ex ergastulo emisit, vno super quadragimum ætatis, quadragesimo tertio supra secularem anno.

*Luculex-  
um La-  
zeraquii  
de Ferdi-  
nando te-  
simonium.*

QVIS dolor comites obsederit, conjici facilius potest, quam explicari; solus Lazeraquius, morte nuntiata, nihil indoluit, sed linguam cohibere non potuit, quin hæc in verba prorumperet: Si quidquam in perduelli Christianorum grege boni esse posset, id totum hic, qui nunc obiit, summo jure vendicaret; Hercle si Mahometi sequax esset, tres ob egregias animi dotes, sanctitate nulli posterior fuisset. Veritatis apprime cultor fuit, nec in eo unquam comperi aliquid mendacio affine. Precationibus ita exercitus, ut sæpius ipsum jusserim nocte concubia explorari, nec unquam sit repertus nisi in genua procumbens. Præterea, quod humanas vires superat, eam coluit integritatem, ut corpus suum feminæ commercio nunquam fœdaverit. Magnum in se susceperere piaculum Christiani, qui hunc passi sunt patriæ extorrem interire. O admirabilem vim robustæ in tam tenero Principe virtutis, quæ tam evidens præconium ab hoste barbaro extorsit! Tanta sane fuit

Fer-

Ferdinandi per sex annos in tot ærumnis æquanimitas, tanta immobilitas, vt nulla vnquam, aut corporis tussio, aut contumeliæ acerbitas verbum impatiens exculperit; quin suos sæpius increpabat, quod adversus insultantes irritarentur, & monebat, ne se a Dei patrocínio abdicarent, si injuriarum vindictam privato linguæ iudicio, ac libidine persequerentur.

EXTINCTO ita inhumane Principe innoxio, Lazeraquii furor minime refedit, sed miseros illos Lusitanos iussit, vt Domini cadaver ferro exenterarent, & sale atque lavere medicarentur: quod cum illi constanter recusarent, Christianum alium excivit, qui evisceraret. Tum socii omentum, & præcordia duabus urnis excipientes, securo loco tumularunt, quem postea cœnotaphio, luminibus, thure, & precationibus frequentabant. Corpus deinde tabulæ impositum ad celeberrimam Fessæ portam elatum est, & prono in terram capite pedibus appensum, cuius in conspectu Rex & procures arundinibus, aliique equestribus ludis triumphabundi decertarunt. Post quinque dies comitibus est indictum, vt illud in ligneum capulum inde

*Ferdinandus evisceratur jussu Lazeraqui*

*Cadaver in urbis porta suspenditur.*

derent , & funibus , quorum loco duas postea submisere perticas , suspenderent. Membra adeo expedita erant , & , in quamcumque partem traherentur , sequacia , omnisque graveolentiæ expertia , vt vivus judicaretur. Ibi , quod homines viventi denegavere , obsequium columbæ detulerunt ; quæ , Barbaris ipsis mirantibus , deinceps illam muri partem , quæ capulo respondebat , & pinnas utraque parte vlna distitas , nec inquinare , nec insedere , cum antea ibidem pennas ad Solem panderent , & nidularentur. Nocturni quoque vigiles notabantur sæpius , a se notatum locum fulgore insolito illustrem.

*Avium in  
sacrum ca-  
daver re-  
verentia.*

*Miracula  
ab extincto  
patrata.*

Non pauca supra naturæ ordinem prodigia illic sunt exhibita , e quibus hæc paucis collecta excipe. Lusitanus , qui a Fide defecerat , in lumen illud cadaveri familiare incurrit , & in columbam humano capite & forma insignem , qualem vivus Princeps præ se ferebat. Ille nixus genibus , vt viam salutis sibi panderet , exposcit. Quam , inquit Princeps , deservisti , arripe ; & faciem alio obvertit. Maurus ex agro Fessensi ab æmulo graviter in rixa humeris & capite sauciatus , vt litem intenderet , in urbem perrexit , sed

nocte



nocte præoccupatus ante portam illam repagulis jam firmatam dormire coactus est, capuli & cadaveris, quod impendebat, ignarus. Cumque postridie fascias coram iudice dissolveret, nullum vestigium vulnerum comparuit. Quod portentum Mauri premere frustra tentarunt. Pulvere, qui stillantem e cadavere aruinam exceperat, iidem morbos ac febres a se, & animantibus arcebant. Peregrinus Sacerdos morti proximus, Septæ admonitus a Monacho quodam Franciscano, ut sancto Principi salutem suam crederet, ubi consilium est amplexus, ex strato evolavit. Quod alii accidit Olyssipone, Roterici a Iesu ex Dominicana familia hortatu. Alibi feminæ tuberculum manu excreverat, quo muliebria officia exequi non poterat, sed repente confedit nocte insequenti eandem diem, qua in sancti Principis memoriam panem in ara deposuit, & cereum accendit. Cæteris supersedeo curator brevitatis.

ANNO salutis humanæ MCCCCLI, sancti Principis exta a Ioanne Alvario a secretis ipsius, & Ioanne Rotericio captivitatis sociis advecta, Henrico Principe deducente, in sepulcro hæreditario Batallix sunt collocata.

*Cadaver  
quaratione  
deductum  
in Lusitaniam.*

Fluente postea tempore , cum cadaver illud supra Felsæ portam situm esset , Regis amittinus , se ab eo , cum antea summo in honore esset , pro desplicatu habitum perpendens , agitare cœpit , quid aggrederetur , quo patruī animum tristius vreret. Cogitatio ergo incidit , vt Ferdinandi exuvias ex eo loco in Lusitaniam transportaret , quod facinus fœda quadam imbribus & tonitruis nocte, communicato cum duobus Christianis consilio , invasit ; omnibusque ex voto fluentibus , Arzillam primo , deinde Olyssiponem delatus ab Alphonso Rege , Eduardi filio , nihil minus sperante , tamquam cœlo demitteretur , est exceptus. Feralis simul & triumphalis supplicatio , ad quam vniversa civitas , & finitima oppida , plenis viis confluebant , Bethlemico templo prodiit , vbi Rex, & Regni hæres Ioannes Princeps antepheretrum in pia oscula procubuerunt. Archipræsule & multis Episcopis , atque omnibus Ordinibus stipantibus, & læta concinentibus , & succollantibus procerum electissimis, ad Divæ Catharinæ ventum est ; vbi nobilis orator in ea verba Psalmi : *Benedictus qui venit in nomine Domini* : luculentam habuit con-

*Pompa qua  
cadaver  
exceptum.*

concionem , cujus laudes sint eæ , quas Divus Hieronymus exoptabat , vberes audientium lacrymæ. Majori deinde apparatu ad augustius vrbis templum pompa processit , in quo exequialia solemnia pro Ferdinandi meritis , & Alphonſi Regis majestate fuerunt rite perſoluta. Poſtmodum curatum eſt, ut magnifice Batalliam ad ſuum Mauſolæum traduceretur , vbi relictum eſt ſpiraculum , quo immiſſa arundo ſancti Principis oſſa perſtingit , & ad varios animi & corporis morbos præſentiſſimum evehit auxilium. Pœnum illum tanti theſauri & facti ducem ad veram fidem allicere , & nobilibus in Luſitania nuptiis impedire Rex ſtatuit, quod cum perficere non poſſet , magnis honoribus & præmiis oneratum in Africam dimiſit.

*Oſſa in Batallie ſepulchrum; invehuntur.*

QVID Lazeraquio , quid Ferdinandi ſociis poſt ipſius deceſſum obtigerit , lector ſcire concupiſcet? Lazeraquius Bubuerium Salabençalæ fratrem Arzilla pellere molitus , Alarabum quorundam ſocietatem ambiit , a quibus in conopeo epulis inhians , multis ictibus eſt perſoſſus. Principis contubernales , ipſo vivente , a cæteris captivis cultu domicilioque discreti, poſt obitum cum

*Lazeraquii interitus.*

*Ferdinan-  
disociorum  
exitus.*

iis promiscue , sed immanius ex odio & amissæ prædæ dolore exagitabantur. Cum nemo illorum ante heri obitum ægrotasset , duodecima post illum die vnus , alter deinde , & alter ad quatuor sunt extincti. Duo postea , admittente Petro Principe , illius seculi anno quadragesimo octavo , duo quinquagesimo in libertatem vindicati. Ille , qui erat a responsis natione Germanus , sancti Principis monitis ac exemplo minime respondit , sed foeda impietate Christianam religionem abnegavit.

*Effigies.*

EFFIGIES , quam hoc loco contemplaris , ab illo exemplari extracta est , quod Batallia ipsius sepulchro est impositum , sed ibi vulgari habitu , hic armorum ornatu insignis depingitur.

AD FERDINANDVM PRINCIPEM , QVI IN  
AFRICA CAPTIVVS OCCVBVIT.

**P** Affus Barbarici tormenta extrema Tyranni  
Occumbis ; pœnæ causa fuere necis.

Æmulus heroi recipis cervice catenas ,  
Longam passa famem torruit ora sitis.

Es satur opprobriis , satur est non esserus hostis ,  
Qui probra dedecori jungit iniqua tuo.

*Quid*

*Quid memorem terra sub caligante tenebras ,  
 Dum Phaethontæos sol vagus urget equis ?  
 Publica , dum prodis , sentis convicia ; cantus  
 Probrosos audis , dum latuisse juvat.  
 O quoties mortem Princeps sine funere sentis ,  
 Intentat fictis quam tibi turba dolis !  
 Dura fatigatur patientia , durior obstat ,  
 Fitque adamantæo robore firma magis.  
 Monstravere atavi virtutem robore dextræ ;  
 Pectoris invictas tu patientis opes.*

De miraculo a Principis corpore edito.

*NOx ruit & picea mundum circumvolat um-  
 bra ,  
 Clauditur æratis vrbs adoperta seris.  
 Deque suburbanis clausam veniebat ad urbem  
 Barbarus , is gemino vulnere cæsus erat.  
 Sub loculis blandæ Maurus dat membra quieti,  
 Reliquiæ sanant vulnera , Maurus abit.  
 Dum ferus accusat qui plagam inflixerat , ille  
 Dum monstrat , iudex vulnera nulla videt.  
 Notum est sub loculis Maurum cepisse quietem.  
 Vulnera vicino Numine sana vident.  
 Imperat ut taceant iudex male sanus , at ille  
 Principis inclamat Numen, opemque refert.*

*Prodigium est vnum, plagas sanasse; secundum  
Non minus est, Maurum tam bene posse lo-  
qui.*

*In loculos sacri Principis.*

**D** *Vm sacra de muro suspensa cadavera pen-  
dent,*

*Fixaque dum sacras pertica fulcit opes,  
Nota frequentabant volucres ubi mœnia, cun-  
ctis*

*Cum foret obscuræ noctis agenda quies;  
Abscessere feræ volucres, spatiumque dedere,  
Principis vt corpus non sine honore foret.  
Scilicet instinctu fecere hoc Numinis, ossa  
Quæ stultus spernit Maurus, adorat avis.  
Exclamare libet: Cur non reuereris acerbe  
Maure sacros loculos, quos venerantur  
aves?*

*In tumultum Principis.*

**P** *Ro Mausolæo, tumuli præ mole superba,  
Pendet ad instabiles corpus inane Notos.  
Scævitiâ monstrat qui talia perficit hostis,  
Et patriam lædit dira per ætæ suam.  
Nam patriam, corpus dum pendet in aere,  
tanti*

*Indignam tumulo sat docet esse viri.*



De eodem.

**I**Nsultare sacris non desinit ossibus Afer,  
Diſtaque probroſis jaëtat acerba modis.  
Sexus uterque ruit, matura, & grandior ætas,  
Perſida Maurorum guttura virus habent.  
Quem male maëtarat viventem, morte perem-  
ptum  
Dilacerat linguis perſida turba ſuis.  
Denegat exequias, anguſtaque buſta Tyrannus:  
Non negat exequias deſuper igne Polus.  
Mira ſuper oculos rutilant incendia, Maure,  
Quæ non das oculis juſta, dat ipſe Polus.  
Quam male regales huic Maure negaveris vr-  
nas,  
Prodigio cælum monſtrat, & igne ſuo.  
Quanta ſit herois majeſtas indicat ignis,  
Qui trahit e cælo lumina, quique facies.

De eodem.

**A**Rbitrii non Maure tui fuit eſſe ſepulchrum  
Mœnia trans, Mauris qua via monſtrat  
iter.  
Ipſe ſibi tumulum legit trans mœnia, clauſus  
Inter inhumanas ne foret ille ſeras.






ALFRED, KING OF THE SAXONS  
AND HIS WIFE, A.D. 871



ALFONSVS PORTVGALLIÆ REX XII.  
VIXIT AN. XLIX. OBIIT A. MCCCCLXXXI.



# ALPHONSVS V.

COGNOMENTO AFRICANVS

L V S I T A N I Æ

R E X XII.

*ANACEPHALÆOSIS XV.*

**I**NEVNTÉ salutis anno supra millesimum quadringentesimum trigésimo secundo, Alphonsus, hoc nomine Quintus, Ianuario mense, Cintræ in oppido nobili & amœno, magno Regni & parentum gaudio vitam hausit. Sexto ætatis anno scepro potitus patri Eduardo sufficitur, dura & immatura morte prærepto, qui Eleonoræ vxori Regni tutelam, & filii, potestatemque gerendis rebus integram testamento reliquit. Res indignissima Regis defuncti fratribus & populo visa, commendari tantam molem externæ mulieri, in publicis negotiis sibi parum constanti, quodque ferebatur indignius, in adversarios Petri valde propensæ, quem Regis Eduardi germanum fratrem præter egregias

*Eleonoræ  
eripitur  
Regni ad-  
ministratio*

vir-

virtutes , atque excellentes naturæ dotes , omnes civitates , omnia oppida , ipsumque præcipue caput Olysippo ardentissime diligebant. Convocato igitur ex toto Regno senatu , multis annuentibus vrbibus & proceribus, Petro Principi cordatissimo in curatorem Regni & defensorem electo , habenas imperii liberamque administrandi singula potestatem , immo & Alphonfi ipsius tutelam, quam Rex vxori legaverat , curamque committunt.

*Eleonora  
& affecta-  
torum do-  
lor.*

QVOD factum Regina in primis, & Barcel-  
lorum Comes , ejusque filius Ferdinandus ,  
Marchio Villaviciosensis , vna cum Petro  
Noronia Olyssipponensi Præsule , multisque  
aliis adeo indignanter tulerunt, vt se Regina  
Almerino, vbi morabatur id temporis, dolo-  
ris & minarum plena , in quoddam Regni  
Castellum , Cratum appellant , contulerit ,  
expectatisque ibi a Castellæ præsidiis , se  
cum Priore Cratensi minitabunda ac tre-  
mebunda munierit. Nam neque missis a Pe-  
tro ipso legatis & supplicibus litteris , ob-  
latisque muneribus passa fuit , vel in Regi-  
am , quod exigebatur , revocari , vel saltem  
ab illis minis & femineo vindictæ ardore  
remo-



removeri , neque ibi vim , si vires agi cœpiisset , censuit expectandam ; verita siquidem , quod facile apparebat , ne si obsidione cingeretur , eam nec repellere posset , nec sustinere ; cum omni suo mundo muliebri , multisque aliis vndique adjectis & acervatis divitiis Toletum se in Hispaniam pravo suorum consilio recepit , ubi varios experta casus , & fortunæ ludibria , de spe sumendæ vindictæ , quam variis pollicitationibus amici incassum alebant , tandem aliquando dejecta induit sanam mentem , vel nimium feram ; nam de suo in Lusitaniam reditu cogitantem privato quidem loco , atque humili , mors interceptit ; ejus cineres postea ab Alphonso filio in hoc Regnum translatis , atque exequiis de more , ac Majestate Regia persolutis , in templo Divi Dominici ad Batalliam proprio Mausolæo collocati.

PETRVS igitur rem Lusitanam totos decem annos sancte pieque omnibus gratus , insensus nemini , administravit , Alphonsumque annum ætatis decem & sextum agentem filiæ suæ Elisabethæ , ut destinaverat Rex , & Regina annuerat , matrimonio vinxit , atque illi Regni clavum , quem feliciter

*Eleonora in  
Castellam  
discessus  
& mors.*

*Petri in  
Regni administratione  
virtus  
ac fides.*

liciter rexerat , multo quam ceperat augustinorem , magna sua & populorum lætitia commisit. Cum autem callide persentisceret inimicorum suorum conatus apud Regem adeo invaluisse , ut ab ea auctoritate & gratia , quæ patruo , curatori , ac focero debebatur , indigne , ac cito dejiciendus esset , sponte fecit ac libere , quod invitum futurum sese urgente Regis imperio verebatur ; quocirca Olysippone profectus in suæ dittonis loca procul a Rege & curia sese recepit.

*Æmuli  
Petrum  
varie cri-  
minantur.*

TVM demum, obsistente nemine, ejus adversarii adulteratis litteris vanisque mendaciis totum , quo ardebant , odii virus adeo festinanter , ac vafre in Regem evomuerunt, ut jam pro certo existimaret , vivente Petro, diu se minime posse regno potiri ; cui opinioni deceptus juvenis adeo pertinaciter hæsit , ut multis neque Reginæ lacrymis , neque Henrici Principis suasionibus , neque Comitis Arrayolensis precibus , qui , hoc unum ut ab eo exigeret , ex Africa venerat ; neque adhibitis per Comitem Abranchensem publicis privatisque colloquiis , rationibusque , qui graviter & viriliter Principis innoxii causam magno bonorum consensu de-  
fen-

fendendam susceperat ; neque multis piorum hominum & Religiosorum supplicationibus , qui in hoc etiam , Petro efflagitante , diu & maxime insudarunt , eam vt ab se abjiceret , potuerit exorari : immo vero loco munerum , quæ pro educatione rectaque Regnorum suorum per decennium administratione Petro debebat , catenas illi , ac necem per maximum fidissimi pectoris dedecus & ignominiam parabat.

QVAM indignitatem Petrus cum jam amplius ferre non posset , maluit caput suum , quam honorem & fidem tandiu periclitari. Ergo se Regi sistere , coram affari , mentemque illi suam & insontem animum aperire statuit Sclabi per id temporis exercitum copiosum cogenti , vt ipsum aperto Marte adoriretur. Conimbrica proficiscitur Petrus cum paucis aliquot clientibus & amicis , præcipue Abranchensi Comite. Ambo ante sacram synaxim ritu solemni iuraverant se pro sua mutuo & Regis fide fortiter ac strenue , si res posceret , appetituros. Parva item armorum manu de suorum consilio stipatus incessit , erat siquidem vanus rumor mortem sibi inimicos per insidias machinari. Verum hunc

*Petrus suam innocentiam Alphonso probare molitur.*

*Sinistre armuli Petri facta interpretantur.*

hunc ipse adventum ex sua , Regisque sententia sinistre interpretati, adventare Petrum denuntiant , Regem Regno suo & vitam jam non per fraudem vt antea , sed per vim manifestam spoliaturum. Quo rumore commoti plurimi Regis aversuri periculum , quam citissime possunt , Scalabim ex omni parte concurrunt. Coactis igitur in eo tumultu triginta millibus equitum peditumque , Petro in occursum ire contendit , qui , cum appropinquantem Regem per nuncios præscivisset, prope fluvium Alferroberiam in editum collem receptus contra primos inimicorum impetus sese muniit , quo amicis & fratribus, ipsique Reginæ filiæ ad sedandum Regis animum tempus suppeteret ; quod si non posset consequi , dimicandumque necessario foret , saltem , vt talem decebat , graviter & generose occumberet.

*Petrus in congressu indigne occiditur.*

HÆC ab infonte Principe omnino frustra excogitata; nam de Regiis militibus quidam, incertum quo imperio ( creditur nullo ) adeo vehementer in ipsum irruerunt , vt nullis hinc inde auditis , neque ducum , neque imperatorum , nuntiis & clamoribus, tumultuarium prælium , nullis collatis signis , nulla

la ratione increbuerit , in quo Petrus cum tranquillandis suorum animis totus incumberet , pectus ictu sagittæ confossus ; animum iusto & gravi dolore , quod tantis oppressus calumniis cogeretur abire, in acie occubuit ; neque multo post Abranchensis Comes a se potius, quam ab hostibus superatus. Nam cum invicto animo , & illæso corpore , multa illo die & prælio fortiter & generose peregisset, deficientibus ad extremum viribus, multisque irruentibus a tergo, a fronte, a lateribus, hinc inde militibus, opprimitur. Tri-duo colligendis spoliis , vinciendisque Petri clientibus , assumpto , privati hominis busto Principis corpus, quod in acie eo vsque iacerat, sepelitur. Deinde Rex omnem curam & conatum impendit , vt a Petri familiaribus & charioribus ministris conjurationis series, veritasque minis , pollicitationibus , cruciatibus , iisque , si rem ita exigere visum sit , omnino exquisitissimis extorqueatur ; verum neque in iis hominibus , neque in secretioribus Petri scriniis quidquam , quod debitæ Lusitanorum in Regem fidei vel levem notam inureret, reperitur. Tempore procedente Reginae precibus, procerumque multorum, leni-

tus

*Petri innocentiam  
tempus Alphonso  
prodidit.*

tus Rex Principis ipsius ossa in Batallia cœnobium magna pompa & apparatu deferre jubet, atque ibi in majori facello tumulo, quem filio Rex erexerat, collocari; quin & omnes, qui vel in acie comprehensi, vel aliter hujus criminis opinione laborarent, in suam quemlibet dignitatem, suasque divitias, quæ fisco jam ante cesserant, restituit, edicto publico testatus nullum ipsos Majestatis læsæ flagitium commisisse.

*Calixtus  
Pontifici  
adversus  
Turcas  
operam  
Rex pollicetur.*

PACATIS jam Alphonsus rebus domesticis, ut erat gloriæ cupidus, propagandique Regni sui studiosus, multa in hanc rem, eaque præclara secum in animo cœpit excogitare. Ea tempestate Calixtus Christianos Europæ Principes, ut inter se se vellent adversus Turcam communem hostem in Ecclesiam minaciter sævientem conspiratione facta insurgere, multis & legatis & litteris sollicitabat; quam expeditionem solus Alphonsus animo forti ac religioso suscepit, pollicitus Deo, se cum duodecim millibus hominum propriis stipendiis integro anno dimicaturum. Quo audito Pontifex mirifice recreatus Cruciatam illi concessit, benevolentis animi gratiam & amorem testaturus. Cum vero



id tantum munus , suamque in Turcam profectionem Rex nunquam perituræ vellet memorix commendare , novos aureos nummos excudi iussit , quibus apud externos vteretur , eosque de Bullæ ipsius nomine Cruciatos maluit appellari. Verum , quæ rerum humanarum conditio est , tantis conatibus obstitit Calixti mors , qua in Europa evulgata , vt abcisso capite reliqua membra , ita omnes Principum animi elanguerunt. Solus Alphon-  
sus stetit immobilis , totumque hunc belli apparatus , provinciam mutans , non causam , in Africam censuit aduersus Mahometanos convertendum.

*Pontificis  
morte belli  
apparatus  
cessavit.*

COACTAM igitur ex toto Regno ducen-  
torum viginti navigiorum munitissimam classem ipse cum viginti quinque circiter hominum millibus anno Domini MCCCCLVIII conscendit , comitante Ferdinando ejus fratre Duce Vifensi , & Ferdinando vtriusque patruo , Christi militiæ Magistro , aliisque Dynastis & viris illustribus , ac præcipuo Regni equitatu. Appulit ad *Alcacer Ceguer* civitatem maritimam munitissimam , quindecim fere passuum millibus Septa distantem. Multis vtrinque editis facinoribus arx oppugnata ,  
tan-

*In Africa  
Alcacer ab  
Alphonso  
expugnatur.*

tandemque die Beati Lucae sacro , Octobris decimo octavo eiusdem anni, fuit expugnata. Quo item die in eam Rex introductus triumphali pompa ac religioso apparatu, neque vrbe egredi prius voluit : quam denuo extructam, militibusque & commeatibus refertam, Eduardo Menesio Duci ob præclara gesta armorum gloria præcellenti commendavit.

*Nostri obsidionem con-  
stanter tole-  
rant apud  
Alcacer.*

QVIBVS peractis Alphonfus Septam , ubi a suis expectabatur , se recepit. At vero priusquam inde in Lusitaniam proficisceretur , Fessensis Rex triginta millibus equitum, & innumera peditum ac tormentorum multitudine derepente coactis, adeo fortiter & generose Alcacer obsedit , ut neque Alphonfus præsidio esse potuerit , neque fortissima obsessorum pectora nocturnis , diurnisque Mauro- rum incurfionibus diu obniti posse viderentur. Cum autem majori ingravescente ciborum nitratique pulveris penuria , arx loborare coepisset, neque se modus aliquis aperiret , quo Eduardus id Regi significaret , epistolam Gallice conscribi iussit , quam volatu suo sagitta in lembum demitteret , qui nuper a Rege missus ad litus appulerat , ut suorum, quoquo modo posset , cognito statu , illum quam

quam citissime sibi renuntiaret , verum sagitta, vento impellente, papyrum in hostium castra dejecit. Quæsitus illico , brevique repertus , qui Gallice nosset , litteras Mauro , obsectorumque famem , cæteraque discrimina explicavit; lætabundus ille gratissimo nuncio ad Eduardum misit , qui amice monerent ut oblati vitæ conditionibus , priusquam inedia absumerentur , de tradenda sibi arce cogitaret. Enimvero scire se aiebat , Lusitanos milites , ne fame penitus interirent , equos sibi in escas interemisse ( id quod re ipsa obsessi constituerant , Regique scripserant , neque dum omnino opere compleverant. ) Ad hanc legationem Præfectus , quod Lusitanum decebat , generose respondit ; se ad maiora discrimina & graviora certamina diu esse paratum, neque Maurorum incurfus aliud sibi , quam pueriles ludos existimari. Postera igitur die triginta, aut amplius equites Eduardi jussu ex arce egressi tantam in eos stragem, tamque præclara facinora ediderunt, ut Lusitanam fortitudinem mirati Barbari , doloreque perculsi obsidione cesserint, in qua tres & quinquaginta dies perstiterunt, amissis sociorum duobus circiter millibus, in arce vero perpaucis Lusitanis.

*Præfecti  
arcis mira  
constantia.*

*Noſtri lite-  
rum a Rege  
Feſſenſi  
frustra obſi-  
dentur.*

FESSENSIS autem Rex amiſſæ vrbiſ dolo-  
re, recentisque victoriæ, ſui pertæſus, vitam  
vel in diſcrimen projicere, vel arce omnino  
potiri moliebatur; quapropter convocata mul-  
to maiori ex toto Regno ſuo Maurorum &  
tormentorum multitudine, redintegratiſ viri-  
bus Alcaçer, vt iterum obſideat, proficiſci-  
tur. Præcognitiſ Eduardus Mauri conatibꝯ,  
de futura obſidione Alphoſum, deque præ-  
ſenti arcis ſtatu cituſ admonuit, ſimul &  
ſubſidiariſ copias efflagitavit. Eaſ Rex, quam  
velociter potuit, validiſſimaſ miſit, nobileſ  
adoſcentes plurimoſ viroſque præcipuoſ,  
qui vt periclitantibuſ fociiſ opem ferrent ne-  
mine impellente ultro conſcenderant; quo  
ſubſidio fretuſ Præſecti animuſ, non ſolum  
hoſtium vires flocci pendebat, verum ipſoſ  
magiſ ac magiſ ad maiora ſæpe certamina  
provocabat. Ergo arx diu noctuque recenti-  
buſ ſemper incurſibuſ fortiter oppugnari,  
fortiuſ ab invictiſ militibuſ propugnari; quo-  
rum expertuſ virtutem malo ſuo Feſſenſiſ  
Rex, & ſpe recuperandæ arcis deſtitutuſ,  
tantam illam multitudinem domum remiſit,  
ſeque in ſuam ditionem dolore tabeſcens re-  
cepit, Luſitanosque vigeſimo quarto Augu-

ſi anni milleſimi quadringentefimi quinquageſimi noni , dierum trium & quinquaginta obſidione & ſudore liberavit.

AT vero Alphonſus minime quieſcere , ſed maiori Africæ proterendæ amore , magis indies ſingulos vrgeri. Ergo anno ſalutis milleſimo quadringentefimo ſexageſimo tertio validiſſima claſſe, & nobili fortiſſimorum equitum comitatu, illuc tranſcendit, parum quidem felici, verum non omnino irritò ex ſua parte conatu; nam, quia Henrici Principis rei militaris peritiſſimi conſilio atque ope carebat, nihil aliud egit, quam vt ſubitis quibusdam incurſionibus hoſtium fines aggreſſus obvios quosque occideret, agros ſternere, & ſui, quod nimis ardebat, corporis atque animi robur oſtendaret. Longe aliter res Ferdinando evenit, qui Princeps alioqui fortiſſimus, & feliciffimus Tingim ſine juffu invec-tus, amiſſis Luſitanorum quingentis, quorum ducenti occiſi, reliqui capti, ægre evaſit. Paucis deinde poſt annis Ferdinandum Principem fratrem ſuum Rex in Africam miſit, qui non minus feliciter quam fortiter eam aggreſſus bellum Mahometanis intulit pernicioſum, multasque ac maximas

*Secunda  
Alphonſi  
in Africam  
expeditionis*

adeptus victorias , capta insuper Anafe maritima vrbe , plenus spoliis & gloria in Lusitaniam cum fociis remigravit.

*Tertio in  
Africam  
contendit.*

VERVM hæc eam animi febrim , qua Maurorum sanguinem Rex ardentissime sitiebat , non solum non exstinguebant , sed etiam vehementius excitabant ; quapropter apud se statuit in Africam tertio navigare. Igitur brevi effecit , vt ex toto Regno exercitus cogeretur , omnium , quos Lusitania ad illud usque tempus in Africam obarmaverat , potentissimus. In eo siquidem expeditionum militum triginta millia , prima nobilitas , Princeps Ferdinandus Ioannis Regis filius , vna cum Rege ipso , tercentorum navigiorum classem Barbaris iure tremendam efficiebant. Illud in hac expeditione memorandum evenit. Nobiles quidam ex iis , qui Regem comitari decreverant , gravissimis inter se odiis diffidebant , atque ob hæc aliaque flagitia ab Ecclesiæ communione publico anathemate obfirmato animo separati vivebant , quod facinus cum Regi pateret , edicto iussit , nequis eorum ante conscenderet , quam injuriam inimico remitteret , & veniam ab Ecclesia impetraret. Non aliter ab illis factum ,  
quam

*Milites  
omnes inter se &  
cum Ecclesia  
conciliantur.*



quam a Rege decretum. Statim omnes, antequam amicitiam atque Ecclesiæ gratiam recuperarent, adeo generosos animos, sed minime pios, spes adipiscendi honoris magis, quam Dei timor, a prosequendo scelere avertibat. Igitur classis in Africam brevi appulsa, relicta interim Tingi, quam damnis superioribus irritati animi avidius appetebant, Arzila impetiit, nobilem & antiquam urbem in eadem ora loco munitissimo extructam; ad cuius conspectum cum vigesimo Augusti devenisset, die ejusdem mensis vigesimo quarto, Divo Bartholomæo sacro, eam aggressa, vno eodemque incurfu, duce Alphonso, qui primus in arenam desiluit, fortiter & feliciter expugnavit.

*Arzila expugnatur.*

IN eo discrimine equites Lusitani de præcipua nobilitate multi desiderati, quorum obitus & desiderium effecit, ut superstiti exercitui parta victoria nullo quidem pretio, aut saltem perexiguo, haberetur: in ea vero Mauri bis mille occisi, quinquies mille capti, spolia octingentorum millium aureorum summam explerunt, ea a Rege militibus distributa.

ANTEQUAM urbem invaderet, ut cælesti præ-

præsidio obarmatus facilius victoria potiretur, Sanctissimæ Deiparæ, quam impense colebat, si urbem expugnare contingeret, equum vovit argenteum, cui argenteus itidem insideret Rex omni armorum apparatu ad elegantiam instructus, qualis tunc Alphonsus copias ducebat. Annuerunt superi, ipseque beneficiis non ingratus in Virginis Sanctissimæ fano, cui a Spincto nomen indictum est, prope Eboram, voti fidem absolvit, equumque mira arte elaboratum, & insidentem Regem ex optimo argento dicavit: quod donarium dum Alphonsus superstes fuit, magna intuentium voluptate in templo conservatum est: illo tamen ad superos recepto, cœnobiarcha, ut angustam domum dilataret, fundi iussit, argentumque distraxit.

IOANNIS autem robur, atque animi vigor in hoc prælio adeo enituit, ut vnanimi omnes consensu acclamauerint, merito cum a parente in ea ætate (decimum sextum agebat annum) equitem obarmandum; quem honorem Rex filio impertiit, in maximo urbis fano prope Ioannis Coutinii, Comitæ Marialvæ, defunctum cadaver. Atque ibi rite obarmato filio nulla alia ferunt a patre auspicia

ex-

exoptata, quam ut jacenti equiti (Continuum innuebat) per omnia Deo dante similis evaderet. Quibus peractis rebus assumptæ arcis præfecturam Henrico Menesio Valentia Comiti duci strenuissimo commendavit, Assumptæ in cælum Virgini fanum dicavit, quo die nostris hominibus admodum glorioso ex Lusitania classis in Africam solverat. Arzila igitur capta, talis habitatores Tingitanæ urbis horror invasit, ut raptis quilibet divitiis suis, deserta penitus civitate, in tutiora profugerint; cujus rei nuncium vigesimo nono Augusti ad Regem delatum universon fane exercitum magis, quam credi posset, exhibaravit; erat enim id factum non leve auspici-um, Lusitanos Dei prælia Arzilæ, Deum vero Tingi præliari.

ERGO Rex statim præmisit, qui vacuum defensore urbem occuparent; præcurrunt citatissimis equis, atque illam apertis portis, vacuis ædibus, maioribus minoribusque tormentis, ac sulphureo pulvere resectam inveniunt. Ipse subinde Alphonfus subtristi aliquantulum vultu, eam ingreditur; enim vero memoria patru Principis Ferdinandi ibi amissi in ipso ingressu animum Regis pulsarat.

*Tingis a  
Lusitano  
occupatur.*

rat. Sed crediderim potius incruentam illam, victoriam, urbemque hostibus vacuum dolori Alphonso fuisse: quippe Rex Marti natus, & gloriæ avidus, suo suorumque Lusitanorum generosis animis præreptam belli gerendi occasionem, ac militarium virtutum theatrum doluit a fortuna denegatum. Mox civitati Episcopum elegit; Roderico de Mello maiori suo custodi, Comiti postea Olivenciæ, præfecturam tradidit; donis insuper milites singulos, eos vero, quorum major extitit virtus, maioribus auxit. Atque hæc omnia, quod jure mirabere, intra tres & triginta dies coepta, agitata, confecta, vt jam Cæsarea agilitas præ Alphonfi celeritate vilescat, qui suis exinde adscribi titulis Turdetanam vtramque Provinciam atque Africam imperavit.

*Alphonfi  
proles.*

SUSCEPIT ex Elisabetha filios tres, Ioannem, quem infantulum cælum rapuit; Ioannam, quæ puella adhuc tenera se aula proripuit, atque a decimo octavo ætatis anno ad trigesimum octavum ( neque enim amplius vitam produxit ) in oppido Aveiro, inter Moniales vna multis miraculis clara sanctissime vixit; tertius Ioannes fuit hujus nominis secundus Lusitaniæ Rex; sequutus deinde

de Reginæ obitus secundo Novembris anni millesimi quadrigentesimi sexagesimi quinti ex sanguinis gravi profluvio, non sine veneni suspicione; ejus corpus Batalliam delatum, maxime solemnibus omnium, quas ad id usque tempus Lusitania viderat, exequiis conditur. Illam vero natura corporis atque animi dotibus ad miraculum exornaverat, rara prudentia, & religione, ac mirabili calamitatum tolerantia; vidit occisum patrem, germanosque interemptos, neque tamen de amore, & reverentia marito Regi debitis quidquam omisit, atque idcirco illi semper extitit gratiosa.

MORTVA Elisabetha, Rex sponsam accepit Ioannam Henrici Castellæ Regis IV & Ioannæ filiam, in cujus dotem ei Regnum Castellæ & Legionis jura, magno Lusitaniæ malo, obvenerunt; nam dum ea tueri, sibi que servare illæsa conatur, Alphonsus memorabili illo prælio, apud Taurum, vinci alioqui nescius, superatur. Non ita vero Ioannes illius filius, qui dum in eodem loco cum parte hostium non mediocri strenue dimicat, eos omnino fugat, campoque potitur, in quo victor dies aliquot commoratus, fu-

*Post Elisabetham Alphonso Ioanna despondetur.*

*Tauri prælium.*

sum

*In Galliam quæ-  
situm au-  
xilium pro-  
ficiscitur.*

sum parentis exercitum ad se collegit; Alphonsus autem pudorem magis, quam damnum (neque enim id magni momenti fuerat) graviter sentiens, a Ludovico XI rogaturus auxilium in Galliam proficiscitur. Exceptus a Rege honorifice, cum inanibus pollicitationibus, & tanto Principe admodum indignis modis, tempus paulatim distrahi intelligeret, quoniam bellum hominibus pro sua dignitate inferre nequibat, pacem a Deo constituit efflagitare. Ergo privati hominis habitu Hierosolymam tendit, quo Rex olim cum potenti exercitu ire decreverat; verum a suis, aliquotque nobilibus Gallis, qui statim eum insequuti diligenter quæsierant, inventus, a prosequendo itinere dissuasus, in Lusitaniam iterum, corporis animique laboribus afflictatus graviter, reversus est. Vbi Ioannem Principem invenit, Regio non minus titulo, quam auctoritate, quod ipse ex Gallia jusserat imperantem.

*Ioannes  
parenti ex  
Gallia re-  
ueunti im-  
perium of-  
fert.*

NIHIL jucundius optimo filio, quam integram Regiam potestatem, quasi mutuo acceptam, parenti optimo redonare; neque ullis, vel imperiis, vel supplicationibus, potuit a patre impelli, ut saltem Lusitanæ Regis  
titu-



titulum conservaret, dum ipse Turdetanorum atque Africæ Regno contentus vitam in ea domanda, quod maxime exoptaverat, consumeret. Ioannes tamen in sententia persistit, identidem asseverans, maius sibi oblectamentum afferre parentem in Regnum & patriam restitutum, quam si solido Mundi imperio potiretur. Coactus igitur Alphonfus, Regni sui administrationem, pacisque fœdera cum Castella inire, tempori cessit; verum indignissime ferens sponsam Ioannam, quam propter excellentes naturæ dotes excellentem Dominam appellabant. spe Regnorum Castellæ ac Lusitaniæ deturbatam, atque ne graviora damna insurgerent, Monialium vitam in cœnobio Divæ Claræ, quod Scalabi erexerat, profiteri compulsam. Ex quibus, aliisque doloribus, procedente tempore, melancholia cœpit, cordisque aliis afflictionibus, vehementer gravari; imo & paulatim est assumptus. Cintræ in eadem domo, in qua vitam hauserat, deposuit die octava Augusti anni MCCCCLXXXI, post annos quadraginta novem, & septem menses; e quibus regnavit quadraginta tres. Ejus ossa cum cæteris Regibus Batalliæ condita jacent.

*Mors Al-  
phonfi.*

*Corporis  
forma &  
habitus.*

ALPHONSI statura procera ; corpus robustum ; persona vere Regia , nimium grata ; vultus prope rotundus ; barba nigra , plurima , spissata ; frons a trigesimo anno calva ; memoria valida ; ingenium perspicax ; fermo purus ; ars scribendi perfecta ; eruditio vicens ; amor litterarum notissimus , atque ideo doctos homines , & Religiosos in suam consuetudinem sæpe ad colloquia advocabat. Primus omnium Lusitanorum Regum in propriis ædibus ex optimis quibusque libris insignem bibliothecam jussit institui. Fuit insuper Musicæ deditus , victu & potu modicus , ad miraculum continens ; Fidei propugnator ; Dei insignis cultor ; militiæ vividus & generosus , domi aliquantisper tardus atque remissus.

*Alphonsi  
beneficentia & largitas.*

IN sublevandam pauperum inopiam propensus ; liberalitate adeo insignis , ut de Regiis præsertim bonis plura , quam vel ipse posset , vel Regni angustia ferrent , erogaret ; iram tam difficile concipiebat , quam facile injurias condonabat ; in privatis colloquiis perurbanus ; nobilibus , ac Dynastis magis , quam Regem decuit , morem gerebat ; ex quo illis præbita occasio est , ut severius , quam par erat , suis quilibet clientibus imperarent ;  
quam

quam licentiam postea cum Ioannes coercere niteretur, magno id sudore, vitæque discrimine peregit. Tot præclaris hisce animi dotibus coronidem imposuit illa in redimendos captivos profusa largitas adeo nota, ut captivorum Redemptor vulgo nominaretur. Cuius rei egregium occurrit exemplum. Magna auri argentique talenta pro conjugibus, & filio cum Septa olim captis, Moleixequius Fessenfis Rex Regi Alphonso offerebat; verum ipse, spratis Mauri divitiis, sola Ferdinandi patris sui ossa, quæ Fessæ in lignea capsula supra urbis portam detinebantur, in pretium postulavit; quæ anno a partu Virginis MCCCCLXXII Olyssipponem apulsa, apparatu omnino Regio in Batallix cœnobium delata fuerunt.

*Ossa patris Ferdinandi multæ pecuniæ pretulit.*

NVMISMATIS, quæ vidimus cum ipsius effigie in adversa facie, incidi iussit tympanum hydraulicum (Lusitane dicitur *Rodizio*) quod aquam ligneis radiis, sive assulis, excipiens molam in pristinis aquariis circumfert. Ad-dita tertia persona verbi substantivi *Est*, quæ a nostris effertur per *E* simplex: ita ut hæc esset integra inscriptio, *E Rodizio*, quæ Lusitano idiomate duplicem reddit sensum; alterum

*Hydraulicum tympanum cur numis insculpserit.*

rum obuium ac triviale, nempe id esse, quod numero exculptum videbatur; alterum occultio- rem, scilicet, *Erro, dicito*. Hoc enim Lusitanis quoque sonat illa verborum complicatio, *Erro, dizeo*. Homo quippe cum esset, humanorum errorum a se nihil alienum putabat, seque paratum profitebatur ad eos expungendos, non solum si prudentiores consilarii admonerent, sed si quilibet e populo quidvis diceret, quod e re magis futurum videretur. Historiographi aliqui contendunt cæ- laturæ, & inscriptioni, causam dedisse varia de perpetuo ejus cælibatu judicia post amissam uxorem, cum viginti annos tunc modicum excessisset. Vt enim id se consulto egisse nosceretur, paratum se indicabat ad reddendam rationem cuilibet, qui aliquam ex aduerso attulisset. Arbitror tamen ipsum & ætatis flexu, & diuturna experientia edoctum quantum Regno nocuerit, dum salutaria Principis Petri avunculi, & foci, fideliumque clientum monita contempsit, voluisse omnibus testatum relinquere, Regibus esse inprimis necessarium, sana consulentium, etsi minus dulcia, monitionesque benevolis auribus excipere; seque dum eas respuit, insignem in errorem fuisse

*Reges au-  
res bonis  
consilariis  
aperiant.*

fuisse provolutum. Vel hæc , vel illa inscriptionis fuerit origo, non minor laus est summi Principis populares ad indicandum suum errorem provocare , quam erroris admissi cognitionem & objurgationem non detrectare.

---

AD ALPHONSVM V IN AFRICAM  
TENDENTEM.

*C* *Vi dextram , & robur ferus invidisset Achilles ,*

*Alphonsus Libycam classe petebat humum.*

*Obvia cui Pallas Mavortia , suscipe, dixit ,*

*Ægida , quæ vultu saxea corda facit.*

*Tunc ait Alphonsus tollens ad sydera dextram ;*

*Ægida de clypeo quolibet ista facit.*

*Vivum hostem cupio, non saxea corda trucidò ,*

*Nam qui saxa ferit , saxeus , inquit , erit.*

*O utinam Æacides , vel Mars concurrat in armis ,*

*Quos mereor titulos solus uterque dabit.*

Ad eundem parta victoria.

*D* *Vm Rex consilio , vincit dum viribus Afrum ,*

*Tempora dum bellis callidus apta legit ,*

*Mars ,*

*Mars, ait, armipotens ter Principe vincor ab uno:*

*Consiliis, apto tempore, deinde manu.*

*Vna manus vel me ter vincit, idonea pugnis*

*Tempora quæ duris, consiliisque facit.*

*Ad eundem ob eandem causam.*

**V***iribus Herculeis pugnaci maior Achille,  
In Lybici Lybiam Rex tumulabat agris.*

*Pallida cum torva pendebat in aere Mavors,*

*Et bellosa suis torva, feroxque minis.*

*In quos Alphonsus convertens lumina Princeps,*

*Inter Maurorum funera lætus, ait.*

*In pugnas agnosco animos, agnosco furores.*

*Non opus est armis nunc, inhibete manus.*

*Inspectate rogo pugnas, possitis ut omnes*

*Discere de bellis, bella ciere meis.*

*Ad eundem.*

**D***um Rex Tingas subvertere destinat arces,  
Tempora belligeris dum notat apta dolis,*

*Ante tulit gressum vaga fama, & vocibus aures*

*Occupat, & trepido corda inimica metu.*

*Per caligantem fugere examina noctem*

*Absque armis Maurum Martia fama fugat.*

*Si tantum, Rex, fama potest sine sanguine; quantum*

*Fulmineo poterit fortior igne manus?*

*Ad*



Ad eundem.

*Q*uod fuit Æacidæ fulgentibus Ilion armis ,  
Hoc fuit Alphonſo Lybs , Libyæque duces.  
Hic titulos hafta, fuſoque cruore notavit ,  
Monſtrat adhuc veteres Africa pieta natas.  
Maurus ait nato monſtrans veſtigia pugnae ,  
Qui Libyam hic vicit non homo, fulmen erat.  
Fulmen habent oculi, fulmenque immane lacerti ,  
Frons quoque fulminea eſt, fulmineumque latus.  
Qua ruit, apparet via fulminis ; Africa talis  
Apparet, qualem tam grave fulmen agit.  
Deſperanda ſalus , Rex hic ubi fulminat ; armis  
Hujus vieta cohors talia dicta dabat.  
Nec fax , nec ferrum , nec vix adamantina ; *Mors*  
*Rex*  
*Sola poteſt Maurum ſurripuiſſe tibi.*

ASSEMBLY

IN SENATE

January 1, 1891

REPORT

OF THE

COMMISSIONERS OF THE LAND OFFICE

IN RESPONSE TO A RESOLUTION PASSED BY THE SENATE

APRIL 1, 1890

ALBANY: J. B. LIPPINCOTT & CO. PRINTERS.


ALBANY: J. B. LIPPINCOTT & CO. PRINTERS.



THE AMERICAN FORTY-NINE



IOANNES PORTVGALLIÆ REX XIII.  
VIXIT AN. XL. OBIT A. M. CCCCV.



# IOANNES II.

## LVSITANIÆ

## REX XIII.

---

### ANACEPHALÆOSIS XVI.

**I**OANNES hoc nomine II, (quoniam virtutum illius, tot etiam præeuntibus Historicis, facere compendium iuvat) ob incomparabilem rerum splendorem & gloriam, ingentiaque tum animi, tum corporis ornamenta, Maximi agnomine meritissimo condecoratus, anno salutis humanæ MCCCCLV genitus est Olyssipone quarto Nonas Maias. A prima pueritia principalibus disciplinis, ut Regem potentissimum decebat, liberaliter instructus est; puerque animi cœpit argumenta prodere jam maturi, cum gravissimis de Republica consiliis admissus a Patre, non sine totius senatus admiratione interesset. Vnde considerato tanti Principis ingenio, atque indole, affirmare non vereor, eum naturam pulcherrimo Regum omnium exemplo non

*Ioannis ortus & infantia*

*Ioannis optimi Regis forma,*

secus peperisse , ac Tullius Oratorem numeris omnibus absolutum fingit , imitandumque proponit. Testes provoco ad eos , qui Ioannis historiam animo non alieno terant.

*Ejus uxor  
& filius.*

ANNVM agens decimum quintum Eleonoram duxit, Principis Ferdinandi & Beatricis filiam , cognatione patruelem, ex qua unicam prolem suscepit Alphonsum , qui, cum Isabellam Catholicis natam e Regibus in matrimonio haberet , a nuptiis paucos intra menses , Scalabi concitato ex equo prolapsus , expiravit. Patre vita functo , pridie Kalend.

*Regis prudentia &  
alia dotes.*

Septembris anno MCCCCLXXXI, menses quatuor , annos sex & viginti natus , Regio positus est in fastigio. Fuit prudentia prope singulari ; aperta mentis acie ; præsentissimo acerrimoque ingenio ; memoria præstanti ; corporis animique bonis omnibus apprime cumulatus ; modestus in sermone , ac non nihil cunctabundus ; ponderis veritatisque cultor eximius ; virtute præditus insigni ; animo forti & alto ; cogitationibus amplissimis ; iisque in divino cultu & Regno propagando semper occupatis. Suapte natura robustissimus , & lacertosus adeo , ut in disco & jaculo contorquendo emineret ; ac sæpe vno ictu tres si-

*Vires &  
exercitamenta.*

mul,



mul, quatuorve prægrandes cereos, cæsim  
 districto ense medios secaret, vnice paratus  
 ad omnes artes; saltator egregius; equitan-  
 di quolibet ephippio peritissimus; aucupio,  
 venationeque mirifice recreabatur; luctæ &  
 hoc genus virium exercitationibus deditos  
 amabat plurimum; sæpe spectator aderat.  
 Vnde Lusitanorum ea tempestate ad has artes  
 mira fuit alacritas.

SEMEL intempesta nocte Ferdinando Mar-  
 tino Mascarenia, Regis custodiæ præfecto,  
 iterum viro primario comite egressus, cum  
 armatum in globum incidisset, adeo strenue  
 dimicauit, vt prope maiorem grassatorum  
 partem vulneraverit. Hos, facta mox per  
 chirurgos inquisitione, curari regiis impensis  
 iussit, ac deinde, restitutis viribus, ob explo-  
 ratam fortitudinem in familiam ascivit. Al-  
 cocheti in ludo, cum arenam ad spectaculum  
 pertransiret, adversus taurum e cavea fortuito  
 elapsus, cæteris diffugientibus, vnus ipse  
 plicato ad sinistram pallio, gladioque evagi-  
 nato perstitit intrepidus, & Reginam longo  
 cum ancillarum comitatu a tergo sitam, ali-  
 orsum bellua visam ferri aciem declinante,  
 propugnauit. In Arzilæ irruptione, item-  
 que

*Robustus  
 sibi adju-  
 gebat.*

*Taurum  
 gladio sa-  
 lus aver-  
 tit.*

que Taurenſi prælio egregiam poſuit operam, multaue fortiter ac præclare fecit. Vnde gloriabundus dicere ſolebat: Idcirco tractandis armis ſibiſmet placuiſſe, quo milites deinceps tractare pro meritis ſciret. Pati non poterat, ediſtoque vetuit, ne quis ante robuſtam ætatem puer gladio accingeretur; eo argumento, quod cum iis, quibus impares erant, congreſſi, ac male mulctati, fracto ſemel animo, fierent in poſterum timidiores.

*Pietas in  
Dei ma-  
trem &  
quinque  
Chriſti pla-  
gas,*

HANC fortitudinem habuit pari cum pietate ſœderatam: mira quippe fuit in res divinas propenſione, & in Superos omnes, ac Beatam præcipue Dei Matrem obſervantia; vtpote quam per ſingulos dies Horis, & id genus precibus aliis piſſime demereretur. E Chriſti Domini tormentis plagas quinque ſingulari quadam religione proſequutus; quam nuncupato etiam voto annuendi, quicquid iis interpoſitis obſecraretur, ſtabilivit. Rem diu ſecretam, data prope mortem occaſione, patefecit. Adſtabat morienti e primaria nobilitate quidam: is extremas rei familiaris anguſtias profeſſus, Regem enixe deprecatus eſt ob Chriſti vulnera, vt ſuam egeſtatem aliquo ante obitum auxilio relevaret. Tum vero

Ioan-

Ioannes insita misericordia , præter annuos redditus non mediocres , homini , qua utebatur , argenteam suppellectilem vniversam dono dedit. In Passionis exequialibus feriis , quo maxime totius anni tempore anniversario ritu Christo Servatori Orbs parentat Christianus , cum templa de more percurreret , eum facta obviam femina per illius diei religiosam memoriam , & Christi mortem ac plagas rogavit impense , vt marito capitis damnato veniam vitamque donaret ; at Ioannes , Ampliora vellem , inquit , hoc a me nomine postulares : certe , quod petis , libentissime concedo : e vestigioque hominem absolvit. Per eos continenter dies atratus coram Augustissimo Eucharistiæ Sacramento perseverabat.

*Christi  
passionem  
quanto af-  
fectu colo-  
ret & cele-  
braret.*

QVOCVMQVE se reciperet , privatum clausulumque habebat facellum , vbi per singulas noctes , lacrymis precibusque fuis , ultra horarium spatium , vt qui cum Deo de negotiis familiarissime communicaret , piis commentationibus insumebat. Nullo non die divinis rebus singulari quadam cum pietate & affectu interfuit ; qua in re duo præcipue sunt illius digna memoratu facta. Semel enim

reci-

*Rei divi-  
nae quam  
frequens  
auditor.*

recitanti Canonicas Horas socio Regii facelli

*Sacerdotem  
calceum sub  
inducere  
tentantem  
graviter  
rehrehen-  
dit.*

Decano ( is erat Iacobus Soufa , postea Braccarensis Archiepiscopus ) crepida excidit : quam cum Decanus arreptam de genu conaretur inducere, acriter obnixus indignatusque Ioannes; Tu ne , inquit , qua manu sacra facis , ea pedes meos tractare, vel crepidam parabas? Et abire iussu, ac domi esse, donec aliter ipse decerneret, integrum mensem dissimulavit. Eamdem secundo pietatem exhibuit in baptismo Magistri Antonii , qui Regius erat chirurgus , natione Iudæus , in quo & communis lætitiæ causa magnifice multa edidit , & sponsor fuit adeo diligens , ut desiderata nescio qua e lino fascia , ipse sibi subuculæ manicam absciderit , ne quid in parando moræ ad rem adeo sacram , ut aiebat , interponeretur. Cætera ad Religionem , ac divinum cultum pertinentia diligentissime procuravit. Auctor fuit , ut singulis quibusque diebus in Regio sacello ( quod hodieque fit ) res divinæ summo cum apparatu , & solemni quodam cantorum ac sacerdotum choragio celebrarentur. Post obitum in scrinio , cuius ipse clavem nunquam alteri vivus permiserat , confessionis instructio , verbera , cilicium-  
que

*In Iudæi  
baptisma  
pietas.*

*Post obitum  
maceratio-  
nis instru-  
menta in  
scrinio re-  
perta.*

que inventa sunt , omnia vsu assiduo detrita. Odio alienissimus iis , quorum consuetudinem moleste ferebat ; id vero aperte significabat , & procerum quilibet , quis erga se Regis esset animus , compertum habebat. Identidemque illud vsurpabat , simultates timidi spiritus esse ac demissi. Perraro excanduit , & iracundiam , si quibus rumperet verbis , pœnitudine temperabat , adeo , vt Iacobus Ortizius Antistes , qui a confessionibus illi erat , Ioannem , si peccator esset , æque peccatorum pœnitere dicitaret.

*Quo in  
quique  
esset animus  
statim aper-  
iebat.*

*Iracun-  
diam quam  
fraxaverit.*

SED , quia pientissimi Regis exempla delibare institui , gradum ad alia faciam , & quæ præstantissima sunt , qua potero , breuitate perstringam. Rodericus Souza vir erat æque generosus ac longævus , magnoque pro meritis apud Regem in numero. Is Eboræ , cum jure decidendum , nescio quid , a Ioanne precaretur , eo abnuente , prælicenter iram evomuit ; quod Rex iniquissimo animo tulit , & Rodericum mox abscedere subirato ac minaciaci vultu iussit. Vix terga dederat , ecce tibi ad se rediens Ioannes cum aliquot ex aulicis , qui aderant , ad Rodericum se confert , & benevole postulato ad meridiandum lectu-

*Equitem  
cui iratus  
fuerat  
quam comi-  
ter eadem  
die tracta-  
verit.*

lo ,

lo, conquiescit. Evocat deinde Ioannem Sotam Roderici filium, eoque præfente, ad patrem conversus: Quæ nuper, inquit, Roderice, coram me iactasti, male iccirco non potui non multare, quia vt Regem me, non vt privatum offenderant; e contra si forent, æquo te ac Ioannes, qui adest ( Roderici filium digito monstrabat ) animo tolerarem; tamen nihilominus ac Ioannis hujus loco effem apud te, precor, vt mihi ignoscas nuperam magnopere dolenti asperitatem. Ad extremum pomeridiano tempore, cum reliqui ad Regem proceres confluxissent, ipse propagam honoris ergo, inter Rodericum ac Ioannem ejus filium, medius in aulam rediit. Is erat Ioannes, hæc illius civilitas, quam præcipue in famulorum colloquiis ostendebat, cum de familia, rebusque familiaribus vnumquemque rogaret, ac patrem potius, quam Imperatorem agere videretur. Inde factum, vt Isabella Castellæ Regina suo rem hanc testimonio confirmaret. Hortabantur virilis animi feminam proceres, vt Lusitano bellum inferret, rogantique suorum, ac Ioannis militum numerum, cum sibi duodeviginti; Regi vero ad octo millia esse responderent;

*At*

*A suis vt  
a filiis pa-  
rens ama-  
batur.*



*At nos , inquit , milites ; Ioannes filios numerat.*

NEC ea re tamen Imperatorium fastigium demittebat , & cum summa esset apud omnes in reverentia , solo intuitu plures ipse in turba , quam fascibus ostiarii , vel prætores , via decedere compellebat. Neutiquam patiebatur , siquis eum privata etiam familiaritate conjunctissimus pro Regia dignitate non tractaret. Ad litteris de more subscribendis intentum Crati Prior , magna auctoritate vir , & Regi carissimus , aperto semel capite , utpote a tergo accesserat : quem cum Ioannes conspiciatus esset : Abscede , inquit , Prior , Regi aversum nihil est. Consiliarios libentissime cum audiret , ac de maioribus etiam negotiis consuleret , id vero summo opere cavebat , ne quis eorum Regem a se regi , aut in alienam sententiam distrahi putaret. Tolerabiliora esse dicebat privata Imperatoris peccata , vel gravissima , quam si alterius arbitrio Rempublicam contra popularium commoda , Imperatoriamque maiestatem gubernaret. Ioannis hunc stomachum Anglicæ Reginae frater , & Sclarum Dynasta sententiose admodum prædicabat. Reversus quippe  
in

*Omnium in  
Ioannem  
reverentia.*

*Ille omnibus,  
nemo illi imperabat.*

in patriam ex Hispania, & rogatus a Leviro, quid præstantissimum vidisset: Virum Lusitanum sibi ante omnia placuisse respondit, cui obtemperabant omnes, & nemo imperabat; pulcherrimo elogio id vno de Ioanne affirmans, quod Pyrrhi quondam legatus de Romana ciuitate vniversa. Nec defuere qui hanc illius in tuenda dignitate constantiam mustitabundi alieno vocabulo rivalitatem appellarent: perinde ac si, quibus præditus erat, magnitudo animi, prudentia, virtus, & recte factorum tranquilla conscientia, quamlibet diffidentiam, a qua longissime aberat, superare non possent.

*Dammum  
suo favore  
illatum,  
etiam ante-  
quam mo-  
ueretur,  
resarciuit.*

PERACTA semel confessione, rogare (qui mos ille erat) sacerdotem ita coepit: Hæc mihi, pater, meorum scelerum anquirenti occurrere; siquid præteritum est, quod ipse noris, per Deum obtestor, vt indices. Tum vero ille: Litteras, ait, concessisti Algarbiensi homini, quarum auctoritate factum est, vt quidam alius quingentorum aureorum lata sententia mulctaretur. Ad hoc Ioannes: Ita plane, inquit, factum; ego tamen id falsa relatione deceptus commisi: cæterum veritate postmodum comperta, ne litteras no-

vo diplomate revocarem , homini clam accersito damnum resarsi & imperavi , ne disseminaret. Hac nempe erat animi confidentia, & in omnes æquitate; cujus etiam vulgo servantissimus , nec immerito habebatur. Et enim juredicundo sine litigantium respectu id, quod æquissimum erat , non tetrice , aut pro summa potestate , sed incorrupte pronuntiabat.

NEC minor in clementia, quoties in capitalium causerum tribunali aderat , senatoribus identidem mandabat , vt reos summa cum parsimonia condemnarent : quippe quod vir quilibet difficulter , ac non nisi magnis sumptibus educaretur ; Insulas sibi esse multas, quas colere & habitare majus opæ prætium foret; ibi exulare posse. Vnde si qui capite plectendi eximiis viribus, aut quavis alia laude conspicerentur , incolumitate ac venia libentissime donabat. Eam humanitatem duos in fratres germanos ostendit , qui ad oppidum Portel proscripti grassabantur. Ad hos capiendos ligandosque missus prætor , & satellitum non exigua manus ; quibus impressione facta grassatores adeo strenue repugnaverunt , vt capi , nisi jam defessi , & graviter

vul-

*Capite damnatos malebat in exilium mitti, &c sui.*

vulnerati non potuerint , tandem in suspen-  
dium adacti sunt. Quod vbi Ioannes rescie-  
vit , indigne prætoris sententiam verbis aspe-  
re puniit , illud maxime incusans , quod ma-  
gis e Republica Deique obsequio videretur fu-  
turum, si tam strenui milites non in crucem,  
sed in Africæ præsidia mitterentur. Hoc ge-  
nus exempla multa edidit , quæ si ad vnum  
persequerem , longius quam par foret excur-  
rerem.

*Reum ab-  
solvit, qui  
iudicium  
corruptela  
dju in car-  
cere fuerat.*

ET vero , cum artes alat honos , ea tem-  
pestate Lusitani bellica virtute insignes esse ,  
viderique affectabant , utpote quos ad id de-  
coris tanta Regis benevolentia non mediocri-  
ter incitaret. Accipe non extrarium, aut vul-  
gare Christianæ pietatis argumentum. Aderat  
Eboræ in capitalium rerum senatu, cum ad-  
versus homicidam laquei sententia pronun-  
tiaretur : is audito iudicio , Regisque ad ge-  
nua provolutus ; Quartus decimus , inquit ,  
Domine , agitur annus , ex quo in carcerem  
conjectus sum : dum mihi , quibus iudices  
possem corrumpere , suppetebant, capitis dis-  
crimen evasi ; nunc vbi res familiaris tota  
largiendo exhausta est , ad necem non tam  
ipse , quam conjux liberique mei , quibus ad  
vitam

vitam alendam nihil superest, rapiuntur; hoc si maturius fieret, quamvis ego morerer, certe viverent illi. Tum vero Ioannes, audita supplicis querimonia, ingemuit ex intimo sensu, senatoresque respiciens: In vos, inquit, hæc pœna æquiori jure constitueretur: neque impune dimisso, & in palatii ædificia emancipato denarium per singulos dies in mercedem rependi jussit. En Ioannis integritatem, clementiamque; quarum altera, non minus in sequentibus elucet.

*Judices  
hinc discant.*

DOCTVS prætorem quemdam ita esse affectum, ut litigatores ægre ad causam, munera vero impudentissime admitteret, evocato ad se, cum alioqui vir esset Reipublicæ peropportunus, acriter tantum comminatus: Heus, inquit, prætor, in posterum cave; & manus ad munera præcludito, litigantibus ostium aperito. Sed hæc nimirum in res alienas Ioanni cum aliis fere communia non ignoro; illud fortassis peculiare, quod in propriis ac domesticis eandem retineret æquitatem. Adeo ut non raro liberaliter eos acceperit, qui contra ipsum pro jure sententiam tulerunt. Planum fiet vno, vel altero exemplo. In lite magni ponderis &

*Prætorem  
munerum  
amatorem,  
sed alias  
diligentem  
ut monue-  
rit.*

*Ioannes  
incorrupte  
sententiam  
contra se  
ferentes  
premiis  
afficiebat.*

momenti , quæ ad Regem pertinebat, nonnulli e senatoribus iudices fuere honorarii , qui & contrariæ parti rem intrepide adjudicarunt. Id ubi Ioannes accepit , non solum boni consuluit , sed eum etiam senatorem , qui prior ita fuerat arbitratus , vberi congiario affecit. Digna profecto res hæc ingenti admiratione ; sed propior miraculum est, quæ subsequitur. Etenim, ac si Regi morigerarentur , iidem senatores , cum litem præfecto Minæ ( Guineæ vrbs est , quam Sancti Georgii vocant , a mineralibus nomen mutuata) Regni seu Coronæ procurator intendisset , pro præfecto constantissime deciderunt. Nec satis. Vix erat sententia declarata , cum ex arbitrariis vnus impigre Ioannem adit , & in morem fausta nuntiantis Evangelia postulat , quæ ni retulit , certe adeo humaniter exceptus est , vt Regis aspectus ipse pro mercede supponi videretur. Cæterum , quia causa integrum annum duraverat, instrumentum accurate inspicere & exquiri iussit , an præterea actorum dispendia , vel quid aliud præfecto refarcire teneretur. Ita nempe Ioannes immoderatis etiam tum affectibus imperabat , cum integritate zeloque præ-



prætexebantur , quo multi nomine libidinos  
effusissimas dissimulant.

ATTINEBATVR in communi carcere Oly-  
sipponensi advena damnatus ad necem. Is  
mortuum ex composito mentitus , elatusque  
e feretro , nactus occasionem , avolavit. Nec  
mora , fugit & carceris præfectus , vt qui  
culpæ affinis esset ; eo tamen diligenter in-  
vestigato , ac deprehenso , Ioannes senatori-  
bus de re deliberaturis adfuit ; ad cuius arbi-  
trium cum paribus vtrique sententiis extre-  
mam iudices retulissent , ancipiti cogitatione  
paulisper defixus hæsit , moxque : Ego , in-  
quit , hunc hominem ob sceleris atrocitatem  
capitis damnare summopere cupiebam ; cæ-  
terum cum mortis ac vitæ paria suffragia  
sint , Regis non est ad inclementiam propen-  
dere. Quapropter vitam concedo , cum mor-  
tem vehementius exoptarem. Hæc ille. Qui  
& exercitum in alios iustitiam , & velut vnus  
e plebe servabat in primis ; & conditis a se le-  
gibus , perinde ac teneretur , obtemperabat.  
Id vero sæpe , multisque in rebus palam fe-  
cit. Edicto prohibuit sericas vestes & au-  
reas , quibus & in posterum abstinuit. Inter-  
dicto mularum equestri usu , mulam dein-

*Cum paria  
mortis , ac  
vitæ essent  
suffragia ,  
ad clemen-  
tiam par-  
tem incli-  
nabat.*

*Legibus a  
se latis ob-  
dicebat.*

*Ludi hostis  
aleatorium  
incendit.*

*Artifices &  
viduas in  
pretio ha-  
bebat.*

*Equites  
quanti fa-  
ceret.*

*Vera di-  
centes, etsi  
sibi inju-  
cunda,  
præferebat.*

ceps, valetudinarius alioqui, non inscen-  
dit. Talorum, & aleæ, cæterisque ludis a  
se vetitis deinde temperavit; quorum studio-  
sos, & vanè dejerantes crudeliter infectatus  
adeo est, vt Olyssipponense aleatorium Iacobi  
Pirii ad forum Palcarium in meridiana luce  
incendi iusserit cum publico infamiæ præ-  
conio. Quo facto jacentem civitatis discipli-  
nam non mediocriter erexit. Vitia vero vt  
persequebatur hostiliter, ita virtute, litteris,  
cæterisque bonis artibus eruditos, & præ-  
cellentes omne genus opifices in pretio habe-  
bat. Matronas præsertim viduas honorifice  
accepit, quibus & faciles, sed in templis,  
& omnium conspectu præbebat aures. Item  
equites, quorum opera in bello utebatur. Ho-  
rum laudes prope quotidiano sermone præ-  
dicabat, quod in Taurenfi prælio a suo nun-  
quam latere discessissent, haleculisque (vulgo  
fardinias appellamus) similes esse dicebat;  
multos, jucundi saporis, & paratu faciles.

SVPER omnes tamen iis plurimum favit,  
quos veraces esse compererat. Defuncto aulæ  
œconomo, cum multi e nobilioribus ad va-  
cuum locum, vtpote gravissimum, aspira-  
rent, vni detulit Ioanni Menesio, qui Prin-  
cipis

cip's domum ditionemque ante rexerat , & Tarquæ postea Comes , Cratensisque Prior fuit. Aulicis vero eam rem , vt male ordinatam , & a communi opinione alienam , quasi obijcientibus in colloquio , Ideo , inquit , Ioannem ad hoc muneris cooptavi , quia mihi vera potius , quam dictu speciosa semper inculcat. In ordinando Reipublicæ statu , deligendisque ad officia ministris, non solum prudentia prope divina præditus erat , & omnium mores ingeniaque penitissime dispiciebat ; sed etiam , vt ne quid in cooptando aberraret , privatos habebat codices duos , quorum in altero sua ipse manu subditorum merita & beneficia, quibus eosdem remunerari posset , exararat ; alter optimatum & equitum nomina ingenuasque doctes continebat ; singulos præterea munerum titulos , ad quæ vnumquemque idoneum iudicabat , ascripserat : aliis arcium præfecturas & legationes , aliis magistratus vel imperia designans. Vnde oriebatur , vt neque homines ad officia desideraret , neque in deligendo & constituendo temporis multum infumeret. Inde etiam multa nec petentibus aut opinantibus beneficia conferebat , aliis

*In altero  
codice suorum  
merita ;  
in alio e-  
beneficia scri-  
bebat.*

vero petentibus multa , ceu jam iis collata, quibus animo & codice præstituerat , dene- gabat.

*Absentibus  
& non pe-  
tentibus  
munia de-  
signabat.*

HANC vero animi sui providentiam non minus in absentes propagavit. Commoranti enim Hierosolymis Alvaro Castrio Regiarum facultatum œconomiam destinavit. Moderamen domus , quam vocant Supplicationis. Algarbiorum Episcopo decrevit , cum is eo tempore in vrbe non esset. Equitem, de suis mandatis negotia procurantem in Africa, delegit in Senatus Olyssipponensis scribam. Quo re confecta reverso , & Regem de more ad- eunte : Salvam , inquit Ioannes , familiam reperisti , nam & mihi curæ fuit id ipsum sæpenumero cognoscere. Ergo abi , & offi- cii litteras confice tibi a me ideo reservati , quia præter dignitatem quæstuosum est. Æ- gerrime ferebat , si quis e ministris aliquid ab eo per alios impetrare niteretur. Vnde Ferdinando Caprali ornatissimo viro demor- tuo , cum superstes filius Vascus Fernandus præstantissimi Dynastæ cujusdam auctoritate paterni census nonnihil a Rege flagitaret , ad præsens constantissime abnuvit, obvium de- inde factum in Palatio adolescentem, cum sa-

*Aliquid a  
se per de-  
precatores  
contendi  
agre fere-  
bat.*

tis agnosceret, dissimulanter, quo patre natus esset, interrogavit; mox audito patris nomine, quasi resipisceret: Cur ergo, inquit, petere a Rege nescis, cui deservire nosti? Pæne immensum laborem subiissem, si huiusmodi omnia proderem, quæ in excellentissimo Rege passim reperiiebantur; quapropter multa prudens sciensque prætereo; Ioannes enim eo in suos erat animo, ut non solum cuiusque merita æqua lance pensitaret, sed præstantes etiam viros favendo, laudandoque aliis redderet acceptos & amabiles.

FIDEM faciat Rodericus Sosa inter proceres non obscuri nominis. Regem hic Olyssipone gravissima necessitate oppressus adiit, cui sublevandæ quinque sexve aureorum millia sibi opus esse dum affirmaret, a Ioanne præcatus est, ut se in platea nova honorifice aliquo modo tractaret, quo ab intuitibus mercatoribus faciliori negotio mutaretur. Annuit postulatis Ioannes, & mox inscens equis, per eandem cum Roderico plateam familiarissime vnum vel alterum spatium fecit, subinde, Satin hoc, inquit Roderice? Ad id Sosa: Satis; Regemque veneratus est, & gratias egit: nec frustra;

*Equitem  
honoravit,  
ut is habere  
posset a  
quo mutua-  
retur.*



postero enim die optate cecidit , vt Roderico , quam ipse desiderabat , pecuniæ summa offerretur.

*Risum ad-  
fuerunt  
in Melii  
laudem  
conuerit.*

NEC tamen fortunas, decus etiam , dignitatemque civium exhibito favore reparabat. Semel inter epulas , cum ei a poculis esset Petrus Mellius eximie fortitudinis eques , vrceus tremebundi pocillatoris e manu forte cecidit: adrident aulici; sed vultus insita majestate Ioannes: Quorsum risus iste? inquit. Mellio , si vrceus nunc , at nunquam telum excidit e manibus; quæ non nisi potum porrigendo tremuerunt. Eo dicto conuersum in melius est ciren ; ad eum propè modum , quo Cæsar exscendens e navi , casuque prolapsus in terram : Teneo te , inquit , Africa.

*Strenuis  
tantum se  
daturum  
beneficia  
significabat*

BELLICÆ virtutis amorem & in equestri ordine magni aestimabat , & cæterorum omnium pectoribus inferere cupiebat. De negotio agens cum Martino Albicastro, Regiarum facultatum præfecto , in aulam exteriolem omnium ordinum corona frequentissima plenam devenit , ibique sermone repente mutato , & voce consulto intenta , quasi deliberans aliquem alium repulsa notaret : Nullum , inquit , in hoc hominis be-



neficiū collocabo , quippe qui hastam manu , vel gladium tractare prorsus ignoret : id quod ideo iactavit , quia circumstantibus documenta dare , & strenuus audire cupiebat. An vero esset , satis illa Caroli Galliarum Regis præstantissimi sententia declaravit , qui cum fere omnes totius Christiani Orbis Principes in se conjuratos audiisset : Nihil curo , inquit ; ego enim , sociusque Ioannes Lusitanorum Rex huic profligando bello , quin & orbi terrarum debellando pares sumus.

*Caroli  
Galliarum  
Regis de  
Ioanne iudicium.*

CÆTERVM Ioannes pietatis ad omnes titulos munificentissimus , orbas puellas in matrimonium collocabat , vindicabat ex servitute captivos , viduarum egestati opitubatur , & in hæc aut alia pie misericorditerque facta grandem pecuniæ summam erogabat. Eboræ rei divinæ interfuturus cum Virginis ad Spinetum adiret , flagrantissimo in æstu in Cœnobium insigne illud , iussu abiire comitatu , se recepit ; postea vero cum egressus quatuor equites pro foribus offenderet , ii que Regem pone sequuti ventilato ad incessum pulvere conspergerent : Quare cum cæteris , inquit , non discessistis ad prandium,

*In egestes  
quam largus.*

*Nota  
Equitum  
urbunitatem , &  
Regis comitatem.*

vt mandavi ? Næ mihi nunc sparso pulvere molesti non essetis. Tum ex iis vnus : Quibus , ait , Domine , prandium domi erat , eo se proripuerunt ; nos mansimus , vtpote quibus deest. At ille : Recte , inquit , ego dabo. Eodemque die hominem perpetuo Commendæ censu locupletavit.

*Procuratori Flandrico gratum habuit quod pecuniam mutuatam suo nomine dederit.*

EIVS in Flandria procurator Maximiliano Romanorum Regi triginta aureorum millia in auxilium summæ necessitatis erogarat. Is postmodo , cum facti poeniteret , celeriter emissio nuntio , non tam Ioannem de antea acta re certiore reddidit , quam veniam deprecatus est , quod eo inconsulto fecisset. At Ioannes genuina benignitate non solum procuratorem non increpuit , sed collaudato etiam gratificatus mille aureos liberalissime donavit , illud subinde monens , vt , si opus esset , totam pecuniam similes expenderet in occasiones. Exteris in Regnis provinciisque varie multos habuit , qui ab eo munifice accepti salutaribus Reipublicæ monitis beneficia referebant. Multa prætermitto , quæ , in Mauritaniam feliciter ausus , pene omnia suorum ducum & militum admirabili virtute perfecit ; is enim fuit Ioan-

*In exteros ejus benignitas affluebat.*

nes , qui adventitiis laudibus non indigeat , & quem ob incomparabilem rerum splendorem sui colere atque amare plurimum deberent. Sed invidia vltimus semper hostis fuit , & superatu difficillimus ; vnde magnatum odio laboravit inprimis.

NAM , cum inter initia Principatus , Comitibus institutis , multorum impudentem licentiam reprimere conaretur , potentiorum animos exagitavit in statuenda privatæ ac liberioris custodiæ disciplina , quæ hodieque retinetur ; ad id vero temporis incerta erat , incertisque definita liminibus. Pati præterea Dynastæ non poterant , vt Regis Prætores de suis Auditoribus quærerent , & cognoscerent , cum id populus ad eorum insolentiam comprimendam , tollendosque errores constantissime postularet. Inde ergo factum non semel , vt Brigantinus Dux , & alii tamquam deliberabundi clanculum ea de re colloquerentur , ægre ferente Ioanne , qui , deprehensis alias manifestæ perfidiæ vestigiis , ratus id satis ad res componendas fore , Ducem officii sui commonere constituit. Igitur Missæ peracto sacrificio , & argumento a loci , ac temporis Religione , arctissimaque inter se

neces-

*Brigantinus & alii  
proceres  
conspira-*

*Occulte  
Briganti-  
num offi-  
cii sui com-  
monefacit.*

necessitudine desumpto, remotis arbitris cum eo benevole exposulavit. Cæterum paucis post diebus, cum autographas ejusdem litteras accepisset, in quibus clandestina de rebus ad Majestatem pertinentibus consilia cum Castellanis conferebantur, omnia publica fide, atque auctoritate comprobavit. Domo deinde sua in custodiam data, homines utriusque juris consultissimos Eboram toto e Regno convocavit; ex quibus cum patronos deligendi potestatem Duci fecisset, reliquos de re pro Regni legibus imperiisque decidenda iudices constituit. Id vero non clanculum, sed palam, cum maxime Rex ipse, Duxque singulis judiciis interessent. Et quamvis non pauci & potentissimi Dynastæ intercederent, ad eorumque preces Ioannes inclinaret animum, statuit nihilominus, ut sententia proferretur. Quæ cum esset capitalis; non sine magno funeris apparatu, & Christianæ pietatis argumentis in foro maximo rite cæsus est. Etenim priusquam securi percuteretur, invicta animi sublimitate, quin crimen fateretur, aut inficias iret, non ante exoritam a Rege veniam, jugulum ferro patefecit. Extincto Duce, mox illius opes confiscatæ,

*Brigantinus post auditam causam eapite mulatur.*

& privatæ ditionis oppida in Regiam potestatem sine vi aut armis redacta sunt.

EA cæde velut deterriti multæ Briganti-  
næ familiæ procures ac necessarii in Castel-  
lam transfugerunt. In quibus Montis Ma-  
joris Marchio, extincti Ducis frater, cujus in  
Ioanne sugillando libertas, & linguæ intem-  
perantia cum huic, tum aliis hoc genus  
viam fecit ærumnis, quarum ingenti dolore  
confectus, miserabiliter animam exhalavit.  
Certo enim audierat se ( simulacro ad vi-  
vum effigie, sanguinis etiam imitato proflu-  
vio ) creptis per summum dedecus & igno-  
miniam Comitis stabilis, ac Marchionis in-  
signibus, propalam Abrantii non sine perfidi-  
osi elogio fuisse decollatum. Paucis deinde  
post annis occulta contra Regem conjuratio  
detecta est, cujus auctor & caput Iacobus  
Visensis Dux, Ducis eneati levir ac Regina  
frater, extitit. Hunc Ioannes post compertam  
liquido & rite contestatam rei veritatem,  
suo ipse pugione Cetobricæ confodit; Em-  
manuelique ejusdem germano omnia illius  
bona, quæ ad fiscum pertinebant, liberalissi-  
me donavit. Quem testamento etiam Regni  
hæredem reliquit, omisso Georgio filio su-  
per-

*Briganti-  
ni frater  
in Castel-  
la emori-  
tur.*

*Iacobus  
Dux Vi-  
sensis Re-  
ginae fra-  
ter a Re-  
ge ob con-  
juracionem  
conficitur.*



*Georgius  
notus  
Joannis  
preles  
Ducum  
Averien-  
sium pa-  
rens.*

*Joannis de  
Emma-  
nuele Ia-  
cobi fra-  
tre judi-  
cium.*

*Alphonfi  
Principis  
mors in-  
fausta.*

perstite præter matrimonium suscepto ex Anna Mendoza, primariæ nobilitatis femina. Hic est Georgius ille Dux Conimbriensis, Turrium novarum Marchio, Averii, & antiqui Montis majoris Dynasta, Avilianæ, Sanctique Iacobi militiæ Magister, quo sui generis auctore Averiensium Ducum præstantissima familia gloriatur. Ioannes vero in cooptando ad Imperium Emmanuele luculentissimum tam prudentiæ, quam Christianæ pietatis documentum perhibuit. Quæ jam tum prædivinare liceret, cum Alphonso Principe extincto (cujus in adornandis ex more cum Isabella nuptiis multa edidit adeo splendide ac magnifice, ut fabulosa etiam totius antiquitatis exempla superarit) charissimum filium præmature raptum deflevit, amissum Regni successorem non doluit; quod is, ut aiebat, delicatus admodum, ideoque ad moderandas Imperii Lusitani habenas parum idoneus videretur. Qui tamen has illius ævi calamitates prudenter æstimaverit, divinitus accidisse non ambiget, quo tanti Regis ingenium, & augusta Christianæ virtutis indoles posteris, velut inter turbulentissimas tempestates fulgentissimum sidus, illucesceret.



MVLTA præterea Ioannes memoratu digna gessit ; quippe in Congi Regno suis primum armis tentato templa condidit , in quibus salutari aqua Rex ipse liberique , præter aliam ethnicorum turbam , lustrati sunt. Minæ in oppido, quo de supra dixi, arcem Sancti Georgii exædificavit, vnde non parva nobilissimi auri vis in Lusitaniam quotannis importabatur. Instructissimis navibus inclitum Bonæ spei promontorium, conquisitionis Indicæ januam, patefecit. Orientalem deinde plagam cum Æthiopiam vsque tertstri quoque, ac periculoso itinere explorassæt, ingenti apparata classe, Stephanoque Gama, & Vasco ejus filio, ducibus in expeditionem designatis, Indiam cogitabat. Sed fati interuentu rem suam in tempus dilatam subsequutus Rex Emmanuel, quo cœpta erat ordine, vno desiderato Stephano, optatos ad exitus provexit. Addidit Ioannes ad veteres Regum titulos Guineæ dominationem. Regium stemma in eam, qua nunc est, formam redegit, Avisiana Cruce adempta, nummis ad singula scuta appictis quinque, septemque rubricato in margine castellis, cum antea incerto numero notaretur ad cuiusque arbitrium, &

*Congi  
Rex ad fidem  
conversus*

*Indicæ  
navigationis  
sub  
eo initia*

nummis tricenis unumquodque cælaretur scutum.

*Lusitano-  
rum in A-  
frica ge-  
sta.*

IN Africam & ipse proficisci volutabat animo, sed rerum perturbationibus impeditus, eodem quinque circiter classes feliciter expeditit. Eæ Maurorum ingenti edita strage aliquot oppida manuceperunt. Urbem Tingim, & alias Mauris ex adverso finitimas, sepsit munimentis. Azamorum recepit in fidem, alosarum decem mille imperato in singulos annos stipendio, dumque vixit exacto. In Divi Thomæ Insula, colonia deducta, Iudæorum filios collocavit in servitutem redactos, quod ad præfixum tempus non emigraverant; ea quippe conditione ipsorum parentes in Lusitaniam ex Castella conveniant. Olyssipponense nosocomium ad omnes Sanctos, magnificum illud Christianæ pietatis opus, anno MCCCXCII, Idibus Maiis, nummis aureis liberaliter in primum fundamenti lapidem sparsis, inchoavit. In Ebo- rensi agro multorum fontium scaturigines coemit, ut aquæductum ab illius morte conditum extrueret. Multa præterea toto Regno summæ pietatis & magnificentiæ, nec non sempiternæ memoriæ reliquit monumenta.

*Olyssippo-  
rense nos-  
comium &  
Ebo-  
re aque du-  
ctus.*

FVIT Ioannes statura mediocri ; paulo  
 procerior , concinni corporis æqua propor-  
 tione ; magnæ gravitatis , & Regem illico  
 profitentis ; ore oblongo ; coloris vtriusque  
 temperamento ; oculis & barba venuste ni-  
 gris ; capillo deducto & rutilo ; canescere  
 tricesimo cœpit anno. Ad extremum non si-  
 ne veneni suspicione valetudinarius , Albo-  
 riumque delatus ad balnea , morbo ingrave-  
 scente domesticos rogavit , vt sibi vera &  
 certa de suæ vitæ statu renuntiarent. Et quo-  
 niam testamentum ante condiderat , impen-  
 dentis fati cœtus , peracta confessione , &  
 Christi corpore accepto , sacra etiam delibu-  
 tus Vnctione , magnam interea vim lacryma-  
 rum effudit. Mox veniam ab vxore , focu ,  
 Georgio a Costa Cardinali , Ecclesiastico , &  
 Equestri ordine , ac populo , infimis precibus ,  
 nec sine aliquot errorum conscientia petiit.  
 Multos deinde officiorum , remissionis , per-  
 petuique alimenti , aut aliis beneficiis , diplo-  
 mata sua ipse manu subscribens , pro meritis  
 cumulavit. Aderat moribundo Ioannes Ca-  
 melus , qui Algarbientis Episcopus dignita-  
 ti exemplo non faciebat satis. Hunc ergo  
 Rex intuitus : Præsul tuis ego perperam fa-  
 ctis ,

*Ioannis  
statura.*

*Sacramen-  
tis omni-  
bus ante  
mortem  
munitur.*

*Episco-  
pum ar-  
guit.*

Etis, inquit, graviter obstrictus & oneratus excedo, in posterum propter me, te quæso, vitam rectius institue, atque ita futurum data mihi dextera fideque pollicere; datam deinde accepit.

*Iuvenilem  
intemperantiam  
delet.*

NEQUE illud silentio prætereundum fuit, quod eodem temporis contigit articulo. Nam litteras subscripturus perennis Annæ Mendozæ, de qua supra memini, census, lacrymis vbertim manantibus, & calamo per neglectum remisso suspirans: Ah quam nocens, inquit, animal fui, cum non didicerim. Ultimo jam in spiritu gustus amaritudinem querenti, Conimbricensis Episcopus suggessit, ut CHRISTI in Cruce sitientis fel & acetum recoleret: tum Ioannes: Quantas, inquit, Antistes, possum, tibi gratias habeo, id mihi, totam Christi Domini Passionem repenti, exciderat e memoria. Episcopis deinde Psalmorum preces fundentibus, ipse verba præeuntum subsequebatur, donec evanescente anima, octavo Kalend. Novemb. anno MCCCCXCV, ætatis quadragesimo, mensibus sex, Principatus quarto decimo, ac duobus mensibus, Alborii in Algarbiensi Regno, sæpissime invocatis IESV & Mariæ nominibus

*Ioannis  
obitus.*

nibus, in illis tandem verbis *Agnus Dei, qui tollis peccata Mundi, miserere mei* feliciter expiravit.

TANTI Principis in occasu supra fidem tota Lusitania miserabiliter indoluit; quippe quem singulari benevolentia prosequeretur, & suas delicias amoremque, velut orbis totius Titum Roma quondam, potiori jure posset appellare. Nec immerito; Ioannes enim, cum suam erga cives charitatem multis contestatam beneficentiæ monumentis reliquisset, eam tunc omnino comprobavit, cum (addito lemmate, PRO LEGE & GREGE) pulcherrimum illud Pelicani symbolum pectora laniantis, & sanguinem in pullorum propinantis alimenta, certissimum pientissimi animi legit argumentum. Communem ergo cladem publico testata luctu Regni caput Olyssippo, sequentibus mox aliis civitatibus, Senatus consulto vetuit, ne quis ad semestrem usque spatium tonfor operam locaret. Sed Lusitaniæ finibus contineri dolor immensus haud poterat: pervasit Orbem, & remotissimas etiam Nationes, quo Ioannis gloriosum nomen & fama penetraverat, affecit. Sed ne fastidio sim, una instar omnium testis esto

*Ioannis  
symbolum,  
Pelicanus  
cum inscrip-  
tione Pro  
Lege & pro  
Grege.*

*Dolor  
omnium in  
Ioannis  
obitu.*

Isabella Regina , quam cum noster quoque dolor pupugisset : Obiit , inquit , Homo ; Ioannem eo nomine per antonomasiam significans. Georgius item Cardinalis , de quo supra , vir omni laude cumulatissimus , qui , cum patris ipsius beneficio ad amplissima quæque pervenisset , in Ioannem tamen inimico erat animo , extinctum audiens , coram præstantissimis Dynastis , Optimum Regem optimi hominis filium appellavit.

*Ioannis cadaver adhuc exesum non fuit.*

QUARTO post obitum anno a Sylvensi templo maximo Batalliam ( oppidum est a commisso ibi prælio nomen habens ) ad antiqua Lusitanorum Regum mausolea pompaticè transferendus , integro adhuc corpore , barba , & capillamento inventus est in conditorio , nec sine jucundissimi odoris fragrantia incorruptus , cum tamen eodem temporis spatio tabulæ , tapetum , & linteum ex nimio vivæ calcis injectu semesa conspicerentur. Divinitus id miraculi ad nostram usque perseveravit ætatem , cum Sebastianus Rex , iussu aperiri mausoleo , incorruptam Ioannis dexteram deosculatus est. Et sane ad illius virtutes , & sanctimoniam pro meritis æstimandam , fatis esse crediderim multorum

*Sanitas Ioannis tantu multis impertitur.*



graviter laborantium testimonia , qui ad contactum feretri , quo deportatus est ( tota quippe Lusitania ejus ramenta sacras in reliquias abierant ) pristinam valetudinem cælesti beneficio recuperarunt.

---

## IN REGEM IOANNEM SECUNDVM.

*O Amor Europæ , Libyæ tremor , optime Princeps ,*

*Qui rate Neptuni terga subacta premis.  
Spes alis ingentes ingenti in pectore , nec te  
Terra capit , summo par tua cura polo.  
Viseris immani Regni sub mole , sed orbis  
Mens superi miris transvolat astra modis.  
Regem animo , Regem ingenio , Regem ordine  
monstras ,*

*Quo tua Regna regis , Marte aliena domas.  
In te , Rex , Mundo Regis monstratur imago ,  
Qui placide pacem , fortiter arma regit.  
Discet Alexander de te dare munera ; Nestor  
Consultere ; Æacides prælia ; sacra Numa;  
Regnare Æneas Phrygius ; dare jura Lycurgus ;  
Vincere barbariem Scipio ; dura Cato ;  
Proferre Imperium Cæsar ; patriamque tueri  
Pompeius ; Decius fortia ; justa Solon.*

*In te omnes , Princeps , dotes Natura coegit ;  
 Quæ Regem eximium nobilitare solent.  
 Invideas nulli gens Lysia Rege sub isto ;  
 Est Rex , quem invideant omnia Regna , tibi-  
 Ad eundem.*

*S*piritus hic ingens totoque capacior orbe ,  
 Qui Mundum curis transvolat , astra petit.  
 Territat Europam ; Libyam sibi vendicat armis ;  
 Semper ad Eoas promptus anhelat opes.  
 Non ut possideat , sed donet largius aurum ,  
 Quæ patet ætherei solii uterque polus.  
 Ignea magnanimum pectus notat ægide virtus ,  
 Plus face fulminea Regia dextra potest.  
 Quæret amicitiam , qui se defendere tentat ,  
 A quo securus solus amicus erit.  
 Quæ Regna ingrederis bello , vel classe , repente  
 Occupat Imperio nobiliore fides.  
 Quam tibi plus fidei dilatas Regna , recedit  
 Impietas , intrant Numina vera Dei.  
 Optat relligio totum tibi subdere Mundum ,  
 Ut quæ subdiderit Rex tibi Regna regat.  
 Quam libertatem liber sibi perdidit hostis ,  
 Liberior , Princeps , te duce captus habet.  
 Vince invicte heros Regna omnia ; nec mora ,  
 vinctus  
 Victis tibi victor corpora , corda Deo.  
 Ad

Ad eundem.

**T***V* patrem armatum teneris complecteris ul-  
nis ,

*Oscula per galeam qui tibi summa dabat.*

*Ardentes clypeos , & rubræ cornua cristæ ,*

*Et spolia ampla ducum tangere lusus erat.*

*Spicula tractabas , patriosque interritus enses ;*

*Nec nitor armorum territat , atque minæ.*

*Sanguine tinctus adhuc Martis post bella cru-  
enti ,*

*Te pater in clypei sustulit orbe sui.*

*Is tibi dicebat sat læto pectore ; talis ,*

*Qualis ego victo victor ab hostes , redi.*

*Dieta patris fiunt ; æquas , superasque paren-  
tem.*

*De tumulo dum te crescere sentit , ait ;*

*Optima sors nostra est ; rapuit mors , cuncta  
triumphis*

*Solum habet e tumulo crescere posse tuis.*

Ad eundem , de Pelicani symbolo.

**I***ngenium Rex Magne tuum Pelicanus aperto*

*Pectore , & effuso sanguine ubique refert.*

*Pro grege fundendum titulus monet : Addit  
eundem*

*Pro lege , & sacro Numine jure dari.*

*Quod*

*Quod facis exemplo , volucris sub imagine mon-*  
*stras ,*  
*Propositalumque animi monstrat imago tui ;*  
*Sanguinis impensis Princeps qui Regna tuetur ,*  
*Fidam emit impensa nobiliore fidem.*  
*Quique cruor sacra pro lege effunditur , aras*  
*Erigit , & certa tendit in astra via.*  
*Ista tui volucris , volucris tu mitis imago ;*  
*Instruitis Reges ipse , vel illa pios.*  
*Grande magisterium volucris , plus nobile vitæ ,*  
*Quæ quod monstrat avis , plus generosa facit.*

Ad insigne Pelicani.

*A**Egypti fuerat quondam quæ fabula campis ,*  
*In Lusitanis pectora scindit avis.*  
*Scindit , ut impastos distendat sanguine pullos ,*  
*Altæ vel exesi cordis in antra vocet.*  
*Non ibi pectus avis , neque Rex hic findere*  
*parcit ,*  
*Vt parcat pullis illa , vel iste suis.*  
*Non tibi nobilitas deerit , non Lysia robur ,*  
*Quam cruor & Regis nobile pectus alit.*  
*Cæsa minutatim cum sanguine corda feruntur ;*  
*En tibi quæ Regis fercula condit amor.*  
*In pastum præbet sua corda , & pectora : pectus*  
*In te ut sit præter , firmaque corda nihil.*

Nec

*Nec te pœniteat Regum Rex maxime , fusus*

*Quod secum evolvat corda soluta cruor.*

*Plebs licet æquales nequeat tibi reddere ; grato*

*Saltem aliquas certat corde referre vices.*

*Pro grege Rex fundes cum pectora , corda ,  
cruorem :*

*A grege redduntur pectora , corda , cruor.*







WILLIAM OF SHIRAZ  
BY THE ORDER OF THE  
MAGISTRATE OF THE CITY OF SHIRAZ



IOANNA PORTVGALLIÆ PRINCEPS  
VIXIT A. XXXVIII. OBIIIT A. MCCCCXC.



# I O A N N A

## LVSITANIÆ PRINCEPS.

---

### ANACEPHALÆOSIS XVII.

**E**X TRIBVS, quas præter Regum anacephalæoses, veluti perjucundum auctuarium, daturos ad initium promissimus, loco postrema virtutibus nulli secunda est Dominae Ioannæ sanctissimæ Principis. Hæc Ioanni Regum hujus nominis secundo, illius fratri, adjungenda fuit jure optimo, tum ob perpetuam inter illos amicitiam vere germanam, quæ vtriusque animos arctissime conglutinatos vnum fecit; tum ob indiscretam morum ac virtutum similitudinem, quasi vtrum videres, eadem opera ambos grato errore videres. Qua de causa mirabiles hujus Serenissimæ Principis, & sanctissimæ Heroïnæ virtutes dignissimæ profecto sunt, vt lucem videant, omnesque suo exemplo ad imitandum provocet, blandeque invitet.

*Anacephalæoses institutum exponitur.*

*Ioannæ or-  
tus, eximia  
pulchritu-  
do & nu-  
ptiarum re-  
pulsu pri-  
mu,*

ALPHONSUS eo nomine Quintus diu cum Elifabetha conjuge, omnibus & corporis & animi dotibus egregie ornata femina, sine prole vixit, quare Regina assiduis precibus a Numine filios efflagitabat, qui in avitum Regnum & regiam pietatem succederent; annuente precibus Deo, brevi victurum infantem, qui Ioannes dictus est, atque, hoc amisso, filiam susceperunt Ioannam, quæ Olyssippone lucem hausit pridie nonas Februarii anni MCCCCCLII. Vbi sacri fontis lavacro tincta fuit, Regni Princeps ab omnibus solemni ritu dicta, triennio tantum matris educatione potita est, quam totius Regni mœnore immatura mors cœlo rapuit, felicem gemina prole superstitē, cui utrique a Ioanne similiter Evangelista nomen indi maluit, ob singularem in Christi Domini dilectum pietatem. Defuncta Elifabetha nihil Alphonsus immutari in Reginae domo passus est, sed omnia in Ioannæ Principis, quamvis tantula adhuc esset, obsequium vertit, illam Beatrici Menesiae pari nobilitate & virtute feminæ erudiendam tradens. Crevit igitur Ioanna non corporis minus, quam animi pulchritudine, adeo ut miraculi instar esset,

& ani-

& animus in facie quasi in speculo relucesceret. Multi illam Christiani Orbis Principes, fama commoti, nunc, multi conjugem optabant, & quo tanta pulchritudine aliquali ratione frui possent, eximios pictores, qui ad vivum exprimerent, in Lusitaniam certatim mittebant, qui omnes, sacramento interposito, affirmabant, nulla artis industria Ioannæ venustatem & hilaritatem posse adæquari: feruntque Ludovicum XI, Galliæ Regem, ubi iconem vidit, in genua provolutum Numini egisse grates, quod tam famosam in terris divinæ pulchritudinis imaginem sibi licuerit contueri. Eam igitur Delphino conjugem, missis in Lusitaniam legatis, ab Alphonso petiit: legatione hic lætus, quam in Regni utilitatem mire facere animadvertibat, Ioannæ rem aperit, & consensum expetit. Hæsit anceps ubi de nuptiis agi tam serio vidit, quæ alias sibi animo desponderat; sed qua erat prudentia, ætatis teneritudinem causata, & rerum incertitiam, quæ patria domo absenti multum allatura esset nocumenti; nondum virilem Delphini ætatem, qui vix quintum supra decimum inierat annum; fratris præterea va-  
letu-



letudinem , cuius immaturum interitum affidui pene morbi minitabantur : propterea-  
que a Regni ipsius vtilitate minime esse eam,  
ad quam Regni hæreditas deferenda foret ,  
externo Principi tradere. Multa præterea  
adeo scite & prudenter in rem suam propo-  
suit , vt admiratus Alphonsus rem in aliud  
tempus differendam esse decreverit.

*Mirus in  
pueritia  
virtutis  
progressus.*

INTERIM Ioanna omni pietatis ac vir-  
tutum exercitatione in dies crescere ; quoti-  
dianis Curix oblectationibus suffragari sese ;  
tempus majori cum voluptate orationi, quam  
confabulationibus impendere ; horarias pre-  
ces quasi pensum quotidie decurrere ; & , quo  
majori animi voluptate Psalmorum hymnos  
recitaret , quæ obscuriora sunt sibi Lusitano  
idiomate aperienda curavit , ne in Dei laudi-  
bus decantandis inscia esset. Christi Domini  
vitam & Sanctorum vitam assidue pervolve-  
bat , de iisque cum aulicis puellis crebro  
sermonem texebat , delectabaturque præci-  
pue in earum sanctarum facinoribus legen-  
dis , quæ illibatum virginitatis florem mar-  
tyrii sanguine illustratum cruentarunt. Sa-  
cro intererat ea compositione , vt religiosæ  
vitæ feminis decennis Princeps exemplari



merito posset esse. Quotidie se in privatum  
facellum recipiebat , vt solitas orationum  
preces obiret, nullique vnquam , quandiu ibi  
fuit, licuit eam alloqui ; ita enim se Numini  
otiosam tradebat , vt secularibus totam sub-  
traheret negotiis. Illis diebus , quibus anni-  
versaria celebritate Servatoris Christi oppro-  
bria & mors recurrunt, miro se silentio mul-  
tabat , vix circa ea , quæ maxime opus es-  
sent , verbum proferens , atque hoc etiam  
abstinebat sacratori triduo , quo interdum  
noctuque a templo decedebat nunquam ; ci-  
bum vix gustabat ; somno nullatenus tene-  
rum corpusculum recreabat ; orationibus in-  
tenta , lacrymis vbertim manantibus, inter-  
na solatia procurabat , quibus minime avarus  
Deus satis labores & æumnas compen-  
sabat. Vt Christi Domini imitaretur exem-  
plum , maioris hebdomadæ Iovis die duo-  
decim mulieres externas , inopes , mendi-  
cas , sordidas , pannosas , squalidas , defor-  
mes , & quæ nauseam possent excitare ,  
summa industria sibi comparari jubebat : ha-  
rum sordidos pedes , priusquam alibi ( vt  
Reginarum deliciæ etiam in asperis facere  
consuevere ) abluerentur , deposito Regio or-  
natu ,

ornatu , ancillari cultu , ne eam inopes agnoscerent , paucis arbitris , ne in summif-  
sionis exercitio populares auras captare videretur , infusa in pelvim aqua , flexis poplitibus blande sordibus purgabat , mundabat ,  
tergebat , ficcabat , & osculabatur ; novis  
postea vestibus ornatas , & aliqua donatas pecunia dimittebat , inscias quidem a quam  
sibi tantum beneficii , Christo tantum obsequii fuerit impensum. Inde se iterum in templum recipiebat , neque, usquequo sacratissimo Paschæ mane Dominicæ Resurrectionis lætitia publica pompa celebraretur , pedem alio efferebat. Mira fuit in egenos pietate & liberalitate ; carceres , nosocomia , & cætera hujusmodi miserorum domicilia crebrius invisi jubebat ; ægrotis , egentibus , peregrinis , si quos inopia premi sciebat , liberaliter , erogata stipe , ferebat opem ; neque usquam , vel ad meridiem cibum sumptura accubuit , vel sub noctem in cubiculum se recepit , priusquam ab iis , quorum industriæ hæc commiserat , quid actum esset sedulo & curiose edisceret. Si qui e famulis , aut iis , qui in curia versabantur , odio inter se diffidebant , concordiæ ipsa auctor rescissas amicitias

citias omni iudustria redintegrabat , iis aspera , qui aut verbis , aut manu promptiores alios læserant , interdumque paci odia præhabentibus stipendia denegari iussit.

HÆC in alios Ioanna, sed in se ipsam qualis , quam sæva & hostili animo, ne juvenutis flore , deliciarum abundantia , regio fastu , vitii aliquid subreperet , vitiorum fomites fuit insequuta ? Mirum sane ; sed omnia virtutis vincit amor , omnia Christi Domini exemplum mortalia pectora cogit. Laneas sibi subuculas aspero e panno , quamvis non ita crasso , ne aliquis suspicioni locus esset , arctas vt corpori essent intimæ assui fecit : has vbi semel induebat , sive calore asperiores fierent , sive frigoris rigore acrius pungerent , neque diu , neque noctu deponebat , quousque scaturientium vermium multitudo , ne in exteriores vestes erumperent , illam deponere , & mundio rem aliam resumere cogeret ; addebat sæpius cilicinam vestem , quam arcte constrictam laneo indusio supponebat , vt dolorem dolori , macerationi jungeret macerationem. Quoties Alphonsus pater ( crebro id eveniebat ) in Principis domum sub noctem ibat , vt Regni curas aliquali oblecta-

*Maria in  
se ipsam  
deseruit.*

mento

mento deliniret , hilari facie , & lætabunda procedebat Ioanna ; sed quia modo cum patre , modo cum Ferdinando Principe Regis fratre saltare ex arte compellebatur , quod ipsa miro decore faciebat , quam in comenda facie curam aliæ ponerent , in se crucianda collocabat , & cilicio multiplici voluptuosam saltationem , quam tamen non nisi ex patris præcepto obivit vnquam , prædamnabat. Hæc in quindenni puella eo admirabiliora , quo tenerum corpusculum tanti doloris impatiens , quo ætas ludicris quam feriis accomoda magis , quo aulæ apparatus , & lascivia , ad delicias , & molliorem vitam , quam ad duram & asperam conducentia majori erant impedimento , quo hæc omnia summa industria , ne in patris Regis , aut Principis fratris , quorum vtrique carissima erat , & proculdubio omni sollicitudine piis conatibus obstarent , cognitionem devenirent , celanda essent. Aliud addidit mirandum non minus , sed fortasse rarius , quo satis indicavit quam ingeniosa in sui fuerit supplicia. Deliciarum fastidiosa postquam regali in lecto de more accumbebat , vt famulis & patri faceret fatis , decedentibus reliquis , e  
strato

strato infomne corpus corripiebat , atque in  
 facellum , quod prope cubiculum erat , quasi  
 in asyllum confugiens nocturnæ orationi  
 suspiriis & gemitibus abunde vacabat , qui-  
 bus statis diebus modo incruentam , modo  
 sanguineam flagellationem adjungebat , ibi-  
 que fatigata & somno oppressa aliquantu-  
 lum quiescens nocturnis mututinas preces  
 continuabat , donec multo jam die , tacito  
 gradu , ne quis persentisceret , in Regium  
 se lectulum recipiebat , vt famulas , quæ vi-  
 giliarum ignaræ erant, advocaret; itaque Re-  
 giam personam & fastus sustinere cogeba-  
 tur ; nuda humo inter suspiria dormitabat ,  
 & nullius sibi flagitii conscium lectum singu-  
 lis noctibus lacrymarum imbribus irrigabat.

PARVM hoc , sibi que adhuc justo indul-  
 gentior cum videretur , quæ crudeli in sua  
 commoda animo satis non erat , socios ad-  
 vocavit , & , communicato consilio , imma-  
 nius sibi bellum gerere statuit. Igitur in cu-  
 biculo inferiori suberis corticem sterni fecit,  
 & in eo rudem culcitram avium plumis in-  
 fertam , qualis indigentibus apud nostrates  
 vsui est , pro linteis & stragulis laneas vestes  
 crassas & asperas , iis similes , quibus in Hi-

*Ingeniose  
 sibi suppli-  
 cia excogi-  
 tat.*

bernia viliori plebi mos est temporis injurias repellere : pulvinar arietina lana adeo suffartum , vt ad ligni duritiem propius accederet. Huc igitur mobili scala , ( prius enim in cubiculi pavimento ferratis tabulis ostium recludi fecerat ) postquam in sua famulæ recesserant , in comitata descendebat , & quod humanæ imbecillitati quietis indulgere cogebatur , ita invita capiebat , vt vestium asperitate male acceptum regium corpusculum vigilias iterum & orationem mallet , quam laboriosam & semisomnem indulgentiam. Huc nemini vlla ex causa patebat descensus , præterquam ei feminæ , quæ Principi a secretis erat. Cui aliquando ex Ioannæ facultate , re exigente , nullo tamen conscio , eo introire permittebatur. Hæc postea supellex Ioannæ deliciosa , & inter mundi muliebris ornamenta cæteris charior , Averium lignea in arca transducta , & parthenonis antistiti , vt voluptuose Principem exciperet , commendato secreto tradita fuit. Ieiuniis ita vires atterebat , vt prisca eremi mores inter aulæ delicias æmularetur , & quamquam apponerentur semper epulæ ante ora paratæ regifico luxu adstantibus famulis , genium & sto-



ſtomachum defraudans , vel ex iis , quæ viliores & ſibi injucundiores erant , paululum deguſtabat , vel omnium faſtidioſa pane , & gelida contenta , irritata potius , quam ſedata fame , a menſa diſcedebat ; perpetuo tamen hilaris & jucunda variis ſamulos illudebat artificiis , ne apud Regem , quod admodum ſemper verita eſt , tantæ adverſus ſe ipſam ſævitiæ incuſaretur : quippe quem ſciebat , quod illi eſſet chariſſima , minime permiſſurum , vt ſuſceptum vitæ genus amplius proferret , obſtaturumque ſerio , ne poſtmodum in ſe ipſam tam aſtere animadverteret.

SUSCEPIT per id tempus Alphonſus Mauritaniz expeditionem , a qua , & rebus bello illo præclariſſime geſtis immortalẽ gloriam , & ſempiternum Africani nomen reportavit. Eo ſecum , quamquam valetudinarius eſſet , & deliciis quam bello aptior , Ioannem Principem quintum ſupra decimum incuntem annum detulit , vt , poſtquam memorabile aliquod facinus in armis ederet , equitis inſignia acciperet. Regni plena adminiſtratione Ioannæ commiſſa , quæ quamvis ætate ( nam octavum ſupra decimum age-

*Regno præſt, atque a patre in parthenium recedendi copiam impetrat*

bat annum) tanto oneri videretur impar, prudentia tamen, quod adolescentia detrahere posse videbatur, sufficebat abunde. Quod publicis Regni negotiis supererat tempus, orationi totum impendebat, patris incolumitatem, & felicem expeditionis eventum a Numine contendens, & partito labore, ne quamdiu publicis commodis vacabat, cessaretur a precibus, ita aulicis puellis horas dividit, ut modo hæ, modo illæ, aliæ alias excipientes, continuum precandi tenorem conservarent. Neque irrita vota; nam brevi Arzilla, & Tingis Mauritaniæ nobilissimæ vrbes vi captæ fuerunt: e qua victoria cum Alphonsus triumphabundus domum se reciperet, occurrit obviam Ioanna ad miraculum ornata & pulchra; postquam patris manum deosculata, & Principem fratrem amplexa est, Duces & Regni primates gratulabunda salutavit, ita coram omnibus patrem allocuta fertur: Filix intuitu, quam bellica gloria lætiores, ut victorias primum gratulata, a pietate fore diceret, si se, quam præ omnibus charissimam haberet, Numinis obsequio gratus manciparet, liberamque parthenium eligendi copiam faceret, quando nihil

hil sibi optabilius posset accidere, quam inter Christi ancillas abdicato regio fastu quod reliquum esset vitæ traducere: pluraque in suam rem adeo scite & prudenter congeffit, ut admiratus Alphonfus, manantibus vberim præ desiderio & dolore lacrymis, ne Numini videretur contraire, ut erat religiosus & in omnem pietatem propensus, precibus annuerit. Et quamquam Ioannes frater, qui id semper ægerrime tulit, & Regni primores non vultu modo, sed verbis Regi obstare conati fuerint, atque in Regni detrimentum hanc esse mutationem affirmaverint, & publice Regni jus, cujus illa Princeps dicta jurataque fuerat, saluum & integrum fore contestati sint; quæ majores animi procellas devicerat, minora hæc despiciens tonitrua de parthenone sedulo agere cœpit.

Non multos ante annos Averii, quod oppidum priscis Lavare, insignis Ducatus caput Oceano abluitur, & nobile est Regni emporium sub IESU nomine & tutela; sanctimonialium cœnobium extrui cœptum fuerat a primariis feminis, quæ delicias pertæscæ asperioris vitæ avidæ Cruci suffixi, Servatoris pauperiem, & summam rerum omnium des-

*Averium  
sibi de  
partheno-  
nis angu-  
stis certa  
migran-  
dum sta-  
tuit, in-  
terim Odi-  
vellas  
proficisci-  
tur.*

pici-

picientiam æmulatæ mira asperitate corpora mulctabant. Percrebuit brevi, vt assolet, tantæ rei fama, & nobiliores virgines toto Regno quasi ad delictum advocabat. Inter has, quæ Principi Ioannæ amicitia & sanguine admodum conjuncta fuerat, Eleonoram Menesiam, Viennensis Comitis filiam, quæ Brigantini Ducis nuptias cœlesti agno posthabuerat, matre, & fratribus duobus Comitibus, altero Eboræ antistite, pene invitis, Christi amor, & cœleste desiderium omnium summa admiratione attraxerant. Hæc Principem (id enim sibi imperatum fuerat) crebris epistolis erudiebat de iis omnibus, quæ sanctimoniales ex regularum præscripto obibant, quibus jejuniis corpuscula macerarent, quotis vigiliis Numini laudes decantarent, qua animi submissione, esto e prima nobilitate & summis in deliciis enutritæ, & domos verrere, & coquæ obtemperare, accumbentibus ministrare, atque ancillarum ministeria fungi solitæ essent; quam vili cultu, quam exiguo sumptu, quanta rerum omnium penuria pristina damnarent. Quæ, cum Principis votis mire responderent, eo se recipere statuit, vt libere ancillari; quæ omnium

um

um Princeps esset, omnibus posset. Sed ne Averii nomen patrem deterreret, interim in parthenonem, quem prope Olyssipponem Dionysius Rex condiderat, Odivellas vulgo dicunt, ex Regis licentia se contulit occulto; & paucis, sed iis nobilissimis, ut Principem decebat, stipata.

MIRO omnes dolore Principis absentia affecit; in lacrymas palatini omnes soluti, sed maxime nobilissimæ puellæ, quæ illi ministrabant; & perinde quasi in Reginæ luctu atram plerique vestem assumpsere, in iis Ioannes frater, qui dolori plus iusto indulgens, esto aliquot post annos lugubrem habitum deposuit, susceptum mœrorem animo nunquam exuit. Palatii januæ clausæ perpetuis tenebris mœrorem omnibus indicabant pariter & indicebant; populares, quasi charissimum quisque pignus amisisset, publicum pro privato dolorem ducebant; ita omnium animos, vultus hilaritate, virtutis opinione, & mira in pietatem propensione sibi Ioanna devinxerat. Odivellas, ubi de Principis discessu certior facta est, Philippa Elisabethæ Reginæ germana soror se contulit statim, quo etiam Rex & Princeps crebro ititabant,

*Deducente  
Rege &  
proceribus  
Averium  
migrat.*

vt Ioannam inviserent, & suavissimo fruerentur colloquio; interdumque propositis rei difficultatibus, maxime frater, eam a suscepto vitæ proposito retrahere conabantur, sed incassum semper cessere conatus; imo Curia viciniam exosa, vt alio abire liceret, patrem oravit, exoravitque, qui Divæ Claræ cœnobium ad Mondæ ripas juxta Conimbricam situm, & sanctissimæ Reginæ Elisabethæ exuviis, nobilissimis totius Regni virginibus inclitum, ædificiis amplum, mira illo tempore aeris temperie salubre, Principi aptissimum fore arbitratus, eo deducendam quam primum curavit. Ab Odivellas proficiscentem comitati Rex ipse, & Princeps, Philippa matertera, & Regni proceres Conimbricam vsque atrati omnes, quasi defunctam flerent & efferrent. Pridie ejus diei, quo Conimbricam erant perventuri, patrem secreto alloquuta summis precibus ab eo contendit, vt Averium in IESV parthenium sibi recedere liceret; obstupuit ille, sed ne filiam mœrore impleteret, concessit tandem, & quamquam Princeps frater præ omnibus repugnaret, Averii solitudinem, aeris intemperiem, domus angustias, & quod



a Curia frequentia admodum remotus esset locus prætendens ; vicit Ioanna , quæ non regios fastus , sed Bethlemici antri inopiam , deserti solitudinem , Crucis angustias , & Servatoris ærumnas jam dudum animo cogitabat. Averium igitur eisdem comitantibus devotum , ubi post aliquos dies , Rege & Principe ducentibus , cœnobium adiit pridie Augusti Nonas in Beati Dominici , cujus vivendi rationem IESU sanctimoniales cum habitu acceperant , pervigilio. Ibi Alphonsus in lacrymas profusus , quantum charissimum sibi pignus in oculis haberet , contestatus est ; & quamquam ira magis , quam dolor Principem Ioannem præcelleret , in discessu tamen charitatis indices lacrymas retinere nequivit , quippe qui propterea Ioannæ conatibus obstabat , quod illam mirifice diligens , a tanta sorore abesse sibi existimabat gravissimum. Philippa matertera , etiamsi cœnobii septe egressa fuerit , in vicinis tamen ædibus , ut crebro visere posset consobrinam , sibi mandandum statuit.

AVSPICATO Averium elegit Ioanna , cœlo ipso comprobante ; nam in Martio mense ingentis splendoris Cometa cerni cœptus

*Cometa  
Ioanna  
adventum  
præsignat,  
religiosam  
illa vitæ  
rationem  
init.*

ptus est , ex iis , quos Philosophi caudatos appellant. Rotundus ipse, magnus , mire lucidus , quem neque densæ noctis tenebræ obscurare , neque pluvix usquam nubes occultare visæ sint : post solis occasum supra parthenonis domus subito accensus comparebat, modo in ea aeris parte , quæ domum , in qua Ioanna Princeps degit , supra erat fixus & stabilis , radium , qui latus erat & oblongus , ad eam usque , in qua sacræ vestes aservantur , protendebat ; modo hanc superflans illam versus explicabat caudam ; ita tamen, ut locum , quamdiu cerneretur , commutaverit nunquam. Atque in hunc modum totis fere quinque mensibus subito quotidie comparens & disparens omnium oculos rapiebat , & insolito splendore atque stabilitate faciebat admirationem , maxime tamen sanctimonialium animos natura pavidos & prodigiis insuetos percellebat , quæ significationis ignaræ , quid sibi damni præsignaret , expedire nequibant. Solvit tamen eventus ipse omen. Nam quo die Ioanna Averium pervenit , disparuit prorsus quasi novo sideri pulchriori quidem , & ferventioribus radiis accenso aerius cometa locum cederet. Triennium

nium ferme eodem habitu permanſit , ſed ſamulis dimiſſis ſola inter Chriſti ſamulas , quibus cum ſacris in odæo frequenter intererat , & nocturnas aliquando preces , quamquam non ſine valetudinis damno, quod illius domus aliquantulum abeſſet , frequentabat ; donec ineunte anno ſupra milleſimum quadringentefimum ſeptuageſimo quinto , octavo Kalend. Februarii qui dies Apoſtoli Pauli Converſioni ſacer eſt , Religionis habitum magna animi voluptate induit.

NEQUE habitum modo , ſed animum ita commutavit , vt Principis ne veſtigia quidem in Ioanna deprehenderes : reliquis novitiis per omnia ſimillima , in nullo a communi victu , habitu , aut exercitiis , qualia qualia eſſent , exemptionem paſſa eſt ſibi præſtari. Suo ordine poſtrema in odæo aſſidebat , alternis vicibus cum aliis aut cereos tenebat , aut tenentibus aſſiſtebat : in reſectorio alias inter accumbebat , & Principi eadem , quæ reliquis nullo delectu miniſtrabat , fictilibus vasis , quamquam neque figulo patre , neque avo genita eſſet , legumina appoſita veſcebatur ; domos verrebat ; ſcutellas & catinos calida abluebat ; triticum pur-

gabat;

*Humillima  
parthenii  
miniſteria  
efficiſe  
abit.*

gabatur; farinam subcernebat; nebat; affuebat; ægrotantibus & accumbentibus summa hilaritate atque animi submissione, quasi omnium famula, ancillabatur; nihilque ita abjectum & vile fuit, quod Ioanna summa lætitia non obiret; cilicia miræ asperitatis attexere didicit, ut sibi & aliis macerationis forent instrumenta; flagella itidem tam incruenta, quam quæ sanguinem elicerent, mira arte elaborabat; ipsaque, utpote remedia sæpe sæpius experta, quæ in se ferocius sæviebant, & sanguineam flagellationem sævius exercebant, chirurgi instar medicabatur. Atque ut, quam animi abjectionem corde, & medullis infixam gerebat, ante oculos haberet, semper in eo corio, quo pensum colo alligabat, illam Servatoris sententiam inscribi fecit, „Discite a me, quia mitis sum & humilis corde. „ Cum admodum angusta foret in parthenone res familiaris, sanctimoniales ipsæ (neque enim ancillarum & famularum usus admittebatur) panem, ligna, aquam, & quæ quotidianis usibus necessaria erant, comportabant; inter primas semper Ioanna, debiles consolabatur, robustiores laudabat, & æmulabatur, exem-

exemploque omnibus prælucebat. Quæ ita Reglos fastus abjecerat , nomen quoque deponere statuit , neque se Principem dici partiebatur. Obstitit tamen Antistes, atque eo jubente, vbi opus erat , pristino more nomen suum scribebat & in ipsis cœnobii tabulis , vbi Ioannæ nomen cum aliis affigebatur , Princeps perpetuo, quamquam ipsa reclamaret , dicta fuit. Crebro apud confessarium expiabat animum , & sacra synaxi reficiebat; communis omnibus , & Ioannæ erat religiosus a confessionibus : suo ordine inter novitias in genuâ provoluta , & ni voce agnosceretur , cætera incognita exponebat crimina , suo itidem loco sacræ mensæ accedebat , & nisi aut vultu aut nomine nosceres , vnam e media plebe ad sacrarum Virginum numerum assumptam diceres. Orationi multum temporis impendebat , & ita divinis reficiebatur solatiis , vt præ lacrymarum assiduitate genas quasi exustas haberet : vestis lanæ & brevis , crepidæ humiles , lectus aliis par , domus eadem cum cæteris.

HIS Averii sanctimonix exemplis clarebat Ioanna , cum tantæ rei fama Regnum totum pervasit & commovit. Eo igitur ab  
omni-

*Regni con-  
ventus,  
frater &  
matertera  
a suscepta  
vix ratio-  
ne deiecere  
sonatur.*

omnibus Lusitanix urbibus quasi in publi-  
cum Regni conventum primores missi sunt,  
qui publice profiterentur, se consensuros  
nunquam, ut religiosa vota emitteret,  
quotiesque Regno opus esset, inde abductu-  
ros, ut hæredem ex ea (namque eo tempo-  
re Ioannes frater prolem nondum suscepserat)  
in matrimonium collocata habere possent.  
Venit, ubi rem scivit, Princeps ipse paucis  
comitatus, in quibus Eborensis aderat Epi-  
scopus Ioannes Menesius, rei novitate adeo  
permotus, ut vestem lugubrem assumpserit,  
barbam diu non totonderit, & nisi Numinis  
timore atque paterna reverentia cohibere-  
tur, aliquid ausus esset, quod Ioannæ sum-  
mam attulisset molestiam; cum tamen par-  
thenonem ingressus esset, & multa adversus  
antistitem stomachatus dixisset, illius mo-  
destis responsionibus lenior sororem adit, cu-  
jus ex aspectu, ubi mutato habitu, tenui cul-  
tu, & per omnia novitiam intuitus est, sibi  
imperare minime potens, in amplexum pa-  
riter & lacrymas ruit, multaque in rem  
suam cum dixisset, blanditiis, modo lenis,  
modo minis severus, profecit nihil. Adeo Re-  
gum minas, quæ Regnum contempserat, ne



a Christo avelleretur, parvi semper fecit. Philippa vero, quæ Principem sæpius invifere solita erat, vbi mutasse habitum cognovit, Averio infalutata Ioanna decessit Odiovellas, quo etiam acciri quam primum fecit Miciam Alvarengam notæ sanctitatis virginem, quam inde secum Ioanna Averium detulerat, vt sola & omni humano subsidio denudata, aut religiosæ vitæ susceptam rationem deponeret, aut saltem alio, quod optabant, migrare vellet.

QVAMQVAM vero ita spiritu esset fervido Ioanna, vt nihil sibi arduum, nihil durum existimaret, tot laboribus tenerum & delicatum corpus sufficere non potuit: gravibus proinde tentatur morbis, qui in ultimum vitæ discrimen sæpius adduxerunt: atque communi Medicorum voto iecur, & renes admodum vitiatos esse, maxime ex assiduo piscium usu cum decerneretur, neque vires ultra redintegraret, prudentum hominum consilio, patris imperio. & fratris precibus adducta tandem fuit, vt a religiôsa professione desisteret, quod eo libentior fecit, quo sibi durius videbatur citra animi noxam, quæ ex regula promissura foret, exacte minime possit

*Ne religiosa vota emitteret morbo impediretur.*

posse exsolvere : quare antistite vocata suo in facello habitum sæpius exosculata lacrymarum imbris madidum deponit , se a novitiarum numero & muneribus exemptam declarans ; cumque aliquot horas eo deposito domum perlustraret , resumpsit iterum , ut foret omnibus manifestum communi eam vivendi ratione deinceps non obligari : neque propterea aut mores aut pristinum vitæ institutum invertit. In odæo eundem sibi locum , quem antea ex ordine cum novitiis habuerat , delegit modo ; aliarum periculis eodem semper animo & submissione adfuit ; sibi , esto morbi necessitas aliquid mitius exigebat , perpetuo aspera , & , quoad vires sufficiebant , inimica.

*Averio  
argente  
lue egres-  
sa iter re-  
ligiose in-  
stituit.*

ANNO a CHRISTI natalitio MCCCCCLXXIX cum Lusitaniam dira lues invasisset , paulatim serpens Averium & vicina oppida vastabat : quare Rex & Princeps Ioannæ , suis verbis qui diceret , miserunt , oppido quamprimum excederet , quo vellet ; in eamque rem Conimbricensem , & Portuensensem Episcopos , atque alios Regni Principes Averium proficisci imperarunt , qui discedentem committarentur , & ubicumque manere statueret ,

ret, assisterent, vt decebat. Repugnare tanto imperio non potuit; quare delectis ex sanctimonialium numero sex, in quibus Antistes ipsa fuit, parthenone manentium lacrymis, & abeuntium desiderio maximo, quinto Kalend. Octobr. in viam se dedit. Vbi manendum erat, facellum exornabant, ibique ex more, quamquam non elata voce, statutas preces quotidie alternis versibus persolvebant, & quotis diebus flagellationem facere moris erat, quamquam in diversorio eam non omittebant, mira omnium admiratione, qui Principem, & primæ nobilitatis feminas in se adeo infueto ritu desævire vix audientes credebant. Hoc in itinere Priorissa obiit Beatrix Leitoa omnium virtutum exercitatione laudatissima, quæ prima Averii parthenonii auctor, & mira prudentiæ atque religiosæ disciplinæ opinione moderatrix fuerat, proptereaque Ioannæ in primis chara, atque adeo illius obitum magno doloris sensu accepit.

CVM vero omnia vastandi nullum lues finem facerat, Averium iterum se recepit, tamquam in quietis asylum, sed hac sibi diutius frui non licuit, eo enim Ioannes Prin-

*Frustra de  
Regum nu-  
ptiis in Io-  
anna agi-  
tur.*

ceps se contulit , vt cum ea de nuptiis cum Maximiliano Romanorum Rege , Federici Imperatoris filio, serio ageret, illa tamen constanti animo ita respondit , vt omnem conficiendi negotii spem fratri præcideret : atque vt semel , quæ ad nuptias spectant , absolvamus , quamquam temporis ordo alibi id exigeret , quod cum Ioanne , defuncto jam patre , bis accidit, interferam. Carolus VIII patri vita functo suffectus fuerat in Galliarum Regno ; mire semper Ioannam ob eximiam pulchritudinem , & præclaras animi dotes , adamavit ; quare legatione missa sibi conjugem petiit , minas intentans , & bellum fremens , ni in Galliam quamprimum duceretur. Averium pergit Rex , sororem edocet viæ causam , publicum Regni incommodum ob oculos proponit , ne privatam publicæ præhabeat utilitatem impense rogat : furdis illa auribus perstat , se homini nupturam vnquam , quamquam is vniversi sit Monarcha , constanter negat. Minas frater auget , hostem appellat , quæ in Regni perniciem conjuret : Vsque modo , inquit , in tot tantisque difficultatibus & molestiis , hæc mihi vnica semper occurrit consolario ,

quod

quod te fidam & vere germanam arbitratus sum : modo tamen quare conjurationis consciam non existimem , quæ alieno ferro me , regnumque objicit : an non tu Regni Princeps , vt illi consulas ; non Regno nata , vt quæ illi salutaria fuerint amplectaris : non Regis soror , vt imperata facias : neque hoc cælo , neque Superis displicet , cum ii non simus , qui cælestibus terrena præferamus. Quid ageret Ioanna ? In sacellum se recipit , vt fratri , quid agendum esset , responderet : & postquam diu se suaque Superis , & in primis virginum Reginæ commendavit , fratrem alloquitur , promittitque se Galliæ Regi nupturam , si ea ipsa hora viveret. Conditione audita hæsit Ioannes , paucis tamen post diebus e vivis excessisse nunciatum est , vt liquidum esset de illius obitu certam cælitus Ioannam , quas non formidabat , nuptias spondidisse. Alia iterum ab Anglia exorta tempestas eodem prorsus modo tranquillata est. Non Anglus , qui Richardus fuit illo nomine tertius , bellum , sed perpetuas pacis leges & fraternam amicitiam promittens , adjectis aliis , quæ in Lusitaniæ commodum mire faciebant , conditionibus ,

Ioannam sibi sanguine conjunctam , destinata legatione , sponfam precabatur. Alcobaçam Rex cum Philippa matertera se contulit , & Ioannam , quæ in Portu propter pestilentiae metum tunc temporis degebat , ad se quam primum venire jubet : rem aperit , in quantum Reipublicæ bonum id eveniat , declarat serio ; proptereaque , ne toties repulsam patiatur , orat ; & commendato Philippæ negotio , relicta sorore , abiit. Omnem adhibuit matertera industriam , omnes accivit artes , omnia movit & tentavit : iterum atque iterum rem Ioannes vrgere perrexit usque adeo , vt iræ impatiens sanctimonialibus , quæ Principem comitabantur , illius congressu & colloquio severe interdixerit. Ad solitas illa recurrit preces , & dum mœrori confecta plorationi nimium indulgeret , levi correpta somno astare sibi intuita est pulcherrimum adolescentem , qui blande salutatam compellens : Noli , inquit , ultra mœrere ; pone lacrymis modum ; jam enim e vivis abiit. Nec plura dixit , & disparuit. Discusso illo somno in se se rediit , & ex mira animi tranquillitate sibi a Deo missum , quisquis ille fuerit , cum conjiceret , fratri



respondit , ne iniquo esset animo , in Angliam proficisci esse se paratam , si , quem sibi optabat sponsum , adhuc in vivis numeraretur. Quod si ad mortuos transisset , hoc vnum sibi efflagitare , ne vltra secum de nuptiis ageret. Obstupuit Ioannes vultus & animi securitatem , qua absentia , quasi præ oculis obversarentur , sibi soror prædicebat ; neque dubitare de eventu licuit diu , cum intra hebdomadam a Legatis de Regis obitu Ioannes admonitus eidem iusta solvi magnifice iusserit , & Olysiptionem proficisci maturans in decessu de variis Regni negotiis fororem cum consuleret , iterum illa rogavit , ne se alii conjugem fore existimaret , cum sibi illud exploratum esset , quando alia non pateret evadendi via , aut se , aut eos , qui sponsam optarent , nuptiis commutatuos. Utque omnem in posterum molestiis occluderet aditum , vbi de Alphonfi patris obitu nuncium accepit , atque parentari fecit , quasi sui juris , & , vt dicere solebat , manumissa esset , perpetuæ se virginitatis voto religiose obstrinxit.

ALIQUA Ioannæ obitum prodigia processere , quæ lubens omittenda duxi , ne anacepha-

*Mira in morbo patientiæ exempla; testamentum conficit.*

cephalæoseos legem præterire videar. Anno igitur MCCCCCLXXXIX sexto Idus Decembris tres amplius horas luna obscurata est, quasi tantæ Prîncipis interitum lucis defectu præfagiret æque, & lugeret: postero siquidem die gravi morbo laborare cœpit, & quamvis indies febris accresceret, in ipso Christi natalitio a lecto surgens sacris vna cum sanctimonialibus in odæo interfuit, crimina rite Confessario aperuit, Christi Domini corpus mira animi teneritudine accepit, & quia præ virium imbecillitate stare vltra non poterat, in lectum iterum se recepit. Eadem infrequenti die fecit, corporis infirmitatem indefesso spiritus fervore superans. Medici quid mali esset definire cum non possent, varia adhibebant medicamenta, sed irrita omnia eventu, quæ tamen illa esto aspera & amara detrectavit nunquam, immo illorum ad arbitrium ita se composuit, vt ne transuersum abscederet vnguem. Exemplo sit mira gelidæ, quæ sibi interdixerant, abstinentia; quamvis enim præ sitis & febris ardore oris interiora in vulnera hiarent, & summum afferrent dolorem, qui lacrymas excutiebat, gembunda Numinis implorabat opem, ma-  
jora

ſora ſe promeritam fuiſſe tormenta , majoribus dignam cruciatibus ingeminans , a nulla , vt ſaltem vulnera aut refrigeraret , aut ablueret , gelidam efflagitavit. Morbus igitur indies crefcere , febris intendi , ſtomachus venterque extendi , dolores augeri , ciborum mira nauſea laborare , quibus effectum eſt , vt a lecto deinceps imbecillum corpus vix duabus adjuvantibus puellis ſacro ipſo Dominicæ Paſſionis die vix attollere potuerit , quod etiam ſummo labore , vt reſurgentis Chriſti Dominico die ſacro ſe pane reficeret , iterum ultimo præſtitit : odæoque cum jam ad lectum reciperetur valere juſſo , mira lacrymarum ſignificatione , deliciarum ſibi locum quanto animi dolore relinqueret , conſeſtatum voluit. Vbi Ioannæ morbus divulgatus eſt , Philippa matertera Averium , vt conſobrinam inviſeret , perrexit ſtatim ; quo etiam Bracharenſis , Conimbricenſis , & Portuenſis Antiſtites , & alii Regni proceres confluxerunt. Ioannes Rex itineri ſe accinxit , ſed Medicorum conſilio , qui veriti ſunt , ne deſunctam inveniret , expectare compulſus eſt , an aliquantulum mali vis remitteret ; quare extremo ſororis amplexu , quod ipſi

gra-

gravissimum fuit , fraudatus est. Sibi ipsa testamentum confecit , quo parthenonem exasse reliquit hæredem , servos omnes & ancillas , qui ad Christi caulas ab impia Mahometis superstitione confugerant , manumisit ; famulis , vt honestis viris locarentur , dotes distribuit.

*Consobrinum ad virtutem adhortatur : animum confessione expiat , & sacra synaxis munus.*

CONSOBRINVM Georgium Ioannis notum , a quo Averii Duces originem trahunt , quem a prima infantia educarat , ad se advocatum miris instuxit documentis , illud sæpe monens , Deum , vt omnium iudicem , præ oculis haberet semper , nihilque , cuius postea pœnitendum foret , vmquam ageret. Tibi, o fili, animam hanc meam ( ita IESVS cœnobium appellare consueverat ) impense commendo : ne tibi excidat e memoria , qua te cura trimestrem excepi , qua diligentia vilibus induta , cantum lacrymis , & fletum musica semper miscens enutrivì , hoc tibi cœnobium patria , vt patriam tuere , & vale ; iussitque vt alio deduceretur , quoadusque Ioannes de suo obitu certus filio consuleret. Ingravescente morbo pridie Nonas Maii , quo die in ferventis olei dolium immissus fuerat Evangelista Ioannes , quem ipsa

ipsa hæreditaria ab Elisabetha matre propensione mire semper coluerat , ante actæ vitæ maculas , quantum memoria assequi valuit , miro doloris sensu , & lacrymarum imbre , Confessario exposuit , eodem de sacro Viatico communiit , atque vnctione armavit. Et quamquam deinceps majori angeretur dolore , neque cibi aliquid , aut somni capere posset , vsque ad tertium Idus Maii protraxit vitam , quam ita sancte reliquit , vt duxerim operæ pretium pietati magis , quam brevitati morigeratus aliqua memoratu digna , vt palam sit , qua prudentiæ & sanctitatis laude notanda sit Ioanna , ipsa qua evenere serie , hic exponere.

CONVOCATIS Medicis , pro industria & labore magnas habuit grates , & quamquam frustra omnia evenerint , Numini id adscribendum esse dixit , cujus arbitrio humanæ vitæ periodus , aut protrahitur , aut præscinditur ; cumque palam falsa fuerit , se a Deo longiorem cursum efflagitasse , quo plenius ante acta scelera pœnitentia posset , & elemosynis redimere ; aliter Superis fuisse visum , qui licet immerentem ad meliorem vitam revocabant , sibi exploratum esse illa ipsa

*Ad posterum  
mortis  
certamen  
religiose  
se parat.*

ipſa nocte deceſſuram; proptereaſque nihil eſſe, quare yltra vigiliis fatigarentur, abirent proinde, & ſui memores apud Deum eſſent. Iis dimiſſis, Antiſtitem & reliſas ſanctimoniales, ne abirent, exoravit; propterea quod illarum ope maxime indigeret, Confeſſarioſque miſit, qui ſuis verbis peteret, præſto vt eſſet, & Epiſcopos ſui deceſſus admoneret, vt ſuſis ad Deum præcibus morienti auxiliarentur: integra tamen voce, & morientis nulla alia ſignificatione, crebro quota eſſet hora aſtantibus ſciſcitabatur, quaſi non modo ſciret, ſed anxie quæ futura eſſet vltima expectaret. Vbi non multum diſtare noctis medium audivit, ſacerdotes acciri juſſit, caputque ſibi alio appoſito cervicali altius attolli, & quoniam eo motu dolores acrius pupugere, Chriſti & Deiparæ auxilium mira teneritudine ac lacrymis imploravit ſæpius. Vbi advenit Confeſſarius protractis Summi Pontificis litteris, in quibus ipſi plenaria indulgentia conceſſa fuerat, ſublatis manibus, & pectus ſæpius dextera contundens, contenta voce illud ſæpius iteravit: Peccavi Domine, mea culpa, indulge miſeræ, Sibi pendentis a Cruce Servatoris imaginem



ginem propius admoveri rogavit , & pedes exosculata : Domine , inquit , Deus meus , miserationum Domine , averte faciem tuam à peccatis meis. Quæ verba quoties in aliquod Christi, aut Beatissimæ Virginis simulachrum incurrebat , mira animi & corporis submissione repetere solita fuerat.

DOLORIBVS aliquantulum prope exanimata, vbi in sese rediit, Antistitem rogavit, sibi vt Redemptoris Passionem legeret: cumque eo ventum esset , vbi immane illud scelus , quo carnifex Servatoris vultum alapa fœdavit , a Ioanne describitur , viribus ipsa destituta , vt sibi dextrum brachium attolleretur , efflagitavit , genæque colaphum quanto maximo potuit in tanta debilitate , impetu inflixit , & clara voce : O Domine , inquit , qui tam acerba pro ingratis hominibus perpeti maluisti , mihi ignosce , me salva , & in eorum , qui beata visione potiti æternas tibi laudes decantant , numerum adscisce. Omnia attente & mira vultus tranquillitate audiebat ; vbi vero insigne aliquod Christi opprobrium recitabatur : Ignosce Domine , dicebat , ignosce , & ne intres in iudicium cum ancilla tua , ne iniqui-

*Sanctissime  
moritur &  
defunctæ  
corpus  
componitur*

quitates meas recorderis. Ignosce miseræ peccatrici. Cum vltimum animam efflantis Domini verbum accepit, junctis aliquantulum ad pectus manibus, demissa voce oravit, ex iis tamen quæ interrupta percipiebantur Catholicæ fidei professionem esse conjectatæ sunt, quæ viciniore erant, sacræ virgines. Ter postea trigesimum Psalmum repetens : Semper, inquit, Domine mi, & Deus meus in te speravi, tibi semper animam hanc, quam sanguine tuo tibi redemisti, totis viribus commendavi : quod idem modo, quanto possum, animi affectu præsto : tibi Domine, & Beatissimæ Matri tuæ Virgini **MARIÆ** Dominæ meæ, animam meam commendando ; vltcrius Virginem ipsam alloquuta : Monstra, inquit, te esse Matrem, & cet. **Maria** Mater gratiæ, Mater misericordiæ, tu nos ab hoste protege, & hora mortis suscipe. Tunc Apostolorum & Athanasii Symbola clara voce, aliis comitantibus, dixit : sacerdotem rogavit, vt eas inciperet preces, quibus antiquo Ecclesiæ more morientibus contra adversarii incursationes opem a Deo & Sanctis poscimus : accensum de more cereum dextra illa apprehendit, nec amplius de-

demisit. Aftabant fanctimoniales in genua  
 provolutæ , & lacrymas profusæ ; neque  
 illa jam aliquem doloris fenfum exhibebat ,  
 fed mira vultus tranquillitate animi quietem  
 declaravit : illudque omnibus mirandum ac-  
 cidit. Vultus , qui diuturno morbo venusta-  
 tem & colorem amiferat , instante morte ,  
 non modo in pristinam pulchritudinem , suc-  
 ci plenus , & colorum vivacitate integra ap-  
 paruit , fed formosior multo , & cryftallina  
 luce circumfufus : oculos jam media in mor-  
 te ad Chrifti effigiem cum extuliffet , omni-  
 um admiratione fmaragdis fimillimi rutilare  
 vifi funt , & cum ita aliquandiu perffitiffet ,  
 ad illa precum verba : Omnes fancti Inno-  
 centes orate pro ea : immaculatum Deo ef-  
 flavit fpiritum ; mox in gremium decidere  
 manus , adventitia illa disparuit pulchritudo ,  
 & oculi palpebris fpon te coeuntibus splen-  
 dorem & fui confpectum omnibus ademe-  
 runt. Corpus de more religioso habitu in-  
 dutum in fanctimonialium confpectum ,  
 vultu , manibus , plantisque nudatis propo-  
 fitum fuit. Eo omnes mira lacrymarum &  
 fufpiriorum vi confluxere , & pedes certatim  
 exofculatæ fanctum cadaver venerabantur.

Vbi vero campanarum pulsu Principis obitus divulgatus est , toto oppido ejulatus exaudiri ; quasi privato domus quæque luctu planctum attolleret.

*Dum cadaver effertur mira accidunt.*

SIMVL ac dies illuxit, in sarcophago compositum corpus , & ne multitudini pateret coram Episcopis , & religiosis viris tabulis contactum est. Porro dum in templum efferretur , omnium in conspectu illud accidit , quo Ioannæ decessum vel ipsæ arbores, & herbæ sensus expertes collacrymari visæ sunt. Intra cœnobii septa hortum sibi ipsa , vt sanctimonialibus levamini esse posset , conseri iussit ; eo labore fessas evocabat , & mira verborum comitate inter paradyfi delicias recreabat ; curabatque , vt suo tempore aqua , vel duceretur , vel instillaretur , & lectæ arbores aliunde avulsæ fererentur ; immo ipsa sua manu aliquas plantaverat aliquando. Cum igitur illac defunctum cadaver in odæum efferretur , ad sarcophagi vel aspectum , vel contactum arentibus subito ramis , florum & foliorum honorem excussere arbores ; & emorientes herbæ , quam sibi beneficam senserant demortuam se ipsas amœnitate , & vita mulctantes deslere visæ sunt.

sunt. Aruerunt cotoneæ mali , citrinæ , medicæ , & quotquot insita erant arborum & herbarum genera , neque ex iis vlla repulsulavit. Vbi in templum pervenere , inferiis quam maxima potuere pompa solutis , incredibili omnium ordinum dolore & ploratu sanctum corpus in inferiori odæo terræ commisere. De Ioannæ virtutibus plura dicerem , ni fastidiosus fuisse formidarem ; plures de illius gloria visiones accidere , quas etiam prætermitto. Vixit Ioanna annos xxxviii , ex iis xviii Averii , summa virtutum opinione & mira sui despicientia , traduxit: pridie Idus Maii anno mccccxc , ad feliciorē vitam emigravit. Corpore fuit procero & valido , ad miraculum venusta , fronte liberali , oculis viridi colore lætis & amplis , naso modico , labro inferiore aliquantulum prominente , colore albo & rubicundo : ex ipso aspectu Princeps.

PLURA post Principis obitum narratu mirabilia accidere ; plures illius apud Deum interventu maxima obtinuerunt ; quæ Ioannæ sanctitati accepta retulere. Illud vnum pro coronide memorabo. Vastante Averium dira lue , in tutum sese proripuerunt Medici ;

quare

*Sanctissime-  
niali de-  
speratum  
vitam re-  
stituit , &  
veneno ex-  
tinctum cre-  
ditur.*

quare relictum vulgus passim peste correptum  
miseras efflabat animas : inter alios lethifer  
morbus sanctimoniam corripuit mira vir-  
tutum opinione celebrem, annis grandævam,  
quæ Ioannæ fuerat familiaris. Hæc febrī  
accensa, cum nullum sibi remedium super-  
esse aspiceret, ad preces confugit, Ioanam  
apud Deum patronam suscipit, terram e  
Principis tumulo erutam fociis petit; datam  
postquam pie exosculata est, & capiti super-  
posuit, apothemati applicat. Mirum dictu !  
non remisere modo, sed penitus dolores ex-  
tincti sunt, & sopiti; febris miseram extem-  
plo reliquit apothema ipsum, nullo adhibito  
medicamine pus resolutum eiecit, & in an-  
tiquam valetudinem restituta, quæ vitam  
desperaverat, quantum apud Superos Prin-  
ceps Ioanna valeret, aliis grata prædicabat.  
Illud dictum vellem firmam Medicorum esse  
sententiam veneno sublatam fuisse; cum  
enim in aliquos propter scelera animadverti  
iussisset, & quemdam pertinacia infamem  
vrbe & agro relegasset, de ea occidenda in-  
ter se consilia eos habuisse constat, morbi-  
que inde principium accidit, quod sibi ab  
ea domo frigidam, ut æstivum calorem le-  
varet



varet, allatam cum bibisset, mira totius corporis commotione exagitari cœpit, vomitu torminibusque laborare, corde angi, plus solito mœrere; venter stomachusque tumere, & mutata valetudine in eum tandem morbum lapsa est, quo, propter sanctimoniam zelum miris doloribus cruciata, ad felicissimam palmam evolavit.

INOPINATO MORIVNTVR PRINCIPES,  
QVI IOANNÆ CONNVBIVM  
PETIERANT.

**B**Landa nec impuris vnquam temerata venenis  
 Principis æthereus pectora cepit amor.  
 Mille poli tædæ succendunt; mille sagittis  
 Vritur, & flagrat quo mage casta magis.  
 Mille Proci voluere sibi conjungere; mille  
 Posthabuit thalamos virginitatis amor.  
 Forma Aquilas generosa trahit; sed pectus in  
 istud  
 Non vires Aquilæ fulmen & omen habent.  
 Gallorum petiere nurum sibi lilia. Marcent  
 Sceptra hæc dum cæli lilia mente colit.  
 Deperiit frustra divisus ab orbe Britannus,  
 Nec tanta immenso frigore flamma perit.  
 Tom. 1.                      Ec                      Omni-

*Omnibus unus amor populis & Regibus: unus  
His luctus , illis funera fecit amor.*

*Nam periit fato , quicumque poposcit, acerbo.  
Rivalem tanti est velle habuisse Deum !*

*Nec mirum : & superes, & qui regit astra To-  
nantem,*

*Vna hæc , quæ posset flelere , forma fuit.*

*Triumphanti parenti procedit obviam  
Ioanna petens , ut sacræ alicui familiæ  
sibi liceat nomen dare.*

*O**Bvia victori graditur Ioanna Parenti  
Mille petita viris , mille negata procis.  
Armat in armatas bella altera & arma pha-  
langes ,  
Arma vel in superas jus habitura domos.  
Ille triumphantum mos est , ait illa , petenti  
Imprimat ut nullam fœda repulsa notam.  
Te mihi victorem Cœlum dedit : ergo Tonanti  
Me redde, inque vicem sponte repende vicem.  
Purpura sordescit , saccus juvat ; Aula fa-  
tigat ,  
Ara levat ; tellus me premit , astra vocant.  
Da mihi , captivis quæ sunt pro crimine ,  
pœnas :  
His meus in pœnis rite triumphat amor.*  
Ad

Ad aspectum Ioannæ Principis emortuæ  
vernantes flores emoriuntur.

**F**ertur inhumano Ioanna extincta feretro ,  
Pallida virgineis associata choris :  
Transit odoratis halantem floribus hortum ,  
Quem nuper tenera severat illa manu.  
Demisere caput sopita papavera ; marcent  
Lilia ; frondis honos defluit ; aret olus.  
Astrorum ut flammis sol aureus addit honorem,  
Sole micante micant , sole cadente cadunt ;  
Ioannæ aspestu vernabat gratia florum ,  
Ioannæ aspectu deficiente cadunt.  
Aspiceret quoties clara astra & castra decoris ,  
Labente ex oculis fonte rigabat agrum.  
Præ desiderio mæstis nunc æstuat herbis :  
Triste gemunt violæ , lilia triste gemunt.  
Quem lacrymæ pascunt, lacrymarum e fonte re-  
surgit ;  
Cum desint , pœnunt marcida signa comas.

Ioannæ in cœnobium adventum Cometa;  
obitum Luna deficiens præfagit.

**P**incipis adventum formosus luce Cometes  
Præmonet ; extremum Luna labore diem.  
Ut monstret sidus , flammæ nova sidera cælum ;  
Abjicit , ut ploret Cynthia mæsta jubar.

*Ioannæ adventu vanescit sidus in auras ,  
 Viētaque majore lumine stella fugit.  
 Luna ubi sidereas revocandam sensit in aulas ,  
 Invidet , & tanto pressa decore gemit ;  
 Namque olli interitu splendor non interit : auxit  
 Mors lucem , evasus contulit ipse jubar.  
 Et quæ præsagium vincebat luce Cometem ,  
 Exanimus Lunæ causa laboris erat.  
 Quid palles ? maculas si vis perfundere luce ,  
 Ioannæ extincto a sidere quære jubar.*

Pro Christi spinea corona plures Regnorum  
 coronas neglexit.

**C**ontemplata suam & Christi Ioanna coronam ,  
*Quam diversus , ait , flos utriusque viret ?  
 Illa voluptatem mihi germinat , ista dolorem :  
 Hæc rosa fert spinas , illaque spina rosas.  
 Spinea sit quamvis , illa est pretiosior auro ;  
 At mea sit quamvis aurea spina manet.  
 Sentibus illa viret , tamen est in sente levamen.  
 Non habet hæc sentes , at sine sente ferit.  
 Christe vices mutare velim : caput ergo coro-*  
 nent

*Aurea ferta tuum , spinea ferta meum.  
 Si te spina juvat , plures tibi proferet aurum  
 Hoc spinas , auri plus tua spina mihi.*

1000



EDWARD VI. PORT. & ENGL. 1547-1553  
A.D. 1547. A.D. 1553.



EMMANVEL PORTVG. REX XIII.  
VIXIT A. LII. OBIIT A. M. D. XXI.





# EMMANUEL I.

## LVSITANIÆ

## REX XIV.

---

### ANACEPHALÆOSIS XVIII.

**F**ORTVNATISSIMVS Emmanuel, vnicum nomen, Regni singulare præsidium, & ingens tam Lusitanæ gloriæ incrementum, quam imperii, vtpote qui latiores & opulentiores Regno terminos adiecit, quam a maioribus accepit, patrem habuit Ferdinandum Regis Alphonfi V. fratrem natu secundum; matrem vero Beatricem filiam Principis Ioannis, qui ejusdem Regis Alphonfi frater fuit; proavum maternum Eduardum Regem; abavum Ioannem hujus nominis primum. Ex numerosa Ferdinandi sobole natu minimus, & Ioannis II. patruelis, ad quem proinde Regnum, superstite nulla Ioannis legitima prole, hæreditario jure pertinebat. Natus est Alcocheti in oppido ripæ transtaganæ pridie Kalend. Iunii anno millesimo quadringen-

*Alphonse V. nepos ex Ferdinando fratre, & Ioannis II. levir.*

*Natus, cum  
Euchari-  
stica pom-  
pa domum  
præterdu-  
ceretur.*

gentesimo sexagesimo nono , feria quinta Corporis Christi , non sine magno felicitatis argumento. Nam , cum Beatrix mater jam pridem acerbo dolore parturiret , & solemnibus Euchariſtiæ pompa pro domicilii foribus traduceretur , tandem bene ominato illo Numinis accessu partum edidit. Quod ego sane maxima Emmanuelis in gloria posuerim , quippe qui gerendis in rebus , perinde ac natalitiis , se affuturum Deus ipse polliceri videretur. Ergo a felici adventu Emmanuel apposite denominatus , ejusdem nominis numen ac majestatem , ut vere atque vnice divinam , toto Orientis orbe , maximo cum animarum fructu , longe lateque divulgavit.

*Regnum  
adit.*

ÆTATIS anno vigesimo sexto Rempubli-  
cam accessit , Christianæ pietatis , prudentiæ , mansuetudinis , cæterarumque virtutum luminibus apprime conspicuus. Vnde filii loco semper apud Ioannem fuerat , cuius ipse amor & voluntati per omnia grati animi officia respondebat. Rex salutatus , Comitibus habitis Monte maiore novo , multa Iuri Reique publicæ consentanea decrevit. Accersivit Iacobum , ac Dionysium , Brigantini

tini Ducis filios, eorumque avunculum Alvarum, & Pharenſis Comitſ filium Sancium, qui omnes e Regio ſanguine proceres extra Luſitaniæ fines vagabantur. Redeuntes perhumaniter & liberaliter accepit; duos præcipue e Ducis Brigantini filios, ut qui Emmanuel gradum arctiſſimo contingebant. Horum alteri Iacobo, ejuſque in perpetuum ſoboli, conſiſcata paternæ ditionis oppida ſuper quinquaginta, priſtinamque dignitatem, ac fortunas, quemadmodum Nonio familiæ auctori a primordio conceſſa fuerant, immenſa liberalitate redonavit. Nuſquam enim, vel ſi totius antiquitatis monumenta percurras, Regem, aut Imperatorem offendes, qui tantam patrimonii ſui partem clienti adeo munificenter erogaverit.

CÆTERVM Emmanuel, cum generoſos fortitus eſſet ſpiritus & arduam mentem, patriis Europæ finibus haudquaquam contentus, duas animo ſuo dignas in Aſiam & Africam ſuſcepit expeditiones, & pene conſecit. Ut nempe terrarum orbi in ſphæræ figura effigiato, ſibiſque a patruele Ioanne in ſymbolum relicto, par foret. (Nondum enim id ætatis quarta orbis terræ pars venerat in

*Brigantina domus hereditibus omnia reſtituit.*

*Sphæra meritiffimum fuit inſigne Emmanuelis.*

Europæ notitiam. ) Nec vero ea rerum mole oppressus interea Reipublicæ administrationi , aut exercendæ justitiæ defuit : cum per eos dies animo indefesso vel domi litteras signando exhauriret ; vel in capitalium rerum tribunali necessario tempore perseveraret.

*Indica  
conquisitio  
Vasco Gam-  
ma duce  
aperitur.*

PRIMAM igitur Emmanuel auspicatus Orientis conquestionem, quæ maxime ob oculos versabatur, Vascum Gamam, strenuissimum equitem, & rei navalis experientissimum, quem Ioannes ante ob excellentes ingenii dotes designaverat, expeditioni, clasque summa cum potestate præfecit. Is postridie Nonas Iunii anno millesimo quadringentesimo nonagesimo nono, navibus instructis duabus, epibatis centum quadraginta octo, solvens Olysippone, Bonæ Spei promontorio, Mosambico Insula, Quiloæ Regno, Mombaça, Melindeque superatis, Calcutium appulit, suæ navigationis terminum, & Imperatoris Malabarici sedem, ac domicilium. De barbaris Regibus tribus quatuorve, post insidias ac dolos feliciter evitatos, laureatam semper & incruentam victoriam reportavit. In regionibus a se patefactis

ctis quinque circiter monumenta constituit :  
 & cum illarum gentium ad fidem Evange-  
 liumque recipiendum opportunitatem , aro-  
 matum differentias & pretia , commercii  
 quæstum , cæteraque bello inferendo necessa-  
 ria didicisset , in patriam renavigans , salvis  
 e supra memorato numero quinquaginta quin-  
 que militibus, Olyssipponem tenuit. Consum-  
 pti in ea expeditione sex & viginti menses ,  
 enavigata leucarum supra tria millia. Maria  
 vero tempestuosa & incognita , morborum  
 inaudita genera , cœli varia temperies , ac  
 terrarum , Barbarorum fraudes & insidiæ ,  
 inedia , sitis , procellæ , & quos omnifa-  
 riam labores devorarunt , nulla possunt ora-  
 tione recenferi. Deo tamen immortalī , cu-  
 jus in eo negotio causa agebatur , opitulante ,  
 susceptam expeditionem insana defuncti na-  
 vigatione confecerunt.

IGITUR Emmanuel multis maximis-  
 que Gamam beneficiis ob res fortiter ac præ-  
 clare gestas insignivit. Deinde , accepta O-  
 rientalis Indiæ notitia , majorem erectus in  
 spem , ornatissimas singulis annis classes in  
 eam conquestionem mittere constituit. Ut si-  
 qui Reges oblata pacis & amicitiae fœdera

*Singulo-  
rum an-  
norum in  
Indiam  
appavatus.*

præ-

*Brasilia a  
Caprali  
patefacta.*

*Arces In-  
dice.*

*Sultani  
classes vi-  
cte.*

præconesque Evangelicos acciperent, cum his societatem & commercia institueret, alios infestis armis depopularetur. In secunda deinde expeditione, Petro Alvaro Caprali præfecto anno M.D. patefacta ex occur-  
su est Sanctæ Crucis terra, quæ vulgari nomine appellata Brasilia, & faccari aliisque frequentata mercimoniis, ad immensa quoque vectigalia succrevit. Aucta Orientis ditio multorum obedientia Regum, qui se Emmanuelis potestati cum præclaris stipendiis dediderunt. Arces ædificatæ Cocini, Cananoris, Coulani, Quiloæ, Sofalæ, Mosambici, Anchedivæ, Socotoræ, Ciauli, Armuziæ, Goæ; Pacena, Pedirensis, Calecutana, Zeilandia, Malacensis. Maximæ classes profligatæ tam Camorini Malabarici Imperatoris, & aliorum Regum potentissimorum, quibus Turcæ, bellicosæque gentes aliæ astipulabantur; quam Sultani, qui Memphitico Caira Regno præpotens, cum a Lusitanorum in Indiam accessu sua paulatim vectigalia, interversis navibus, & Rubri maris commercio, attenuari sensisset; inita multorum Principum societate, missisque ad eam rem classibus instrumento bellico, ac  
mili-



militum robore præclare ornatis , Lusitanos toto Oriente depellere omni opere , sed irrito conatu , moliebatur. Quippe cum Dei partes agerent , eo mirabiliter adjuvante , gloriosas sæpe victorias ab hostium innumerable multitudine retulerunt. Ductore maxime Alphonso Albuquerque , qui cum summa Lusitanici nominis gloria , & incredibili rerum gestarum fulgore insulam , & insulæ caput Goam, Proregum Lusitanorum sedem ac domicilium non sine sudore comparatum , barbaris nequicquam reluctantibus , in potestate retinuit. Armusiam , nobilissimum Persiæ , Arabiæ , Indiæque totius emporium , Rege stipendiario factò , Emmanuelis Imperio adjecit. Malacam in aurea Chersonneso, veterum Geographorum laudibus inclytā , totius Orientis opulentissimā urbem & frequentissimā , admirabili virtute debellavit. Quippe ad id temporis egregiis aucta munitionibus , propugnatoribus triginta millibus , & præter enormes e ferro fistulas , tormentis supra octo mille constabulita , nullam de se spem viribus externis aut alienæ potentiæ faciebat. Manu tamen Albuquerque capta direptaque est : præda tri-

*Ab Al-  
phonso Al-  
buquerque  
expugnata  
Goa, Ar-  
musia ,  
Malaca.*

*Æthiopia  
commer-  
cium, &  
Molucca su-  
baſia.*

cies centenis circiter aureorum millibus æstimata. Molucas insuper Insulas (ubi ar-  
cem Ternatensem extruxit) Emmanuelis  
arma penetrarunt. Primus instituit Æthio-  
piæ commercium, annoque M.D. proavitis  
agnominibus, Æthiopicæ, Arabicæ, Persi-  
cæ, atque Indicæ conquisitionis, navigatio-  
nis, & commercii titulos gloriosissimos ap-  
posuit. In his atque aliis ætatis illius ex-  
peditionibus, ac præliis adeo admiranda bel-  
licæ virtutis exempla facinoraque Lusitani  
tam milites, quam imperatores edidere, ut  
Græcorum, Romanorumque fortitudo, aut  
rerum gestarum gloria cum illis comparari  
minime posse videatur. Consulat historias le-  
ctor, & Lusitanorum acta nobilissimorum  
scriptorum fide ac diligentia (ut par erat)  
memoriæ prodita sempiternæ. Nos parci-  
mus, ut ne ab instituto breviario digredia-  
mur.

*Templum  
Virginis a  
Beiblen  
ædificatum  
primis ex  
India sti-  
pendiis.*

ERGO Emmanuel cum tanta Lusitaniæ  
ditionis incrementa, victorias, & parta tro-  
phæa Deo referret accepta, tam grati animi  
ostentandi causa, quam ut nova deinde bē-  
neficia promereretur, multa pientissime ac  
religiosissime patravit. Ac primum ædem

Vir-

Virginis a Bethlem ( quam Henricus Princeps nobilissimorum Christi equitum domicilio ad ostium Tagi dedicaverat ) magnifico auxit ejusdem nominis templo , velut Indicæ conquestionis & Orientalium victoriarum trophæo. Vnde primo ex auri stipendio a Regibus dedititiis persoluto sumptuosam pyxidem ad custodiendum Eucharistiæ Sacramentum curiose fabrefecit , eidemque templo destinavit. Cujus in structuram , dum opera duraverunt , hostilis prædæ partem , quæ sibi pertinebat , liberaliter impendit. Nec summa vulgaris fuit , vna enim ex Malacensi direptione ducentorum aureorum millia recepit. Templum vero non multo post cum suis redditibus , ac prædiis , ædificato ibidem Hieronymianæ familiæ cœnobio addicens , cum equitibus alio in loco paria fecit. E regione cœnobii propugnaculum Sancti Vincentii condidit , firmoque præsidio & bellicis tormentis ornavit , vt fluminis ostium ac templum ab hostibus vndequaque tutaretur.

NEQVE ea Christianæ pietatis officia satis habuit. Anno enim MDXIII, vt suo & subacti Orientis nomine obedientiam apud Christi Vicarium Leonem X profiteretur ,

*Ibidem  
cœnobium  
D. Hiero-  
nymi.*

*Legatio &  
munera ad  
Leonem X  
post In-  
diam ex-  
ploratam.*

oratorem misit Tristanum a Cunia , summæ dignitatis hominem , cum eleganti procerum comitatu , qui ad eam legationem se se ad ostentationem adornarunt. Addidit & munera Regiæ digna magnificentiæ. In quibus attalicum Pontificis ornamentum , auro trifariam crispante , scutulatum gemmis pulcherrimis , eoque artificio fimbriatum , par ut nusquam vel materiæ vel manus pretio post hominum memoriam reperiatur ; alia in super minoris taxata dona , & exquisita Indiæ munuscula , sed auro gemmisque mirum in modum cælata. Misit præterea rhinocerotem & elephantem , quem primum ex Oriente Roma conspexit. Ad ultimum , Perficum venatorem Emmanueli a Rege Armusiano missum , equo insidentem , cum venatica post ephippium panthera ingeniose & affabre inaurata. Quarum omnium rerum summa apud eos , qui singula accuratius æstimare , sexcentorum mille aureorum fuit. Neque ad eam ætatem , vel nostram deinde , Rex ullus extitit , aut Imperator , qui donis æque opulenti Summum Pontificem veneretur. Hæc scilicet Emmanuelis pietas , hæc prima conquisitio fuit.

AFRICAM secundo aggressus est loco, in quam ita inflammato propendebat affectu, ut ejus conquisitionem sæpenumero suam, reliquas suorum clientum, appellaret. Quamobrem anno millesimo quadringentesimo quinquagesimo primo, nondum suscepta prole, ipsemet in Africam meditabatur, delectis in id ipsum e Lusitania viginti quinque millibus, classeque ingenti ædificata, & curiose admodum instructa. Hæc tamen ad irritum cecidere. Nam, cum per eos dies Turcæ bellum periculosum Venetis ex insperato indixissent, nec rebus ornandis spatium daretur, ii, Summi Pontificis auctoritate interposita, opportunum Emmanuelis auxilium imploraverunt. Triginta igitur naves eo missæ, triaque bellatorum millia præfecto Ioanne Menesio, quem idcirco Emmanuel Aroquæ Comitem creaverat. Hæ, cum in altum vela fecissent, & nonnihil ex occurso felicissime prædarentur, Venetias appulsæ, inde, quod ab incepto Turca destiterat, quam ocyslime remearunt. Ante hos tamen apparatus Emmanuel, adaucto stipendio, præsidiisque com meatum, & bellica instrumenta continentibus Africæ Castellis, in

*Rex gressus  
in Africa?*

*Auxilia  
Venetis  
suppedi-  
tantur.*

*Ob Regis  
pietatem  
Auxillia  
victoria  
reperuntur.*

eam rem abunde suppeditaverat , præscripseratque , vt institutis ibidem Parochiis tributorum omnium decimæ Ecclesiastico ritu persolverentur , nec sine fœnore; Deus enim , qui centuplicato nostra semper obsequia remuneratur , benigne præstituit , vt quo die Emmanuel id in Lusitania decreverat , eodem Ioannes Menesius Arzillæ gloriosissimam a barbaris victoriam adipisceretur. Pluresque deinde Arzillæ , Septæ , Azamori , Tingitanæque arcis Duces æquabili rerum victoriarumque prosperitate continenter flourerunt.

*Marrochii  
portis no-  
strorum  
casus in-  
iunguntur.*

OMITTO nostrorum audicissimos excursus , & prælia plusquam vices animose profligata. Quippe Emmanuele Lusitaniam moderante , eo Lusitanorum virtus & fortuna crevit , vt potentissimos Fezii , ac Marrochii Reges , & Xarifes insuper permagnis exercitibus insensos , ipsi numero longe impares , animo tamen superiores , nunc impetentes , impetiti alias , facili semper negotio debellarent. Cœlo nimirum auxiliari utebantur , eoque adjutore & auspice , non semel in hominum terga pertinaciter hærentes , & Marrochianas adusque portas infecuti ferratis hastarum

*Saphinum  
capitur &  
omittitur.*



starum calcibus fores , ingeminato Emmanuelis nomine , converberarunt. Extruxit Emmanuel in Africa Castellum Regium , quod , ( expugnata subinde , & stipendiaria facta vrbe Saphino , opulentissima , & civium inquilinorumque Iudæorum familiis quatuor mille quadringentis frequentissima , imposito- que cum arce præsidio ) vt minime necessarium , ita stabile non fuit. Anno deinde MDXIII navigia circiter quadringenta fabricatus , peditibus duodeviginti mille communiit , duobus millibus equitum ; ex his trecenti cataphracti. E tota vero summa peditum tria millia , equites quadringenti quinquaginta , in quibus cataphracti centum, Iacobi Ducis Brigantini , quem totius classis præfectum Emmanuel summo cum imperio iussit , clientes erant. Ea expeditio suscepta est in Azamorum , quæ cum vectigalis vrbs esset , & stipendia jugumque sæpissime detrectaret , exscendente Lusitano , & castrametante pro mœnibus , primo statim impetu , sine vlllo nostrorum damno , expugnata est , & militibus permissa , vt licenter , & hostili more diriperetur. Ad ejus supplicii famam desertæ mox a Barbaris vrbes Tite ,

*Iacobi  
Ducis Bri-  
gantini vi-  
res & ge-  
sta in A-  
frica.*

*Lusitanorum in Africa ditio.*

Almedinaque in Lusitanorum potestatem devenerunt. Sed Almedina, revocatis habitatoribus, muris magna ex parte complanatis, tributaria constituitur. Brevi deinde tempore interjecto oppida Benacafiz, & Tufut capta, direpta, incensa. Eaque tempestate in Africa præsidarii milites non solum partas vrbes, & gloriam insuperabili virtute tuebantur: sed etiam in Mauritanix fines audacter excurrendo ad leucas ferme triginta, præter abactas prædas, & servitia, castella, mapaliaque nunc vicena, tricena iterum, aliquando quadraginta, semel centum, partim manu capiebant, partim manu demoliebantur. Et ut compendiario dicam, ea tum fuisse in Africano bello Lusitanorum virtus, & præclare facta, quæ priscæ fortitudinis admiranda facinora longo post se relinquerent intervallo. Nec ambiget, quisquis nostros consuluerit annales. Stringam breviter aliqua, ne omnia videar silentio premere.

*Octo obsidiones in Africa tolerata.*

OCTIES Arzilla, Azamorum, Tingi, Casii arces a potentissimis Fezii, Marrochii, & Mequinezii Regibus conjuratis, coactopeditatus ad centum, equitatus ad viginti millia exercitu, obsessæ, obsidionis pericula

la incredibili virtute, Deoque palam obsecundante propulsarunt. Anno deinde MDXX cum in agro Arzillano Fezii Rex cum maximis copiis clanculum grassaretur prædabundus, animo recuperandi amissa, si qua forte sese daret occasio: egressi e nostris viginti ad expiscandas in fluvio testudines, præsentissimam phisico militi veterano medicinam, adeo eo vel otio, vel negotio, distinebantur, vt imminentes jam hostes (ii erant levis armaturæ quadringenti a Rege missi ad Lusitanos ex improvise capiendos) tunc demum præsenferint, cum vix fugiendi, nedum adornandi sese spatium dabatur. Ergo arreptis, qui ad tela humi defixa hærebant, equis, sine ephippiis, sine calcariibus, sine habenis, ipsi prorsus inermes, ac nudi circumfusus in hostes intrepidi se conjiciunt, & hastis intentis, impetuque ipso horrendi, per confertissimum globum viam rumpunt, & Arzillam præter omnium opinionem incolumes incruentique perveniunt. Hæsit incredibili admiratione defixus Rex Barbarus. Lusitani equites, publicis cum gratulationibus ac tripudiis excepti, ab eo fluvio novam gloriæ prædam & orna-

*Mirabilia  
victoria a  
paucis de  
Rege Fe-  
zii repor-  
tata.*

menta retulerunt. Arzillæ tum Ioannes Menesius præerat ; is cum accepisset Fezii Regem fratre quodam suo , permagnisque comitatum copiis , properare ad Tingim obsidendam , nec alio modo posset nostros impendentis periculi præmonere, scriptum ejus rei nuntio epistolum , cereoque inclusum globulo , Tingitanæ cani , quæ id temporis in arce casu quodam reperta est , ad collum appendit , educatamque deinde ad portas post longam & asperam verberationem emisit. Avolasse crederes : ita mature ad Tingitanos pervenit. Exceptis litteris præsidarii , rebusque compositis adventantes hostes opperuntur.

*Tingitani  
a cane ad-  
monentur.*

*Ad Ma-  
moram in  
Africa a  
nostris in-  
feliciter  
pugnatum.*

EMMANVEL itaque eo potentia , ac felicitatis evasit, ut in Africa ei provinciæ , quæ Xerquiæ , Garabiæ , ac Dabidæ fines complectitur , late imperitaret ; splendidaque multis earum Regionum pagis & mapalibus tributa exigeret , quorum nonnulli Fezii & Marrochii Regibus ac Xarifibus ea tempestate vectigales erant. Sed ne de felicitate cum Timotheo Atheniense contenderet, immo fortunæ variantis utramque legeret paginam , nonnihil detrimenti anno MDXV

accepit. Ducentarum quippe navium adornatæ classi, & impositis ad octo millia (præter opifices & nautas) bellatoribus cum Antonium Noroniam, Linariensem postea Comitum, præfecisset, imperavit, ut arcem præsidiumque in Mamorini fluminis ripa collocaret. Eo nempe Emmanuelis studia respiciebant, ut quamplurimis posset munitis Africæ confinia tutaretur. Ea res parum felices habuit exitus. Nam, cum opus pæne ad fastigium jam spectaret; adventantibus Fezî, Mequineziique Regibus cum maximo & fortissimo exercitu, post varias oppugnationes & magnam utrinque cædem, de Emmanuelis consilio & consensu Ducum, animos quorum periclitari jusserat, non sine dedecore damnoque intermissum ac derelictum est. Quo enim tempore Lusitani ab eo periculo sese recipere in tutum, navigia centum, quatuor hominum millia, tormenta aliquot, bellicique instrumenti nonnihil, utpote in tanta rerum trepidatione ac tumultu, amiserunt.

SED jam ad Emmanuelis propria recurramus. Mox ut Principatum iniit, Isabelam Principem duxit Regum Catholicorum

*Emmanuelis filius ex Isabella hæres Castellani Imperii*

filiam , quæ a demortuo marito Alphonso Principe Lusitano vidua perseveraverat. Ex eo matrimonio affulsit Emmanueli spes amplissimi imperii ; extincto enim Castellano Principe Ioanne , cum ad Isabellam conjugem , vtpote natu maiorem filiam , Regnum veniret , ex templo Emmanuel , vxorque Toletum profecti , a Legionensibus , Castellanisque dynastis , interposito solemnī sacramento , legitimi Principes , ac Principatus hæredes instituti sunt. Sed occulta fatorum dispensatione agbatur , vt eo Lusitania , nisi bellicæ virtutis & gloriæ terminos promoveret. Quippe , dum reverterent , Cæsaraugustæ in Aragonia puerperio enecta Isabella (Regni iure mox ad Ioannam sororem , Burgundiæ Ducis Philippi conjugem , trans-eunte ) spes omnes velut injecta securi iugulavit.

*Isabellæ interitus.*

*Secunda Emmanuelis nuptiæ & filii.*

SECUNDAS cum Maria Isabellæ sorore natu tertia nuptias celebravit anno M.D. Inde numerosa Emmanueli soboles. Imprimis Ioannes Princeps , & patris in Regno successor ; Isabella Caroli eo nomine Imperatoris V vxor ; Beatrix Pedemontano Principi , Ducique Sabaudiæ Carolo nupta ; Lud-



dovicus Pacis Iuliæ Dux, & Lusitaniæ Comestabilis, multis & maximis animi dotibus ornatissimus, & Cratensis Prioris Antonii pater; Ferdinandus Francisci Cotinii Marialbæ Comitis gener, ante susceptam prolem præreptus immatura morte; Alphonsus Cardinalis, Olyssipponis Eboræque Archiepiscopus, & Alcobaciensis Abbas; Henricus, præter Alphonsi titulos, Braccarensi Primatu insignis; Eduardus, qui Iacobi Ducis Brigantini filiam Isabellam habuit in matrimonio; Maria infantilis ætatis in primo flore peracerbo funere occupata; Antoniusque natus ultimus, & paucis a natali diebus extinctus. Quo ex partu Regina in posterum ita male habuit, ut post ætatis anno xxxv animam efflaverit. Emmanuel vero, cum integer adhuc & vegetus annum ageret xxxix, tertias ad nuptias animum appulit, uxoremque assumpsit Eleonoram Caroli V Imperatoris sororem, Philippi eo nomine primi Castellani Regis filiam. Ex qua Carolum sustulit brevi intermortuum, & Mariam, quæ illibato virginitatis flore, singularisque virtutis exemplo spectatissima obiit Olyssippone, jacetque in Divæ Virginis

*Tertium  
Emmanuelis  
matrimonium.*

a Luce ad aram maximam ; quod opus, cum Lusitaniæ magnificentissimis absolutissimisque jure comparandum, propriis ipsa sumptibus exædificavit.

*Statura  
Regis &  
Audia.*

STATURA fuit Emmanuel mediocris , corpus non ita succulentum , frons libera ; oculi cæsi , barba , capillusque ænei coloris ; facies candida & apprime liberalis ; ipse mente adaperata præditus , & in sermone consideratissimus, summa cum modestia subtilitatem prudentiamque mirifice copulavit. Venationi deditus , & musicæ amantissimus , cui non solum inter epulas , sed in laboriosissimis etiam occupationibus vacabat sine ullo negotiorum detrimento. Primam noctem sæpe spectandis ancillarum & aulicorum ludicris , veteri Regum consuetudine , traducebat. Dominicis , festisque diebus , equorum ad curriculum ibat , vbi & puorum equos agitantium dexteritatem laudabat & agitabat ipse , vt cæteros ad equestrem disciplinam vehementius adhortaretur. Arundinum , taurulorumque ludos sæpius fecit , vtque colludentium parceret immodicis sumptibus , phaleras , chlamydesque Mauricas domi in vestiario habebat , ac mutuas dabat.

Arun-

Arundines interdum & ipse cum cæteris lussit non sine dexteritatis ac venustatis applausu. Ad cœnobia sacris intersuturus non raro se conferebat : quibus peractis , sciscitabatur ab iis , qui præerant , num aliqua opprimerentur egestate ; cui non solum statim ferebat opem , sed etiam dono missis religiosi vestibibus , atque ornamentis , altaria condecorabat. Argentum , quod Alphonfus avunculus e templis ad Castellani belli sumptus corrogaverat , demum restituit. Lateranos habuit , non communes tantum , sed lectissimos etiam equites , quorum eximio splendore mirum in modum gloriabatur. In cibo tantæ moderationis , vt inter exquisitas epulas animadverti vix posset , quibus potissimum titillaretur. Lautissime plerumque epulatus , vino semper abstinuit , atque oleo. Vsq̃ue ad ætatis quadragesimum totius anni ferias sextas simplicis aquæ panisque transiegit alimento ; exinde ad obitum commune jejunium tenuit.

*Religiosos  
sepe inui-  
sebat &  
sublevabat.*

LITTERATOS viros diligebat ex animo , librisque doctis , Regum maxime superiorum monumentis , impensissime delectabatur. Pueris nobilibus , & cubiculariis mandabat , vt

*Ipsius in  
omnes , &  
omnium in  
ipsum  
amor.*

La-

Latinum præceptorem quotidie bis audirent. Apud clientes miro in amore & observantia. Vnde cum Eboræ nuntios de Arzillæ obfidi-  
 dione accepisset, cum equitibus quatuor in Algarbios propere contendit, obsessis opem  
 laturus: præmonensque, ut in eam expeditionem se voluntarii tantum sequerentur. Vix iter confecerat, cum intra dies octo ad  
 eum bellatores viginti mille e primaria nobilitate convolarunt. Ea tamen auxilia cum  
 re intentata ob exemptam derepente obsidionem rediissent: nihilominus Emmanuel officiosam totius Regni voluntatem, data oc-  
 casione pro meritis, & sæpe ante petitionem, remuneratus est. Variarum familiarum cœ-  
 nobia, & gynæcea multis in Lusitaniæ locis condidit: sed Hieronymianæ præcipuum &  
 opere & magnificentia, titulo Bethlem, de quo supra mentionem feci. Tomariense  
 deinde tam magnitudine, quam architectura celebratum. Tempora vndecim posuit in  
 Lusitania; in Africa, Indiaque multa; quibus præter ornatum, necessarios redditus attri-  
 buit in alimenta curionum. Eborense Divi Francisci templum extruit, fornicis vnus  
 admirabili magnitudine & artificio conca-  
 meratum.

*Templa &  
 cœnobia  
 ab eo ex-  
 structa*

OLYSIPPONE Regium vere Palatium ad Tagi ripam adificavit , & Conimbricæ in montis dorso aliud , quod postea Academia a Philippo I pecunia emptum in gymnasia convertit ; itemque tertium Azambuziæ in oppido , venationis & rusticandi causa. Optimos totius Lusitaniæ pontes Conimbricæ atque Oliventiæ fecit. Domum , quam vocant Misericordiæ , Olysippone instituit , assignatis per singulos annos in pauperum & orborum subsidia aureorum duobus mille quingentis : et annuis præterea mille centenis in alia pietatis opera. Qua Africa , & Asia centesimari iussit. In duodecim Apostolorum gratiam & memoriam totidem equitibus vel senio , vel paupertate consecutis , annuas mercedes ea lege destinavit , ut pro se piaculares funderent orationes. Armentaria condidit , bellicisque tormentis , & omne genus armaturis apparavit , ac per totum Regnum distribuit , imperavitque civitatibus fere omnibus , ut armorum conficiendorum officinas , ac fabros haberent , ne vlllo unquam tempore desiderarentur.

*Pontes erecti , & opera misericordiæ instituta.*

IMPETRAVIT a Pontifice Leone X , ut militares equites Christi , Sancti Iacobi , & Avissii

*Remissio-  
nem voti  
castitatis  
Ordinibus  
militanti-  
bus impe-  
travit.*

*Iudæos ad  
fidem ad-  
duxit.*

*Indigna  
illorum  
caue.*

Ayisii inire matrimonium possent, ( iis excep-  
tis , qui voto castimonix jam nuncupato  
erant obstricti ) quoniam ita expedire com-  
periebatur. Item obtinuit, vt salvo curionum  
alimento ex redditibus Ecclesiasticis in quæ-  
stum eorum , qui in Africæ conquestione  
meruissent , aureorum viginti millia aliena-  
rentur. Ordinis Christi equites , personas  
Ecclesiasticas , Religiosasque familias a quo-  
vis emptionum solvendo tributo reddidit im-  
munes ; necnon populos a publicis aliquot  
exactionibus. Veterum Maurorum reliquias  
exegit e Lusitania. Iudæos , qui ex Castella  
migraverant , ad fidem Christianam adduxit.  
Quorum & magna cædes Olysippone erat ,  
gliscente levibus de causis seditione , popu-  
loque adversus miseros arma capiente , in  
quibus & alterius generis nonnulli per in-  
faniam vel errorem trucidati. Doluit Emma-  
nuel pro rei indignitate tam insigne malefi-  
cium , prætoresque , ac magistratus , quo-  
rum erat ea vulgi turbamenta componere ,  
severissime puniit , vtpote in servanda justitia  
constantissimus , atque integerrimus. Eodem  
stomacho antiquum Regni jus , legesque re-  
formavit , ac recoxit , adjectis magni mo-  
menti



menti nonnullis. Lusitaniam Orientali commercio vsque adeo locupletavit , vt aurum præ argento vilesceret , ob vnā difficultatem pecuniæ quodtidianos in sumptus permittendæ.

Ad vltimum Emmanuel toto vitæ curriculo fuit feliciffimus, quem non nemo ad instar Samii Polycratis fortunæ alumnum , vel partum, prestantiffimo & incomparabile jure appellaret. Tanta nempe erat & Regni & rerum ea tempeftate felicitas, tanta bonorum omnium affluentia, vt Emmanuelis Principatus ætas aurea vulgo diceretur. Feliciffimus denique & in morte; quæ nobis illum præmature invidit , ac rapuit Idibus Decembris , anno a partu Virginis MDXXI, ætatis super quinquagesimum fecundo, imperii sexto & vigesimo. Tumulatus est Olyfippone in celeberrimo cœnobio Bethlem , quod cum inchoaffet , ad culmen perducere non potuit , interveniente fato. Catharina vero, Ioannis eo nomine III Regis vxor , aram ejusdem templi maximam , & operosa Emmanuelis , maritique , maufolea pro dignitate dedicavit.

*Mort &  
sepul-  
chrum.*

## AD EMMANVELEM REGEM.

**N**E regno imposuit plus fors , quam sanguinis ordo

*Hesperia Regem noluit esse polus.*

*Barbaricum ferro dum victum Athlanta fatigo,*

*Addidit imperiis magna tributa meis.*

*Interdicta homini perrumpo claustra frementis*

*Oceani , domitis qui mihi cessit aquis.*

*Ausus ego Auroræ lustrare cubilia , Regum*

*Adjeci imperiis sceptrasuperba meis.*

*Vltra anni , solisque vias nova sydera vidi ;*

*Est natura animis obstupefacta meis.*

*Quidquid erat Regum per regna incognita ,*  
*victas*

*Fœdere , vel duro dat mihi Marte manus.*

*Natura , Oceanus , locuples Aurora laborant*

*Addere divitias in mea sceptrasuas.*

Ad eundem.

**R**Ex tua majestas totum famosa per orbem ;  
*Vna parem toto non habet orbe locum.*

*Non te Europa capit , non Africa , non capit*  
*Indus ;*

*Trans Indum pandit jam tibi Regna Thetis.*

Re-

*Regibus Europæ fama notescis , & Indis ,*

*Te quoque trans Gangem Martia fama  
canit.*

*Te duce , Neptuno Regni est sors dempta se-  
cundi ,*

*Oceanus frænos jam subit ipse tuos.*

*Et Neptuninæ veniunt ad iussa quadrigæ  
Rex tua ; ter gemini jura tridentis habes.*

*Te dedit exemplar Regum Rex Regibus , omnes  
Ut discant Regni mitia jura tui.*

*Eſto , ait, Archetypus regnantum ; legibus orbem  
Iuſte tuis Princeps imbuere , vive meis.*

*Ad Sphæram , Emmanuelis Regis  
inſigne.*

**T***errarum , cœlique globum tua ſymbola  
Princeps ,*

*Novimus in genio jura reperta tuo.*

*Solum aquilæ cingunt terrarum amplexibus or-  
bem*

*Cæſareæ ; ſuperos adjicis ipſe globos.*

*Non tam quod teneas , quam quod virtute me-  
reris ,*

*Significant gemini ſymbola clara globi.*

*Africa , prodigiis terra ingenioſa ferendis ,*

*Ad nutus Princeps ſtat ſtupefaſcētia tuos.*

*Sup-*

*Suppliciter pater Oceanus submittit habenis*  
*Colla tuis , sub te Principe grande tumet.*  
*Ortus , & Eous per Regna immania tractus,*  
*Arte laboratas Rex tibi pendit opes.*  
*Argussi super imperii fastigia tollis,*  
*Imperii fulvò qua sonat amne Tagus.*  
*Qui Libyæ latos fines moderantur & ortus ,*  
*Ante tuos sceptrà superba pedes ,*  
*Hæc tibi sunt Princeps. Meritis si Regna da-*  
*rentur ,*  
*Angusta est Regnis terra fretumque tuis.*  
*Sic duce justitia clementia Regna gubernat ,*  
*Æthereos Princeps ut mereare globos.*  
*Quam bene divinas , per symbola Regia Mun-*  
*dum*  
*Deberi meritis , astraque summa tuis.*  
*Ne sine te pereat Mundus, Rex Magne, mereris*  
*Quod cito , munifice Numina sero dabunt.*

Oceanus ad eundem.

*Q**Væsiui , cui sceptrà darem Neptunia; visi*  
*Europam , atque Asiam , visus Athlantis*  
*apex.*  
*Romanos inter quæsvimus , inter Achivos ,*  
*Qui mea tunc nullus sceptrà teneret erat.*  
*Ger-*

*Germanos adii ; felix Germania dixit ,*

*Cæsaribus tellus est satis una meis.*

*Gallia subrisit ; vicina Britania dixit ,*

*Insula divitiis invidiosa mea est.*

*Protea consului reddentem oracula certo*

*Pectore Carpathii , qua sonat vnda maris ;*

*Isque ait , extremo invenies sub vespere Regna ,*

*Cui tua convenient , convenit ille tuis.*

*Quæ summa in summo quærantur Principe ,*

*solus*

*Aut habet hæc Princeps , aut ea nullus ha-*

*bet.*

*Prodigium Mundi est : illum Natura profudit*

*Exuperans partus prodigiosa suos.*

Tumulus ad eundem.

**O***btulit Hisperios mihi prona Hispania fascēs ,*

*Et consanguineus Rex mihi sceptrā dedit.*

*Maurus sanguineis jussus mihi cedere bellis ,*

*Bella duces peragunt dum graviora mei.*

*Maurum fulmineis Athlanta subeginus armis ,*

*Inde mihi raptæ vix numerantur opes.*

*Imposuit sua colla homini non ante subactus*

*Oceanus ; frænis & dedit ora meis.*

Tom. I.

Gg

Ipsū

*Ipsū cum populis Orientem excidimus armis ;*

*Tot numero Alcides , quot mihi sumo duces ;  
Sultanum sæve minitantem , & dira fermentem  
Fregimus , insanis & fera verba minis.*

*Cæsa minutatim Turcarum millia novit*

*Oceanus , tincto rostraque mersa salo.*

*Gloria pæne caret titulis , victoria palmis ,*

*Fama etiam laudes quo canat ore meas.*

*Roma triumphales victoribus extruat arcus ;*

*Ipse mihi Oceanus clarior arcus erit.*

*Ipse Oriens fiet victis cum Regibus arcus ;*

*Tum graviora meis quis monumenta paret ?*






JOHN RUSSELL, ESQ. OF RUSSELL SQUARE, LONDON.

THE AUTHOR OF THE HISTORY OF THE  
LORDS OF THE PARLIAMENT OF GREAT BRITAIN.



IOANNES PORTVGALLIÆ REX XV.  
VIXIT A. LV. OBIIT ANNO M.D. LVII.



# IOANNES III.

## LUSITANIÆ

## REX XV.

### ANACEPHALÆOSIS XIX.

**H**ORRIBILI fane spectaculo Ioanni III Lusitanix Regi nascenti, anno salutis humanæ MDII, elementa plauserunt; nam postridie Nonas Iunii versa in foedam procellam verna serenitate, micantibus interdissimos imbres, & metuenda tonitrua, fulgetris, stratis humili pavore animis, nulla tamen edita strage, cœlum ruere videbatur. Mox, dum salutaribus aquis abluitur, in Regia excitatum est incendium facili negotio extinguendum. Ille quidem (vt non obscurare tam splendida signa portendebant) velut ardentissima fax exoriebatur excitandis a gravi veterno Barbarorum Nationibus, & sub mortis vmbra jacentibus, ad læta Christi pascua viam monstratura, vt exitus probavit. Vigessimum ætatis annum vix attingens, Re-

*Tempestas  
in ejus or-  
tu quid  
portende-  
rit.*

gni suscepit gubernacula XIV Kalend. Ianuarii anni MDXXI, facto plane ostendens egregias animi dotes, quas puerili in ætate ingenuus promiserat.

*Regia  
Ioannis  
dotes.*

QVIDQVID in excellentissimo Principe desiderares, in illo cerneres, singularem erga Deum & Dei cultum pietatem; ardentissimum ad proferendos inter infidas exterasque Nationes veræ Fidei radios, fervorem, sapientiam, ac prudentiam non vulgarem ad continendos in officio, incorruptaque iustitia, subditos Lusitanæ ditioni populos; laudabilem humanitatem, mansuetudinem, & clementiam, quibus, salva Imperii Majestate, suorum animos mirifice conciliabat; profusam, ac vere Regiam in sacras ædes, levandosque dira necessitate pressos, munificentiam; vigilem in promovendis bellicis expeditionibus solertiam, ut illius historias evolventi manifesto apparebit.

*Pietas in  
Deum.*

Si de more sacris aderat, Christianam submissionem reverenter præferbat: Deo, quem gravibus in negotiis consulebat, semper quotidie semotis arbitris dulciter vacabat, nunc preces recitans, nunc tacitus divina animo percurrens. Non tantum regio  
in

in facello , quæ ad divinum honorem pertinebant , studiose promovit , verum etiam in omnibus Cathedralibus. Et , vt suaviori utiliorique gubernatione regerentur , primus in Lusitania Portalegrii , Leiriæ , ac Mirandæ Pontifices a Romano postulavit ; in Asia, Cocini , & Malacæ ; in Brasilia , Bayæ in celeberrimo vastæ illius provinciæ emporio ; in capite Arsinario , Guineæ. In Æthiopiam Ægypto superiorem primum Latinæ Ecclesiæ Patriarcham Ioannem Bermudium misit , Ioannem deinde Nonium Barretum , ac duos simul antistites , qui parte laboris Nonium levarent , eique vita functo per ordinem succederent ; aliosque Societatis IESU (cujus etiam illi antistites erant ) eximia pietate , ac doctrina Religiosos , omnibus rebus instructos , vix credibilibus expensis. Eborensem Episcopatum Archiepiscopatum esse maluit , electo in eum Cardinale Infante Henrico , Regis fratre , Regnique postea hærede. Per omnes suæ ditionis ultra Oceanum provincias pulcherrima templa a primis fundamentis excitavit : quibus ad erudiendos populos præfecit Sacerdotes ; sacram aræ supellectilem , omnemque apparatus

*Episcopos  
in Regno  
& extra  
multos dis-  
posuit.*

*Patriar-  
chas misit  
ad Æthio-  
pes.*

*Sumptus  
in res di-  
vinas.*



ratum Religiosa munificentia providit : non quantum Regiæ opes ob id imminuerentur , sed quantum Dei Optimi Maximi honor augeretur , considerans.

*In hæretici sacrilegio  
Ioannis dolor.*

ILLVD enim numerosc cadit in hunc locum. In Principis Ioannis Regis filii ludis, vt risus dolore misceretur , vesanæ temeritatis hæreticus sacrilego ausu augustissimam Hostiam , dum a Sacerdote pro vertice tolleretur , manu injuriosus arripuit coram ipso Rege. Quem adeo gravis dolor alte penetravit , vt multos dies tenebricoso in angulo lucem inæstissimus non viderit , ac neminem ad colloquium admiserit. Pulla deinde veste atratus prodiit lacrymis perfusus ; tristisque Olyssipone supplicationem ad resarciendam Christi Domini injuriam fieri iussit , in qua ipse nudis pedibus dolenter incederet. Domestico clienti variis illum argumentis solanti respondit : Vnum misera in calamitate levamen est , ita meæ constantiæ divinum Numen confidisse , vt nec tartareum illud monstrum subito interemerit , nec temerariam manum arefecerit. Quasi ad stabilendum Fidem , vt sanctus Galliarum Rex Ludovicus olim dixerat , miraculis non esset opus.



QVI vero tristi hoc in eventu tot tantisque mœstitiæ signis lacrymosus ingemuit, (vt humana quæque divinis nullatenus conferenda indicaret) incomparabilem vndecim filiorum jacturam (tot enim illi florida ætate abstulit atra dies) & fratrum numerosa funera adeo æquo animo tulit, vt vndecimo die post obitum vnici Lusitaniæ hæredis Principis Ioannis eodem, quo matrimonio vinctus est, anno extincti, nuptialibus tædis in funereas repente versis, lætoque in flebilem luctum choro, lætitiam prætulit; nam festa Magorum luce in publicum cum Regina exiit, vt sacris & concioni adessent, presso animi dolore, opulentis fictæ iucunditatis vestibus induti.

QUANTO arserit studio conservandæ pristino in splendore Fidei, palam ostendit, sacrum Quæditorum hæreseos tribunal in Lusitaniam induxisse: ruptis in vrbe gravium difficultatum obicibus, quas ad impediendos, aut retardandos Regis conatus Dæmon fraudulenter extruxerat. Alieno enim capite expertus multorum Regnorum malo sapiebat, quibus olim florentissimis miserandum excidium, & ruinam pestifera hæreticorum mon-

*In filii &  
fratrum  
nece Ioan-  
nis æqua-  
litas,*

*Quæstio-  
rum fidei  
tribunal  
primus in-  
stituit.*

stra

stra crudeliter intulerunt. In quo illud observatione valde dignum, quo anno in Lusitaniam ductum est contra hæreticam pravitatem sanctæ Inquisitionis tribunal, dira sterilitate, ac fame Regnum misere laborabat; constituto jam tribunali, subsequutus est annus ob incredibilem fertilitatem insignis, vulgo dictus Divi Blasii, quod ante illius festum ad tertium Nonas Februarias recurrens ob pluvix defectum semina terræ mandari non potuerint, sed postea tanta fuit annonæ vilitas, ut frumenti modius victoriatto staret.

*Sub illius  
imperio  
Evangelium late  
diffeminatum.*

IAM si quis angustos Lusitaniæ fines egressus, qua maxime patet vniversus terrarum orbis mentis oculos curiosus extenderit, in Orientalem Asiam, in superiorem Æthiopiam, novumque in orbem, ac reliquos Lusitani Imperii tractus, facili negotio intelliget, latius Evangelicæ tubæ sonum, & cœlestium præconum voces in remotiores terrarum fines penetrasse Ioannis Serenissimi industria & labore; quam laureata felicissimi Emmanuelis vexilla, victriciaque potentissimarum legionum attigerint: & ultra paternos, qua Mundo terminus obstitisse videbatur, limites

Evangelium

Evangelii signa transtulisse. Et ne quis forsitan oratorie dictum putet ; Ioanne Rege anno MDXLII sanctissimæ Fidei lux variis in Insulis , Regnisque a nostris semotis feliciter exorta est , Iapponensibus præsertim , ignotis antea Insulis, internuntio beato Xaverio Societatis IESV , illarum, sicut multarum , gentium Apostolo. Molucenses non tam garyophyllo, odoriferisque aromatis, quam ob discordiam inter Europæos olim, & nunc celebres , Ioanni acceptum referunt primum Evangelii præconium. Quibus in Insulis , priusquam naturæ concederet , duodecim Reges, Regiasque illorum familias, & clientes sacro baptismo lustratos in Christi Domini verba jurasse vidit , incredibili perfusus gaudio : dirutis & solo æquatis inanum Deorum fanis. Legendæ per otium litteræ , quas ad Indiæ Proreges exarabat , quibus nihil sibi antiquius Christianæ Religionis studio omnibus perspectum esse cupiebat; atque ut ab infelicibus vepretis ad florida Ecclesiæ pascua superstitionibus imbuti educerentur , postulatis libenter annuebat , & munera non vulgaria impertiebatur. Tunc demum se illarum gentium fore Regem asse-

verans,

*B. Francisci Xaverii in prædicatione labor ac fructus.*

*Præmissis & epistolis fidem Ioannes prorogabat.*

verans , cum illic Christi Fides , abolitis pri-  
stinæ ignorantiae erroribus , gloriose trium-  
pharet ; eoque suos conatus & labores fa-  
vente cœlo tendere. Vna sit instar omnium ,  
quam ad calcem libri XII histor. Indic. Al-  
mérini scriptam Mapheus florida Latinitate  
donavit. Nec Brasiliæ oblitus est , in quam  
primus Prætozem misit , & Pontificem , vna-  
que Societatis Sacerdotes , quos erudiendis  
illius provinciæ Barbaris elegit. In Regnum  
Congi , tam ex Societate , quam ex Domi-  
nicana familia concionatores aliquoties pro-  
vidit.

*D. Thomæ  
Apostoli  
corpus re-  
pertum &  
honoratum.*

APOSTOLI Thomæ corpus , quod in In-  
dia sepultum fama erat , incredibili diligentia  
investigandum curavit. Inventum , Prore-  
ge Indiæ Eduardo Menesio , & lanceæ , qua  
transfixus est , cuspis Meliapore , oræ Coro-  
mandelicæ vrbe quondam celeberrima , vt  
domorum ruinæ , operosaque vestigia testa-  
bantur. Templum , vbi sacrum Thomæ ca-  
daver jacebat , fartum , & resectum , ne rui-  
nam , quam rimis , vrgente desuper testudi-  
ne , parietes minitabantur , traheret. Pre-  
tiosæ reliquiæ pulcherrima in arca, Sinarum  
artificio & argento fabrefacta, inclusæ clan-  
culum

culum summa reverentia deponuntur. Non longo post tempore in monte prope Meliaporem, vbi Apostolus pro Christi Fide gloriose occubuisse non immerito credebatur, Lusitanis novi templi fundamenta aperientibus, candido in marmore Crux apparuit eminenti sculptura, sanguineis guttis interlita, antiquis peregrinæ linguæ characteribus circumcirca, compendariis notis vitæ Apostoli seriem, concionandi laborem, illustreque martyrium continentibus; vt consulti peritiores Brachmanæ docuerunt. Lapis pro imagine in ara sacelli positus Christianis fuit non levi solatio: qua enim luce Deiparæ Virginis Expectatio colitur, octo ante natalitiam Christi lucem diebus, vbi primum Diaconus Missæ sacrosanctum Evangelium canere aggressus est, populo spectante, lapidea Crux, nativo colore abolito, fulvo auro pallefcere, denigrari mox, & obscurari, cæruleo deinde colore pulcherrima splendescere, versicolor durante sacro, peractò vnicolor. Eadem luce singulis annis anniversarium miraculum recurrebat: quod, si aliquando deesset, experientia testante, portendi insolitum aliquid putabatur.

*Crux annis singulis ante festum Apostoli sanguine purpurascit.*

*Religiosa  
disciplina  
restaura-  
tionem  
quam cu-  
raverit.*

CONATV non inferiori Religiosarum familiarum perfectissime vivendi normæ invigilavit. Lusitanix Numam illum jure appellationes. Dum enim Religiosum statum, & Ecclesiasticum ordinem ad nativum splendorem omnibus viribus reducere studet, publicos totius populi fontes repurgat, & salientes in æternam vitam scaturigines vitro splendidiores, crystallo pulchriores reddit. Quapropter insignes virtute, & religione viros dissimilium familiarum ex Regnis, nationibusque exteris, ubi gentium, ac terrarum florere intelligeret, in suum Regnum benevole accersivit. Qui illas, Deo auspice, magna ex parte pristinx morum sanctissimorum integritati, legumque observantiæ, qua nunc temporis certatim florent, singulari dexterritate, ac prudentia restituerunt. Hæc vero, & similia profusis vltro opibus exequi non dubitabat. Nam cum de reformanda Religiosa familia ageretur in senatu, vnum Regii consilarii objiciebant, expendenda scilicet fore hoc in negotio ex Regis ærario triginta aureorum millia. Quid ista? inquit Rex; tantula vos retardant? Agite, fiat tandem; tanti enim interest vnamquamque ex  
his

*Sumptibus  
in eam rem  
minime  
parcebat.*



his familiis reformare , tam gratum Deo Optimo Maximo , & hominibus jucundum est , vt non solum triginta aureorum millia facile expendero , sed , exhaustis opibus , meam , augustum capitis insigne , coronam libentissime oppignorauero. Serenissimi Regis auxilio & favore duæ Capuccinorum Provinciæ, Pietatis videlicet , & Arrabidæ in Lusitania creatæ sunt , quæ vitæ asperitate , morumque suauitate ad Christianam pietatem acriter stimulant.

ILLE Tomarense cœnobium , nobilium Christi equitum caput , Regularium esse voluit rubram candida in veste Crucem gerentium sub Divi Benedicti normis & instituto , MCCCXXXII anno. Vtque nova hæc familia sub Religionis forma adolesceret , Deiparæ a Luce templum prope Olyssipponem ad novum domicilium extruendum illi concessit , regia magnificentia nobilibus conferendum. Ille Societatis IESV Religiosos , auspiciis doctrinaque B. Ignatii Loyolæ tunc in vrbe exorientis , in Lusitaniam adduxit , impetratisque fociorum duobus , B. Franciscum Xaverium Apostolica auctoritate legatum in Orientem misit : retento Patre Simone Roteri-

*Societatis  
Iesu nutri-  
tus fuit  
Iouannes.*

*Collegio  
Conimbricensi a se  
ædificato  
partem  
Academia  
adiunxit.*

*Plura alia  
Societatis  
domicilia  
erexit.*

*Maturitas  
in electio-  
nibus Ma-  
gistratum*

tericio ad novam sociorum in Regno Coloni-  
nam. Nec verbis facile explicari potest  
quanto in amore hanc novam familiam Rex  
Ioannes habuerit, sub illius enim auxiliis  
& tutela adolevit, & brevi collectis viribus  
ad heroica per Orbem facta extendit cum  
sole manus. Conimbricæ numerosum Colle-  
gium, vbi ducenti & eo plures focii aleren-  
tur, Regia munificentia ædificavit: illisque  
minores Academiae Conimbricensis scho-  
las, Philosophiæ videlicet, ac triplicis linguæ,  
regendas tradidit. Olyssipponem insignem Di-  
vi Rochi domum professam; Goæ in prin-  
cipe Orientis vrbe S. Pauli Collegium; aliud  
Bayæ in Brasilia. Quæ tria Collegia trium  
Societatis Provinciarum tam diffitis in Re-  
gionibus sunt capita, & reliquorum maxi-  
ma; longumque foret innumera non tam  
Regis, quam parentis amantissimi in Socie-  
tatem vniversam collata beneficia recensere.

NVLLA in re eximia Ioannis prudentia  
magis eluxit, quam in eligendis viris ad  
Regni munera, & Magistratus idoneis; &  
in regendis incorrupta iustitia, ac pacifica  
gubernatione populis. Et quemadmodum pio  
in Deum affectu cum Religiosissimo quolibet  
facile

facile contenderet : sic matura prudentia & sapientia plurimis Regibus albis præiret quadrigis. Vnde cum ejus pater Emmanuel ob illustria in bello gesta fortissimo Regi Davidi ; sapiens , pacisque amantissimus , Ioannes sapientissimo Salomoni ob justitiam in toga , pacisque abundantia vulgo conferebatur. Regis magni intererat , in pecuniosa lite ad plura judicum suffragia dirimenda , xxx scilicet aureorum millia lucraturi , causa non cadere. Itaque vt, quod sibi jure deberi existimabat, securius obtineret , Regium fenatorem Franciscum Dias Amaralium, quem ob laudabilem in judicando integritatem & prudentiam amabat , tenuesque viri fortunas muneribus non semel juvabat , judicem affecit , mediumque inter reliquos quatuor rem optimam directurum collocavit. Regi , qui aderat , duobus primis suffragantibus , surgens Amaralius : Libentissime , inquit, Serenissime Rex , in horum sententiam pedibus irem , si justitia , quæ nunc contra te , pro te staret : simulque oppositas ex diametro rationes juris , ac legum sanctionibus munitas in medium protulit , ac contra Regem demisso vultu subtristem aperte suffraga-

tus est : duobus enim aliis Amaralio subscriptibus, Rex ipse causa cecidit. Postridie tamen illius diei accersitum in Regiam Amaralium benevolis verbis perhumaniter excepit, & pro illa singulari incorrupti animi integritate gratias egit, retulitque statim, nec deinceps referre cessavit.

*Conimbricensis Academiae amplissimo & sedulo*

QUANTVM illi debeat Fidei propugnaculum, sacra Theologia, cæteræque liberales artes, testis est Conimbrica, quam altricem scientiarum, vt olim fecerat Rex Dionysius, esse voluit : accitis illuc, magnis propositis stipendiis & honoribus, ex Gallia, & Hispania florentissimis præclara eruditione magistris : locupletata Academia plus triginta millibus aureorum annuis. Illi enim Romano Pontifice annuente, extincto maximo sanctæ Crucis Prioratu, Regum, vel Dynastarum filiis conferri solito, amplissimos redditus, ac multarum parœciarum jura imperitus est ; liberalem Regis Philadelphi in Alexandria Lycæum humanitatem, & Magni Caroli in Parisiensi Gymnasia munificentiam antecellens. Multa in eadem vrbe Religiosorum Collegia condidit, dotavitque, ne scientiarum iis deesset ornamentum, quos

vir-

virtute cumulatissimos cupiebat. Certissimam bene regnandi methodum a Deo , quem du-  
biis in rebus fidenter consulebat , hauriebat,  
& a fidis monitoribus , quos ad indagandum  
quid sinistris sermonibus in Rege vulgo ca-  
peretur ac reprehenderetur , submittebat. His-  
ce monitoribus benevolas dabat aures male-  
dicendi materiam exterminaturus : quod in  
Valentiniano Imperatore sanctissimus D.  
Ambrosius mirifice commendavit.

*Monita li-  
benter ad-  
mittebat.*

PRÆ cæteris dotibus excellentissimis mi-  
tissimi Regis omnibus cognita clementia ma-  
xime laudanda est. Læta placidi oris sereni-  
tate populum exhilarabat ; vtque madefactæ  
rore matutino herbulæ floresque lætissimi ,  
germinante solo, momento pene surgunt , &  
se se gratiose explicant ; sic benefico Regis  
aspectu omnes vegetabantur. In verbis co-  
mis & modestus , ne vllum læderet. Cum  
omnes ad sermonem coram Regina admitter-  
ret , intemperanti lingua quædam muliebri  
furore excanduit , vsque adeo , vt nimiam  
infracti Regis patientiam Regina cavillata  
fuerit. Cui Rex : Ecquis , ait , Regina , si  
illam ego non patiar excandentem , patietur ?  
Accedente ad augustissimam Synaxim Rege ,

*Clementia  
Ioannis.*

*Patientia  
in audien-  
dis oppro-  
briis.*

vir claris ortus natalibus, cui paulo ante magna redituum pars, adjudicata Regio fisco lite, erepta erat, dolore, ut putabat, iustissimo percitus, elata voce, rei indignitatem palam audaciter objecit, & exposulavit: sibi que non iustissimarum rationum inopia, sed Regis potentia adjudicatam esse litem: & meritam æquissimi Numinis vindictam precatus, Sacerdoti temeraria protestatione indigno Regi Eucharistiam ministrare interdixit. Illum Rex eadem animi tranquillitate, & serenata fronte audiens (de vindicta tantum abest ut cogitaret) importunum exposulatorem spei recuperandarum fortunarum plenum demisit.

*Ius frequenter & cunctanter dicebat.*

*Fœminam absolvit, quæ adultærum matrum Amazonicæ occidit.*

Ivs dicturus omnes, nullo habito delectu, nullo stipatus satellitio horrorem miseris incutiente, quin immo mira facilitate, ad accedendum invitabat, eademque excipiebat: Seram aliquando Regis audientiam sub noctem fœmina instanter postulavit, quod ubi rescivit, insolitum quid merito suspicatus admitti iussit. Illa, ut coram data fandi copia; Vnum, ait, a te Rex Serenissime scire aveo; si me, sprete sacri conjugii fide, in scelere meus conjux deprehenderet, deprehensam-



samque lethali ferro transfigeret , hanc interfectori noxam facile condonares ? Quid ni ? ait Rex. Bene est , inquit foemina ; optimum mihi arbitrum elegi ; vt enim meum conjugem trans Tagum in mea dotali villa cum pellice immorari cognovi , illico istam mihi inferri injuriam ægre ferens , duobus meis mancipiis , promisso libertatis pileo , stipata , cymba fluvium trajeci ; tanti dux foemina facti ! & everfis magna vi a cardine villæ foribus , juvantibus mancipiis , perfidum conjugem pellicemque pugione transfodi ; clausisque iterum foribus , te ipsum , quam ille impetraret veniam , petitura convenio. Cur enim me in adulterio sine iudicio impune occideret , illum ego adulterantem nec digito attingerem ? Ioannes rei novitate defixus , virilemque foeminæ animum ac prudentiam miratus , illam abire iussit liberam , & occisos sepeliri.

IN distribuendis regia liberalitate muneribus insignis fuit : multas annis singulis puellas parentibus orbas dotatas maritabat : multas præbita suo ex ærario pecunia viduas ac pupillos alebat. Pauperibus vestes innumeras : redimendis ex misera servitute captivis

*Liberalitas  
in egentes.*

*Damna  
populari-  
um, non  
sua dolebat.*

magnam pecuniæ vim largiebatur. Ex hoc paterno in suos amore alienarum fortunarum damna magni, suarum parvi, faciebat. Nocte quadam intuitus pulcherrimam vastæ molis onerariam sub Divi Antonii tutela in Indiam navigaturam parte oneris jam imposita, grassantibus vndique ex fortuito incendio flammis laterum compages, turritam puppim, ac proram, picata aplustria, rudentes, ac vela comburentibus, interrogavit an privatorum merces illo incendio perirent; factusque certior regias tantum perire, eo perfusus est gaudio, ac si eadem oneraria pretiosis Asiæ mercibus onusta Olysiipponensem portum incolumis subiret. Subit ex occasione mentem Neronis ex Meccœnaticæ turre nubibus propinqua exardescentem Romanam per otium contemplantis, an vetus Troiæ incendium ad vivum exprimeret, & lyra crudeli cantu funus patrium prosequentis. Diebus Veneris in capitalium Iudicum senatu præerat, ut coram illo expensa maturo iudicio reorum causa, si res postularet, capite damnarentur. Antiquam Regni legem abrogavit furunculis infamiæ notam inurentem, ne redditos in meliorem frugem in-

ustum

*Infamiæ  
nota cura-  
vit ne fu-  
runculis  
imponere-  
tur.*

uſtum facie ſtigma indigno latrocinii præconio traduceret. Dei Optimi clementiam , quoad poſſet , imitaturus longe indignum judicabat non ex præſenti laudabilium morum juſtitia , & egregiis meritis , homines magni æſtimare , ſed ex præteritis erroribus illorum famam perpetuo obſcurare , meritaque ſugillare.

CVM de conferendo Episcopatu in ſenatu coram Rege ageretur , inter idoneos deſignabatur quidam , nobilitate cæteriſque dotibus illi muneri aptiſſimus. Vnus tamen ex conſiliariis dubium ſe oſtendit , illud ſcilicet objiciens , quod juventutem liberius traduxiſſet ; quamvis in præſens vita integer , ſapientia , prudentia , aliſque virtutibus commendabilis , aliis eſſet exemplo. Rex tandem omnium ſuffragia colligens , in viro illo nobili virtutes enumeratas elucere reperit. A quibus nec latum vnguem diſcedens : Abſit , inquit , vt quod illi in divinæ Majeſtatis conſpectu non obeſt , impeditve , coram me obſit , ac impediat : iniquum enim eſt , præterita juventutis delicta , & ſi quas habuit ignorantias , præſentia merita maligne obſcurare ; decrevitque , vt ad tale Beneficium omnino eligeretur.

*Crimina  
jam oblite-  
rata nulli  
nocere vo-  
lebat.*

*Religiosus  
stipe colla-  
ta quam  
juverit.*

E FENESTRA inter transeuntes conspicatus duos e Dominicana familia , quorum alter ob canoram vocem omnibus notissimus erat , quamprimum illos in Regiam accersivit ; & de prospera Prælatorum , subditorumque valetudine quærens perhumaniter , inter alia , quo tunc se conferrent , interrogavit. Ad interrogationem pudore aliquantulum suffusus Religiosus vir hæsit tacitus : sed , Rege vehementius vrgente , ingenue fassus est a Priore Monasterii ad sanctimoniales Annuntiæ Virginis missos , vt mutuum frumentum , cujus penuria cœnobium laborabat , peterent. Alio Rex sermonem prudens avertit , illosque abire iussit. Vix abierant ; illico suum vocat œconomum , cui imperat , vt ad Dominicanorum cœnobium xxxx tritici coros , ac totidem vini cados quamprimum mittat ; dictum , factum. Semel etiam ex fenestra quemdam ex Franciscana familia ostiatim mendicantem videns , intactas solum Regiæ fores præteriisse , animadvertit. Accersitum Monachum amantissimis querelis Rex piissimus interrogat : quid mali aulæ fores illi fecerint , vt illas tantum , cum ad reliquas ultro accedat emendicans , veluti

cru-

crudelia limina & avarum litus fugiat? Ad hanc paternam querelam , ex præscripto cœnobiarchæ id fecisse , Monachus respondit : Abi , inquit Rex , illique meo nomine ediffere , hanc etiam aulam , vt reliquas in vicinia domos , Christianos habitare : quibus deinceps tantam injuriam immerito inferre caveat. Suisque injunxit , Franciscanis illac cum pera emendicantibus eleemosynam semper elargirentur.

NOBILIS vir claris ortus natalibus ex India in Lusitaniam pervenerat. Huic pretiosarum copia gemmarum , pretii duodecim millium aureorum plus minus , a regiis ministris ob male servatas in eo Regni leges , intercepta est , ad Regemque adducta , qui visas per otium gemmas sub velo serico , quo mensa ornata erat , abscondit , & illarum dominum acciri jussit. Cum eo varios sermones interferens , & an prospera esset valetudine post tot molestæ navigationis labores , tandem an gemmarum & margaritarum aliquid importaverit , percontatur. Importavi equidem , respondit ille , sed in ipso portu , ne dicam in vrbis portis , inter tot Oceani syrtes , & charybdes prius illæ-

*Benignitas  
in eos qui  
veſtigalia  
interceperunt.*

fæ , misero naufragio perierunt. Recognosces , ait Rex , si illas videris. Recognoscam , ut credo. Deducto serico mensæ velo , istæ ne , Rex ait ? Ipsæ equidem , Serenissime Rex. Abi igitur bonus , & omnia tua tecum porta , quandoquidem mihi serviens strenuam operam sedulus ac fidelis navasti ; & hæc qualiacumque non facili labore comparasti : nobilique amissas gemmas munifice reddidit ; hic vero clementissimo Regi ob paternum in clientes amorem gratias immortales. Quod sequitur non ab simile , sed germanum est. Indicarum navium custodes vnus ducem ad Regem detulerunt , quod nocte binas scaphas , sublato ex oneraria cinnamomo , clanculum onerasset , ne solita vectigalia penderet , illasque Sacaveni in oppido ad Tagi ripas , duabus ab Olysippone leucis , fraudulenter abscondisset. Benigno Rex in delatum ducem animo , ejusque miseratus egestatem , quam optime noverat , de facto ultra quæri prohibuit , sed prorsus dissimulari.

*Aliud  
exemplum  
superioris  
germanum*

IN diras fortunarum angustias & incitas redactus clarissimus vir Franciscus Rolinus , oppidum suum Azambujam vendere statuerat.



erat. Antonium Attaidium Castanheiræ Comitē ob insignem prudentiam, & alia præclara ornamenta sibi maxime gratum & acceptum, Rex peramanter monuit, vt Azambujam omnino emeret ipsius Comitis oppidis vicinam, nec tam pulchram occasionem elabi e manibus pateretur, & ne vtili emptioni obstaret nummaria difficultas, quinque aut sex aureorum millia Comiti liberaliter obtulit. Ad hæc generosissimus Comes, æquitatis honorisque vnice amans, exosculata prius ob tantum beneficium Regis manu: Memineris, inquit, Serenissime Rex, Franciscum Rolinum ab illis externæ nationis maioribus genus ducere, qui sanguine nobis hanc patriam peperere suo, à nostrisque olim progenitoribus in partem operis ac laboris acciti, vt Olyssipponem Regni caput gravi Maurorum iugo liberarent, in nostramque ditionem feliciter assererent. Rolinum igitur suis & avorum meritis dignissimum puto, vt regiam munificentiam experiatur, nunc præsertim; nec hæreditarium jus avito oppido excedens divendere cogatur. Huic vero malo promissa mihi aureorum millia præsens erunt remedium. Rex paululum subsistens

exiniam

*Pecuniam  
mutuam  
dat, vt  
Equitis in-  
digentiam  
releuet.*

eximiam magnanimi Comitis generositatem miratus : Bene est , inquit , dictum probo , pro monitis grates habeo , eademque aureorum millia meo nomine Rolino numerentur. Ampla hic eloquentia studiosis dicendi materia , & amplissima seges offerebatur , tam in Regis liberalitate , quam in singulari Comitis magnanimitate. Iureque hoc in exemplo ambigeres cuinam primas dares , Regi ne , an Comiti. Sed a nobis rerum gestarum capita promittentibus alienum est , vel etiam in præclaris rebus immorari : huiusque perjucundæ litis iudicium penes legentes relinquimus.

*Dicebat  
alios esse  
in aula  
quibus  
Rex , alios  
qui Rege  
eherent.*

THOMAS Soufa Regem , cujus erat œconomus , admonuit , plures in Regia esse aulicos , & clientes inutiles & supervacuos , ad breviorumque numerum redigendos videri , ne regiæ opes tantis expensis inutiliter funderentur. Regis autem jussu duplicem cathalogum scripsit , de necessariis ministris alterum , alterum de superfluis. Vtroque perlecto & considerato : Horum , ait Rex , o Soufa mihi , illis vero mei opus est , ne pereant : horum ego opera indigeo , illi autem meis opibus : proindeque ex utroque nume-

ro neminem excludi æquo animo ferendum est.

SORORI suæ Elisabethæ Imperatrici , Caroli V vxori , pro dote assignavit Ioannes Rex decies centena millia aureorum. Regiis negotiatoribus in Flandria commorantibus commissæ est provincia solvendi hanc ex Regis opibus pecuniam. Quam illi cum non essent solvendo , per tesseræ nummarias illam sub fœnore in Lusitaniam transmiserunt ; ex Lusitania deinde novis ultra fortem lucris in Flandriam remissa est , ita ut indies nova lucra non levi detrimento immodice excrescerent. Actum in regio senatu quo pacto tanto damno obviam iretur. Aliis alia opinantibus , postremo omnibus visum est , ut particulares ex redditibus regiis pensiones ( quas Lusitani Tenças vocant ) solvi solitæ , interim dum grandis hæc pecunia solveretur , penitus suspenderentur. Negotium Rex Doctori Antonio Pinario in curia tunc concionanti commisit , ut inter concionandum audientium animos tentaret , & ad hoc patienter tolerandum præmeditata oratione apposite leniret , ac suaderet. Ut iustum est , Pinarius egregie præstitit eloquentia

*Honestum  
vili Rex  
præferebat*

tia non vulgari. Inter alia, ducta comparatione, sic navigantibus vsuvenire dixit, ut urgente procella, marique in onustam navim arietante, singulorum merces in fluctus ultro ab omnibus certatim projiciantur, communi scilicet malo occurrentibus, ne onere penitus fatiscens navis pelago absorbeatur; non aliter aliquo singulorum damno, & jactura Regni, navem indies graviolem levandam esse. Non multis post diebus Frater Thomas ex Dominicana familia in concione Pinarii dicta haud obscure reprehendit, adductam comparationem non satis miratus: nam merces in mare projicere, ne homines vita periclitarentur, optimo in usu positum esse; hominum vero vitam, & ad vivendum necessaria, ne perirent merces, liberaliter prodigere, inauditum esse dixit. Concionatoris dictum ad Regis aures advolavit benigne illud, non gravate, ferentis; collaudato insuper Religioso viro, & pensionibus solvi jussis.

*In exterarum  
nationum  
suam beneficentiam  
extendebat.*

Non solum Regia hæc benignitas in Lusitanie nosocomia, & sacra tam virorum, quam foeminarum, cœnobia extendebatur, sed in multa etiam Castellæ, & Gallicie; sacris

sacris ædibus thura , ægris e faccaro bellaria , fanis omnis generis aromata præbens. Hæc eadem Societatis IESV Collegiis Galliæ , Belgii , Germaniæ , & Italiæ præstabat , quæ Lusitaniæ Reges hucusque laudabiliter continuant. Olysippone incœptum ab Emanuele Bethlemicum cœnobium vere Regium in Principum Mausolea magnifice absolvit. In Tomarensi ( vt alia tacitus præteream ) pulcherrimum mirabilis architecturæ peristylum fabricatus est , a Philippo I. hujus nominis Lusitanorum Rege postea absolutum. Bellicarum arcium tres præcipue operis magnitudine , militum numero , & tormentorum apparatu celebres ædificavit , Mazaganicam in Africa , Diensem in Cambayæ Regno , Armusianam extra Persici maris fauces. Eboræ (quam urbem Rex vnice amabat , & frequenter incolebat) insignem aquæductum , quem Argenteum dicunt , sumptuose instauravit : factus olim a Quinto Sertorio Romano opulentis Celtiberorum spoliis , vt hoc monumento Romanum municipium condecoraret. Cætera Regiæ liberalitatis argumenta ne prosequamur ; sit instar omnium Romani Pontificis testimonium

*Arces &  
aquædu-  
ctus mul-  
tis in locis  
extruxit.*

se ipsum , & reliquos illius ætatis Principes , a Ioanne Serenissimo munificentia dubio procul superari non semel asserentis.

*Res sub eo  
gestæ in  
India*

IN toga præclara hæc , vel Deum cole-  
ret , mores corrigeret , leges conderet , libe-  
rales artes animaret. In sago non inferiora  
edidit , bella in Oriente acriter vrgens , par-  
ta gloriose conservans , novaque devictis for-  
titer hostibus Regna Imperio addens. Illo  
enim regnante classes omnium maximæ , robo-  
re ac milite ornatissimæ , in Indiam solve-  
runt : comparatæ summi momenti illustrio-  
res victoriæ , & celeberrimæ toto orbe obsi-  
diones magna nominis commendatione susti-  
nuerunt Lusitani. Non enim cum Indis ,  
sed cum instructissimo veteranorum Turca-  
rum exercitu , bellicosisque aliis nationibus  
nimia contentione animose certabatur. Post-  
quam Bethalem Insulam Prorex Nonius a  
Cunia expugnavit , evertitque , captis Ba-  
çaino , & Damano vrbibus in India notissi-  
mis , occiso potentissimo Cambayæ Rege  
Sultano Badurio , Dionssem arcem valido im-  
posito præsidio extruxit.

MAGNVS Turcarum Imperator anno  
millesimo quingentesimo trigésimo octavo  
non



non levibus expensis numerosam classem, ad pellendos Dio cæterisque Orientis provinciis Lusitanos, ad Posidium, quæ vulgo Sues dicitur, paravit: cui exercitatissimum ducem Solymanum Ægypti Præsidem præfecit probatæ in Rhodiensi obsidione virtutis. Classem æneis tormentis, veterano milite, Ianizerisque, Turcici exercitus robore, copiose exornavit. In illa (acceserunt enim Solymano Cambayanæ) octoginta naves numerabantur, triremes præsertim quatuor & quinquaginta, rostratæ sex, quadriremes, quas vocant Galeasas, quatuor, præter altioris formæ navigia, quæ velis agebantur. Huic tanto belli apparatus, junctis vna Cambayæ viribus metuendo, fortissimus Dux Antonius Sylveira animose restitit, gravemque pertinacissimi hostis obsidionem, importunas aggressiones, & stratagemata, sexcentis tantum Lusitanis obstinatis ad vincendum vel moriendum animis, gloriose sustinuit, magno suorum decore, & Ottomanorum dedecore: qui Lusitanorum vires magna honoris occisorumque trium millium bellatorum jactura experti, intempesta nocte plurimis ægris, ac bombardis fœde relictis, naves ad fugi-

*Classis,  
Turcica a  
Lusitanis  
superata.*

*Antonii  
Sylveira  
contra  
Turcas  
fortitudo.*

fugiendum conscenderunt. Quapropter Franciscus Galliarum Rex , apud quem bellicæ virtutis laus magni semper fuit , ob relata in Dienfi obsidione gesta ( illius enim fama Asiam & Europam pervasit ) Sylverix ad vivum expressam imaginem delatam ex Lusitania inter alias fortissimorum Ducum tabulas in aula suspendit.

*Miles dentem in fistulam pro globo immitit.*

Dvo , quæ in expugnatione Dii arcisque obsidione contigerunt , non omittam ; belli alterum , alterum naturæ prodigiosum miraculum. Sylverianus miles , exaustis crebra jaculatione globulis , ad opportunum ictum Martio calore furens dentem sibimet avulsit , avulso oneratam fistulam non irritò jactu exoneravit. Adeunte Dii possessionem Prorege Nonio , inventus illic vir genere Bengala Nestoreæ ætatis ; quintum , & trigessimum supra trecentos numerabat annos certissimis conjecturis & argumentis. Nam , cum nec efformare sciret characteres , longam præteritorum annorum seriem , & quo tempore gesta acciderint , memoriter repetebat , eo , quo in antiquis annalibus scripta erant , ordine. Accedebat indigenarum testimonium affirmantium tradita per manus noti-

*Nestorea Bengalen-  
sis hominis  
ætas.*

notitia, multa de illo vivace Tithono a suis parentibus avisque accepisse. Exciderant ei quater aut quinquies dentes, toties renati; canitiem toties induerat, & exuerat nova barbæ nigredine juvenescens; ad centesimum annum Ethnicus falsos deos coluit: tum temporis, ut ex calcaria in carbonariam transiret, turpem falsissimi Mahometis festam observabat. Nonagenarium habebat filium, alterum annorum duodecim; statura parvus, ingenio debilis, inops semper & ostiatim mendicans. Centum jam annos in illa vrbe vivebat certo a Badurio stipendio, quod a Prorege confirmari solvique deinceps ob vitam prodigiosam petebat. Subscripsit ultro precibus Nonius, ne crudelior fame enecaret, cui mites Parcæ tamdiu pepercerant.

NON minus gloriosa, nec minori cum laude Orbem pervagata est anno millesimo quingentesimo quadragesimo septimo, secunda Dii obsidio: & incredibili virtute a sexcentis circiter Lusitanis, Ioanne Mascaregna duce, bene propugnata arx adversus Cambayanum Regem, Sultanum Mamudim, Orientis viros, lectosque ex bellicosis Euro-

*Secunda  
Dii obsidio  
mirabilis.*

*Joannis  
M. scave-  
nia virtus.*

*Dio pro  
muris  
erant pe-  
etora Lusi-  
tana.*

pæ , Africæ , Asiæque nationibus milites se-  
cum trahentem , quos inter Turcarum sex  
millia numerabantur. Sed eo animo dux ,  
ejusque laboribus infraçti milites , supplente  
propugnatorum paucitatem audacia , clarif-  
simis gestis oppugnatam a triginta hostium  
millibus arcem propugnarunt , ut , dirutis ex  
parte muris continua tormentorum jacula-  
tione , fortia pro muris pectora ( quæ olim  
Spartanis Licurgus reliquerat ) audaciter of-  
ferrent. Cumque in arce , reliquis vel occi-  
sis , vel graviter faucis , defensorum numerus  
ad centum & quadraginta redactus esset ,  
vnam ad honestam deditionem conditio-  
nem superesse intelligebant : in ipsis muro-  
rum ruinis egregie dimicantes ad vnum ho-  
nesta morte occumbere , madefactisque suo-  
rum commilitonum sanguine ruderibus tu-  
mulari. Quarto obsidionis mense Castrius  
Prorex obsessis attulit suppetias mille &  
quadringentos Lusitanos , Indos Goenses  
trecentos : ingressusque arcem pene vacuum ,  
& collaudata Saguntina ducis ac militum  
constantia , tam parvis copiis ausus est Cam-  
bayano ultro pugnam offerre , ac duobus lo-  
cis ex militari disciplina distento collatis si-  
gnis

gnis tanto impetu inferre ; vt gloriosissimam in Oriente victoriarum feliciter adeptus fuerit , fufis fugatisque Cambayanis ; quorum ea die equitum peditumque octo millia ceciderunt. Nostrorum desiderati quinque & quinquaginta : non sine ope cœlesti , vt ipsimet Barbari fatebantur. Nam medio in conflictu in arce super templi pinnas clarissimo splendore circumdata augustæ Majestatis fœmina apparuit, emissis ex ore clarissimo radiis hostium oculos perstringens , gravique timore turbans. Versi deinde milites ad opulenta spolia tam in castris , quam in vrbe , quo victoriam ante bellum canentes pretiosos divitiarum thesauros congefferant.

NEC Lusitaniæ per id temporis decus illud & gloria desiderata sunt , quæ Martyrum patriæ solent accrescere : feliciter enim pro Christi nomine , & intemerata fide variis tormentorum molitionibus distracti ad superiores evolarunt vno die Lusitani quindecim , iterum duodeni , quos Adeni , quæ vrbs ad Rubri maris fauces sita est , Mahometanorum perfidia a sincera Religione dejicere frustra conati fuere ; quorum tamen nomina invidit oblivio. In Ceilano insula , Prorege

apud Indos Alphonso Noronia, aliqui e Franciscana familia felicissimo martyrii triumpho vitæ incommoda & ærumnas commutarunt: horum sequuti exemplum & vestigia aliquot Neophytorum, quos Tribuli Pandor, fidei desertor impudens & sævus, suscepta sacra abrogare cum suaderet, non persuasit: sed neque horum gloriosa nomina assequi potuimus.

*Obsidio  
Casinensis  
in Africa.*

IN Tingitana Africa plures adversus potentissimos exercitus obsidiones animose tulit, pluresque felicissimo eventu pugnas pugnavit. Inter obsidiones eminet Casinensis, obsidente sex mensibus urbem Rege Xarifio militum centum millibus, factis crebro validis impressionibus, concussis prius metuendo bombardarum sonitu, bellicarumque machinarum artificio, muris. Inclusi tamen, etsi perpauci & in hostili solo, ita sese ad extrema subeunda obdurarunt, laudandaque pertinacia urbem defenderunt, ut fessum diuturna oppugnatione Xarifium, multis jam suorum amissis, pudore suffusum ab irrita incepto desistere coegerint.

NE tamen prosperis rerum successibus vanæ superbiæ cristas attolleret Ioannes, reslan-



reflante in eadem Africa fortuna , gaudium  
Cafinense gravis tristitia diluit. Nam Xari-  
phius Rex Suenfis anno millesimo quin-  
gentesimo trigesimo sexto , sub signis mi-  
litum quinquaginta millia ducens , bellicæ  
disciplinæ peritissimus , Lusitanæ ditionis  
oppidum in Guerenfi Africæ promontorio ,  
divisis opportune stationibus , arctissime cir-  
cumdedit : post longam obsidionem , mul-  
tasque Maurorum summa vi irruentium im-  
pressiones , inclusi redditæ non segniter jacu-  
latione oppidum egregie defendebant , de  
victoria adeo certi , vt propugnationis dux  
ad Regem scripserit , ne plures in auxilium  
milites , sed bellica tantum aliquot instru-  
menta , tormentarium pulverem , globos ,  
aliaque id genus illi mitteret. Non juvit tunc  
audaces fortuna , quin potius maligne invi-  
dit. Casu bombardarius explosor accensum  
funem manu gerens sulphurei pulveris ca-  
dum incaute volvebat , in quem labente scin-  
tilla , accensus repente pulvis horribili fra-  
gore , subitisque flammarum globis , obvia  
quæque dissipat & evertit. Quo infortunio  
per divisos vastæ ruina muros barbara voci-  
feratione irrumpit hostis. Lusitani dubiis su-  
bito

*Infelici  
successu  
Lusitani  
in Africa  
castris at-  
teruntur.*

bito in casu consiliis ancipites irrumpentem innumerabilem hostium multitudinem frustra repellere, & sustinere conati, cadunt alii, e muris alii demissos lapsi per funes ad naves enatant, quæ jaëtis in portu anchoris stabant: cum duce alii ad prætoriam turrem confugiunt: cujus in vestibulo ducis gener strenuissimus, fractis jam tibiis utroque nixus poplite aditum Mauris generose impediebat, rotans ambabus manibus rhomphæam quousque eminus crebris missilibus confossus occubuit. Dux, & qui in turrem evaserant, acceptis, quas adversa fortuna obtulit, conditionibus, Xariphio se dederunt.

*De Africa  
expeditione  
deferenda  
consultatio-  
nes.*

Hoc infelici casu, & immodicis tot præfidiorum in Africa sumptibus commotus Rex, simulque exigua, ut longa experientia docuerat, vel nulla spe adducendi ad veram fidem perfidos Mauritanos, quod præcipue Ioannes intendebat: triplicemque Lusitanorum in locis remotissimis bellicam expeditionem, Indicam videlicet, Guineam, ac Brasiliacam, ubi terrarum sprete deorum superstitione ad sanctæ Crucis vexillum ethnicorum examina evolabant, unde etiam pretiosissimæ merces indies copiosiores in  
Lusi-

Lusitaniam importabantur , prudente ac maturo consilio expendens , veritus tandem est , ne dum multos lepores sectatur , nullum caperet. Quamvis enim ingentes Lusitanorum animi , in Regno licet angusto , majorum expeditionum capaces viderentur : tam exiguus erat , si hostes considerares , eorum numerus , vt solum ad manifestandum Dei auxilium , quo protecti non tam militabant , quam triumphabant , abunde sufficerent. Ad hæc Africanum bellum difficilius reddebatur ; quod Africani multitudine innumera- biles , ac bellicosi ( namque fore bello egregios fata Libyæ canebant ) equestribus certaminibus exercitatis , indies peritiores evadebant. Illorum vero regio non erat adeo opulenta , etsi Libycæ menses a Poetis commenduntur ; & vnius Regis Xariphii imperio subdita , quod initio hujus belli non contigerat. Nam quæ olim multis divisa Regibus , ac Regulis parebat , vnum Xariphium tota junctis viribus observabat , ad nutum obediens. Semper equidem æqui rerum æstimatores judicarunt prudentissime , parva aliqua ultro hostibus relinquenda , ne illorum causa magna periclitentur. Politica enim ad-  
mini-

*Rationes  
ad Afri-  
cam dese-  
rendam.*

ministratio, & scientia militaris pro com-  
 pento habet, in hostili solo ferocis ac bel-  
 li potentis nationis, non licere Regi bellum  
 gerenti, immo nec ere maxime, vires divide-  
 re, pluresque arces ac minora præsidia con-  
 servare, quæ vix sine periculosa honoris ja-  
 ctura defenduntur: sed operæ pretium esse  
 paucas valido præsidio arces idoneis in locis  
 munire; quibus partus tot laboribus honor  
 tuto conservetur, & feliciter augeatur; ut  
 nunc olimque apud militiæ peritissimos Im-  
 peratores in more positum est.

*Ceteræ  
 præter vr-  
 bes mariti-  
 mas Mau-  
 ritanis re-  
 linquuntur.*

OB hæc, firmaque alia rationum mo-  
 menta, lento habito consilio, auditis exper-  
 torum virorum sententiis, consulto Ponti-  
 fice Maximo, & Imperatore Carolo V Re-  
 gis leviro, omnium suffragiis tandem de-  
 crevit Saphinum, Azamoriumque in Afri-  
 ca vrbes, & oppida Alcasarum Ceguerium,  
 Arzillamque vacua Mauris deferere. Addu-  
 ctisque illinc tormentis, ac bellicis instru-  
 mentis, Septam, Tingim, ac Mazaga-  
 num munivit præcipuas vrbes maritimas,  
 & navium idoneis portibus capaces ad prose-  
 quendum Africanum bellum, si ita succes-  
 soribus arrideret, accommodatas, omnium-  
 que

que aptissimas. Non defuerunt tamen qui factum penitus damnarent, & velut indignum tanto Rege consiliarisque libere carperent. Sed Ioannis sententiam adeo probavit postea nomine Philippus Rex prudentissimus, ut Arzillam Lusitaniæ ditiori iterum subditam, iterum deferendam iudicaverit, & re ipsa deferuerit.

Ex Serenissima Catharina, Philippi ac Ioannæ Castellæ Principum filia, Caroli Imperatoris sorore, prolem suscepit numerosam, sed non vitalem, primo floridæ ætatis limine perituram; Principem Alponsum; deinde Mariam, quæ Philippo Hispaniarum Principi nupta, & septemdecim annos nata, post editum Carolum primo puerperio, ultimam brevis vitæ diem clausit Vallisoleti anno Domini MCCCCXLV; præterea Elisabetham, Beatricem; necnon Emmanuelem, Philippum, Dionysium, & Antonium in tenera infantia extinctos; Ioannem etiam, qui Ioannam Caroli Imperatoris filiam duxit, eodemque anno viduam reliquit, Sebastianum Regem posthumam prolem mox enixuram; nam decimo sexto ætatis anno præmaturo obitu desolatam Regiam funestavit.

*Ioannis  
uxor & li-  
beri mini-  
me vitales.*

*Eduardi  
nobis vir-  
tutes.*

flavit. Ioannni ante legitimas nuptias natus est Eduardus , qui Bracharenſis Archipræſul , Hiſpaniarum Primas , animi vere Regii pietate inſignis , animarum ſtudio fervens , humanioribus litteris , Philoſophiæ ac Theologiæ luminibus exornatus , florida in ætate deſloruit , acri parentis dolore , totiuſque Regni non levi triſtitia.

*Statura &  
preſentia  
vere Re-  
gia.*

MODICA fuit Ioannes ſtatura , duplici ſolidoque corpore , ſucci pleno , liberali facie imperio digna , nigra ac denſa barba ; cæruleis oculis venuſtate ac Regia Maieſtate venerandis ; totoque oris aſpectu venerabili adeuntes aliquando turbabat. Cum illius vita Regno foret maximopere neceſſaria , tum ob prudentiſſimum regimen , moderatumque Regis imperium ; tum ob Sebaſtiani trimuli nepotis , Regniſque hæredis imbecillitatem , quem ſub tutela , & diſciplina Reginæ aviæ Catharinæ , Luſitaniam interim pro nepote moderaturæ , moriens Sereniſſimus Rex Ioannes reliquit , lethali apoplexia correptus , Imperii xxxv , ætatis quinto & quinquageſimo , anno humanæ ſalutis MDLVII , Olyſippone in eadem vrbe , & eodem , quo ortus eſt menſe Iunio , prope urbem in  
ma-

*Mors &  
tumulus.*



maximo Bethlemici templi facello Regio  
Mausoleo conditus , Lusitaniam acerrimo  
æterni doloris morfu perculsam reliquit.

---

A D R E G E M I O A N N E M  
H V I V S N O M I N I S I I I .

I N N A T A L E M E I V S D E M .

**N** *Asceris ; insequitur tempestas horrida ,  
Nimbi*

*Insueti , pluvia præcipitante , cadunt.  
Desuper incipiunt tonitrus mugire , coruscant  
Fulgura fulminibus mista , flagrante polo.  
Certatim venti volvunt mare , saxea laxat  
Æolus amoto pondere claustra notis.  
Nullaque Naturæ pars non tremefacta fatiscit,  
Dum novus Hesperio nasceris orbe puer.  
Natura immanes partus pariendo laborans ,  
Significat quantum sic pariendo ferat.*

Ad eundem.

**N** *On sine iustitia Regni moderaris habenas ,  
Non sine iustitia Regia sceptris geris.  
Assidet illa tibi , maiestatemque tuetur  
Imperii , & factis est comes una tuis.  
Illa tibi dicat , quas vis imponere leges ;  
Illa tuo monitus fundit ab ore suos.*

Di-


*Distringitque tuas in noxia corda secures ,  
 Præmia dat gazis largius vſa tuis.  
 Ambiguum eſt, Princeps , an tu te affinxeres illi,  
 Induerit mores an magis ipſa tuos.  
 Fingitur illa tuis , tu moribus illius , unde  
 Tu vera effigies illius , illa tui.*

Ad eundem.

**P***Ergama Lunatis parent Byzantia ſignis ;  
 Deſeruit Latiam Græcia vana fidem ;  
 Flava prophanatas Germania ſubruit aras ;  
 Gallia ſacrilegas ducit in arma manus.  
 Inſtitia ex Aſia facinus mortale fugavit ;  
 Parturiunt Libycæ barbaræ monſtra plagæ.  
 Per tua Regna fides , pietas , virtusque tri-  
 umphat ,  
 Et pudor , & priſcæ Religionis honor.  
 Diffugiunt trepidæ ſub Averno nigrantia Diræ ;  
 Perſida Luſiadum ſub pede monſtra jacent ;  
 Hoc tua vita facit non jura minantia legum ;  
 Pro lege eſt populis , Rex , tua vita tuis.  
 Si renovare Deo placet omnia, Maxime Princeps,  
 Subjiciat ſceptris omnia Regna tuis.*

## Tumulus ejusdem.

**R**egia quem tumulo moles operosa recondit ,  
Cui clypeum insigni facta decore notant ,  
Nil est , in nihilum recidunt quando omnia ;  
                  quamvis  
Quisquis is est potuit maxima , summa tulit.  
Rex fuit ; officium Regis bene præstitit ; ingens  
Pacis amor , Martis non leve fulmen erat.  
Quam gravis incubuit Maurum super ille duello,  
Sub tumulo tellus tam levis ossa tegat.  
Estne hic Alexander ? Non est ; proh quam be-  
                  ne servat ,  
Quæ bene quæsiuit Regna superba parens ?  
Estne ferox Cæsar ? Patriam plus diligit. In-  
                  gens  
Est Cato ? Consiliis hic minus aptus erat.  
Non Cato , non Cæsar ; Ioannes tertius hic est ,  
Ob sua qui nulli facta secundus erat.






THE KING OF SWEDEN  
BY J. J. WOOD



SEBASTIANVS PORTVGALLIÆ REX XVI.  
VIXIT A. XXIII. OBIT A. M. D. LXXVIII.





# SEBASTIANVS I.

## LVSITANIÆ

## REX XVI.

---

### ANACEPHALÆOSIS XX.

**H**VC ades, o Sebastiane, tuæ gentis æternus dolor, æternum desiderium; vnicum & fatale nomen; cujus memoria perpetuo erit acerbissima. Quas enim nobis lacrymas in lucem editus absterxisti, easdem, adhuc etiam cum fœnore, & multo insuper tinctas sanguine, nescio quo creptus fato, reddidisti: tecum & Lusitanorum invicta vsque gloria, & Regnum ipsum vno velut ictu corruerunt. Satis jam pridem (at vereor ne vnquam satis) juvenilem istam luimus temeritatem, cui largius deplorandæ non est otium, nec si esset, aut calamo, aut oculis humor suppeteret.

HIC est ille Sebastianus, Ioannis III nepos, & Ioannis Principis proles posthuma, quem ad hæreditariam Lusitanæ coronam,

*Lusitanorum in ejus ortu lætitia.*

quar-

quarto decimo post obitum patris die , xiii Kalend. Februarii in natalitiis Divi Sebastiani, a quo nomen est mutuatus , Ioanna Princeps enixa fuit ; applaudentibus adeo Lusitanis , vt a mœrore & lacrymis ad lætitiã conversi , elegantiorẽ vestium culturam in recenti Principis occasu depositam , quasi jam eluxissent , novi hæredis exortum celebraturi resumpserint. Puer in aviæ Catharinæ tutelam concessit. Avo deinde terrestrẽ Regnum cum cœlesti commutante , trimulus ipse consalutari Rex cœpit : cumque per ætatem Imperio maturus non esset , tantisper sub tutela muliebri avitum Regnum puero mansit incolume. Sexennis pædagogum habuit Alexium Menesium , & moribus & sanguine perillustrem ; præceptorem vero Ludovicum Gonsalvum Cameram , e SOCIETATE IESV , virum nobilitate , doctrina , & religione cum paucis comparandum. Iis nepotem imbuendum Ioannes III ante obitum commendarat, & vxori Catharinæ hoc ipsum reliquerat in legatis ; subactum puero ita brevi ingenium fuit , vt , mollissimæ instar cæræ , divini Numinis timore pariter & amore sigillatus , eximiis virtutum dotibus

*Pædagogus & præceptor viri insignes.*

magis , ac magis deinceps per ætatis gradus effloruerit. Hujus floris fructum suavissimum legeremus, nisi cœlestem a nobis clementiam nostra scelera avertissent: ob quæ Superis nimium potens Lusitania propago visa est, si hæc dona manerent propria. Hunc vnum, audacter dico, Regum omnium, quos vquam sol vidit, optimum, pientissimum, justissimum, dilectissimum, animo & viribus præstantissimum terris fata ostenderunt: sed, heu facinus! ostenderunt, ac protinus inviderunt.

OCTAVVM ætatis annum jam impleverat, cum forte præceptoris sermo incidit ad mortale crimen exagitandum; rem turpissimam, indignissimamque aiebat esse, nec minori quam æterno flammæ supplicio puniendam. Ad hæc verba obstupescere Sebastianus, & cogitabundo similis vno in obtutu defixus hære aliquantulum, donec illam altissimis ex præcordiis vocem traxit: Ecquis tam insigni erit audacia, qui se lethali crimine audeat deformare? Nemo sane, si sanæ prius mentis trutina rem expenderit. Ad honestatem, ac pudicitiam institutus a natura videbatur. Cavit semper nudi cor-

*Letbale  
crimen  
quam detestabile  
staretur.*

*Pudoris  
custos inte-  
gerrimus.*

poris vel pedem alienis oculis exponere: ipse sibi remotis cubiculariis subuculam , perizoma , & thoracem induebat. Quo die majoris hebdomadæ Eucharistiæ mensa est in propatulo , cum templa , & vrbis facella , religionis ergo , pedes inviseret , obviam habuit mulierculam, quæ supplicem libellum , vt conjux triremibus detentus absolveretur , offerebat. Absolutionis responsum in tempus aliud trahente Rege : Opus est , inquit , mature factò. Videat , obsecro , Rex prudentissimus quantum periculi , absente conjugè , puellæ soli & inopi impendeat. Quibus auditis paulisper constitit, dum atramenti , calamique foret copia: mussante interim comitatu , nihil videri causæ , ob quam Rex media hæreret in platea ; differri illud commodius in aulam posse. Ab incœpto tamen non destitit , sed feminæ postulatis subscribens : Pudicitia causa , inquit , haud ea est, quæ differri patiatur. Omnes ritualis libri preces , quarum longitudinem multi fastidiunt Sacerdotes, ipse , velut sibi impositas, diebus singulis , quamquam negotiorum fluctibus æstuarèt , morosus & attentus pervolvebat. Ante decimum ætatis annum esuriales

qua-

*Pudicitia  
vindex  
egregius.*

quadraginta dierum ferias peragendas arripuit, quibus vt interdictum sibi a præceptoribus cognovit, de jejunio saltem paciscendum exoravit ; assignatisque diebus, præter meridianas epulas nihilo prorsus ad noctem reficiebatur.

*Jejunii in  
pueritia  
studium.*

SOLEMNE habuit e Christi Servatoris exemplo sanctiori in hebdomada pauperes duodecim lotum in Regiam adsciscere ; quorum pedes tepido aquarum injectu, blandeque admoto linteo , flexis ipse genibus perpurgabat : nec a se abire patiebatur , nisi recenti amictu convestitos , stipe onustos , & lautissimo exceptos convivio , ad cujus ministerium sedulus & officiosus succingebatur. Nullus vnquam dies e solemnioribus præteriit , quin sua propalam crimina expiauerit cœlesti pabulo recreandus ; quam consuetudinem Dominicis quibusque diebus observabat , sed privatim , ne procacioris vulgi fabula fieret. Mensæ, sacro non audito , haud accubuit. Singulis Sabbatis rei divinæ bis aderat : neque enim Sacrum vnum audisse contentus , alteri ob Deiparæ Virginis amorem ministrabat , cujus iconem pectori appensam incomparabili affectu suspiciebat ,

*Pauperum  
pedes eluebat.*

*Confessionis & rei  
divine audiendæ  
studium.*

globisque piacularibus cotidie venerabatur. Quoties in sacrosanctam Synaxim per plateas incurrit, toties equo defiliens flexis genibus adoravit, pedes insuper, & aperto, vel per æstum, vel per pluviam, capite, ad ægro- tantis domicilium, indeque ad templum vs- que constipabat. Hinc est, vt Palatium, in- ter cætera Olyssipponensia minus amplum, & minus jucundum, non alia de causa habita- tum a se dictitarit, quam quod frequens illac Eucharistiæ pompa transmitteret. Auribus ex- cepit aliquando nobilissimum Dynastam cœ- lesti huic pompæ, sublato famuli manibus laciniosæ vestis tractu, pomposum nimis accedere: indigna res visa, & castigationis forfice coercenda: Numquid te, ait, inur- banum non crederes, si, me præsentem, con- chatam illam pavonis caudam extulisses? Ca- ve, ne Regem Regum fastosior deinceps co- miteris.

*Dynastam  
reprehen-  
dit Eucha-  
ristiam  
impatice  
suspantem.*

*In fidei  
causis int-  
gerimus.*

CHRISTIANÆ Fidei vel asserendæ, vel augendæ studiosissimus incubuit. Quando- cumque Iudaica superstitione, & pravitas Hæ- reticorum publico in theatro ab Inquisitori- bus damnabantur, aderat libenti animo ex- tremum perfidis supplicium additurus. Eth- nicos



nicos lustrali fonte ablutos impertitis hono-  
 ribus , & immunitatibus , vt ea quasi esca  
 plures alliceret , condecorabat. Certe jam  
 inde a puero Maurorum omnium & Turca-  
 rum perniciem meditabatur , ne aliis Fides  
 quam totius Orbis terrarum terminis claude-  
 retur. Summum Christi Vicarium summo  
 animi , verborumque , & operum studio co-  
 luit. De re quapiam , cui mirandum in mo-  
 dum aduersabatur , sermonem apud aulicos  
 intexens : Dispercam , inquit , si fecero ,  
 nisi Antistes Maximus imperarit. Quæsitus  
 per litteras a Pontifice Pio V, quo agnomine  
 pro meritis in Christianam Rempubicam vel-  
 let insigniri ( quando Hispanorum Reges Ca-  
 tholici , Gallorum Christianissimi κατ' ἐξοχήν  
 dicerentur ) non nisi Obedientissimus dici  
 voluit. Cum per id temporis Alexandrinus  
 Cardinalis Olyssipponem attingeret , honori-  
 fice admodum a Rege Sebastiano est exce-  
 ptus , testante propalam , se Legato pene ea-  
 dem præstiturum , quæ Pontifici præstaret ,  
 si adesset. Itaque præter sexcenta alia , in  
 quibus Cardinali primas detulit , ad lævam  
 semper ipse concedebat , & domorum limi-  
 na secundus intrabat : nec alibi , quam in

*Obsequium  
 in Summum  
 Pontificem.*

*Cardina-  
 lem quam  
 reverenter  
 exceperit.*

altioribus Palatii coenaculis hospitari passus est , Regio interim lecto in inferioribus collocato.

*Carpus ne-  
minem co-  
ram se pa-  
tiebatur.*

NEMINEM Theonino dente carpere aut sibi aut aliis permisit : immo potius, quidquid egregium aliquid rectum de singulis nove- rat , prædicabat. Inter varios aulicorum ser- mones , cum vir quidam absens , perinde ac Lusitanæ poeseos ignarus , & equorum fessor inuenustus allatraretur : Parcius ista , inquit Rex , virum eum strenuissimum pugnato- rem , equitemque peritissimum juxta , & fortissimum agnosco. Vbi primum ætas in Sebastiano mentis aciem distinxit , volupta- tes illico pertæsus , quidquid luxum saperet deliciarum , ablegavit. Chirothecas ambari , & vnguentorum suavitatibus delibutas viris nobilibus improbravit , & exprobravit : nec sibi conditas ad hunc usum pelliculas præpa- rari vnquam sivit. Catharinæ aviæ suadenti , vt Hispanica indueret subligaria , quæ Phi- lippo Regi ob elegantis famæ concinnita- tem erant in pretio , respondit , nolle se virilibus patriæ moribus peregrinum suo exemplo luxum immitte re , & ad Lusitanam virtutem labefactandam lautitiarum arietes admo-

*Exotica-  
rum deli-  
ciarum esor  
maximus.*

admove. Longinquum facerem , si , quæ plurima rectæ indolis adhibuit argumenta , decimarem. Quanta vero in viduas ac pupillos fuit benignitate , non involvam. Vnum e Reipublicæ muneribus , quod opportune vacabat, necessario cuidam suo deferendum a Rege vir nobilis obtinuit , testatus illius muneris ministrum vita functum nullam in terris prolem reliquisse. Non defuit tamen postea , qui rem aliter se habere nunciaret : ad quem Rex : Proh dolor ! inquit , nisi a te mihi veritas illucesceret , pupillos , atque viduam victu & ope destituisssem. Nec mora, novo alio subscripto diplomate , & priori abrogato , majorem natu e pupillis in munus patrium suffecit.

*Viduarum  
ac pupillo-  
rum indul-  
gentissimus  
curator.*

ANNO salutis MDLXII impubere adhuc Sebastiano , Regnique habenas , vti supra demonstratum est , avia Catharina moderante , arcem Mazaganicam Xarifes Abdala obsessurus , Mahometum filium , quem nuper ejus Mauritanix , quam Cusa amnis interfluit , Regem nuncupaverat , omnibus suarum virium copiis , centum videlicet & quinque virorum millibus , præfecit: in his Turcæ fistulatores mille ; peditum vario armorum

*Mazagani  
nobilis ob-  
silio Ga-  
tharina  
Regnum  
moderante.*

morum genere pugnantium septuaginta ,  
 equitum quindecim , calonum & lixarum  
 duodecim millia numerabantur. Arci præ-  
 erat Rodericus Sofa , cui frater Alvarus Car-  
 vallius , tunc temporis absens , eam provin-  
 ciam demandarat. Is litteras ad Reginam de  
 obsidione actutum dedit , in quibus militum  
 inopiam præfatus , querebatur septingentos  
 non amplius pedites , equites omnino cen-  
 tum sibi esse. Vigilantissimus Reginæ animus  
 tanta in trepidatione non elanguit : arcis  
 Præfectum Alvarum Carvallium cum navi-  
 bus aliquot auxiliariis , quanta maxima po-  
 tuit celeritate , remisit. Alia atque alia iden-  
 tidem auxilia submittebat , donec Lusitanæ  
 pubis florentissimi , vltra duos mille , propu-  
 gnatores Mazaganum confluxere. Tantus  
 illuc animorum impetus erumpebat , vt ,  
 quo in dies magis ac magis vrgeri obsidio-  
 nem audiebatur , eo flammæ ardentioris in  
 Lusitanorum pectoribus excitarentur. Filii  
 parentum injussu , viri vxoribus infaluta-  
 tis , in Africam trajecturi , navia conscen-  
 debant : quippe quibus persuasum esset , ma-  
 jorem se honoris jacturam periculorum ex-  
 portes domi facere , quam gloriæ lucrum ,  
 qui

*Catharine  
 vigilantia  
 & Lusita-  
 norum ani-  
 dor.*

qui belli difficultates exanthlabant.

PREMEBANTVR interim obfessi : bellica omnis generis , nec antea vifa , machinamenta labefactandis mœnibus hostis admovebat. Paratos latenter in vltimam arcis ruinam cuniculos , transversis itidem cuniculis felici eventu , magna Barbarorum edita strage , Lusitani exceperunt. Complanatis fossarum voraginibus , in tantam altitudinem ab hostibus aggesti sunt cespites , vt murorum pinnas æquaverint : pertinacibus vtrunque animis dimicatum : sed fortiora Lusitanorum pectora crebras diu noctuque impresiones constantiæ clypeo obarmata sustinuerunt , prospera adeo fortuna ; vt plures nec abrogandæ fidei auctores asserant , nullam vnquam extitisse obsidionem , in qua maioribus argumentis propugnatorum virtus enituerit. Itaque despondens animum Xarifes , amisso exercitus flore , dedecoris & pudoris plenus , palamque expertus immensas Mauritaniam vires contra exiguam , sed validam , Lusitanorum manum nihil omnino profuisse , elapso jam tertio , postquam Mazagani arcem obsederat , mense filium revocavit. Ille solutæ obsidionis dies fuit , qui Servato-

*Hostium  
cuniculi  
a nostris  
prevertuntur.*

*Ex obsidionibus  
victoriis nulla  
superior.*

rem Christum patrias sedes repetentem celebrat.

*Catharina  
& aliarum  
femina-  
rum erga  
obsessos mi-  
lites solli-  
citus.*

*Moderatione se  
abdicat  
Cathari-  
za.*

FELICEM hunc rerum exitum Reginæ Catharinæ industria, & vigilantia promeruit, quæ obsidionis ipso tempore nihil non opportunum, & salutare providebat; suamque interim, & aulicarum in liciis retexendis, concinnandisque e lino fasciolis, quibus militum vulnera foverentur, operam collocabat. Ergo, ut Regni curis, ac laboribus fatigatum levaret animum, in privatam se recipere stationem cogitavit; ubi cœlesti alloquio tranquillius & suavius indulgeret, & salutem propriam diligentius accuraret. Ejus confessorium, Patrem Michaellem de Torres e Societate IESV, dicere solitum memini, Reginæ animum in multis, quos ipse optimos exploraverat, purissimum, Deoque gratissimum haberi. Quamobrem anno MDLXII, habitis Olyssippone Comitibus, Regni clavum leviro Cardinali moderandum tradidit, qui summam deinceps potestatem vigilantissimè exercuit.

*Sebastiano  
Regnum  
committitur.*

VBI ad quartum decimum ætatis annum adolevit Sebastianus, convocato Olyssippone Concilio, Regni habenas suis manibus tra-

stan-



Standas in posterum accepit , maxima omnium cum voluptate , ac lætitia Regem Regno idoneum contemplantium. Quod felix , faustumque , vt foret , in libellum memoriæ causa retulit , & manu propria descripsit , quidquid optimum factu ea gubernatio postularet. Triplex in libello erat rerum series , earum in primis , quæ Christianum , benemoratum , & maxime juvenem decerent Principem. Deinde quo prudentiæ consilio , qua benignitatis indulgentia , quo legum fræno , qua justitiæ severitate populus esset continendus. Tandem quibus præcipue artibus , quoque studio & solertia divinæ fidei terminos vna cum Imperio promovere Rex posset. Ita omnia mature , ac recto digesta ordine legabantur , vt peritissimus quisque populorum nauclerus cum libellum , quasi tabulam hydrographicam , observare non dubitasset.

*Triplex  
Sebastiani  
libellus.*

ANTE alia , confirmandæ justitiæ zelo accensus , Prætores non solum in vrbes & oppida Lusitanix , sed in Oceani quoque Insulas , in Brasiliam , in Indiam , & in omnem sui nominis ditionem expedit ; maxime , vt jus eorum , qui Regem ob tenuitatem adire non poterant , tutarentur , & miserrimis qui-

*Iustitiæ  
promo-  
vende ac-  
ditus.*

quibusque pro virili consulerent ; nec minus , vt acriter in maleficos & consceleratos animadverterent , fæcesque , ac sentinas vitiorum exhaurirent. Præterea , latis legibus , mores aliquot jam præcipientes restituit. Holsericis , & sericis quoquo modo in totum abdicatis , lanea mediocris prætii vestimenta primus induit ; ad cuius exemplum sefe omnes illico composuere. Civitates , & conventus serio per litteras admonuit , & enixe postulavit , si quid e communi bono futurum crederent , ad se quamprimum referretur. Putrescentes populi consuetudines Evangelico sale vt condiret , religiosorum hominum familias , & divini verbi præcones mirifice coluit , & amplificavit. Qam ob causam duo e Societatis IESV in Insulis collegia , alterum in vrbe Funchalensi , alterum in Angrensi excitavit : tria quoque apud Brasiliis , quatuor apud Indos : quæ tandem alia intra Imperii sui fines ab aliis erant dedicata , redditibus auxit. Enim vero Societatis alumnos , Eborenses in primis , vbi diutius sedem fixit , non dilectioni tantum , sed amore prosequabatur , cuius familiæ nuperrimum institutum sui maxime stomachi esse adstantibus

*Communi  
veste ute-  
batur.*

*Societatis  
Iesu Col-  
legia plu-  
rima ere-  
xit.*

bus sæpe aulicis prædicabat : aiebatque impudentiæ mancipia videri eos , qui optimum istud genus hominum consutis mendaciis cavillarent, & caninis dentibus admorderent.

SUB idem tempus res Indiæ , partis de vario hoste victoriis multis , & opportunis arcibus ædificatis , non parum promovebat. Hanc felicitatem Orientis Dynastæ propriam interpretantes calamitatem , maxime tunc Narasingani hostis debellatione fastosi , captaque inde præda bene nummati , vna omnes ad Lusitanum nomen abolendum conjuraverunt , & pro se quisque proque viribus facturos pepegerunt. Quo ex pacto ( annus agebatur a partu Virginis MDLXXII ) eodemmet tempore Idalcan Goam , Nisamaluchus Ciaulum , Zamorinus Chale , potissima Lusitanorum oppida obsederunt. Tantam belli vim Attaidius Prætor , a se & a suis ut propulsaret , classes instruxit , quas lectissimis ornatas ducibus in hostes alios dimisit : Goam ipse tutari maluit , & cum paucis militum centuriis , sed quæ pro multis tanto sub imperatore sufficerent Idalcannis impetum sustinere. Adfuit hostis quinque supra triginta equitum millibus , ped-

tum

*Res Indi-  
ce sub ex-  
dem.*

*Goa &  
Ciauli ab-  
silio.*

*Attaidii  
Goa vir-  
tus.*

tum sexaginta constipatus: neque imbelles Indi, sed Turcæ, & pugnacissimæ aliæ nationes exercitum explebant. Turriti etiam elephantes bis mille, tormentorum monstruosæ magnitudines ducentæ numerabantur. Pene semestris fuit hæc obsidio, victore semper Lusitano; quamvis multiplici & quotidiana dimicatione a fronte, a tergo, a lateribus premeretur. Vbi vero, edomitis alibi Barbarorum minis, Goam classes redierunt, tantus in obsessis revixit animus, tantus in obsidentibus timor inhorruit, ut ventosa Idalcanis superbia spe citius deferbuerit, & vel iniquas sibi fœderis conditiones abscessurus poposcerit.

*Idalcan  
victus abj  
cedit.*

*Claulum  
Dux  
Mascarenias  
tutus.*

CIAVLUM, nec loci natura, nec ullis murorum substructionibus obvallatum, non-genti plus minus Lusitani, robore tamen & nobilitate florentissimi, sub egregio duce Francisco Mascarenia, oppositis animose pectoribus (quæ vetus fuit Laconum gloria) propugnarunt, impugnante Nizamaluco; cujus signa pedites centum mille, equites quinque supra quadraginta, lectissimæ Orientis vires amplissimo stipendiorum præmio sequebantur. Bellici apparatus copia  
nun-

nunquam , & nusquam copiosior : tormen-  
 ta varii generis innumerabilia : in eis ali-  
 quot longitudine quinos ultra , & vicanos  
 palmos extendebantur ; vnde immani ambi-  
 tu globi fragore prorsus horrendo evola-  
 bant. Per novem ipsos menses obsidio deto-  
 nuit : continua non tam dierum , quam ho-  
 rarum omnium erat dimicatio : pugnam enim  
 hostes alii aliis subinde succedentes integra-  
 bant ; nostris , ob paucitatem , eisdem fere  
 semper repugnantibus. Crebra , & vix no-  
 ctu intermissa, bombardarum dispositio nudas  
 mœnibus domos foeda laceratione quatefe-  
 cit. Ad fraudes etiam, & technas ventum est;  
 dolus , an virtus quis in hoste requirat ? No-  
 va indies stratagemata , & inusitata præli-  
 andi artificia erumpebant. At Lusitanorum  
 animus inter tot minas erectus , inter tot pe-  
 ricula promptus , inter tot objectos vndique  
 terrores imperterritus , præsens semper , &  
 constans immortalia edidit facinora , quæ  
 quidem res alibi fortiter gestas non æquant  
 modo , sed exuperant. Enimvero gloriosum  
 cum primis habendum est nongentos ali-  
 quos propugnatores ab oppido munitionibus  
 destituto tam infestas , tamque copiosas bar-  
 baro-

*Novem  
 menses du-  
 ravit obsi-  
 dio Lusita-  
 nis ad pau-  
 cissimos re-  
 ductis.*

*Nizamala:  
 cus despe-  
 rans obsi-  
 dione absi-  
 st.*

barorum acies ita propulsaſſe , vt Nizamalu-  
cus exercitum ſenſim minui cum animadver-  
teret , deſideratis duodecim fere millibus ,  
ad vaſa conclamare , & obſidione abſiſtere  
compulſus fuerit. Certe quo atrocior ex-  
titit oppugnatio , eo clariori ſpectaculo Lu-  
ſitanam fortitudinem expoſuit : quo maiora  
pericula , eo maniſeſtius apparuit , quantum  
cœleſti fulta præſidio , & ſuoſte ingenio ad  
laborum tolerantiam durata paucitas poſſit.  
Nec mirum ita ſuo ſemper , & ſecundo Nu-  
mine dimicaſſe eos , qui propagandæ apud  
Ethnicos Fidei armis iter aperiebant.

*Zamorini  
& Aceni  
inanes co-  
natus.*

CHALE oppidum , in quod Zamorinus  
intenderat , pari felicitate retentum eſt. Hoc  
eodem tempore ( vt convenerat ) Acenus Sa-  
matræ Tyrannus celeberrimum illud Orientis  
emporium Malacam obſidere conſtituerat ;  
ſed navali excidio a Luſitana claſſe præoccu-  
patus obſidionem in annum ſubſequentem  
diſtulit. Collectis ergo viribus arcem Mala-  
cenſem ita vehemens oppugnavit , vt expu-  
gnare tandem poſſet, niſi eam tunc præſectu-  
ram Triſtanus Vaſæus Vega , tertium belli  
fulmen , duxque rerum geſtarum , & milita-  
ris peritiæ gloria nulli ſecundus , obtineret ;  
cujus

*Triſtari  
Vazei a  
Pega Ma-  
lacenſis  
preſecti  
encomium.*



cujus industria factum, ut hostiles impressio-  
nes terra, marique sæpius incussæ nec Lu-  
sitianorum animos a pectore, nec pedes a  
loco, & statione dimoverint.

HÆC fama victoriarum, & avita Caro-  
li V. memoria, cujus præclara facinora in  
libello nuper edito lætitabat, bellicosos Se-  
bastiani spiritus, & Martium illum calorem  
excitarunt. Quare in Indiam trajicere de-  
stinavit: nec deerant qui hanc flammam ad-  
moto palpationis fomite confoverent: pa-  
rem Regis animo eam esse trajectionem: in-  
dignum videri non tam generosum Princi-  
pem angustis Lusitaniæ finibus veluti nido  
circumscribi. Cæterum ejus patruus Cardi-  
nalis suas cum præceptore copias junxit, ut  
Rex ab insanissimæ cogitationis barathro ex-  
traheretur. Meditatos rationum ictus decli-  
nanti, vel retorquenti, Sebastiano cum ni-  
hil suadendo persuaderent, jusjurandum in-  
terponere Cardinalis non dubitavit. Testor,  
inquit, sacrosancta quatuor IESU Christi  
Evangelia, Vestram Altitudinem hac in re  
præcipitem ferri, & ab adulatoribus planif-  
sime deludi; quibus, si assentiatur, neque  
e re propria, neque e re suorum faciet. Hic

*Sebasti-  
anus Indiam  
meditatur.*

*Henricus  
patruus,  
& Societa-  
tis Religio-  
si Regem  
avertunt.*

verborum ardor , & vtriusque suasoris existimatio Regem ad saniora consilia revocarunt.

*Africa  
adeunde  
avidius  
Magistro  
enixe dis-  
suadente.*

VERVM suimet ingenii calcaribus ad bellicas expeditiones stimulus , Indiam obliviscens , Africæ subjugandæ adjecit animum , de qua jam abusque puero cogitaverat , nihil aliud noctu , diuque meditari , nihil loqui , totus in hoc vnum incumbere. Ex iis , quæ crebro dictabat , ansam opportune arripiens præceptor , ita ferme orsus est. Quoniam te , o Rex , & alumne amatissime , de Africana expeditione veluti serio loquentem audio , mihi & officio meo deesse judicaretur , ni serio te etiam rei tantæ commonerem. Animadvertere , obsecro , tria bellum istud molienti opus esse. Quatuor imprimis , aut quinque mares filios , qui patriam hæreditatem adire possint , relinquo necesse est. Videndum etiam , ne tuo ipse periculo aleam de Regni summa , deque tuorum salute jacias. Tantum denique pecuniarum , militum , comæatuum , reliquorumque ad bellicos apparatus spectantium habeas , & tua , & nostra omnium interest , quantum immensa belli suscipiendi moles , ut dextre ac feliciter conficiatur , efflagitat.

*Ægre*

Ægre hanc monendi libertatem ferre visus est Sebastianus. At præceptor nihilo secius, prout se ferebat occasio, instare iterum, ac sæpius, & qua precibus, qua rationibus, qua propositis difficultatibus dehortari: utque surdo narrare fabulam intellexit, Olyssipone, ubi Rex morabatur, Conimbriam facessivit, ne piaculares ejus confessiones deinceps accipere cogeretur.

*Magister  
Sebastiani  
per  
uicaciam in-  
tuens, alio  
secedit.*

ERGO Sebastianus prudentissimis monitoribus refractarius in Africam primum solvit, Sextili mense, anno MDLXXIV, ætatis suæ xx. Præceptor interim curis, nec non & jejuniis, aliisque macerationibus pro alumni salute afflictatus morbo gravissimo corripitur. E lectulo tamen epistolium manu, ut erat, tremula exaratum, caritate quidem & prudentia plenum, in Africam ad Regem dedit; summis in eo precibus contendebat, ut factus jam voti compos, visa Africa, & sibi & suis prospiceret, ac in Lusitaniam primo quoque vento renavigaret. Ex Africa revertens Sebastianus præceptorem cum inviseret (decumbebat ille tunc temporis Olyssipone, solum vertere ex opinione Medicorum, ad recuperandam va-

*Prior Se-  
bastiani  
in Afri-  
cam expe-  
ditio &  
reditus.*

*Rex in  
gratiam  
cum Ma-  
gistro re-  
dit.*

letudinem , coactus ) his verbis dicitur allocutus : Vt scias , inquit , quanta apud me tuarum litterarum fuerit auctoritas , en illas : in sinu hæcenus cordi proximas asservavi : tibi que velut obsequii pignus restitutas volo. Ne in posterum Africam repetendi daretur occasio , quidquid poterat illicium belli esse , præceptor amovendum sedulo curavit : cujus etiam rogatu trecentorum mille aureorum subsidium a Pontifice Max. contributum Sebastianus libentissime remisit.

*Sebastiano  
nuptia cu-  
rantur ,  
sed frustra  
ipso reni-  
tente.*

DEDIT præterea operam non mediocrem , ( nisi luculentis , oculatisque testibus fides sit abroganda ) vt Rex nuptiali sacramento addiceretur. Primam nominavit Elisabetham Philippi II. filiam , de qua legationes vltro citroque missitare frustra ceciderunt. Ventum deinde est ad Margaritam , Henrici II. Gallorum Regis jam demortui filiam , cui Sebastianus propensior videbatur ; nihil enim aliud dotis nomine postulabat , quam vt Rex Gallicus vna cum cæteris adversus Turcam conspirantibus ( ejus tunc belli curam Christiani Principes nutriebant ) conjuraret : se suis ea tempestate laureatis classibus , & a Rubro , & a Persico sinu in te-  
terri-

terrimum illum hostem incursum promittebat. Dum hæc agebantur, Carolus Galliæ Rex, Margaritæ germanus frater, e vivis abiens, germanæ nuptias dissipavit. Viduam Maximiliani Imperatoris filiam primævo adhuc in ætatis flore reliquit Carolus: hanc Sebastiano ducendam præceptor suadebat; sed potior tandem visa est quædam Baviaræ Ducis filia, cujus dotes eximias Orbis terrarum ea tempestate prædica-  
bat. Quominus aptæ adeo nuptiarum tædæ ignem arriperent, ipse in causa fuit Sebastianus, qui & præceptori, & gravissimis aliis Patribus e Societate IESU acriter hanc rem urgentibus, respondit, ne se fatigatum vellent, ducendi vxorem tempus adhuc non adfuisse, maturiorem conjugio ætatem postulari. Hæc omnia a juratissimis hominibus, & quibus secretiora de hac re consilia patefiebant, ita se prorsus haberi, scripturi accepimus: ideoque latius enarravimus, ut satis constet, agi transversos, & temere eos facere, qui, perigrini cum sint, ab intemperate veritatis limine peregrinantur, & certos extra fines per summam audaciam erumpunt, dum qualiacumque apud caliginosas

*Libertas  
& temeritas  
ingens  
aliquot ex-  
ternorum  
de his ali-  
ter scriben-  
tium.*

mer-

mercatorum tabernas somniant, in publico lucis theatro perfriatæ frontis homines exponunt: quasi vel præceptor, vel Societatis Patres, Regem a nuptiis revocarint, & in Africam impulerint: quod mendacium portentosum liquido ex supra demonstratis coarguitur.

*Sebastianus Moleimum Marrochiesi regno restituere parat*

ALIQUOT jam elapsis annis, præceptore vita functo, Moleimus Abdemeleclus, ut erat fidens animi, & Turcarum fultus adminiculo, Moleimum Mahometum ex sorore nepotem Marrochiesi Regno & fortunis pepulit. Mahometus, ut aliquam rebus in arctis aram prehenderet, ad Sebastianum, veluti ad asylum, se recepit, sponditque futurum deinceps vestigalem, si ad pristinum Regni statum Lusitanorum ope reveheretur. Nihil gratius visum Sebastiano: ad Africanam expeditionem repetendam inflammatur: Præsulum, Dynastarum, virorumque illustrium coacto concilio, suffragia init: quos in contrariam sententiam, voce, ac pedibus abeuntes ut vidit, palam admonet, non de bello, sed de optimo bellandi modo consultos eos velle: certum se nemini, quam sibi, suos milites in re tam difficili facilius parituros.

*Totum regnum inconsulte Regis appetitioni obstitit.*



ros. Nihilo tamen segnius Regni proceres dissentiebant ; maxime Cardinalis patruus , Tentugalenſis Comes , Martinus Confalvus Camera , & de Societate IESV præ omnibus confeffarius , vrgere rationibus , pericula recensere , miseram belli sortem quasi prædivinantes lamentari , leges divinas humanasque objicere.

Pro comperto etiam habeo , Ioannem ab Albicastro Regis Sebastiani a consiliis status , coacto vt de hac re ageretur concilio , eidem Regi gravium rationum momentis insigniter restitisse. Ioannis enim Borgiæ epistolam ad Philippum II, cuius tunc in Lusitania orator erat , vidimus ac perlegimus. Summa hæc est. Coactum hodie a Rege fuit status concilium de Africana expeditione, & quamvis multi eas partes , in quas Rex haud dubie inclinabat , sequuti fuerint, insignem tamen operam præstitit Ioannes ab Albicastro efficacibus in contrariam partem argumentis : & illamet die hunc animi valorem Deus Opt. Maxim. remuneratus est : vastæ enim ac ponderosæ atrii valvæ , super ejus filium teneræ ætatis Emmanuelem ruentes , divina ope medio in lapsu ferreo vecte hæren-

hærentes steterunt, salvo & illæso puero. Illud notatu dignum est, Deo ita res disponente, ad hunc postea Emmanuelem Villæ novæ domum ac Comitatum delatum esse, cum ejus pater Ioannes Comitis Villæ novæ esset filius secundo genitus. Tanti apud Deum est sincera consiliariorum integritas, qui commune bonum, ac Dei honorem ducem sequuntur, quibus cœlum non solum præsentia confert beneficia, sed eadem, ut in posterum augeantur, continuat.

*Obstinatus  
Sebastiani  
in suam &  
Regni cladem ani-  
mus.*

PORRO Sebastianus, qui ædes aurium adulatoribus locaverat, saniora consilia non admisit: alte enim a propinantibus imbiberat, piam admodum ac sanctam eam esse expeditionem, Catholico dignam Principe, sed Lusitano digniorem apparere, cui hæreditaria semper jam inde a majoribus cura fuerit, divinæ Fidei vexilla Barbarorum perfidiæ inferre. Hunc etiam belligerandi animum Philippus II. Regum prudentissimus, datis non semel litteris, frustra tamen, improbavit. Tantum Sebastiani mentem, cætera docilem, adulatio perverterat, sibi que propria æstimatio emanciparat! Ita profecto superius visum est, ut Lusitanorum gentem

*Philippus  
II. Castellæ  
Rex incas-  
sum laborat  
cum Seba-  
stiano.*

(im-

(immeritam non appellaverim) vix vnquam abolendo supplicii dedecore multata doleremus.

ERGO delectum fieri, censerique exercitum Rex iubet. Duodeviginti mille hominum summa fuit; in quibus diversæ nationes sex millia, duodena ferme implebant Lusitani. His copiis ornata navium classis, qua Oceanus pulchriorem non viderat, sublati anchoris vela fecit septimo Kalend. Sextiles, anno MDLXXVIII. Africæ oram ut attigit Sebastianus, vix habere militem in armis cœpit, cum fero tandem proprio edoctus periculo errorem agnouit, in quem ab adulatoribus per summam animi gratiam detrusus fuerat. Commeatum difficultate paulatim vrgeri; stipendia militibus numeranda parce admodum suppetere; calonum, ac lixarum copia laborare; miles omnia, etiam infima, obire ministeria: fatigari, languescere. Quid agat inter sacrum & saxum Rex positus? hærare, ambigere, curarum æstibus fluctuare, huc illuc impelli, & in varias cogitationes distorqueri. Pedem referat? Turpe. Conferat? Durum ac periculosum. Itaque aleam jactat: dato signo ad hostem in

*Copia & classis in Africani.*

*Sebastiani & militum in Africa difficultas.*

interioribus Africae campis expectantem celeberrime contendit. Iter per vastas illas solitudines vix tolerabile aggrediendum fuit, quas ubi solis vapor obtorrui, fervido fabulo exurente vestigia, mortales tanti caloris impatientes contabescunt. Eapropter luctari in primis coeptum, non cum ardoribus regionis tantum, sed cum arenis etiam, quas aegre peditatus moliebatur: aquarum, ciborumque erat penuria, tellure circumcirca sterili, ac emoriente. Vnde fame ac siti enectus miles, asperrimique itineris lassitudine debilitatus, numero insuper exiguus, cum integris & bene curatis hostibus, cum Barbarorum copiis propemodum infinitis, ubi non virum vir, sed plus decem Mauri singulos legerent Christianos, collatis signis e vestigio dimicavit; quin solitis prius munitionibus castra posita vallarentur. Ancipiti Marte pugnatum est tamdiu, donec veteranorum robora, ingenti edita strage, fuffis hostium principiis, gloriose occubuerunt: reliqua tyronum agmina, ut erant praelian-do in experta, turbatis ordinibus perrumpi facile, & circumveniri potuerunt: quamobrem ad Barbaros victoria tandem inclinavit, pridie

*Barbarorum multitudine non sibi opprimuntur.*

pridie Nonas Sextiles , anno MDLXXVIII.

HVNC diem fatalem sensit Lusitania , in quo violenta male ominati belli tempestas nobilitatis florem decussit , animos attrivit , opum ac divitiarum thesauros compilavit ; in quo adversus fortunæ gladius tot antea rebus præclare gestis , tot partis feliciter victoriis , turpissimam imposuit cicatricem : & , quod omnium caput est , Regem abstulit , ætate juvenem , virtute eximium , moribus egregium , hærede adhuc filio destitutum. Ille enim perniciem Mauris illaturus , sibimet ac suis prius intulit , propriumque amisit Regnum , alieni plus nimio sollicitus. Dolorem auxit Lusitanis , ab eo se hoste attritos , & spoliatos circumspicere , quem nulla majorum ætas victorem viderat , sed victum , sed vestigalem. Memorabile hoc prælium maxime fecit trium Regum infelix exitus. Mo-  
leimum Abdemelechum ( vt funesta Barbaris esset victoria ) pila ferrea deturbavit. Mahometum fluminis in trajectu vortex rapidus abripuit. Sebastiani cadaver multis confossum vulneribus inter occisorum cumulos inventum ( sic perhibent ) a juratis aliquot hominibus recognitum , & pro vero susceptum , cul-

*Summa  
hæc Lusitani  
nomi-  
nis clades  
fuit.*

*Tres Reges  
eo prælio  
cæsi.*

cultumque in Bethlemico ( vt vocant ) Divi Hieronymi cœnobio , proxime Olyfipponem Regium occupat maufoleum.

*Sebastiani  
futura.*

STATVRA fuit quadrata , compactis firmisque membris , vultu candicante , dispersis ad venustatem lentiginibus , capillo subflavo , oculis cæsiis , angusta fronte , labris roseis , sed crassioribus aliquanto. Quæ omnia sub vno aspectu Regiam majestatem in teneris etiam annis præferebant. Nativa symmetria de sanguine , ac bili plus traxerat. Corde ita audaci & imperterrito , vt difficilia quæque facillima putaret. Quantis fuerit viribus , vel ex eo conjicies, duos prægrandes cereos , singulos ellychniis quatuor compositos, vno cujuslibet gladii ictu abscindebat. Discum ferreum nemo longius aut expeditius jaculabatur. Eques tres exercitationes , vt erat venustus equorum seffor , sive arundinibus Troianum in mœrem, sive æquis hastis dexterrime obibat. Hæc obeuntem nos ipsi quanto majore cum voluptate spectavimus , tanto acerbior nunc tristitia recordamur. Fas mihi tandem sit juniores orbis Principes admonere , ne temere quidquam moliantur , sed periculum e Sebastiano faciant, sibi quod ex visu esse possit.

*Ejus vires  
& dexteritas.*



## AD REGEM SEBASTIANVM.

*C*ampi infelices ; Regna infelicia ; noster  
Rex ubi tam lacero corpore planxit humum.  
Patria tam tenero non te nutritiv amore ,  
Vt Rex tam duro defererere solo.  
Barbara barbaries , gens moribus ænea, Mauri  
Cur tenerum florem carpitas ense truces ?  
Non bene flos Mauri violento avellitur ense ,  
Dextera quem blande carpere blanda solet.  
Debuerat revocare manus , revocare secures  
Regia Majestas Principis , oris honor.  
Quod si præda placet, raptatur ut integra ferro,  
Parcite , nil ferro dilacerata valet.  
Nil Mauri contra ; properant discindere ; corpus  
Rumpitur ut dura victima cæsa manu.  
Reliquias laceras , Rex , suscipe patria , dixit,  
Integer in lacero pectore durat amor.  
Cuncta mihi desunt , fateor , solatia , solum  
Quod pro te morior dulce levamen adest.

Ad eundem.

*F*orma tibi fuerat , Rex , regia , frontis  
honores  
Summa sequebatur gloria , stemma patrum.  
Plus

*Plus tibi subiectos vita , quam lege regebas ;  
 Quam tua jura , tuus plus faciebat amor.  
 Hectoreas duo vincetas pectore vires ,  
 Si quando Herculeis viribus esset opus.  
 Alter eras Mavors , cum praelia dura vocabant ;  
 Castor eras celeri cum vehereris equo.  
 Spiritus heroas vincebat in ardua natos ,  
 Par prope syderibus , deside maior humo.  
 Prima hominum spes vnus eras , te maxima tellus  
 Instauratorem credidit esse suum.  
 Qua Rex cumque ibas , Mundum exhilarare  
 solebas ,  
 Delicias veluti cerneret ipse suas.  
 Ocyus occumbis primævo in flore iuventæ ,  
 Dum properas patriæ Regna parare tuæ.  
 Vt patrii accrescant Regni confinia , vitæ  
 Tempora decrescunt tam pretiosa tuæ.  
 Dent alii senium patriæ , Rex dixeris ; illi  
 Ætatis florem Rex ego libo meæ.*

Ad eundem.

*C*ernere si posset te nunc longæva vetustas ,  
 In te vno heroas cerneret illa suos.  
 Si niveum inspiciat iuvenili in flore pudorem ,  
 Crederet Hippolytum ; si genus , Ascanium ;

*Si vires , Martem ; si mentis lumina , Phæbum ;  
Si te albo videat , Castora credet , equo.*

*Non tamen Hippolytus , non Mars , non Teucer  
Iulus ,*

*Non Sol , non Castor , laus tua majus opus.  
Unus enim heroum laudem complecteris omnem ;  
Horum juncta simul lumina solus habes.*

*Candore Hippolytus , tibi sanguine cedit Iulus ,  
Mars armis , Phæbus Numine , Castor equo.*

Ad eundem.

**D***Vm numerant dotes in te tua Regna , dolores  
Tristia dinumerant , Rex animose , suos.*

*Infelici obitu Libycis extinxit in oris ,  
Quot Natura tibi præstitit ante bona.*

*Naturam querimur violentæ more novercæ ,  
Tam subito fætus præsecuisse suos.*

*Ostendit potius , quam præstitit invida Regis  
Tot bona , plus Regno mors ut acerba feret.*

Ad Regem Sebastianum , quod vespertino  
tempore & litterariis exercitationibus  
interfuerit , & bellicas  
exercuerit.

**P**allada Rex , Martemque vno sub vespere  
gessit ,

*Ne Mars inuideat , neve Minerva Deo.*

*Non Martem Pallas , non vincit Pallada  
Mavors ;*

*Nunc lyra docta canit , mox tuba rauca so-  
nat.*

*Mars atavo , sed Pallas avo dilecta. Sebasto  
Et Mars , & Pallas sunt in amore pares.*

Ad eundem , quod in eodem certamine  
totus sudore manarit.

**R**ex , ubi Palladio spectavit pulvere ludos,  
Arma capit , pariter Pallas in arma ruit.  
*Versat equum impatiens , totusque in vulnera  
surgit ,*

*Miratur Regis pectus & arma Dea.*

*Quam postquam mediis sudantem vidit in armis  
Gorgoneam ponens ægida , tergit aquas.*

*Arridensque illi , plus te sudasset Achilles ,  
Plus Mars si tecum congredierentur , ait.*


HEN-





HENRICVS PORTVGALLIÆ REX XVII.  
VIXIT A. LXVIII. OBIIT A. M. D. LXXX.





# HENRICVS I.

## LVSITANIÆ

## REX XVII.

---

### ANACEPHALÆOSIS XXI.

**H** Ac effigie claruit Rex ille hominum ,  
 Deique Sacerdos , Henricus felicissi-  
 mi Regis Emmanuelis ex Maria Regina  
 optimarum virtutum laude inelyta filius.  
 Olyssipponē in lucem editus vltimo Ianua-  
 rii die ante ipsum Virginis Deiparæ purifi-  
 catæ pervigiliū ; post octo & sexaginta an-  
 nos eodem die obiit : indeclinabili videlicet  
 per totam vitam magnarum virtutum ex-  
 emplo , quasi circulum describens perfectis-  
 simum , in quo ipsius , tum privatæ , tum  
 publicæ gloriæ splendor , longe , lateque  
 enituit. Puer Latinis , Græcis , Hebraicis  
 litteris est imbutus ; Adolescens Mathema-  
 ticæ , Philosophiæ , ac Theologiæ operam  
 dedit. Ad maturiorem vero progressus æta-  
 tem sanctorum Patrum lectioni impensius

*Ortus &  
 obitus cir-  
 cularis  
 Henrichi*

*Pueritia  
 & profec-  
 tus in lit-  
 teris.*

*Libellus  
ab eo scri-  
ptus.*

vacavit ; qua in re non parum versatus libellum quoque homiliarum in proprium vsum commentus est , in quo Evangelia per annum occurrentia ad formam meditationum exprimens , vivum suæ pietatis specimen posteris dereliquit. Hæ sunt illæ homiliæ , quas primum vir egregie pius Ludovicus Granatensis in gratiam tanti Principis Lusitano sermone excudi curavit ; postea Academici Eboreses latinas reddiderunt , ac ampliorem fecere vsum tam singularis spiritus , quem mundus in Principe tot titulis claro jure miraretur.

*Ecclesiastica illius  
dignitates.*

ANNOS agens quatuordecim assumpto clericali habitu Ecclesiæ castra Deo militaturus adiit. Primum Sanctæ Crucis Conimbricensis maximus Prior creatus , fratre Alphonso Cardinali , qui Prioratum gerebat , ultro cedente : moxque grave illud Monasterium , Henrico ineunte Prioratum , quasi novo sibi exoriente sole collustratum , prolapsam decursu temporis disciplinam instauravit , exacteque deterfam hodie servat in illis suis recessibus. In templo , & in communi domo , magnis expensis , vel diruta restituit , vel nova crexit opera , quibus ad veterem  
magni-

magnificentiam plurimum accessit decoris, ac ornamenti regii; quin & ab ipso Prioratu suo magna liberalitatis significatione non levem reddituum partem detrahi iussit, quam cœnobio addidit, de suo potius gregem, quam de gregis vellere, se communiens. Abbas deinde fit plurium cœnobiorum Ordinis S. Benedicti, maxime vero Alcoba- ciæ, ac totius B. Bernardi familiæ, quam ad genuini spiritus vigorem magno & ipso vigens spiritu revocavit. Sed & militaribus Ordinibus Christi Opt. Max., D. Iacobi, & Aviliano præficitur, magnoque eorundem Ordinum profectu, suam optimus Princeps commendavit præfecturam.

ITA quasi proludens altiora dignitatum decora, primum Bracharæ Augustæ Archi- præsul, ac Primas Hispaniarum constitui- tur; vbi prima cura fuit prædecessoris sui Didaci de Sousa famulos quasi proprios fo- vere, ac beneficiis congruenter afficere; de- inde omnem animi conatum in munus pa- storale intendere, quod summa vigilantix, ac prudentiæ laude obiit: totam ipse per se provinciam lustrando, ac in subditorum ma- xime Ecclesiasticorum errata diligenter in-

*Primas  
Hispania-  
rum con-  
stituitur.*

*Episcopi  
muniri ex-  
ercebat  
per se  
ipsum.*

quirendo, quibus vel supplicio, si opus erat ; vel lenitate, si erat satis, medebatur. Pastoris optimi nullum detrectavit munus, propria manu cœleste pabulum in templo dividebat, ac deferebat vicatim ad ægrotos ; lustralibus aquis fidelium rite expiabat infantes, & quorumlibet vndequaue venientium confessionibus audiendis semetipsum publice exponebat. Coacta Synodo Ecclesiasticæ disciplinæ reformationi serio incubuit, eique novis constitutionibus in posterum cavit. Synodalem vero pecuniam tum ad puellas parentibus orbatas honestis viris collocandas, tum ad Scholas publicas extruendas contulit, quibus probatos Magistros ad humaniores litteras pueris tradendas consulto præfecit. In electione visitatorum, ac cæterorum ministrorum, quorum opera in administratione sui muneris utebatur, virtutem præcipue, doctrinam, dotes spectabat animi, atque ut hæc de singulis certo constarent, parvi faciebat, si magno id sibi vel sumptuum, vel beneficiorum pondere staret. Nobile illud Augustæ sedis templum pretiosis, tum vestium, tum vasorum ornamentis nobilius reddidit, ac cæteram urbem va-

*In mini-  
stris eli-  
gendis  
prudencia.*

riis operum substructionibus illustravit.

POSTEA generalis Fidei Inquisitor fit, fratre Ioanne III. Lusitaniæ Rege coram Summo Pontifice procurante; quo in munere ita se vigilantem, ac strenuum præstitit, ut integram, synceramque Fidem, qua potimur hodie, illi vni, post Deum, acceptam omnino referre debeamus. Eo namque satagente pestilens malum hæresis, quod vicina Regna vel oppugnaverat, vel infecerat, nescio qua vi Numinis pulsum Lusitaniæ fines horruit. In eo vero præcipua ipsius desudabat industria, ut noxiis tum libris, tum hominibus aditum in hæc Regna terra marique præcluderet; actumque sæpius, ut per strenuos ministros suspectarum navium etiam præveniret appulsus; totque in iis quæstiones agebantur, tam exacta de libris, de personis pericula fiebant, ut apud Nationes hæresum labe notatas præconis voce ad tubarum clangores vetaretur, ne quis in Lusitaniam liberos, aut res quaslibet ad hæresim spectantes importaret. Sacrum Inquisitionis munus auctoritate præcipua fulciebat, ejusque ministros (quos non nisi maturo consilio, ac tuta probabat ex-

peri-

*Fidei In-*  
*quisitor*  
*generalis.*

*Hæretico-*  
*rum libros*  
*acriter*  
*insequeba-*  
*tur.*

*Inquisitio-*  
*nis mini-*  
*stros qua-*  
*les vellet.*

perientia) non modo honorifice tractabat, sed beneficiis, ac favoribus a Summis etiam Pontificibus impetratis studiose prosequebatur. Hos præcipue, qui Eboræ sacro muneri vacabant, suis alebat expensis, & privata in eisdem cura, ad honorum dignitates, ac præfecturas sedulo promovebat.

*Transfer-  
tur ad  
Eboren-  
sem Ar-  
chiepisco-  
patum.*

CVM Eboræ Episcopalis tantummodo vigeret Sedes, placuit Ioanni Regi ob honestas rationes, vt in Archiepiscopalem Apostolica auctoritate mutaretur, eique primum Henricum fratrem præponi curavit. Primus ergo Eborensis Archiepiscopus factus Henricus, vt plus temporis ad residendum, opum etiam plus ad benefaciendum nactus est, ita plus animi, ac facultatum ad officia pastoralia conferens excellentissimi Prælati vivum mundo exhibuit specimen. In primis lectissimos vndeque coegit ministros, quorum & litteris, & virtute Ecclesiam Eborensensem condecoravit; in eoque enituit optimi Præsulis opera, vt splendor divini cultus augeretur amplius, & celebriori, quam vnquam antea, ritu divina quæque munia peragerentur. Communis Xenodochii curam ultro assumpsit: domum, quam vo-  
cant



cant Misericordiæ , statis deinde temporibus largis fovebat eleemosynis : idque non modo Eboræ , sed & aliis per totam diœcesim oppidis medicamenta jubebat ex communi apotheca sua in ægrotos pauperes distribui. Majoribus solemniis , Nativitatis , Paschæ , Pentecostes , ac Virginis assumptæ in viduas urbis largas effundebant pecunias. Adversus hyemis inclementiam commodis vestibus operiebat pauperes : zelo fervens spiritualis boni litteris , ac virtute præstantes destinavit viros , qui per totam diœcesim concionabundi discurrerent , eisque modum animarum tractandarum præscribebat : jusque dabat periclitandi communes parochos , essentne litteris sufficienter instructi ad rationem sui muneris obeundam ; ac si opus esset substituendi alios in eorum locum. Iacebat enim tunc Translagana Regio in summa rerum incititia , paucique erant , qui quæstionum moralium fulcientem haberent peritiam.

CœPERAT per id temporis in hoc Regno primas sedes ponere Societas IESV , quorum homines audierat optimus Præsul , ex propria instituti sui ratione adjuvandos

*Opera misericordiæ exhibita Eboræ.*

*A sapientibus , & piis hominibus diœcesim illustrari curabat.*

*Societatem Iesu Eboram accersit.*

pro-

proximos esse formatos. Nihil ergo moratus accercitos ad se spargit illico per oppida suæ ditionis, ac illa eadem, quæ diximus, erga proximos commendat officia. Qua in re ita fructuose defudarunt luce doctrinæ, & exemplo vitæ, vt intra paucos menses alia rerum jam apparuerit facies, morumque depravatorum expulsiis tenebris nova lux exoriri cœperit Transtaganis. Quare permotus Henricus, vltcriusque institutum Societatis altius perpendens, ac modum procedendi, tum domi erga Deum, tum foris erga proximos, ratum habens; cogitata sua (quæ nuper quasi augurans Eboræ perfecerat, erecto Collegio ad alendos clericos, qui, postquam moribus ac litteris profecissent, diœcesim iuvare possent) huc tendere Numine impellente statuit, hosque quasi fati signatos clericos plane agnoscens, iis actutum collegium tradidit, exiguis quidem adhuc numero, sed ministerio, quod agitabant, vividam virtutem præferentibus.

*Societati  
dedit col-  
legium an-  
tea cleri-  
cis desti-  
natum.*

*Collegii  
Eboren-  
sis ampli-  
tudo.*

CREVIT ergo opus Dei: nam anno millesimo quingentesimo quinquagesimo nono collegium ampliavit ad sumptuosam usque molem, iunctumque Collegio Lycæum Acade-

Academicum extruxit , in quo cum maiestate operis pulchritudo certat. Atque , vt communia hominum invitaret studia , Magistros in primis e Societate esse voluit ; nam primus ardor dicendi ( vt recte Divus Ambrosius ) auctoritas est magistri ; deinde annuos redditus , & ex illis annuas portiones tum Theologis , tum Philosophis assignavit. Itaque eo brevi ventum , Deo bene iuvante , vt Collegium centum viginti Religiosos homines congruis redditibus aleret ; & Academia divinæ in primis , ac moralis Theologiæ , deinde Philosophiæ , ac humaniorum facultatum vocibus magno cum bonorum applausu personaret. Prodiere hinc tamquam e Troiano equo Doctores quamplurimi literis , ac virtute præstantes , quos hodie fama toto orbe celebrat ; prodiere & quamplurimi spectatæ virtutis , ac scientiæ Præfules & Parochi , qui magno cum animarum fructu varias Ecclesias administrarunt. Vidit optimus Antistes proventus felicissimos , & ingenti gaudio perfusus ad alia progressus est opera , quæ Academiam suam novis splendoribus illustrant.

*Eborensis  
Academiæ  
Theologi-  
cæ digni-  
tas.*

NOBILE collegium exædificavit , Purifi-  
catæ

*Collegium  
Purifica-  
tionis in-  
stituit &  
Societati  
submittit.*

catae Virgini (cujus prope diem festum natus fuerat) rite dedicatum, ut in ea quinquaginta Theologi ad justam examinis trutinam probati alerentur, qui tamen post ejus mortem, quod nec reditus sufficerent, nec facile tot numeris, ut par erat, absoluti reperiri possent, ad minorem dimidio numerum, Summi Pontificis auctoritate reducti sunt. E quibus viginti studio Theologico decurrendo vacant, quinque annis in Collegio vivere permitti, ea tamen lege, ut ad finem statuti temporis ad gradum Baccalaureatus promoveantur: quinque reliqui Theologi jam emensi curricula quatuor annis agendi in Collegio copia fit, ut reliquos Theologiae gradus usque ad Doctoratum conscendere liceat. Clavum ejus Collegii, juxta leges ab Henrico conditas, Societas tenet cum obligatione numerandi in annua subsidia collegarum aureorum duo millia & quingentos, datis quaternis per annum portionibus, in singula capita centum aureis. Præterea domum extruxit amplam excipiendo, curandisque pauperibus scholasticis, Christianæ pietatis insigne opus, & Regia liberalitate in vestigal annum constituit au-

*Scholasti-  
corum Xc-  
nodoebium.*

reos 750, plenamque administrationem Societati commisit.

ATTEXAM & hic similia beneficentiæ monumenta in præclaro Principe. Nullum enim de Societate IESV benemerendi finem facienti placuit, non multo ante obitum tempore collegia fere omnia amplissimis augere beneficiis, ac donis. Nam collegii Divi Antonii Olyssipponensis fundatorem se præstitit, assignatis quadraginta aureorum millibus & sua pensione annua in Olyssipponensi Ecclesia per aliquot annos solvendis, ut inde res familiaris, quæ tenuior erat antea, coemptis prædiis augeretur; quin & illud non leve subsidium collegio addidit, peculiare videlicet in pia opera vectigal ex Indiæ mercibus solitum exigi. Sed & Bracharensi collegio monasterium Rorifium annuente Summo Pontifice dono dedit; ad illudque, ac simul ad Portuense collegium ejusdem Summi Pontificis consensu transtulit per annos viginti pensionem annuam duorum millium, ac quingentorum aureorum, quam illi solvebat Braccarensis Ecclesia, ut inde stabiles sibi redditus coemerent. Quod tamen renuentibus Prælati Ecclesiæ Braccarensis ex par-

*Omnia fere Lusitaniæ Societatis collegia redditibus amplificavit.*

te tantum executioni datum. Simili beneficio, sed meliori eventu Conimbricensis collegium prosequutus est: nam æqualem superiori pensionem suam in ea Ecclesia per totidem annos assignavit, quo justæ dotis pondus ab Ioanne Rege decretum, & e regijs antea vectigalibus non sine difficultate exigi solitum, omnino absolvit.

*In Patres  
D. Bern-  
nardi bene-  
ficientia.*

NEC vero in Societatem tantummodo beneficus fuit Henricus Præsul, sed in alios se late effudit Religiosorum Ordines. Alcobaçiæ in primis largo munere ædificia amplificavit, novis ad commorandum extructis dormitoriis, claustrisque magnifico sumptu perfectis; aliis denique monasterii vñibus additis operibus, quæ omnia, vt fere communia, & large adornabantur, ita totos fere Abbatix proventus absorbebant. Cœnobium Cozense Monialium Divi Bernardi fere denuo erexit. Collegii S. Bernardi Conimbricensis auctor fuit. Egit acriter, vt plura eidem Ordini sublata monasteria restituerentur. Eboræ a primis fundamentis erexit monasterium Divi Antonii; nec procul ab eadem vrbe aliud prius condiderat, quod vocant Vallis Viridis, vtrumque pertinens



ad eam Ordinis Franciscani partem , quam a Pietate vocant. At vero prope Alcobaciam Franciscanum aliud ædificavit monasterium ad Arrabidam spectans , quod D. Mariæ Magdalenæ dicatum voluit. Ejusmodi quidem Ordines præcipue , sed plerosque etiam Religiosorum hominum benigne complexus est , quod eorum maxime colloquiis , & consuetudine delectabatur.

DVM Henricus Eboræ optimi Præsulis officio fungitur , moritur Olyssipponæ Ferdinandus Vasconcellius , qui Sedi illi præfuerat Metropolitanæ. Oportebat vero Olyssipponæ illum ad gubernacula Regni (cui adhuc Sebastianus Rex immaturus erat) assidere , idcirco Summi Pontificis auctoritate ad Ecclesiam Olyssipponensem transiit , relicto in Eborensi sede Ioanne Mellio notæ probitatis , ac prudentiæ viro. Evocaverat eum Regina Catharina , quæ pro demortuo Ioanne Rege marito suo Regnum administrabat ; tædio namque rerum humanarum , ac pondere annorum Religiosissima Princeps pressa , statuerat seipsam colligere , ac nuntium prophanis mandare negotiis. Igitur in publico Regni conventu rerum ultro reliquit habenas

*Patrum  
Franciscanorum  
stricte  
discipline  
fautor , &  
trium do-  
minum ad-  
ficator.*

*Fuit Archiepiscopus  
præsul  
Olyssipponensis, ut  
adfit Seba-  
stianus.*

*Regni gubernator  
imputare  
Sebastiano consti-  
tuitur.*

*Iuris dicendi  
equitas.*

*Regias  
opes omni  
re absolut.*

nas. Porro non fuit perplexa, aut difficilis Regni proceribus de successore deliberatio; cum haberent præ oculis Henricum Principem, in quem ob id, communibus suffragiis tota Regni gubernatio, dum puer Sebastianus adolebat, collata est. Gratulatus est orbis terrarum per publicos legatos tanto gubernatori: isque suo muneri magna cum populorum gratia plenissime satisfecit. Nam semetipsum exponebat publice ad communia expedienda negotia, Magistratusque, ut idem facerent, suo cogebat exemplo, actumque per id tempus, ut nullius etiam tenuissimi de plebe causa periret. Quin & illud memoria æterna dignum statuit, (quod sanctissimus Franciæ Rex Ludovicus præstare consueverat) ut siqua de Regis, ac privati hominis bonis æqua juris controversia incideret, potius de jure Regio, quam de privato detraheretur. Egit nihilominus ita prudenter ac naviter rem ipsam publicam, ut cum magno antea ære alieno premeretur, ipse sex annorum spatium, quibus ad clavum stetit, omnino liberam a communi illo onere, ac adeo florentem constituerit.

IGITUR ut fuit Regno habilis Sebastia-

nus

nus , Regnum illi felici pace gaudens , opulentumque solemni ritu tradidit , ac se ad Ecclesiastica munia liberius curanda convertit Henricus. Iam tunc successor ejus Mellius fatis cesserat , isque ad Sedem iterum rediit Eborensem : certa quippe divini Numinis providentia plura obibat munera , plures lustrabat diœceses , vt eas ( quod de Basilio Magno memoriæ proditur ) sua præsentia , exemploque vitæ sanctificaret , reformaret , condecoraret. Verum in hoc suo ad Eborensem Ecclesiam reditu id vnum præcipue auebat animo , se vt impensius Deo traderet. Idcirco exceptus rite , ac iterum euectus a clero in Sedem Eborensis Ecclesiæ , collegium Societatis elegit in domicilium , ac parua cella contentus cum Religiosis hominibus colloqui , ac familiariter agere in deliciis habebat. Itaque sacrum quotidie peragebat publico in templo , vbi non semel Eucharisticum populo diuisit epulum , secedensque ad agendas Deo gratias in sublimi odeo non discedebat inde , dum sacra continuo decursu perdurabant : videlicet reputabat indecens , si relicta in aliquo altari consecrata hostia , abiret in cubiculum ;

*Regnum  
Sebastiano  
tradit , &  
Eboram  
vertitur.*

*Societatis  
domum in  
suam ele-  
git.*

ita-

*Religiosi  
in Collegio  
Henrici  
exercita-  
tione.*

itaque necessarium duxere patres post unum finitum sacrum aliquid moræ interponere , quo bonus Princeps libere discederet. Exercebat spiritum statim horis per commentationes pias ; bis diebus singulis examen subibat conscientię ; lectioni sanctorum Patrum , maxime eorum , qui spiritum fovent , studebat sedulo. Non semel illum cubicularii famuli ante sacram Crucifixi imaginem provolutum in genua , ac flagris se inter suspiria , & lacrymas dure verberantemprehenderunt. Quo vero tempore Religiosi homines ad communes flagellationes in templum conveniebant , is erat e superiori loco socius tam pię exercitationis. Nihil æque sibi gratum , quam nosse , quo fructu concionatores a se missi per vineam Domini excurrerent ad salutem animarum ; eademque significatione voluptatis excipiebat redeuntes , ac manipulis collectis inter plurimas a Deo effusas gratias applaudebat.

*In censeo  
palatio so-  
lam Chri-  
sti cruce  
pendentis  
imaginem  
servare  
satagit.*

Est illud in tam præclaro Principe Christianę pietatis insigne monumentum , quod , cum domum aliquando suam repentinus ignis corripere , jamque cubiculum ipsum , in quo dormiebat , importuna flamma depasceret ,

reco-

recordatus tantummodo ejus intra cubiculum recessus , in quo Deum ante crucifixi imaginem precabatur , nihil omnino curans cæteram domus licet pretiosissimam suppellectilem , ad tollendam solam Christi imaginem per medios ignes intrepidus penetravit : nec sine magno miraculo remeavit illæsus ; eo nimirum thesauro locupletior , quam reliquis omnibus , quos igni libens reliquerat devorandos. Extat hodie mira hæc effigies pendentis Christi in Collegio Eborensi , vbi præcipua religione colitur ratum pietatis exemplum , vivetque diu celebre in memoria posterorum

Id vero in Henrico Principe omnem superat admirabilitatem , quod in iis quoque virtutibus se illustrem præbuit, quæ status Religiosi naturam per se constituunt , a Regione magis abhorreere videbantur. Amabat ergo paupertatem , ac pro divitiis habebat suis : itaque vestibus gaudebat attritis , ac si opus erat etiam sarciri curabat , sed neque in Regni fastigio positus meliores assumpsit ; agebat enim Religione se teneri, sumptus etiam leves in se ornando facere , cum tot Lusitanorum pauperum greges in captivitate jacerent. Igi-

*Paupertatem in se  
& aliis  
amabat.*

*Suum  
fraudabat  
genium ut  
in alios  
largus ef-  
set.*

*Pii V.  
Pontificis  
illustre di-  
ctum.*

tur sola sua frugalitate contentus amplios re-  
ditus , & regales opes , quibus affluebat , eo  
tantum curabat, vt & publicis, & privatis ne-  
cessitatibus pauperum essent frugiferæ. Idcir-  
co tum in Henrico Principe mirabatur Lusita-  
nia , quod in sanctæ memoriæ Pio Pontifice  
ejus nominis quinto Roma suspiciebat ; ac-  
cumbenti enim secum oratori Scotiæ , quem  
ad petendas angustis rebus suppetias legave-  
rat , ac miranti frugalitatem mensæ Ponti-  
ficiæ , dixisse fertur : Ne mirere ; Reginæ re-  
feres , ideo me frugi mensa vti , vt ejus præ-  
senti difficultati , ac similibus aliis faciam fa-  
tis. Non secus Serenissimus Princeps Henri-  
cus se potius , domumque suam , quam pu-  
blicas calamitates necessariis fraudabat subsi-  
diis. Quid plura ? E redditibus annuis , qui  
ad octoginta millia aureorum pertingebant ,  
solum triginta sibi , ac domesticis reservabat ;  
quæ supererant quinquaginta , in pauperum  
usus effundebat. Documentum non impri-  
mendum leviter , sed alte figendum animis  
Ecclesiasticorum Principum.

*Virginita-  
tis perpe-  
tuus &  
attentus  
cultor.*

QVID de amore castitatis memorem ,  
qua mundo Henricus exhibuit Angelum ?  
Sane non illum minori jure celebraverit fa-



ma Angelicum Principem , quam Doctorem Angelicum celebrat Thomam Aquinatem. Nam cum decumberet aliquando gravi morbo detentus , repulit , non secus ac ille , incredibili vigore animi introductam a pravis amicis petulantem foeminam , quæ pulchrum pudicitiae florem aut decuteret , aut inficeret. Iam de obedientia illud afferam in Henrico valde laudabile. Erat is , præterquam quod Archiepiscopus , & Generalis Fidei Inquisitor , etiam Cardinalis titulo Sanctorum quatuor Coronatorum , ac perpetuus in Regnis Lusitaniæ a latere Legatus. His omnibus titulis Apostolicæ Sedi se debitorem agnoscens, ejus in primis supremo capiti Pontifici Maximo perfectam obedientiam exhibebat , observansque sedulo , quo propenderet voluntas ejus, (quæ magni ponderis est ad obediendum cogitatio) curavit semper , ne latum vnguem ab ea discederet. Ad ea vero , quæ illi quoquo modo parum grata suspicabatur, ne litteras quidem commendatitias impetrare quis poterat. Significavit ultimo piissimus Princeps animum hunc suum ad obediendum proclivem legatione illa , quam moriens in mandatis reliquit, ut duo e Societate Religiosi

*Cardinalis  
Summum  
Pontificem  
quanto co-  
leret obse-  
quio.*

homines peregre Romam abirent osculatum pedes S. Patris , vt qui per se non poterat , per alios religiosum hoc præstaret obsequium.

*Sebastiani  
expeditionem sæpe  
conatus est  
impedire.*

NOTA res est quanta mole insudaverit Cardinalis Henricus , vt Sebastiani Regis , nepotis sui , juveniles impetus , ac indolem , excelsam illam quidem , sed aliquanto præcipitem temperaret , præcipueque fatalem illum in Africam transitum impediret. Vadunt nihilominus humanæ res , in quibus libido impotens dominatur , cursu ad perniciem , Deo sic permittente , irrevocabili. Tenuit Africam Sebastianus ; bellum , quod ardebat , aggressus est ; sed quæ prima dies bello dedit , eadem Regno abstulit æternis lacrymis prosequendum. Igitur infelicitis exitus mala fama mox vt Henrici implevit aures , gravi dolore fauciatum per suspiria & gemitus effudit cor , jaceretque in luctu & squalore diu , nisi coactus fuisset , ætate ingravescente , quales quales humeros Reipublicæ collabenti supponere. Quare Alcobacia , in quam per id tempus diverterat , relicta , Olysiptionem illico se contulit , quam solo aspectu suo moerentem exhilaravit. Curavit

*Sebastiano  
extincto  
Olysiptionem  
evocatur.*

is primo, vt accitis e toto Regno juris peritissimis hominibus fieret actutum de successione matura consultatio. Eorum autem omnium hæc vna fuit vox, Henricum Cardinalem legitimo jure Sebastiano Regi succedere, quod vnicus esset superstes Regis Emmanuëlis filius, ac frater Ioannis Regis avi Sebastiani.

Hoc sapientum hominum constanti decreto præmissio tulit Henricus, solemni se ritu evehi ad fastigium Regni Lusitanici. Apparuit tamen in ea publica actione renuentis animi specimen inclytum, quale nec gestientis præferret, qui summa vi ambiisset imperium. Inauguratus vix fuerat Henricus, cum illico intendit animum in miserrimum Regni statum, jamque viduæ hinc inde accurrebant, quarum maritos vel fatalis clades abstulerat, vel barbara tellus captivos detinebat; pupillos audiebat ejulantes, quod patriis æque bonis carebant, atque patribus; captivorum ex Africanis ergastulis ingeminatos clamores pene vsurpabat auribus. Verum, qua erat amplitudine animi, nec stupore detentus est, nec hæsit in angustiis, sed singulis necessitatibus affuit aut consolator,

*Henricus  
Cardinalis  
Rex inaugu-  
ratur.*

*Totus in  
captivos  
redimen-  
dos & vi-  
duas sub-  
levandas  
incumbit.*

aut

aut restitutor idoneus. Quod vero omnium caput est , extemplo legationem expediti ad Regem Barbarum tam magna opum vi celebrem , vt ducentis fuerit aureorum millibus æstimata. Eo factum , vt illico Maurus octoginta illos præcipue nobilitatis viros dimiserit liberos. Sed eo non contentus Henricus modis omnibus egit , vt cæteram captivorum turbam patrio solo restitueret , qua in re vsque adeo nec laboribus , neque sumptibus pepercit , vt crediderit Africa , Regnum Lusitaniæ nec viribus esse , nec opibus attritum , & jure adhuc ita bene valens , atque prosperum timuerit.

*Quinque  
petitorum  
de jure  
Lusitaniæ  
concertatio*

ANGEBAT nihilominus Henricum maior illa cura , quod se gravem , Regnum vero intueretur plurium petitum studiis , jamque hinc graviores miserabili Lusitaniæ augurabatur clades. Competitorum primus Philippus ejus nominis II. Hispaniarum Rex ; secundus Catharina Brigantiæ dux ; tertius Dux Sabaudia ; quartus Princeps Parmensis ; quintus Antonius Prior Cratensis Principis Ludovici , sed non ex thoro legitimo , filius. Hos omnes bonus Rex singillatim admoneri curavit , vt per se , aut per legitimos procurato-

ratores sui juris momenta coram se proponerent. Verum illi studia in contraria rupti Regis quoque facile ruperunt quietem ; nec fuit interim aliud consilium potius, quam vt Regni comitia indicerentur in oppidum Almerinum , caufaque ibi coram omnibus Regni statibus agigaretur ; fore enim vt communibus fuffragiis stabilita fententia firmitus, & facratius flaret in pofterum. Verum quæ eft humanorum fenfuum varietas , ac fluctuantis multitudinis inconfiantia , tanto res agi tumultu cœpit , tamque discrepantibus hinc inde voluntatibus , vt nihil de illo jure potuerit definiri certo , aut Rex certum aufus fuerit designare fuccefforem ; hinc videlicet aliquorum comitialium procuratorum , qui Antonianis partibus favebant ; inde tumultuantis populi , qui Castellæ omnino refugiebat imperium , feditiones timens.

IGITVR totam rei fummam ad paucos judices , quando plurium non conftabat judiciun. , revocare placuit , ac vt populi deliniret placaretque animos, in publicum evulgavit , velle fe , quantumvis privatæ vitæ rationibus contraireret , boni tamen communis & pacis ftudio facrum etiam adire matrimo-

nium,

*Comitia  
Almerini;*

*Tumultus  
in iis.*

*Ad judi-  
ces lis de-  
fertur;*

*De Henri-  
ei nuptiis  
agitur.*

nium , quo legitimam prolem , si Deo pla-  
ceret , Regno daret. Dum vero propriæ quie-  
tis sub divinis per tot annos actæ sacrificium  
parat , ac pro bono communi , quod divinius  
est , se totum immoiat , deque mittendis ad  
Summum Pontificem ea de re legatis agit ;  
Deus , siue optimi Regis oculte vota respi-  
ciens , siue Regni extrema fata vrgens , Hen-  
ricum morbo primum implicuit , ac tandem,  
postquam vnum regnaverat annum quinque  
mensēs ac totidem dies , gravi tabe cōfectum  
ad se vocat immortalī gloria coronandum ;  
magno quidem bonorum omnium luctu , ac  
certa impendentium malorum jam pulsante  
clade. Quamvis autem paratam in Eborensi  
Collegio suo habebat sepulturam e polito  
marmore spectabilem , visum tamen inter  
Reges cæteros Bethlemico in templo sepeli-  
endum ; vnde postea magno beneficio e cada-  
vere detractus pes Eborensi illatus est tumu-  
lo : monumentum stabile sui in Societatem  
amoris , ac primæ plantæ , quam Eborensi  
Collegio dederat.

*Mors &  
sepultura  
locus.*

*Statura ,  
& aliquot  
ejus virtut-  
es.*

EVIT Henricus Rex statura corporis me-  
diocri , vultu candido , oculis glaucis , pau-  
lulum prominentibus , flava olim cæsarie ,  
venc-



venerabili in senectute canitie , tota facie referens , plusquam cæteri fratres , Emmanuel patrem , suoapte ingenio gravis , loquendi dispersior , veritatis summe amator , secreti apprime tenax , æque delatorum ac adulatorum adversator , appetitionum dominus , laborum patiens , abhorrens a deliciis , acerrimus iustitiæ cultor , nulli clientum addictus , suorum bonis moribus , non obsequiis gaudens , spectans nihil amplius , quam Dei cultum , commune bonum , morum formationem. Denique exemplar fuit virtutum omnium, vt gravi testimonio declaravit Pontifex Pius V. Nam Sebastiani Regis virtutes commemorans in quodam diplomate : Id , inquit , nos tum vi naturæ , generisque tribuimus ; tum vero exemplis , quæ in Cardinali Henrico sibi proposita habet ad imitandum. His ac pluribus aliis virtutum ornamentis condecoratus , præstitit Henricus mundo æterna memoria dignum Principem , quem homines venerabantur , Angeli suspiciebant, Deus ipse gratum semper habuit , hodieque suavi amplexu suo in sempiternum fovet.

*Pii V. de  
Henrico  
testimonium.*

## AD REGEM HENRICVM.

*AD lacrymas, Princeps, mœsta ad lamenta  
vocaris,*

*Dum capis infirma sceptrâ gerenda manu.  
Excepere alii felicia tempora, restat  
Deploranda oculis vasta ruina tuis.*

*Collige reliquias, & sparsa cadavera Regni,  
Collige naufragii squalida membra pater.  
Letiales plagas, & hiantia vulnera sana:  
Balsama de lacrymis da pretiosa tuis.*

*Prome unguenta tuo de corde salubria Princeps,  
Vulnera forte tua cruda levabis ope.*

*Post tantum exitium si quis super halitus errat,  
Exanimæ patriæ pectoris igne fove.*

*Quod si nulla salus patriæ, spes nulla salutis,  
Illacrymans patriæ rite parentet amor.*

*Patria tunc dicet: Dum Rex mihi rite parentas  
Fletibus, exequiis, par mihi nullus erit.*

Ad eundem.

*NOBILE dissidium video, nova surgere bella  
De te sollicitat lis generosa polum.*

*Pro me dura tulit, pro me oppugnavit Avernum  
Rex, ait, ille, Fides; cedite, noster erit.*

Vir-

*Virginitas , meus inquit , erit : mea signa fe-  
rebat ,*

*Et jus arbitrii tradidit omne mihi.*

*Thure Deum , patriam studiis , & honore pa-  
rentes*

*Qui coluit ; Pietas , hic meus , inquit , erit.*

*Noster erit , dixit mitis Clementia ; quando*

*Transcripsit mores in sua Regna meos.*

*Qui tegit innocuis , plectit qui cæde nocentes ;*

*Hic , Astræa , meus , si placet , inquit , erit.*

*Quæ miseros Matrona sinu complectitur aureo ;*

*Qui se donat , ait , qui sua , noster erit.*

*Igneæ syderea Virgo face dixit : Ab igne*

*Qui flagrat æthereo , jure sit ille meus.*

*Aurea Pax inquit : Nostrum est componere lites ;*

*Dicere quæ vincat , non licet , ite pares.*

*Nulla erit hic victrix , nec victa. Est gloria  
maior*

*Vincere , vel vinci non potuisse Deas ?*

*Ad eundem ob ereptam ab incendio*

*Regiæ Crucifixi imaginem.*

*Sustulit Æneas flamma ex ardente parentem ,*

*Illicæ flammæ dum populantur opes.*

*Sustulit Henricus pietate insignis IESVM ,*

*Corripit augustas dum vaga flamma domos.*

*Hu-*

*Hujus , & illius magnum discrimen ; Ab igne  
Sustulit hic hominem , sustulit ille Deum.*

*Ad eundem.*

*I***N** te conveniunt Majestas Regia , Princeps ,  
Atque Sacerdotis jure supremus honor.  
Qua Rex imperii Princeps torquebis habenas ,  
Et dabis imperiis Regia jura tuis.  
Placabis populis pia Numina quaque sacerdos ;  
Vtilis officio bis pietatis eris.

*De Sepulchro ejusdem.*

*Ad Eboram , vbi reliquiæ tantum  
illius clauduntur.*

*V*ideris Aoniis cum facta palatia musis ,  
Ebora , grata tui Principis esto memor.  
Videris augustis cum templa insignia formis ,  
Principis ante oculos astet imago tuos.  
Saxa sepulchralis cum videris aurea molis ,  
Suscitet extincta pars tibi clausa faces.  
A te divisus ne Princeps mortuus esset ,  
Partiri exuvias maluit ille suas.  
Quæ vitam extinxit , non mors extinxit amo-  
rem :  
Spirat in extincto corpore vivus amor.

*Pe-*

*Pectoris , atque animi , si flamma refrixerit ;  
ignes*

*Frigidus accendet , qui tegit ossa , lapis.*

Ad eundem.

**T***E liquidi flevēre lacus , te pallidus auro  
Rex Tagus, & mæstus te pater Oceanus.  
Te juga , te montes , te fœta draconibus antra,  
Quæque colunt vitreas squammea monstra  
domos.*

*Quin etiam summos testata in nocte dolores ,  
Lucida pallentes Cynthia traxit equos.*

*Omnia dant lacrymas mundi loca , credite gen-  
tes ,*

*Maxima tot lacrymas non nisi damna petunt.  
Quantum perdiderit generoso in Principe mun-  
dus ,*

*Dat mare, dat tellus , astraque mæsta fidem.*









PHILIPPVS PORTVGALLIÆ REX XVIII.  
VIXIT A. LXXI. OBIT A. M. D. XCVIII.

PHILIPPVS I.  
LVSITANIÆ  
REX XVIII.

ANACEPHALÆOSIS XXII.

**P**HILIPPVS Carolo Imperatore ex Elisabetha Regis Emmanuelis majori filia prognatus, patruo suo Henrico in Lusitaniæ Regnum successit; cujus egregia facta in aliis imperii sui locis, & insignes virtutes, quoniam neque brevi possumus, neque expedit huc inferere, ea solum paucis attingemus, quæ ab illius in Lusitaniam ingressu digniora relatu evenisse comperimus. Henrico igitur defuncto, Catholicus Rex Pacem Augustam venit, suæ ditionis urbem finitimam Lusitanix, quo facilius inde successionis negotia expediret. Verum cum turbari in dies populum, moveri factiones, nobiles inter se dividi, & discrepare, miscere denique omnia, neque viam omnino cerneret, qua benevole & amice populos in suam sententiam pertraheret,

*Heres Lusitania,  
quia Emmanuelis  
ex majori  
filia nepos.*

*Mortuo  
Henrico  
classis &  
exercitum  
infruit in  
Lusitaniam.*

heret , validam classẽ mari Olysipponeĩ  
misit , terra exercitum numerosum , consti-  
tuto imperatore duce Albano Ferdinando  
Alvarez Toletano , qui Helvenses adorsus ,  
urbem nullo prælio cepit ; similiter & alia  
oppida , quæ audito Philippi nomine , posi-  
tis armis , aperta traditione dedebantur. Si-  
cubi vero aliqui contraire audebant , vero  
atque vno capite destituti nihil aliud efficie-  
bant , quam vt se ipsos cladem , & inter-  
itum , iras Regis in populum provocarent.

*Antonii  
Olysippone  
sonatus.*

PER id tempus Antonius Olysippone cu-  
dendis , acervandisque pecuniis , cogendo ex-  
ercitui , instruendis militibus , legatis in Gal-  
liam , & Britanniam rogatum auxilium mit-  
tendis , aliisque muneribus regiis intentus ,  
nomine & officio Regem agebat. Verum ,  
cum nobilium plurimi in Catholici Regis  
partem , alii in neutram propenderent , pau-  
ci admodum Antonio subsidio erant , vnde  
facilis Albano Duci aditus patuit , vt arcem  
Cassalensem ( mortuo Iacobo Menesio , qui  
cum paucis eam tuebatur ) arcemque S. Iu-  
liani ( quam dicunt Sam Giam ) brevissime  
caperet ; quibus ex sententia confectis , cum  
omni exercitu , viribus , & numero integro  
ver-

versus Olyssipponem ire perrexit , vbi cum  
 Antonius præstolabatur quatuor fere mil-  
 libus stipatus , ex quibus perpauci nobiles ,  
 inviti plurimi , inexercitati omnes , & belli  
 rudes , quadringenti vero æthiopes servi ca-  
 ptivi , qui promissæ libertatis amore ad An-  
 tonium in exercitum profugerant. Hanc er-  
 go victimam magis , quam aciem , Ferdinan-  
 dus aggressus , etsi ad primos congressus vim  
 aliquam , & suorum interitus sentiret , ad  
 extremum , cum Lusitani milites adeo pau-  
 ci , adeo rudes , adeo numero impares essent ,  
 fusi fugatique sunt. Antonius capite cæsus ,  
 pernicious equi beneficio in tutum receptus ,  
 Olyssipponis suburbana , & vicina oppida ,  
 capta insigni præda , insolenter direpta.

*Olyssippo  
 Philippi  
 dices exci-  
 pit.*

AMISSA Olyssipone Antonius Portum  
 aufugit , notam , & antiquam urbem , loci  
 natura & arte satis munitam , vbi concur-  
 rentibus ad eum ex variis Regni locis no-  
 vis militibus , novum exercitum construxit ;  
 bellicarum tamen rerum adeo imperitum ,  
 vt ad primum Hispani equitatus conspectum ,  
 quem Sancius de Avila ductabat , quasi viso  
 terribulamento pueri , sic omnes deserta acie  
 vnanimi consensu trepidanter aufugerint.

*Antonii  
 fuga in  
 Galliam*



Antonius vero inde se cum paucis ægre propriens , cum in aliquot Regni partibus aliquandiu delitesceret , tandem in Cetobricæ portu in Galliam conscendit.

*Comitia  
Nabantii  
celebrantur.*

FUGATO igitur Antonio , Rex Catholicus Helvensem urbem in finibus Lusitanix sitam mense Decembri anni millesimi quingentesimi octogesimi ingressus est ; atque hinc totum Regni lenatum ad Comitia in oppidum Nabantiam , vulgo Tomar , Aprili sequentis anni celebranda advocari iussit ; vbi juxta veterem Regni consuetudinem a Dynastis , & procuratoribus urbium & oppidorum , ipse Lusitanix Rex , & Iacobus Princeps verus successor juramento cognitus , & acceptus est. Quibus peractis se contulit ad magnam. & celebrem urbem Regni totius caput Olyssipponem , in quam Iunio mense , die Apostolis Petro & Paulo sacra , magna pompa & apparatu exceptus est. A portu in templum maximum sub pretiosa umbella equo delatum , cæteri pedibus comitabantur ; miratur arcum structuram , qui multis & cælaturis , & statuis miro artificio elaboratis , in morem triumphi erecti passim plurimi visabantur. A templo ad litus rediit in Palatium

*Philippus  
Olyssipponem  
adit.*



regium per nobiliores vrbis plateas serico aureo peristromate ad miraculum exornatas.

EGIT Olyssippone quam multa suam animi magnificentiam , & munificentiam attestantia. Ad meliorem justitiæ administrationem nonnulla direxit ; leges aliquot sanxit , aliquot instauravit. Ex duobus Regiis senatibus , vnum illum , ad quem civiles causæ deferebantur , Portum transduxit , addita etiam in criminales , quamvis non omnino libera potestate ; senatoribus item ipsis , quo jus liberius dicerent , stipendia auxit ; de Republica , & justitia bene merentes muneribus & honoribus locupletavit. Ex iis autem , quæ ipse , vivente adhuc Henrico , in Regni commodum offerebat , si pacifice sibi traderetur , juratus postea Rex multa libere ac libenter concessit , vt allecti donis popularium animi vltra quam sperari poterat dulcitus & facilius caperentur.

QVONIAM vero ex tota Lusitana ditio-  
ne , ex solummodo Insulæ , quas Tertias  
appellamus , Antonianorum suasionibus Re-  
gi Catholico minime parebant ; missa ad eas  
classi Hispano duce , militibusque , eorum  
quadringenti , aut amplius , cum in arenam

*Multa ad  
Regni uti-  
litatem in-  
stituuntur.*

*Bacanus  
Strozium  
ad Insulas  
Tertias  
classe fun-  
dit.*

temere proſilirent , irruentibus ſubito Inſu-  
lanis , ad vnum omnes non occiſi ſolum ,  
ſed & ſœde dilaniati , ac diſcerpti ſunt. Quo  
audito , Rex Alvarum de Bacan , Marchio-  
nem Sanctæ Crucis , rerum navalium peritiſ-  
ſimum eo tranſmiſit , qui validam , ac nume-  
roſam offendens Gallorum claſſem , qua &  
Antonius ipſe vehebatur , duce Philippo  
Strozio Italo , viro animi æque fortis ac  
generoſi , quamquam hoſtium navigia nume-  
ro plura , & militibus eſſent , ſtatuit , oblata  
ingentis gloriæ occasione , eo ſibi prælio aut  
moriendum , aut , quod magis ſperabat , rem  
omnem vno die , capto vel occiſo Antonio ,  
conſciendam. Verum Antonius de ſuorum  
conſilio biduo ante certamen in terram deſ-  
cendit. In Gallos igitur Alvarus audacter in-  
vectus , cum ancipiti diu victoria dimicaret ,  
capta ad extremum prætoria , atque aliquot  
aliis , cæteras omnes magna illata clade in  
fugam avertit. Mortuus in certamine Phi-  
lippus eſt , atque alii plurimi ex præcipua  
Gallica nobilitate ; ex Luſitana vero ſpes il-  
la & columen rerum , Franciſcus Portuga-  
lenſis , Comes Vimioſenſis , dignus proſecto ,  
qui propter inſignes virtutes , excellentesque  
ani-

*Dux Vi-  
mioſenſis  
meliori ſer-  
tuna di-  
gnus obiit.*

animi & corporis dotes , meliori fortuna & consilio vteretur. E superstitionibus captivis Gallis nonnulli Alvari jussu ferro percussi sunt. Appellebat jam hiemale tempus , neque navigiis tuta apud Insulas statio visebatur , quocirca , illarum oppugnatione in frequentem annum dilata , plenus gloria & spoliis Olyssipponem Alvarus remeavit.

ANNO MDLXXXIII, Februario mense , peractis Olyssippone Comitibus , in quibus Princeps Philippus , apud quem hodie sceptrum feliciter manet , juratus est , aliisque ad Regni directionem & commodum adamussim confectis , Madritum Rex , vnde aberat quatuor ferme annis , reversus est ; suffecto in suum locum Governatore , applaudente Regno vniverſo, serenissimo Principe Cardinali Alberto Austriaco Archiduce , consobрино suo , atque affine , cujus prudentia , & generositas belli pacisque negotiis tractandis manifeste ostendit , quantum a Rege , & Superis tali custode & Principe Lusitania suscepit beneficium.

*Albertus  
Cardinalis  
Lusitaniæ  
præficitur  
gubernator.*

EODEM hoc anno Marchio S. Crucis valida navigiorum & trirremium coacta classe in Insulas , vnde venerat , vt supra comme-

mo-

*Antoniani  
Insulis penitus ex-  
terminantur.*

moravimus , profectus est. Præsidebat Angræ Emmanuel de Sylva ; Dynasta autem Xartensis cum Gallorum tribus millibus præsidio erat. Ex Insula Divi Michaelis , quo cum vniversa classe Marchio appulerat , ad Angrenses misit , qui multis vitæ , veniæ , & honorum oblatis conditionibus suaderent , vt antequam res vi agi cœpisset , arcem & civitatem sibi pacifice traderent. Verum ipsi hanc legationem furdis , quod aiunt , auribus exceperunt. Ergo Marchio cum toto comitatu in terram descendit , eamque adeo fortiter ac feliciter impetit , vt vna eademque die rem difficillimam cœperit & confecerit ; castella , & propugnacula maritima capta , indigenæ in fugam conversi ; reliqui partim occisi , partim vitæ conditionibus sponte traditi ; Gallis , vt dimissis armis , atque vexillis suo quilibet gladio in patriam reversuri conscenderent , concessum. Præfectus Emmanuel da Sylva , & nonnulli alii , qui detrectandæ pacis auctores fuerant , multati capite. Eadem felicitate ac dexteritate Petrus Toletanus Fayalensem Insulam Gallorum præsidio sultam expugnavit , Insulaque Præfectum Lusitanum hominem collo-

sus-

*Supplicia  
de aliqui-  
bus sum-  
pta.*

suspendit , quod missum ad se legatum , vt pacis conditiones Insulanis offerret , contra Gentium jura fœde occiderit. Atque in tota Lusitania sub vnus Philippi ditione nullis bellatorum tumultibus agitata , tranquilla pace , atque otio, quamvis non nimium diu conquieuit.

NAM anno salutis millesimo quingentesimo octogesimo nono Elisabetha , Angliæ Regina , validam ac numerosam classem in Indiam occidentalem obarmabat , ad quam Antonius suppliciter precabundus confugiens multis ac variis rationibus , & pollicitationibus suasit , vt totum illum apparatus in Lusitaniam converteret ; enim vero ipsi manifeste constaret , ad primum sui conspectum Lusitanos omnes Regem , ac Dominum vnanimi consensu acclamaturos; quocirca Anglicanam provinciam , salvam & incolumem , maiorem honorum & opum ex Lusitania cumulum, quam ex India fore reportaturam. Eadem arte , & spe donorum , nobiles Anglos impulit , vt hanc secum expeditionem multi susciperent. Ergo cum illo classem magis ad prædam , quam ad prælium , lætabundi conscendunt. Mari Francis-

*Antonius  
cum Anglorum  
classe redi-  
tum tentat.*

cus Draques , terra cum ipso Antonio Henricus Nôres exercitui imperitabat, Bellicis navigiis classis maioris magnitudinis sex & viginti , minoribus quadraginta , & centum tota constabat ; in quibus hominum millia viginti circiter vehebantur. Solvit Plemua Aprili mense , Maio appulit , quod Gallæciæ est oppidum , vulgo Curunha ; atque ibi decem hominum millia , & maiora tormenta plurima , quibus & arcem quateret & oppugnaret , exposuit. Verum Gallæci adeo generose & fortiter Anglorum impetus re-  
tuderunt , vt amissis sociorum mille , re omnino infecta , plagis & dedecore pleni in naves se iterum receperint : atque inde fortunam alibi tentaturi in viciniora Olyssipponi loca statim solverint.

*Angli Olyssipponem  
deveniunt.*

ERGO classis vigesimo sexto Maii Pini-chem devenit , novem ab Olyssipponi Aquilonem versus leucas distantem ; exposita ibi peditum cum equitibus aliquot duodecim millia , qui , nemine obistente , securo & lento gradu eo usque libere pervenerunt , vt in ipsis Olyssipponis subvrbis ad Divam Catharinam castra statuerint, quin ad eos tamen alicujus momenti auxilium , vt Antonius



nus sponderat , ex Lusitanis concurrerit. Præsidebat eo tempore Lusitaniæ Princeps Albertus , cujus matura prudentia , & sanum consilium negotio difficillimo exitum felicissimum , quem & ipse successus ostendit , jure merito promittebat ; ex totis diebus novem , quibus cum exercitu ibi Henricus Lusitanam magis defectionem , quam dimicationem expectavit , nullus congressu caruit , & pugnae præludiis , in quibus Lusitani equites , & Hispani multis editis facinoribus , magnæ fidei , magnæ virtutis specimen præclarissimum præbuerunt. Interim Draques , ad Cascalense oppidum cum classe perveniens , loci illius arcem Hispani ducis negligentia , quam ipse capite luit , occupavit. Verum Henricus experta Lusitanorum fide de spe conficiendi negotii , quam vanis pollicitationibus Antonius eo usque aluerat , omnino dejectus , perditisque jam multis & hominibus & armamentis , quam velocissimo cursu ad naves cum exercitu se contulit , in quas , amissis in tota expeditione tribus hominum millibus , anno Domini MDLXXXIX cum reliquis in Angliam conscendit. Quamquam autem Olyssipone id temporis in ipso belli

*Alberti  
Archiducis  
maturitas  
& prudentia.*

*Angli re  
infesta re-  
vertuntur.*

tumultu propter prodicionis suspicionem nonnulli damnati capite, catenis nonnulli traditi, & suppliciis fuerint; recedentibus tamen Anglorum turbinibus, cœlo placido ac sereno repertum fuit, non tam gravia, quam credebantur, in iis hominibus tanti sceleris indicia vnquam fuisse. Quin & ipse Alphonsus de Vargas, quem Philippus Alberto, vt in ea occasione manu & consilio præsto esset, Madrito misit; eo reversus mihi sæpius affirmavit, nullam se in tota Hispania Provinciam nosse adeo Regum obsequiis propensam ac deditam, ex qua si classis illuc ea appelleret, non plures, quam Olyssipone, in eam fugerent desertores. Atque ipsi Regi, aiebat, id ipsum se identidem affirmasse, notamque diu sibi Lusitanorum fidem in Regem semel cognitum & acceptum, quam ipse variis sæpe bellis expertus fuerat, debitis laudationum titulis extulisse.

*Lusitanorum fides in iis tumultibus.*

*Martyrio aliqui in Africa conati*

INTER ea, quæ felicissimum Philippi Regnum illustrarunt, recensere jure optimo possum, quod Marrochii anno MDLXXXV coram Lusitaniæ legato D. Francisco a Costa in Xarifii curia accidisse ipsius a Costæ, & Fratris Antonii a Conceptione litteris ad Serenif-

renissimum Archiducem Albertum missis  
 contestatum habemus. Inter reliquos igitur  
 captivos , qui ab infelici Sebastiani Regis ex-  
 peditione in Moleivacæ curia & obsequio  
 versabantur , sex erant adolescentes in ipso  
 juventutis flore a quarto ad octavum supra  
 decimum numerantes annos , barbaro in pri-  
 mis chari , quibus tamen Fidei integritas ,  
 & morum sanctimonia in tanta Mahometa-  
 norum intemperantia chariores semper fue-  
 runt. Hi magistro destituti , sed Deo ducen-  
 te , inter se paciscuntur , mortem ipsam , &  
 morte acerbiora tormenta quælibet exanthla-  
 tuos sese pro avita religione , quæcumque  
 se daret occasio. Illorum vnus , qui Maho-  
 metana matre , patre Hispano Malaixæ orto ,  
 Fidei impiissimo desertore Marrochii ad feli-  
 cissimam sortem lucem hauserat , Xariffi ius-  
 su Mahometis Alcorano ( ita impiissimæ hæ-  
 reseos dogmata continentem librum appellant  
 Arabes ) summa cura imbuendus traditur  
 præceptoribus. Sed ita impias leges averfa-  
 tus est , vt Christianæ fidei rudimenta ma-  
 gno studio & voluptate edoctus ad Christi  
 caulas confugerit , & inter Lusitanos pueros  
 eisdem intentus pietatis ac religionis exer-  
 citiis

*Pueri se-  
 nimauri  
 fides.*

citiis Francisci a spe assumpto nomine verfaretur. Iste omnium primus Xarifio coram , & Regni proceribus fidem adeo constanter professus est , vt barbarus iram coercere non valens , gulam frangi statim imperaverit ; funis tamen , dum teneræ fauces constringuntur , vt miraculo res illustrior esset , bis disruptus , tertio tandem spiritum penitus interclusit.

*Alii Martires.*

HVNC Simon de Freitas sequutus , Lusitanus puer Cetobricæ natus , qui alios quasi Doctor , & Magister salutaribus consiliis & inculpatis moribus erudiebat. Mox alii , Antonius a Sofa , Cetobricensis item ; Maurus ex Olyssipponensi oppido pomorum abundantia inclyto , Colares vulgo dicimus ; Dominicus ex Herminio Monte , patria Gouveanus ; Ioannes Lutetiæ Parisiorum in Gallia natus , qui a Lusitania Sebastianum Regem in Africam trajicientem comitatus fuerat ; Ferdinandus Ginezius , quem alii Lusitanum ex oppido Monçam Minii ripis vicino , alii Gallum existimant. Horum postea constantiam imitatus ad similem convolavit palmam Dominicus Turrianus, Lusitanus, Mazagani in Africa ortus , qui amicum epistolis

lis sedulo admonuerat , vt impiam Mahometi sectam detestatus , ad pristinam & veram religionem , a qua impie defecerat , animum adjiceret ; cujus apud Regem criminis delatus , mox in vincula conjicitur , abscissis deinde securi poplitibus , ne in extrahenda compede aliquid temporis & laboris carnifices infumerent , vivus in Regis horto , qui Palatio adjacet , terræ infoditur , quæ omnia ille mirando animo , & Barbaris ipsis , stupenda patientia toleravit.

SACRÆ reliquiæ , quas legatus ingenti pretio redemptas in Lusitaniam postea misit , majori ex parte Regis jussu in augustissimo Divi Laurentii templo , quod apud Escurialem Philippus crexerat , asservantur ; aliquæ apud nostrates remanserunt , quæ multis vario morborum genere afflictatis desperatam valetudinem reddiderunt. Fezii etiam in Mauritania pro Christi nomine & Fide acerbissimis cruciatibus affecti , martyrio tandem condecorati , ad felicissimas coronas emigrarunt vndecim adolescentes , quorum nomina , & tormentorum species assequi non potui ; illud tamen certum est , plerosque illorum Lusitanos fuisse , qui infelicia Seba-

*Reliquiæ  
eorum  
Martyrum  
in Lusita-  
niam rela-  
ta.*

stiani

stiani Regis arma sequuti ad potiozem triumphum captivi detenti fuerunt.

*Philippi  
statura.*

FVIT Catholicus Rex ad majestatem composita , verum mediocri, corporis statura ; lata fronte ; pulchris oculis , cæsiisque ; crasso , rubroque ore , ac justo naso ; barba spissa , & flava ; præsentia vere Regia ac venerabili , adeo , vt coram illo sæpe multos præ nimia reverentia turbari contigerit.

*Prudentia  
Philippi.*

Hanc vero tantam oris severitatem & gravitatem tali mansuetudine ac benignitate temperabat , vt e suis consiliariis quidam affirmare auderet , neminem prudentis animi , quem ipse ad se pellicere benigne vellet , quamvis alioqui offensus , aut infensus ei foret , regiæ præsentia ac benevolentia non cessurum. Ea vero prudentia , & consilio in hominibus præsertim eligendis , & negotiis præveniendis excelluit , vt non solum cognomento Prudens vocitari consueverit , verum etiam omnes sui temporis homines maturitate consilii , & ingenii dexteritate longo intervallo superasse credatur. De se autem ipse dicere solebat ( si quando in contrariam sententiam inclinabat ) omnibus sui concilii senatoribus se in eodem senatu esse

vetu-



vetustiore ; neque tamen idcirco , nisi sibi res admodum comperta foret , plerumque illorum placitis non acquiescebat , quamvis ad eos sæpe negotia remitteret iterum atque iterum consideranda ; in quibus de minimis rebus adeo frequenter eos admonere solebat , vt facile appareret , quid in maioribus , si res ita exigeret , faciendum foret. Cum hac tanta humanarum rerum prudentia tantam divini cultus peritiam conciliavit , vt non pietate solum & religione , sed & ritibus scite peragendis multos Ecclesiarum ministros videretur excellere. Quoties in Escuriali morabatur , ex janua in id ipsum ex composito facta , coram sacra Eucharistia integras sæpe horas precando transigebat ; qua orandi consuetudine pravos animi motus tam perfecte domabat , vt raro etiam a familiaribus discerni quiverit , vtrum rationis impulsu , an naturæ magis impetu raperetur.

CONTRAXIT matrimonia quatuor ; primum cum Maria , Ioannis Regis III. Lusitanæ filia , ex qua Principem Carolum habuit , qui superstite adhuc patre filios reliquit. Secundum cum Maria Anglicana Regina , quæ magno Dei , secretoque iudicio ,

*Pietas erga Deum  
& divina.*

*Matrimonia & liberi.*

cio , nullo relicto semine festinanter excessit. Tertium cum Elisabetha , Henrici Galliae Regis II. filia , quæ Elisabetham Claram Eugeniam , & Catharinam peperit ; quarum illa Alberto nupsit Archiduci Austriæ ; hæc Carolo Emmanueli Sabaudiae Duci. Quartum & vltimum cum Anna , Maximiliani Imperatoris dignissima filia , ex qua Ferdinandum , Carolum , Laurentium , Philippum , & Mariam suscepit. Philippus Imperium hæreditarium accepit ; reliquorum quatuor octavum ætatis annum nullus implevit. Obiit decimo septimo die Septembris anno salutis MDXCVIII, ætatis vero suæ septuagesimo primo , quorum sex & quadraginta vniversæ Hispaniæ ; decem & octo Lusitanie imperavit. Sepultus jacet in Divi Laurentii sacro & Regali Cœnobio , quod ipse Hieronymianæ familiæ insigni magnificentia & structura a primis olim erexerat fundamentis , quo parentis sui Caroli Imperatoris ossa transferri iussa , cum vxorum suarum reliquiis , & filiorum cineribus conquiescunt.

*Mors &  
sepultura.*

AD REGEM PHILIPPVM I.

**Q**uanta supercilio Majestas Regia ; quantus  
 Principis in magni fronte superbit honor ?  
 Deliciis implent spectantum lumina pectus ,  
 A quibus avertis lumina , funus habent.  
 Progredieris, comitatur ovans reverentia; vestit  
 Gratia ; circum humeros dulcis oberrat  
 amor.  
 Ora fides , mentem constantia , pectus honorat  
 Candor , labra lepor , Regia forma genas.  
 Ipse Midas miratur opes , & munera Cræsus ;  
 Fiet divitiis dives uterque tuis.  
 Bella paras, sequitur victoria ; læta triumphas  
 Ante tuos plaudit gloria ; fama tonat.  
 Admiranda orbi tua magna petentia ; Princeps  
 Admiranda magis sed tua magna fides.

Ad eundem.

**F**ama licet patrum famosa volumina volvat ,  
 Quem conferre queat Rex tibi nullus erit.  
 Illustrant divisa alios quæ singula Reges ,  
 Cuncta tibi largus donat habere polus.  
 In te omnes cerno generosi Principis artes ;  
 Arte jubes , sequitur Regia jussa manus.

*En tibi submitunt Reges fastigia ; cedunt  
 Magnanimi heroes , fulmineique duces.  
 Et tua majestas Pompeii nomen obumbrat ,  
 Ante oculos magnus non erit ille tuos.  
 Cæsar Iuleo genus alto a sanguine , summos  
 Admirans animos , mallet habere tuos.  
 Spectat Alexander torva te fronte ; secundum  
 Se pavet , & seclis gloria prisca suis.  
 Seu te de cælo miserunt Numina ; seu te  
 Ars tua formavit ; laus ea summa fuit.*

*Ad eundem.*

**E***Vropa ingeniis felix , & fortibus armis ,  
 Prodere si gentis vis monumenta tuæ,  
 Ne Pario ostendas spirantes marmore vultus ,  
 Nec quod Phidiaco pollice lucet ebur :  
 Tectaque nobilium , vel eburna , vel aurea :  
 Regum  
 Agmina , divitias , bella , trophæa , duces  
 Sunt maiora tibi miracula ; Carolus ingens ,  
 Natus & Hesperia qui tenet imperium ,  
 Illorum in clara referuntur imagine Reges ,  
 Vel quos fama vetus , val nova fama canit,  
 Horum etiam sceptris bene subdita Regna gu-  
 bernas.*

*Das sceptras , & Reges Regna tenere doces ;  
 Quir*

*Quin etiam imperio totum complecteris Orbem ,  
 Qua juga Sol roseis demit , & addit equis.  
 Et patris , & nati vestigia semper adora ;  
 Vtraque adorando prona , suprema tenes.*

Ad ejusdem obitum.

**H**esperio cecidit cum magnus in Orbe Phi-  
 lippus ,

*Atratos picea Sol face duxit equos.*

*Visa per obscuras portenta ( immane ) cavernas  
 Mugire , & mæsto funere velle mori.*

*Pro numeris Helicon peragit lamenta canoris ;  
 Singultus plectro pro modulante sonat.*

*Visæ etiam mæstæ præ luctu arefcere laurus ,  
 Florentes myrtus deposuisse comas.*

*Mars dolet , & Bellona ingens , & Martia  
 Pallas ,*

*Classica cum raucis visa tacere tubis.*

*Fama gemit lugubre dolens , & gloria palmas  
 Mæsta triumphales frangit , & horret ho-  
 nor.*

*Plorat inexpletum mærens Natura, gemensque  
 Addidit ad lacrymas talia dicta suas.*

*Nec talem , aut similem Princeps tibi Magne  
 videbo ,*

*Exhausi nostros te pariendo sinus.*










PHILIPPVS PORTVGALLIÆ REX XIX.  
VIXIT A. XLIII. OBIT A. M. DC. XXI.



PHILIPPVS II.

LVSITANIÆ

REX XIX.

ANACEPHALÆOSIS XXIII.

**D**ECIMO quarto Aprilis anni millesimi quingentesimi septuagesimi octavi Philippo hujus nominis Hispaniæ III. Lusitaniæ Regi II., fausta ac felicia vitæ Madriti sese ostia aperuerunt ; quæ tamen licet occludenda citius fore multæ ac molestæ ægritudines , quæ puerum prægravarunt , minitari viderentur , Dei tamen beneficio in Hispaniarum sceptrâ servatus est. Iacobo igitur Principe, fratre suo majori, morte perempto ; prima Februarii die anni supra millesimum quingentesimum octogesimali tertii Olyssipone , atque aliquanto post in aliis Hispaniæ Regnis , verus , germanusque paterni sceptri successor publico sacramento cognitus , dictusque est. Eam ætatem agentis , ( vigesimus is annus erat ) quæ agendis rebus agilis , atque apta videtur , patre amis-

*Ortus &  
infantia  
affecta.*

*Regnum  
adit.*

so ,

fo, Hispaniarum gubernacula magno populorum plausu fuere commissa, rite peractis omnibus cæremoniis in hoc Regno, quæ de vetusto Lusitaniæ more in Regum creatione fieri consueverunt. Eamdem illam moderationem & munificentiam imitatus, qua Lusitanæ gentis animos pater alliciebat, imperium huc usque administravit, mira naturæ benignitate, quæ pium, facilem, moderatum, & in mansuetudinem, quam in severitatem propensiolem genuit, atque insignem rerum bene gestarum remuneratorem.

*Integritas  
& cura  
justitiæ.*

NEQUE tamen idcirco integritatem non colit & justitiam, immo vero suis, nostrisque diebus in publica urbium flagitia, & magistratus adeo exacte inquiri, & animadverti jussit, ut multos muniis prave administratis, multos capite, nulla personarum habita ratione mulctaverit. Quin & lege severissima cavit, ne eorum filiis, qui in propriis obcundis muneribus graviter deliquisse convincerentur, paterna munia, ac Magistratus quoquo modo contingerent. Diplomate item Regio interdixit, ne favores pecunia quærentur: eos vero qui vel palam, vel clanculum, favore ita quæsito aliquod beneficium

cium , vel officium adepti fuerint , ipso ejusque fructibus tuta conscientia potiri non posse addito restituendi onere declaravit.

OB tantum publicæ æquitatis servandæ , tuendæque studium , supremus ei Rector , vt creditur , ad extremum concessit , quod multi Lusitani Reges non solum maxime optarunt , verum etiam magno sæpe conatu , quamvis omnino irritò , tentarunt. In ora Africi maris non longe a Gaditano freto Castellum affurgit , situ loci & flumine munitissimum , ( Larache nominant ) notum & antiquum latronum , ac pyratorum receptaculum , qui suis inde egressi temporibus nostrum Oceanum infestabant. Indigebat hoc tempore Rex Fezensis Hispano favore. Oblata occasione vsus Philippus , arcem vt sibi hanc traderet , probis conditionibus impetravit , eo majori Hispaniæ gaudio , quo graviori frementis Turcæ dolore ; qui , vt ibi suis classibus , quas in nostrum Hispanumque fretum mittere constituebat , hybernacula pararet , eam arcem suo Imperio adjungere meditabatur.

Non inde procul aquas in Oceanum exonerat fluvius quidam , cujus & marinorum

fluctu-

*Larache in Africa no-  
stris adjun-  
gitur.*

*Mamora  
expugna-  
tur.*

fluctuum alterna reciprocatione sinus effici-  
tur , omnium , quos habet Africa , capacif-  
simus : atque adeo totam pyratarum collu-  
viem , quæ per Herculeum fretum singulis  
annis se in Oceanum fundebat , Turcas ,  
Mauros , Batavos , aliosque pyratam ex-  
ercentes in suum veluti alveum excipiebat.  
Hæc illa Mamora est toties nostris olim ob  
varia infortunia execrabilis , toties a nobis  
hodie propter Philippi gloriam celebrata.  
Cum enim Lusitani Reges Ioannes II. , &  
Emmanuel variis sæpe classibus eam sibi su-  
bjicere præoptarent , partim ducum teme-  
ritate , partim vectorum negligentia , nihil  
omnino inde , quam suorum clades , & æra-  
rii detrimenta extulerunt.

*Turca do-  
lor & co-  
natus.*

CAPTA Larache , Turca ingentem clas-  
sem militum , & tormentorum præstantia ,  
ac multitudine instruebat , ferebaturque non  
vanus rumor ipsum Mamoræ velle quam ci-  
tissime arcem ædificare , vocante , vel preci-  
bus etiam impellente tota pyratarum senti-  
na , quæ se illuc ex præda hyberno passim  
tempore recipiebat. Prævertit ea consilia  
noster Philippus , validaque triremium ac  
majorum navigiorum classe coacta , anno

Da-



Domini millesimo sexcentesimo decimo quarto, Ludovicum Fajardum Hispanum Ducem eo transmisit, hanc stationem ut Turcis præoccuparet. Vehitur ergo Fajardus Philippo auspice, flumen ingreditur, latronum navigia capit supra viginti: deinde Mamoram, nemine resistente; nam & latrones, & incolæ metu territi in continentem profugerant. Raptim ab Hispanis militibus duo propugnacula evehuntur, hominumque ac tormentorum præsidio fulciuntur, donec missis ab Hispania copiis contra futuros hostium impetus arx extruitur, & communitur. Ea ædificata Morabitus quidam (secretioris ac sanctioris vitæ vocabulum est) Religionem simulans, factamque Mahometo injuriam vlciscendam prædicans, Maurorum ingentem numerum brevi coegit, quoque maiori impetu ac maiori trepidatione arcem invaderent, eos persuasit plumbeos Hispanorum globos, quasi naturam stuppeam induissent, nihil sibi detrimenti fore laturos, qua spe decepti barbari arcem intrepidi aggrediuntur. Sed bene destinata dispendione ira sunt excepti, ut discerpti, ac dilanitati prævæ superstitionis fallacias, ac

Mora-

*Morabiti  
de Mamora  
ra recu-  
peranda  
insania.*

Morabiti vanitatem , cujus cadaver globo confossum jacebat , intelligerent.

*Mauri Hispanienses Hispania exturbantur.*

INTER hæc , atque alia Dei beneficia , illud item præ cæteris memorandum ; quod Granatensium insidiæ patefierent , qui variis Hispaniæ dispersi locis & Regnis , in ejusdem perniciem & interitum Turca in favorem accito , vnanimiter conspiraverant ; eo jam conatus suos perduxerant , pravaque consilia ; vt, nisi dolos Superi mirabiliter aperirent , curanteque Philippo atque imperante , consultis primum doctissimorum totius Orbis de hac re judiciis , tales hominum feces evomeret , ruptis quasi viperino partu visceribus , miserabiliter Hispania interiret. Sed quoniam hæc ad Lusitaniam proprie non spectant , Hispanis a Chronographis consulto relinquimus fusius ex professo commemoranda.

*Trilum Archiepiscoporum in Castellam iter.*

IGITUR cum ex Hebræis oriundi homines , qui apud nos hodie jam inde a priscis temporibus commorantur , vitam meliorem polliciti a Philippo efflagitarent , vt veteris pertinaciæ sibi a Pontifice veniam impetraret , cessurasque fisco opes reis remitteret ; Madritum se ex hoc Regno tale malum Re-

gi diffluafuri Bracarenfis , Olyfipponenfis ,  
 atque Eborenfis Archiepifcopi contulerunt ,  
 cum Martino Gonçalvio a Camera magnæ  
 auctoritatis viro , rerumque ad facram In-  
 quifitionem fpectantium peritiffimo , qui  
 omnes hanc provinciam fufceperunt , Theo-  
 tonii Brigantini Ducis filii , Archipræfulis  
 Eborenfis , zelo commoti , qui in hoc ne-  
 gotio Dei caufam , & Fidei fideliter tra-  
 ctans , vitam gloriofiffime Madriti pofuit.  
 Tantam legationem Rex quafi a Deo mif-  
 fam fibi excepit , auditifque rationibus &  
 confiliis tantorum Præfulum , graviumque  
 virorum , poft longam & diuturnam negotii  
 agitationem , quæfitam Hebræis veniam nul-  
 latenus cenfuit concedendam ; atque ita be-  
 nigne exceptos rebus ex fententia geftis An-  
 tiſtites domum remifit. Procedente deinde  
 tempore , instantibusque per fe & per ami-  
 cos Hebræis , vt erat pius & facilis , Rex ,  
 impofita pecuniæ magna pœna , quod ab eo  
 exigebatur , permisit , veritus ne , fi veniam ,  
 quam poſcebant , denegaret , falutari eos  
 ope deſtituiſſe crederetur. Verum ipſi hoc  
 Regis ſingulare beneficium , ſicut & olim  
 alia , parvi pendentes , in veteri ſuperſtitio-  
 ne ,

*Hebræis  
 impunitas  
 præterito-  
 rum conce-  
 ditur.*

ne , quod frequens experientia satis ostendit ,  
pertinaciter remanserunt.

*In India a  
Furtado  
Cunbalius  
superatur.*

IN Orientali plaga hoc tempore memorabiles victoriæ reportatæ ; in quibus , ne omnes præteream , locum non mediocrem habet celebris illa , in qua Andreas Furtadus de Mendoça , illustrissimus Dux ; famosum tyrannum Cunhalem , qui multa Lusitanis detrimenta , & nobilium cædes intulerat , superavit , cepit , duxit Goam captivum ; vbi de Proregis sententia theatro publico scelerum suorum pœnas capite luit. Misit præterea Rex in eandem Orientalem plagam validas sæpe classes felici tempore. Nam , cum aliquoties India multis vndique hostibus quateretur , hominum ac nummorum suscepto ex Lusitania præsidio , non solum facile respirabat , verum elata hostium colla iugo debito , & pridem cognito feliciter iterum subiciebat. Testes hujus felicitatis Batavi , qui cum Malacam subito ac graviter obsiderent , missa repente Goa subsidia-ria classe , non solum obsidione ipsa , sed & vita etiam cedere sunt coacti. His , atque aliis de Philippo cognitis , magnus Sophi Persidis Imperator legationem ad eum misit ,

*Persæ legationem ad  
Philippum.*

ut in Turcam se vellet communem vtriufque hostem obarmare , deque aliis ad Christianam rem , & Hispaniæ gloriam spectantibus cogitare ; quæ ipse & amice monebat , & feliciter præstiturum se fore spondebat. Missa alia legatione , respondit Philippus ; cuius successum & finem , quem optimum speramus , nullum hucusque inde acceptis nunciis , ignoramus.

SVB id tempus a Congi Rege , cuius Imperii fines Hispaniam magnitudine excedunt , duo missi sunt primariæ nobilitatis legati ; Petrus ad Philippum II. Regem Lusitaniæ ; Antonius ad Summum Paulum V. destinatus. Pontifex antequam legatum admitteret , scire voluit quid afferret in mandatis , ut inde decerneret , quo apparatu esset excepturus. Cum vero libellus hæc summam continens eidem esset oblatus , quo Regis illius consilia , ac Religionis promovendæ vota aperiebantur , in hæc verba prorupit : Neque magnus Constantinus legationem institueret Christianis cœptis , & studiis plenior. Romam igitur Antonium accersivit , hominem fusco colore , sed animo candido , & ingenio admodum expedito ,

*Congi Regis legatio*

Lati-

*Congi le-  
gatus per-  
humaniter  
a Paulo V.  
exceptus.*

*Duorum  
legatorum  
obitus.*

Latine , ac Lusitane scientem , quique in tractandis negotiis adeo expromptus & versatilis erat, ut omnibus, quibuscum frequentius agebat , esset admirationi. Romam contendens in morbum incidit , & a Summo Pontifice jussus est honorentissime excipi : atque in ipsius Palatium illatus lectum habuit eo loco , quo posset ab ipso Pontifice sæpius invisi. Excellentia titulo a Pontifice , & illius jussu ab aliis donatus ; & ab eodem non raro cibus in os languentis ingestus , & potus instillatus. Mortem appetiit summa voluptate perfusus , quod in ipso Ecclesiæ capite finem vitæ fecisset. Cadaver sumptuose elatum tota vrbe , & sepulturæ impositum ex nigro marmore simulachrum , quo Antonius ad vivum exprimebatur. Petrus Olysiptone non excessit ; cumque & Regis aula , & afflatu procul esset , morbo , & miseriis confectus occubuit , quin tota hæc legatio quidquam profecerit , cum tamen esse posset non levis emolumentum ad spirituales illius Regni , & temporalem nostri quæstum. Solet enim plerumque cælestium bonorum neglectus magnam etiam inferre jacturam illorum , quæ prima mortales putant.



IN Brasilica Regione gemmarum, argenti, & auri venæ repertæ, parta ex Gallis victoria, qui in faucibus Maranhani fluvii loco peropportuno arcem extruxerant, ex qua tandem, Gaspare de Soufa Prætore, anno MDCXVI fuerunt expulsi, dux in vincula traditus, cæteris, vt in Galliam remeare possent, omnia necessaria exhibita; atque ita terra, marique alienis hominibus libera tota illa Provincia, quæ propter tranquillum portum, capacem fluvium, solum fertile, salubre cœlum, multis aliis ejusdem plagæ jure merito antefertur. Ferunt hoc eodem anno non longe a Maranhano Amazonas inventas, foeminas bellatrices, belli fortes, domi industrias a viris, quos a pueris a se ablegant, & certo tantum anni tempore vocant, omnino sejunctas. Quamquam autem Philippi tempore Batavi, Britannique piratæ, duas onerarias naves Indicas ceperint, alteram apud Insulam Divæ Helenæ; prope Lusitantiā alteram; in utroque tamen Oceano eorundem pyratarum, aliorumque hostium, multæ naves magna sæpe onustæ præda a nostris fuere ducibus strenue captæ.

*Res Brasili-  
cæ.*

*Amazones  
ad Mar-  
anham.*

ANNO MDLXXXVI naves aliquot py-  
rata-

*Insula S.  
Mariæ a  
Mauris  
capitur,  
multis in  
servitutem  
adductis.*

ratarum Argelensium, & Maurorum Hispaniensium, qui dolentes nuper se Hispania exactos, omnia infesta reddunt, Duce quodam Christianæ Fidei desertore nato in Insula Sanctæ Mariæ (quæ vna est ex Tertiis) in eandem irruerunt, & quidquid erat pretiosum cum ducentis captivis avexerunt. Putatur iuste hoc supplicium fuisse a Deo irrogatum, quod gens illa præter insulæ nomen nihil sancti haberet, nec pensi duceret nefaria in gradibus prohibitis matrimonia miscere. Cumque incolæ nec numero, nec viribus impares oppugnatoribus viderentur, a Deo deserti nuda omnia & facilia hosti reliquerunt. Hanc miseriam Rex Catholicus levare connixus est, propriis sumptibus omnes a servitute redimens. Ex iis multi jam in Lusitaniam rediere, alii cito venturi expectantur, & diligenter conquiruntur.

*Portus  
Sancti in-  
sula ab iis-  
dem pyra-  
tis diripi-  
tur.*

AVGVSTO anni insequentis iidem pyratæ superiori præda inescati in Insulam Portus Sancti appulerunt, cujus incolæ cum in præruptum, & prope inaccessible montis cacumen profugissent, & commeatibus essent instructi, nihil damni ab hostibus sunt perpesti, nec perpeterentur, nisi Mauri perfidia

ex-

expugnarent , quos ferro non poterant. Candidum enim vexillum prætendentes aliqui evexere , & quasi de fœderibus firmandis acturi centum obsides in naves induxerunt ex fortissimis , qui cæteros præsidio firmabant , eorumque ducem promissis onerantes in totam deinde Insulam licenter sunt ingressi , ex qua vltra mille captivos abduxerunt , reliquis tantum viginti , qui in spelæa densissima , & abstrusas speluncas penetrarunt. Cur ita in miseros mortales sæviatur , norit ille , cujus justitia æquior non est in beneficiis , quæ confert : quam in suppliciis , quæ permittit. Insulani enim sæpius aliorum pyratarum impetum eluserant , & duobus diebus , quibus cum hoste sunt congressi , ostendit Deus , posse se , si vellet , victoriam in eosdem deflectere , cum & foeminæ viriliter propugnauerint. Mira quædam supra naturæ ordinem in illa obsidione contigisse narratur , quibus supersedeo , quod non sint perfecte explorata.

DVM hæc atque alia per suos nulla non orbis parte , terra , marique Philippus operabatur , ipse Regni directioni , & pietati curas animi impendebat. Ergo antiquas Lu-

*Leges in  
Ordinem  
digerun-  
tur.*

fitaniæ leges instauravit , dispersasque per  
 diversos aliquot , parvosque libellos in ma-  
 ximum digessit , quod negotium publicæ uti-  
 litatis plenum pater ejus intenderat , neque  
 vero omnino ad exitum perduxerat. Et quo-  
 niam a quinque gubernatoribus Regnum ad-  
 modum difficile curabatur , vni Proregi to-  
 tam administrationem commendavit. Auxit  
 præterea iis , qui sacræ Inquisitioni deser-  
 viebant, ex redditibus Regiis stipendia, & mi-  
 nistrorum numerum , ne illorum defectu ne-  
 gotia Fidei, cujus amore flagrabat , remissius  
 agerentur. Ad hæc validissimam classem per  
 Italiæ portus cogi præcepit , qua repente  
 Cæsaream , Iubæ quondam Regiam, ( nunc  
 Argel dicitur ) invec̃ta cordi erat Mahometis  
 cultores profligare, quamquam Deo aliter im-  
 perante , longe diversum exitum res habue-  
 rit. Catholicis in Hyberniam pro vera &  
 Romana fide in Britannos pugnantibus , au-  
 xilia misit , liquide monstrans ingentem ma-  
 gni pectoris , & animi ardorem non vno so-  
 lum claudi , quamvis lato imperio , aut  
 aliis , quam terræ finibus terminari.

*Prorex  
 Lusitaniæ  
 imponitur.*

*Auri ar-  
 gentique  
 vena in  
 Monomo-  
 tapæ.*

IN Regno Monomotapæ ad extremam  
 Æthiopiam versus Indos , multæ sunt auri ,  
 argen-

argentique secturæ, omnium quas vlla vidit ætas, laudatissimæ. Ad eas Lusitanæ ditioni adjungendas, peritissimi Duces, & potentissimi exercitus a nostris sæpe Regibus ornati re infecta redierunt; Barbarorum enim fraudibus, vel veneno cibis attemperato Maurorum veneficorum suasu, occubuere. Tantam gloriam, & quæstum Deus servaverat Philippo II, cujus imperio Cuama flumen, qua illuc est aditus, multis & validis arcibus frequens, redditum; & ipsis jam venis impositum munitissimum propugnaculum, e quibus argenteæ in centenas, aureæ in totidem leucas extenduntur. Rudes utriusque metalli cespites inde in Lusitaniam inveci, & fusoriis officinis liquati & expurgati, spem immensi commodi attulerunt, si arces justo milite, & vicina oppida necessariis artificibus instruantur.

QUAMVIS ad Christianam Religionem ubique disseminandam & firmandam ii thesauri validissimi esse possint, venas alias ditiores intra ipsos Lusitanæ fines Deus Philippo referavit. Nam anno MDCXII octavo Kalendas Iunias Conimbricæ D. Elisabethæ cadaver incorruptum vultu, & colore

*Incorruptum  
trium sæ-  
minarum  
ex stirpe  
regia ca-  
davera rea-  
periuntur.*

adeo vivaci, & recenti repertum est, ac si tunc primum sepulchro illatum foret; cum in eo totos ducentos septuaginta sex annos jacuisset. Deinde anno millesimo sexcentesimo decimo septimo, septimo Idus Augusti, Aroquæ illibatum apparuit corpus Mafaldæ: nec multo post Therasiæ Lorvanii. Vtraque patrem habuit Sancium primum, Regem Lusitaniæ secundum. Quæ adeo breviter perstringo, quia de duabus posterioribus egi latius in vita parentis anacephalæosifertia, de Elisabetha latissime in octava, quam totam eidem consecravi.

*Margarita  
Austriaca  
Philippi  
uxor & li-  
beri.*

Duxit Philippus Margaritam Austriacam Caroli Archiducis filiam, naturæ cœlique dotibus excellentem scēminam, prole felicem, non partu. Nam cum ex ea liberos suscepisset, Annam Mauriciam; Mariam, cujus ortus & obitus parum distarunt; Principem Philippum Aprili mense anni supra millesimum sexcentefimi quinti; Carolum, Ferdinandum, Margaritam, aliam Mariam; ad extremum Alphonsum enixa, Rachelis obitum, cujus ad exemplum vixerat, fuit sequuta; quo populorum dolore ipsi adhuc madentes oculi attestantur, ipsa desi-

*Margari-  
ta imma-  
turus obi-  
tus.*



desideria , & gemitus , quæ amissum virtutis exemplum , boni communis appetentiam , dilatandæ Fidei amorem etiam nunc omnes probi jure suspirant. Et quamquam illa moriens Rachel extitit , Alphonsus Benjamin non fuit , qui non longe a matris obitu raptus , & suorum , qui in lacrymas erant superstites , vnicum solamen ademit. Anna Mauricia Ludovico nupsit Galliæ Regi hujus nominis XIII. Matrimonium Burgis xv Octobris anni millesimi sexcentessimi decimi quinti per legatos celebratum. Quo item die per procuratores Philippus Hispaniæ Princeps Elisabetham Borbon jam ejusdem Ludovici sororem duxit Burdigalam. Quinto die Novembris ejusdem anni utrique marito uxores hinc inde traditæ , in quam rem Ludovicus ipse cum matre Regina Burdigalam venit ; Philippus Fontem Raviæ : ibique omnia magno utriusque partis consensu , magna gloria ( quod in suam Deus fecundet ) fuere peracta.

ANNÆ confecto matrimonio , Margarita soror ad nuptias agni nondum peracto septennio vocata est , Rege præ desiderio ingemiscente eripi sibi tam cito tam charum

*Philippi  
Julia Ludovico XIII  
Galliæ Regi data.*

*Philippi  
Principis  
nuptiæ.*

*Margarita  
filia  
interitus.*

pignus, quo Margaritæ vxoris, quam filia non solum nomine, sed ore ac virtutibus referebat, iusta desideria solebat, si non omnino fallere, saltem aliqua ex parte temperare. Quoniam vero Regina inter alia pietatis officia, & magnificentiæ opera testamento legavit, vt ex suo mundo muliebri Patribus Societatis IESV Salmanticæ Collegium extrueretur, ipse non solum fautor, sed operis cum illa auctor haberi voluit; jamque vectigalia, & redditus, partemque ædificii eo perduxit; facile vt appareat, ipsum Lusitanorum Regem erga Societatem animos induisse, quorum ea fuit in eam propensio, vt primis quinquaginta annis ab ipsius in vrbe ortu nullum penitus in tota Lusitana ditione collegium erectum fuerit, cui non ipse totam, vel saltem non mediocrem manum, & impensas admoverit.

*Margarita Salmanticæ Collegium Societatis fundat.*

*Hispanorum erga B. Virginem pietas.*

ILLVD vltimo addiderim, quod Catholici Philippi Religionem, & in beatissimam cœlitum Reginam regiam pietatem, omnibus satis notam, vltimo prodidit. Toti Hispaniæ intemeratam Deiparæ sanctimoniam tueri adeo semper cordi fuit, vt nulli vnquam genti cura potior extiterit; quem a  
pri-

primis nascentis Ecclesiæ cunabulis quasi hæreditario a maioribus acceptum, & innumeris almæ Virginis beneficiis contestatum pertinaciter semper animum retinuimus. Recens igitur levi de causa, vt plerumque etiam in maximis rebus vsu solet evenire, ea in omnium animos cœlitus, vt existimo, mens & pietas pervasit, vt etiam rudes, etiam pueri balbutientes, & vix Christianæ Fidei rudimentorum periti, & publicis sermonibus, atque trivialibus cantilenis, & privatis conventibus ab omni originalis maculæ labe purissimum Deiparæ conceptum immunem fuisse profiteantur. Tantæ pietati non modo favit, sed ducem etiam se ac patronum Rex præstitit, missis ad Summum Christi Vicarium legatis, qui suis verbis enixe obtestarentur, vt tamquam indubitatum Fidei dogma id Catholicis omnibus amplectendum declararet, quod jam ex parte, missis a Summo Pontifice litteris, quibus oppositum populo in concionibus proponi, aut publicis in disputationibus defendi severissime interdicitur, magna omnium lætitia & publico populorum plausu, factum gratulamur; quæ pietatis desideria quantum

*Philippus  
a Summo  
Pontifice  
contendit,  
vt Virgo  
sine Originali peccato  
concepta  
teneatur.*

*Cum Anglicanis  
sentiant,  
qui Virgine  
Originali peccato  
contaminatam  
seruant.*

communis hostis evertere conatus sit, illud mihi satis indicat, quod in Anglia ex pestilentiae cathedra originis labe infectam fuisse Deiparam hoc ipso tempore promulgarit. Adeo Catholici Regis animus vel in iis, quae indubitata adhuc apud plurimos non statuuntur, in pietatem, & Sanctissimæ Virginis obsequium propendet! Et ne impietati Religio cedere videatur, sedulo a Pontifice impetrare nititur, ut nulli Catholico hac in re Summæ Dei parentis puritati, & absolutissimæ sanctimonix detrahere integrum aut liberum sit.

SED pietatis cura numquam animam ejus a bellicis expeditionibus ita avertit, ut illas formidaret, sed æquitatis ratione habita, quam imperandi cupidine eas suscepit. Cujus rei locuples nuper exemplum Italia dedit. Turbæ in illa erant ob Montis Ferratenfis ditionem, quam Sabaudix Dux armis sibi vindicabat. Philippus recte tenacissimus, nullis affinitatis vinculis permotus, Mantuani Ducis causam suscipit. Sabaudium Vercellis post acrem obsidionem aliisque oppidis exiit, & cum univèrsa Pedemontana regione illum mulctare posset,

Ita-

Italiæ quietem prætulit, & capta loca regia liberalitate restituit; raro corruptissimi hujus ævi exemplo, quo per fas aut nefas imperii sui limites quisque dilatare fatagit. Quod si exemplum hoc in pectus suum dimisisset Fredericus Comes Palatinus, non arderet nunc Germania domestico bello, non lugeret tot hominum millia cæsa, tot devastatas regiones. Is siquidem prava regnandi libidine incitatus, Bohemiæ regnum Ferdinando Imperatori perduellium conspiratione eripuit. Sed Philippus tantam injuriam familiæ Austriacæ illatam non dissimulat. Victricia arma in Germaniam vertit, Palatinum profligat, Bohemiam, Moraviam, Sileciam, Imperatori restituit, & Palatini avitas ditiones occupat, conjuratorum Principum vires dissolvit, & Ecclesiæ impendentem ab Hæreticis tempestatem avertit. Sed Reipublicæ Christianæ commodis invigilanti mors immatura intervenit, Pridie Kal. Aprilis anno Christiano MDCXXI, qui ut summa semper religione vixit, ita etiam religiosissime inter Sanctorum ministros & salutare voces spiritum Deo reddidit ætatis suæ quadragesimo tertio.

*Philippi  
statura.*

ERAT Philippi Majestas facilis, comi ac  
jucunda præsentia amabilis, flavi crines,  
glauci oculi, crassum os, rubrum suaviter,  
corpus apta compositione decorum, non ni-  
mis exile, aliquantulum parvum.

Ad Philippum II.

**F**ortuna & pietas certant, Rex maxime, quænam  
Sit magis in titulos officiosa tuos.

Sors memorat titulos, memorat regna addita re-  
gnis,

Bellaque felici tam bene parta manu.

Enumerat pietas animi ornamenta, favores  
Sive tuos Mavors, sive Minerva tuos.

Pectora tam miris exornat honoribus; ut sint  
Quæcumque Augusto dona minora sinu.

Vincis Alexandrum donis, gravitate Catonem,  
Virtute Annibalem, religione Numam.

Non homines solum ditant tua dona, sed ipsos  
Dona tenent superos, si tamen illa tenent.

Quid referam augustiis cumulata altaria donis?

Quid referam Augusta templa dicata manu?

Magna etenim fortuna dedit, maiora profecto  
Dona tamen pietas fundit utraque manu.

Fortuna in terris, pietas dominatur in Astris.

Maior eris, quanto est fidere terra minor.


P H I-







PHILIPPVS PORTVGALLIÆ REX XX.ETC.



# PHILIPPVS III.

## LVSITANIÆ

## REX XX.

---

### ANACEPHALÆOSIS XXIV.

**H**Ac augustioris specie, & forma imperio digna Philippus IV. Hispaniarum, Lusitaniæ vero III. Rex conspicitur. Is octavo mensis Aprilis anno MDCV in lucem prodiit, & defuncto patre Regni habenas ætatis anno XVI suscepit, tanto populi applausu, ut Deus ex machina videretur descendisse, qui accisis Hispaniæ rebus præsentaneam opem ferret. Nec immerito quidem! Totenim prudentiæ signa in tenella hac ætate, & lætissimo regni ejus exordio eluxerunt, ut augurari liceat non defuturam illi, postquam annis adoleverit, Philippi patris bonitatem, aut Philippi II. prudentiam, vel Caroli V. summam felicitatem. Quidquid enim ad regnorum suorum quietem, & ornamentum provideri potuit, id omne prudentissimorum virorum consilio statutum fuit

*Philippi  
crinus &  
indoles.*

fuit. Tales enim sibi administros legit, qui  
 salutariis monitis fluxam ejus ætatem sta-  
 biliant, apud quos nihil venale, nihil am-  
 bitioni pervium; incorrupti enim consilarii  
 maximum boni imperii instrumentum. So-  
 spitent te pia Numina, Magne Rex, & mul-  
 tos annos incolumem servant, ut rempublicam  
 iisdem consiliis geras, quibus illam suscipisti.  
 Ita populis tuis felicissimum statum, tibi-  
 que immortalem gloriam conciliabis.

---

Ad Philippum III. Lusitanix Regem.

**D** Elicias præfert tua frons, tua mitis imago,  
 Æmula sideribus lumina, labra, genæ:  
 Insperæ super ora nives, quas inficit ostrum:  
 Grata supercilii gratia, lætus honor.  
 Mellia vix, dulci quæ pectore funditur, undant,  
 Vnde magis siculis dulcia verba faves.  
 Gratius ingenium quam nectar dulce, liquorque  
 Ambrosiæ, Divum qui cibus esse solet.  
 Talem te mitis finxit clementia, qualem  
 Supplicii timidus te reus esse cupit.  
 Quæcunque in summo poscuntur Principe dotes,  
 Ars, natura, tibi tum Deus ipse dedit.  
 Plus in te haud posco; tantum desiderio Princeps,  
 Tot bona sint populis & diuturna tuis.

XXXXXXXXXXXXXXXXXXXXX  
 DVCEs, COMITES, ET  
 MARCHIONES,  
 QVOS SINGVLI  
 REGES  
 CREAVERT.

---

SANCIVS I.

COMITEM creavit Mendum Soufanum,  
 Alphonfi Henricii ex notha filia The-  
 rasia, aut, vt alii malunt, Vrraca prone-  
 potem, Gondiçali a Soufa, & Vrracæ San-  
 ciæ filium; a quo fonte illustrissima Soufa-  
 rum familia dimanat.

---

ALPHONSVS III.

NOTHAM filiam Eleonoram Portugal-  
 lensẽ nuptui tradidit Garciz a Scu-  
 fa summo Dynastæ, quem Comitis dignita-  
 te amplificavit.

## DIONYSIVS.

*Barcellos.*  
*Albu-  
querque.* PETRUM, qui de nobilitate Lusitaniæ  
librum edidit, & Alphonsum Sancium,  
quos extra legitimum thorum filios genuer-  
at, Comites instituit; illum Barcellorum,  
hunc Albuquerquei.

MARTINUM Gilium a Soufa Antesigna-  
ni, seu Vexilliferi majoris, ornamento co-  
honestavit.

## PETRVS.

COMITEM Barcellorum dixit Ioannem  
Alphonsum Tellium, sibi acceptissimum  
Equitem, fratrem Martini Alphonfi Tellii,  
cujus postea filiam Eleonoram Rex Fernan-  
dus duxit uxorem.

## FERNANDVS.

*Neiva.*  
*Farã.*  
*Ceã.*  
*Cintra.* GONDIÇALO Tellio Reginæ Eleonoræ  
fratri dedit comitatum Neivæ, &  
Faræ; Henrico Emmanueli, eorundem  
germano, Ceæ, & Cintriæ.

IOAN-



IOANNEM Fernandium Anderium, Ourenii Comitem nominavit. *Ouren.*

Vianæ, Ioannem Alphonsum Tellium Ioannis Alphonfi Barcelensis Comitis filium, Petri Menesii primi Septæ Ducis, & Vianensis Comitis, ac domus Villæ Regalis, parentem. *Viana de Cambra.*

Arrayolensem Comitem nuncupavit Alvarum Pirium a Castro, & Lusitanæ Comitem stabilem, summumque Olyssipponensis arcis custodem (vulgo dicitur Alcaide mor.) Hic Brigantinæ domus caput est; ab illo enim sanguinem sumpsit Ioanna a Castro, Ferdinandi II. Ducis Brigantini vxor. *Arrayolos.*

Mariscalis dignitas ab eodem Rege attributa fuit Gundicælo Vazæo Azevedio, Francisci Piresii Prioris cœnobii S. Crucis Conimbricensis filio.

## IOANNES I.

PRINCIPES Petrus & Henricus a Parente nominati sunt Duces; ille Conimbricæ, hic Visei. *Coimbra.*

NONIUM Alvares Pereriam, Regni Comitem stabilem, Comitem Arrayolensem, Ouren-

*Viseu.*

Ourensem , & Barcellensem instituit.

*Valença  
do Minho.*

ALPHONSVm ex pellice filium Rex ipse ,  
Nonii filiae matrimonio conjunctum , No-  
nio id vltro concedente , Barcellorum Co-  
mitem creavit , Alphonsumque ex eodem  
nepotem , Comitem Ourensem , & Valen-  
tiae Marchionem ; quibus titulis ( nam im-  
mature decessit ) & Arrayolensi successit  
ipsius frater Ferdinandus.

*Villa-  
Real.*

PETRVs Menesius Comes Villae Rega-  
lis institutus.

## EDVARDVS.

PRINCIPEM Ferdinandum , legitimam  
prolem , Visei Ducem creavit , Ordini-  
um Christi & S. Iacobi Magistrum , ac  
Regni Comitem stabilem.

*Beja.*

PATRI Ferdinando , vltra Pacis Iuliae  
Ducatum , successit in Vifensi , & Ordinum  
Magisterio , Ioannes natu major.

IOANNIS vita functi titulos frater ipsius  
Iacobus obtinuit , vnum si demas , S. Iaco-  
bi Magisterium , quod collatum fuit Principi  
Ioanni , qui postea Rex fuit , ejus nominis II.

PRINCEPS etiam Emmanuel quarto loco  
editus

editus (nam tertius Eduardus intempestivo funere elatus est) Pacis Iuliæ Ducem egit. Is fuit postea Rex fortunatissimus Emmanuel.

EXTINCTO Ferdinando, Villæ Regalis Comite, datus titulus Ferdinando Noroniæ ipsius Genero.

## ALPHONSVS V.

PETRO Principe Regnum administrante vice Alphonfi nepotis ex fratre, adhuc impuberis, anno MCCCCXLII primus Briggantii Dux vocatus fuit Alphonfus Comes Barcellensis, cum Eduardus Briggantii Dynasta, nullo hærede relicto, obiisset.

*Bragança;*

EIDEM postea Rex Alphonfus addidit Vimaranum; & urbem Portuensẽ adjungere destinabat, nisi cives obstinate detrectarent.

*Guimaraes.  
Porto,*

ALPHONSVM Briggantini Ducis filium, cum Imperatricem Eleonoram ad Fredericum deducturus esset, Comitem Ourenii & Valentiaẽ Marchionem instituit an. MCCCCL. Hic pater fuit Alphonfi Episcopi Eborensis, a quo fluxere procures Vimiosenses.

VIVENTE Alphonso, primo Brigantii Duce, obiit Alphonfus filius, de quo proxime locuti sumus, Nabantii an. MCCCCXLX, & parenti successit natu minor Ferdinandus, is qui a Ioanne I. Ourenii, & Arrayolorum Comes, Valentiaëque Marchio fuerat creatus.

*Villa Vi-*  
*çosa.*  
*Alcacer*  
*Quibir.*  
HUIUS Ferdinandi filius senior Ferdinandus Comes Vimarani, & Marchio Villæ Viçosæ creatus est a Rege ex Africa, & expugnatione Alcaceris Quibirii redeunte. Cum vero Ferdinandus idem, vivo parente, Isabellam Ferdinandi Principis filiam uxorem duxit, ejusdem Vimarani Dux fuit appellatus.

*Monte*  
*mer o nte*  
*vu.*  
HUIUS Ferdinandi, tertii jam Ducis Brigantini, filium Ioannem natu majorem evexit in Comitem stabilem, & Ducem Montis maioris novi.

*Faro.*  
SECUNDVM ejusdem Ducis filium Alphonsum Comitem Farensem inauguravit, a quo domus Odemirensis exordium cepit.

*Serpa.*  
*Micura.*  
FRATRI suo Principi Ferdinando, qui Magni Regis Emmanuelis pater fuit, Pacem Iuliam, Serpam, & Mauram attribuit.

CON-

CONSANGVINEVM suum Alphonsum Vasconcellium , Alphonfi primi Ducis Brigantini pronepotem , Petri Regis abnepotem , Penelæ Comitem creavit Olyssipponne anno MCCCCLXXI. *Penelæ*

HENRICO Menesio, Eduardi Menesii filio, Comiti Vianensi, Vianam abstulit; sed postea Valentix , & Loulei Comitem instituit. *Loulé.*

IOANNEM Coutinium Marialvæ Comitem creavit , & postea quod nullos liberos reliquerit , Franciscum ipsius fratrem. *Marialva.*

ALVARVM Castrium , qui sibi primus erat a cubiculo , Comitem Montis Sancti. *Monforte.*

LVPVM Albuquerqueium , inter cubicularios etiam maximum , Comitem Penamajoris. *Penamaior.*

PETRVM Menesium Comitem Cantanhedii. *Cantanhede.*

PETRVM Alvarum Sotomajorem Comitem Caminix. *Caminha.*

LVPVM Almeidam Comitem Abrantensem. *Abrantes.*

ALVARVM Gondiçalum Ataidium Comitem Atouguix. *Atouguia.*

FERDINANDVM Noronix Comitem Odemiriz. *Odemira.*

*Feria.* RODERICVM Vafæum Pereriam Comitẽm Feriæ.

*Arganil.* IOANNEM Galvanum Episcopum Conimbricenfem Comitẽm Arganilẽsem, qui titulus immobilis est in iis Episcopis.

*Olivẽça.* RODERICVM Melium, maximum Regis custodem, Comitẽm Oliventiæ.

*Villa Nova da Cerveira.* LEONELEM a Limia, Vicecomitem Villæ Novæ da Cerveira, & summum custodem Pontis Limiæ. Hujus Filium Ioannem a Limia Rex Emmanuel Vicecomitem, & summum custodem Pontis Limiæ.

*Ponte de Lima.*

*Alvite.* IOANNEM Sylverium Baronem Alvitensem. Hic legatus Eleonoram deduxit ad Imperatorem Fredericum, a quo Romæ ad D. Petri equestribus ornamentis auctoratus fuit juxta effigiem vultus Christi Domini, quæ dici solet, Veronica.

*Atalaya.* PETRVM Vafæum Melium Comitẽm Atalayæ.



---

 IOANNES II.

**E**MMANVELEM, Principis Ferdinandi filium, Ducem pacis Iuliæ creavit.

GEORGIVM, filium suum nothum ex Anna Mendocia, Ducem Conimbricæ, Dominum Turrium Novarum, & Averii; S. Iacobi, atque Avisii Magistrum; hæredemque omnium, quæ fuerant a Petro Principe relicta.

*Torres nova.  
Aveiro.  
Avis.*

PETRYM Menesium, qui apud Septam Ducis officio fungebatur, instituit ex Comite Marchionem Villæ Regalis, & Comitem Ourenii anno MCCCCLXXXIX.

VASCVM Coutinium Comitem Borbæ, cujus posterii nunc Comites sunt Redondi.

*Borba*

*Redonda.*

---

 EMMANVEL.

**P**RINCIPEM Ludovicum filium Ducem Pacis Iuliæ, Dominum Septæ, Mauræ, Covillanii, Almadæ, & Cratensis Prioratus administratorem creavit.

*Covillã.  
Almada.  
Crato.*

ALPHONSVM, fratris sui Iacobi Ducis

no-

630 DVCEs COMITES ET MARCHION.

nothum , Ducem Visei , & Regni Comitem stabilem.

IACOBO , ( vulgo Dom Iaimes ) Ducis Ferdinandi cæsi filio , ab exilio restituto publicata paterna jura reddidit , & Brigantini Ducis titulum.

TITVLOS omnes Principi Georgio, Duci Conimbricensi, a patre Ioanne II. concessos confirmavit.

EIVSDEM Georgii hæredem Ioannem Lencastrium instituit Marchionem Turrium Novarum.

*Alcoutinbo.*

FILIOS natu maximos Marchionum Villæ Regalis , Comites Alcoutinii.

SANCIO Noroniæ avitam Odemirensis Comitis dignitatem reddidit.

*Prado.*

PETRVm a Soufa, Ioannis Menesii successorem , creavit Comitem Prati.

*Portalegre.*

IACOBVM Sylvium Pædagogum suum Comitem Amææ.

*Tarouca.*

IOANNEM Menesium , maximum œconomum , Comitem Taroucæ.

*Vidigueira.*

VASCVM Gamam Comitem Vidigueiriæ , & maris Indici Almirantem.

*Villa nova de Portimã.*

MARTINVM Albicastrium Comitem Villæ novæ Portimanensis.

Ro-

RODERICVM Melium Comitem primo Tentugalis, deinde Marchionem Ferrieræ. *Tentugal. Ferreira.*

ALPHONSVM Portugalensem Comitem Vimiofi. *Vimiofi.*

ANTONIUM Noroniam Comitem Linariensem. *Linhares.*

DIDACVM Pereriam Comitem Feriæ.

### IOANNES III.

EDVARDVM, Eduardi Principis filium, Ducem Vimarani creavit.

THEODOSIVM, Brigantini Ducis filium, Ducem Barcellesem.

IOANNEM Lencastrium, Georgii Principis, & Ducis Conimbricensis filium, qui jam erat Marchio Novarum Turrium, Ducem Averii.

LVDOVICVM Silveriam, Comitem Sortellæ. *Sortelha.*

ANTONIUM Attaidium Comitem Castanariæ. *Castanheda.*

---

S E B A S T I A N V S.

**S**IMONEM Gondiçalum a Camara Cathetæ Comitem creavit.

LVDOVICO Attaidio Atouguixæ Comitatum redonavit.

DIDACO Sylverixæ Comitatum Sortelixæ.

---

H E N R I C V S.

**D**VO Comites, quos instituere decreverat, exitum non sunt affecuti.

---

P H I L I P P V S I.

*Matosin-  
bos.  
Penaguil-  
ab.*

**F**RANCISCVM de Sá creavit Comitem Matosinii, & Penaguionis.

*Basto.*

FERDINANDVM Castrium Comitem Basti.

*Villa  
d'horta.  
S. Cruz.*

FRANCISCVM Mascareniam Comitem Villæ Hortensis, qui nunc dicitur S. Crucis.

*Sabugal.*

EDVARDVM Albicastrum Comitem Sabugalis.

*Idarba.*

PETRVM de Alcaçova Comitem Igæditæ.

CHRI-

CHRISTOPHORVM a Maura Comitem *Castel Roderigo.*  
Castelli Roderici.

FRANCISCVM Emmanuelem Comitem *Atalaya.*  
tem Atalayæ.

RODERICVM Gondiçalum a Camara *Villa Franca.*  
Comitem Villæ Francæ.

MARCHIONI Villæ Regalis titulum Ducis ejusdem oppidi adjecit.

IN Ioanne Gondiçalo Ataidio Atouguia Comitatum suscitavit.

IN Emmanuele Albicastro Villæ Novæ.

IN Ferdinando Noronia Linarii.

IN Ioanne Pereira Feriæ.

IN Ludovico Menesio Tarouçæ.

IN Antonio Castro Montis sancti.

HÆREDEM Ducis Averii, jam Marchionem Turrium Novarum, Ducem earumdem nuncupavit.

## PHILIPPVS II.

CHRISTOPHORVM a Maura, Castelli Roderici antea Comitem, creavit Marchionem.

EMMANVELEM Cortereal, ipsius Christoforo-

634 DVCEs COMITES ET MARCHION.

*Lumiæres.* stophori filium , Comitem Lumiarensem.

*Villa flor.* LVDovicVM Henriques Comitem Villæ floris.

*Castel Melhor.* RODERICVM Mendesium Vasconcellium Comitem Castelli melioris.

*Miranda do Corvo.* HENRICVM a Souza Comitem Mirandæ.

*S. Ioão da Pesqueira* LVDovicVM Alvarum a Tavora Comitem S. Ioannis a Piscaria.

*Vimieiro.* FRANCISCVM a Faro Comitem Vimieiri.

*S. Luiz.* STEPHANVM a Faro Comitem S. Ludovici.

*Alemquer.* DIDACVM Sylvium Marchionem Ierabricæ.

*Ficalbo.* IOANNEM Borgiam Comitem Ficallii.

IN Ludovico Sylveria Sorteliæ Comitatum fuscitavit.

IN Ludovico Portugallensi Vimiofi.

IN Simone Gondiçalo a Camara Cathetæ.

IN Francisco de Sá Penaguionis,

IN Petro Menesio Cantanhedii.



QVOT NVNC , ET QVORVM OPPIDORVM  
TITVLI EXTENT.

## DVCEs.

## MARCHIONES.

*De Bragança**De Villa Real**De Aveiro**De Ferreira**De Barcellos**De Castel Rodrigo**De Torres novas**De Alemquer.**De Caminha.*

## COMITES.

*De Monsanto**De Sortelha**De Cantanhede**Da Castanheira**D' Atouguia**De Penaguião**D' Odemira**De Basto**Da Feira**De Santa Cruz**D' Arganil**Do Sabugal**De Portalegre**Da Idanha**De Tarouca**D' Atalaya**Da Vidigueira**De Villa franca**De Villa nova de Por-  
timaõ.**De Ficalho**De Lumiares**Do Vimiõso**De Villa flor**De Linhares**De Castelmelhor**Do Redondo**Do*

# 636 DUCES COMITES ET MARCHIONES.

*De Miranda do Corvo Do Vimieiro*  
*De São João da Pes- De São Luiz.*  
*queira.*


*VICECOMES. BARO.*  
*De Ponte de Lima. D' Alvito.*

## FINIS TOMI I.

---

### *Errata notabiliora corrige.*

Pag.	5	lin. 5	videret	videre
	64	lin. 20	infani	infandi
	75	lin. 12	Gryo	Grijó
	78	lin. 20	tebet	debet
	104	<i>in n. marg.</i>	patris	fratris
	127	lin. 1	septuagesimus	sexagesimus
	140	lin. 6	octogesimum	sexagesimum
	155	lin. 21	privilegiis	pervigiliis
	208	lin. 19	singulum	cingulum
	213	lin. 14	MCCCLXXVII	MCCCLXVII
	549	lin. 22	liberos	libros
	620	lin. 24	desiderio	desidero



THE UNIVERSITY OF CHICAGO

DEPARTMENT OF THE HISTORY OF ARTS  
AND ARCHITECTURE

RECEIVED  
JAN 10 1964

1964-1965

LIBRARY OF THE HISTORY OF ARTS

1964-1965

